





j. B. Keijnoogen

BX

2349

.D74

1715

JESUITICA

H. DREXELII.

UPPER LIBRARY.

S. J.

ASCETICAL WORKS.

SALOMON

REGUM

SAPIENTISSIMUS

SCRIPTAS

MORALI DOCTRINA

ILLUSTRATUS.

OPERUM

TOTUS XXVI

COLONIAE DOMESTIC

Apud BALTHASAREM
LIBRARY
ab EGMOND.

MDCCLXV.

HIGH SCHOOL

248.11

J. BREXELL

SALOMON

REGUM

PIENTISSIMUS

DESCRIPTIO

NORRIS DOCTRINA

OTIS ULM

TO THE

COLLEGE

OF THE

UNIVERSITY

OF THE

STATE

SALOMON
REGVM
SAPIENTISSIMVS
DESCRIPTVS
 et morali doctrina
 illustratus
 à R. P. **HI EREMIA**
DREXELIO
SOC: IESV,
Ex posthumis Tabellis Se-
ptimus et postremus.



ANTVERPIÆ.

Apud Viduam et Hæredes Ioannis Cnobbari. A. 1652.

SERENISSIMO PRINCIPI
DOMINO, DOMINO

PHILIPPO

GUILIELMO,
COMITI PALATINO

RHENI, BAVARIÆ, JULIÆ,
CLIVIÆ, ET MONTIUM DU-
CI, COMITI VELDENTIÆ,
SPONHEMII, MARCHIÆ,
RAVENSPURGI ET
MORSÆ, &c.

DOMINO IN RANEN-
STIEN, &c.

N E C N O N

SERENISSIMÆ PRINCIPI
DOMINÆ, DOMINÆ

ANNÆ CATHARINÆ,
CONSTANTIÆ COMITI

PALATINÆ RHENI, BAVA-
RIÆ, JULIÆ, CLIVIÆ ET MON-
TIUM DUCISSÆ, COMITIS-
SÆ VELDENTIÆ, SPON-
HEMII, MARCHIÆ, RA-
VENSPURGI ET
MORSÆ, &c.

DOMINÆ IN RAVEN-
STEIN, &c.

POLONIÆ AC SUECIÆ
PRINCIPISSÆ NATÆ, &c.



D quem de cunctis po-
pulis, & universis re-
gibus terræ veniebant,
ut audirent sapientiam ejus; en;

DEDICATIO.

ad vos nunc ipse venit, Serenissimi Principes, magnus ille Salomon; præcedens sapientiam omnium Orientalium & Ægyptiorum: sapientior Ethan Ezrahite, & Heman, & Chalcol, & Dorda, filiis Mahol: nominatus in universis gentibus per circuitum: Salomon locutus tria millia parabolas, carmina quinque millia; disputans super lignis à cedro, quæ est in libano, usque ad hyssopum, quæ egreditur de pæriete. Hujus regis vitam, stylo P. Jeremiæ Drexelii descriptam, vobis, Serenissimi Principes, humillimè dedicamus. Duo libelli sunt: in quibus, velut duabus tabulis calamo vel penicillo potiùs, boni maliqûe Regis, viventis ac mortui faciem, Asceta noster expressit.

Al-

DEDICATIO.

Alteram amabilem ac decoram :
foedam & horribilem alteram.
Simul aspexeris primam , Phi-
lippe Guilielme Dux, pulcher-
rimam illam ; exclamabis cum
Rege Sidoniorum Hiram : *Be-
nedictus Dominus Deus , qui
dedit David filium sapientissi-
mum , super populum plurimum ;*
neque nulla agnosces, tanquam
in speculo, lineamenta tui vul-
tûs. Videbis Salomonem mo-
destum , industrium , libera-
lem , hospitalem , clementem,
magnificum , justum , sapien-
tem , pium , imò pientissi-
mum : augustam profectò fa-
ciem, & Imperio dignam, quip-
pe efflorescentem iis coloribus,
quos & tuus Animus , Philip-
pe, imbibit , tenaciùs utique
retinendos , quàm Salomo-

D E D I C A T I O.

nis. Longè siquidem diversum altera tabella proponit : ex modesto luxuriosum , & industrio inconstantem , ex liberali prodigum , ex hospitali avarum , ex clemente superbum , ex magnifico inglorium , ex justo injustum , ex sapiente fatuum , ex pio idololatram & magum , ex vivo mortuum. Heu qualis vultus , quantum mutatus ab illo priorre ! Non ad talem venit Regina Saba : sed talis ad te mittitur , ô regia Jagellonidum Progenies , Anna Catharina Constantia. *Regina Austri mirata est sapientiam Salomonis , obtulitque aromata , qualia non fuerunt , ut hæc , quæ dedit Regina Saba Regi Salomoni.* Tu quæ à Septentrione processisti , mirare fatuitatem prostrati Senis ; expedi
aro-

DEDICATIO.

aromata virtutum tuarum *multa nimis & odora valde*; earumque fragrantia Hebræi cadaveris pelle foeditatem. An fortasse dubitas, & fidem nobis adhibere cunctaris? Perlege secundum librum, & dices: *verus est sermo, quem audieram, non credebam narrantibus; donec ipse venissem, & vidissem oculis meis, & probassem, vix medietatem mihi fuisse narratam.* vicit famam vitiis suis ac stultitiâ suâ. Quodd si, Serenissima Princeps, intellexeris, verissimum Christi typum, dedisse maculam in gloriam suam, tam turpem, ut vix amplius agnosci possit; difficilius verò Salutis æternæ certam notam inveniri: quandoquidem de hac Docti disputant, plerique negant, pii gemunt, omnes

DEDICATIO.

timent. Hæc, si tu pro singulari prudentiâ tuâ, diligenter expenderis ; forsitan præ stupore non erit ultra in te spiritus : certè in omni timente Deum, & cogitante, quam mirabilis sit in consiliis super filios hominum. Liceat ista, Serenissimi Conjuges, sub auspiciis Nominis vestri pluribus evulgare. Intelligat universus Orbis, & Fortunæ bona sine virtute esse nulla : & virtutes sine constantiâ non coronari. Monachii Bojorum 30. Augusti Anno MDC. XLIII.

Serenitatibus Vestris

Devotissimum Collegium

Societatis J E S U


Monachii.

SALO-

SALOMON JUSTUS.

CAPVT I.

Salomon Modestus.

ALOMON humanæ & sapientiæ & stultitiæ prodigium, cùm annum ageret decimum nonum, iussu parentis David in regem unctus est, tamen si non fuerit primogenitus. Hoc juris Absaloni fratri competebar, & ab eo Adoniæ. Si Tiraquello credimus, jus omnium gentium est, ut primogenitus patri succedat in regno. (a) Artabazanes Darii filius, natu maximus, quod Iustinus memorat, ætatis privilegio regnum sibi vendicabat, quod jus & ordo nascendi & natura ipsa gentibus dabat. (b) Hebræi hac in re aliquantulum singulares: nam ab uno filiorum etiamnum vivente jus regni aut primogeniti transferebatur ad alterum. Sic ab Esau ad Iacob, à Cain ad Sethum transiit. Jus istud transfèrendi potestatem

A 5

habuit

(a) *Tiraquel. de jure primogen. in pref. à n. 19.*

(b) *Iustin. l. 2. hist. mihi pag. 32.*

habuit pater, qui filiorum indolem & ingenium considerans, prudentiæ, fortitudinis, sapientiæ semina in iis spectabat, & ex eâ notitiâ regnum ei vendicavit, quem filiorum dignissimum censuit. Alioqui quod Aristoteles docet, jus naturæ filios omnes patri successores constituit. (a)

Iustus Lipsius vir ævi sui Phœnix in utramq; partem eruditè disputat, successio an Electio melior. Demum successionem Electioni præfert. (b) Deus in gubernando populo suo, hanc esse voluit mixturam ac temperiem, ut non successionem solâ, nec solâ etiam electione daretur regnum. Voluit patri liberos succedere, sed ut pater eligeret aptissimum. Nec tamen omnem omnino potestatem pater eâ in re habuit. Deus non primum tantum, sed & potissimum regis eligendi suffragium sibi retinuit. Ergo aut fortis, aut vatis, aut ipsius Dei sententia expectanda. Vox populi sola jus regni dare non potuit, sed ejus possessionem promovere. Salomon non tantum parentis David voluntate, sed Dei decreto in solium evehctus est. Hunc volo, agebat Deus. Hoc Adonias perdidit superbiâ. Ita Salomon tã successionem quã Electionem rex confirmatus est, quia non tantum regis David filius, sed etiam à Deo electus. Hunc res successum habuere.

Hic igitur explicabimus, quomodo Salomon inauguratus sit. Et quia Salomonem Iustum ex asse descripturi sumus, initium dabimus huic rei hoc capite, in quo

Salom-

(a) *Arist. l. 7. & hic.*

(b) *Lipsius l. 2. Monit. polit. c. 3. & 4.*

Salomon modestus, seu, humilis se spectandum sistet.

S. I.

I. Ad eligendum Salomonem & ungendum omnes Hebrææ Reipublicæ ac regni ordines convocati. Rex prudentissimus David, ut omnia tranquillius peragerentur, corporis sui custodiam, legiones Cerethi & Phelethi, satellites ac stipatores regios adjunxit. Hos inter Nathan Propheta, & Sadoc sacerdos eminebat. Adonias Salomonis frater ambitiosissime sceptrum quaritans, Ioabum belli ducem & Abiathar sacerdotem mox gradu movendos secum habuit. Nathan à parte Salomonis stetit ut interpret & testis divinæ voluntatis, qui sane defuit Adoniæ, quem illa Oseæ querela ferit: Regnaverunt & non ex me. (a) Electio regis, principis, Præfulis nulla est, si divinæ voluntatis interpretes defint.

2. Vinctum ergo Salomonem imposuerunt super mulam regiam & adduxerunt in Gihon. Mulos alere Hebræis vetitum. Nemini fas talem equum insidere nisi regi. Et fuerunt certe regii equi qui alium neminem receperunt sibi, nisi suos dominos, uti Bucephalus Alexandrum solum. (b) Talem equum & Caesar dictator habuit. Narrat Gregorius Magnus, Ioannem Hetruscum Pontificem qui vitam morte clausit pro Christo obita, ad Iustinum Imperatorem ivisse Constantinopolim. Huic in itinere vir pri-

(a) *Os. cap. 8. vers. 4.*

(b) *Plin. l. 8. Nat. hist. cap. 42.*

primas suæ conjugis equum mitissimum, oviculam, concessit, sed confectâ viâ remittendum, ubi alius substitui posset. Remissus est equus. Hic ubi ad dominum rediit, eam induit ferociam, ut erectâ corporis agitatione suam dominam semper rejiciens tergum ei præbere recusarit, tanquam dignaretur mulieri servire, ex quo summus antistes Christi vicarius in eo sedisset. Quocirca equus ad Pontificem reductus est in domum. Ita Rex Salomon in equo parentis rex salutatus est.

3. Secuta unctio, quam sacer vates his verbis expressit. Oleo sancto meo unxi eum. (a) O' eum appellat sanctum, quia sumebatur è tabernaculo. Consecrabatur autem & renovabatur statim temporibus. Unguentum erat opere myropolæ pretiosissimum. Eo reges non tam unguebantur quàm perfundebantur unguentario vase in caput effuso. Ita Regum fasti loquuntur: Tulit Samuel lenticulam olei, & effudit super caput ejus. (b) Hujus olei vas fuit aureum, in cornu aut lenticulæ formam, velut incurvus guttus, sinuatum ac repandum. Hæc inunctio primam regum principumque virtutem designabat. Ea est Benignitas & Clementia ad exemplum Numinis, cujus misericordia omnibus excellit aliis operibus: Miserationes ejus super omnia opera ejus. (c) Sciant igitur reges principesque se medicos ac chirurgos esse subditorum, qui medeantur & ungant oleo misericordiæ, qui instruant in leni-

(a) *Tsal.* 88. v. 21. (b) *I Reg.* c. 10. v. 1.

(c) *Psal.* 144. vers. 9.

lenitate. (a) Eò ritus in Persarum regibus inaugurandis spectabant. De his Plutarchus in Artaxerxe: Antequã sceptrâ inirent, terebinthũ & caricas gustabant, poculũmq; lactis ebibebant, quò monerentur tristia & austera populorũ fata dulciori succo perspergenda.

4. Post inunctionem Regis Salomonis acclamatio secuta. Sauli acclamatum, *Vivat Rex*; Absaloni, *regnavit Absalom in Hebron*; Regi Ioas, *Vivat Rex*. Ita Cæsares olim acclamationibus faustissimis salutati. Capitolinus Gordiano populum hæc acclamasse commemorat: *Æquum est, iustum est, Gordiane Auguste; dii te servant, feliciter cum filio imperes*. Aliàs in ludis, diebus epularibus acclamatum; *Feliciter*. In congiario dividendo hæ voces missæ: De nostris annis tibi Iupiter augeat annos. Acclamationi plausus additus. De rege Ioas testantur regum fasti: Et fecerunt eum regem, & unxerunt, & plaudentes manu dixerunt: *Vivat Rex*. (b) Aurelius Victor: Pertinaci, ait, mortuo Divi nomen decretum: ob cuius laudem ingeminatis ad usque defectum plausibus acclamatum est; Pertinace imperante securi viximus. Præter hæc tubæ cecinerunt plurimæ, quibus varii generis harmonia & instrumenta musica miscebantur. Nam ut sacri codices loquuntur: Ascendit multitudo post eum, & populus canentium tibiis, & latantium gaudio magno, & insonuit terra à clamore eorum. (c)

5. Exinde Salomon in parentis folio collocatus.

(a) Gal. c. 6. v. 1. (b) 2 Reg. c. 11. v. 12.

(c) 3 Reg. cap. 3. vers. 40.

locatus, in quo rex David jus dixit. Cùm Iehu in regem legeretur, defuit tribunal seu solium: Festinaverunt igitur, & unusquisque tollens pallium suum, posuerunt sub pedibus ejus, in similitudinem tribunalis, & dixerunt, regnavit Iehu. (a) Corona regum Hebræorum in tabernaculo servabatur, uti censet Alphonsus Tostatus. Apud alios reges cidaris fuit aut diadema. Hoc candida erat fascia, subinde cærulea, aptum etiam instrumentum vulneribus obligandis. Hinc Favonius Pompejo, cui albâ fasciâ crus erat obligatum, dixit: Non refert quâ parte corporis sit diadema. Regias ejus vires sugillabat. (b)

6. Solio paterno jam occupato Salomon novum cum Deo populóque fœdus iniit. Quemadmodum & alii reges jurarunt, cùm pro se quisque sponderet, se futurum & Deo filium & populo patrem. In monimentum rei dabatur à sacerdote regi novo in manus liber Deuteronomii seu, secunda lex, idque ideo ut probè nosset, reges subditis in eo prorsus æquales, quòd lex idem ab omnibus requirat, idem omnibus promittat, idem minetur: imo regem legi arctius obstringi, ut qui non solum debeat esse legis observator, sed etiam custos & vindex, qui alios ad observandam legem adigat. Ita demum regem novum osculatus est propheta, eo ritu commonefaciens, legem legisque explicationem, verumque super dubiis responsum esse accipiendum à sacerdote aut

(a) 2 Reg. cap. 9. vers. 13.

(b) Plin. lib. 7. cap. 56. Valer. lib. 6. cap. 2.

aut prophetâ. Ita Theodoretus hoc osculi mysterium exponit. (a)

7. His actis sequebantur sacrificia & epulum, quæ nec Adonias omisit. De alterâ Salomonis inauguratione, Regum chronicon ita loquitur: Immolaverunt victimas domino & obtulerunt holocausta die sequenti tauros mille, arietes mille, agnos mille cum libaminibus suis, & universo ritu abundantissimè in omnem Israël. Eodem hoc loco epuli fit mentio: Comederunt & biberunt coram Domino, in die illâ, cum grandi lætitiâ. (b) David Salomonis parens tertium rex unctus convivium dedit in Hebron, convivarum habuit trecenta millia, insuper & quinquaginta septem millia. Hos omnes epulo triduo lautissimè refecit, incredibili ad id apparatu facto.

Ergo Rex Salomon; sed una cum patre, qui nondum regno cessit, & in omnibus obtemperantem sibi filium gubernavit; jus gladii concessit quidem sed suo nutu moderandum. Sapienter & magno Reipublicæ bono. Regnum modestiâ seu Humilitate meruit, quod Adonias perdidit superbiâ. Is quidem post Absalonem primogenitus fuit, sed omnis longanimitatis expers, opportunum regni tempus expectare non sustinuit: ita præmaturè inconsultu patris, imò illo insciente & ignaro se regem proclamari iussit, planè alter Absalon. At verò Salomon tametsi probam habuerit notitiam de Dei voluntate, patris juramento, matris a-

more,

(a) Theodoret. *quest.* 20.

(b) 1 Par. cap. 29. vers. 22.

more, Nathanis ad regnum monitis, nil tamen dixit fecitque, quod supercilium & elationem, quod regni cupiditatem & ambitionem saperet; nec contra fratrem quidquam turbarum movit, sed totum se Dei ac patris voluntati providentiæque permisit, verè *Salomon submissus*. Quem Siracides elogio liberali commendans: Post illum surrexit filius tentatus, inquit, & propter illum deiecit omnem potentiam inimicorum. Humilitas honorata Bernardo est corvus albus, & ater cygnus. Hinc illam summè laudans. Non magnum est, inquit, esse humilem in abiectione, magna prorsus, & rara virtus, humilitas honorata. (a)

Iustus Lipsius in Stoicorum philosophiâ scitum illud: Solus sapiens rex: ut verissimum tuetur, etsi rex talis ad ditiorum januas mendicet panem. Quod confirmans Tullius: Sapiens, inquit, rectius appellabitur rex, quàm Tarquinius, qui nec se nec alios regere potuit (b) Hoc ipso sensu dixit Ecclesiastes: Melior est puer pauper & sapiens rege sene, & stulto, qui nescit praviderere in posterum. (c) Annai ad Lucilium praeceptio est: Multos reges, si ratio te rexerit. Quod Lipsius nudis verbis enuntians: An mihi, ait, rex erit, cui muliercula imperat, cui pecuniola, cui gloriola, cui alii animorum tyranni? Rex est qui posuit metus, & diri mala pectoris. Num illum dicamus regem, qui gula nescit imperare, quem cibi potusque appe-

(a) Bern. hom. 4. super missus est, &c.

(b) Cic. lib. 3. de Finibus.

(c) Eccles. cap. 4. vers. 13.

appetentia quotidie sub jugum mittit, quem triumphat libido, cujus stultitiam prodit ira, quem impatientia statu dejecit, quem occidit invidia.

Salomon cum Numine per somnium sibi apparente collocutus: Nunc, inquit, Domine Deus tu regnare fecisti servum tuum pro David patre meo: ego autem sum puer parvulus, & ignorans egressum & introitum meum. (a) Quî in Orbem hunc venerim, quî abiturus sim ex Orbe hoc, ignoro, infans & saepe moribundus, pecudi non multum ab similibus. Hæc dixit Salomon cum loqueretur cum Deo. An non Humilis dicendus & Modestus? Idem de se Salomon: Servus tuus, inquit, sum ego, & filius ancillæ tuæ, homo infirmus & exigui temperis & minor ad intellectum judicii & legum. (b) En Salomonis modestissimam Humilitatem. *Homo, ait, infirmus sum*, quem febricula, quem malignior aura in tumultum dejiciat. *Et exigui temperis*. In dies, imò in horas expectanda mors est, momentum & punctulum est omnis vita, ad centum etiam annos producta. *Et minor ad intellectum* utcumque stupidus tardè nec plenè penetro rerum naturas. Ita Salomon à modestiâ orsus est regnum. Humilitas virtutum omnium fundamentum.

(a) 3 Reg. 3. vers. 7.

(b) Sap. cap. 9. vers. 5.

C A P V T II.

Salomon Oeconomus.

VOx Isaiaë vatis est: Et erit sicut populus, sic & sacerdos; & sicut servus, sic dominus ejus. (a) Ita & prisci loquebantur: Familia talis est ut esse vult herus, si paterfamilias nec diligens, nec ad rem attentus, nec homo frugi sit, quid miri, si tales sint inquilini, si malè rem gerat familia? Negligentia sine minervali discitur: rem familiarem bene administrare, parcè ac frugaliter vivere, Oeconomiam sollerter curare, Virtutis & industriæ est. Salomon initio regni tam bene rem gessit, ut dici potuerit: Salomon Oeconomus.

Regem Tyri dilaudans Ezechiel: In multitudine sapientiæ tuæ, inquit, & in negotiatione tuâ multiplicasti tibi fortitudinem. Rex iste mercimoniis supra quàm credi potest ditatus. Nam de Tyri mercatoribus Ioannes Apocalypticus: Mercatores tui, ait, principes terræ. (b)

Salomon non tantùm Oeconomiae præceptiones insignissimas dedit in Ecclesiaste ac Proverbiis, sed ipsemet quoque consilio ac ratione rem optimè gessit, Oeconomus peritissimus: atque de hoc jam agemus, præcipuè cùm Salomon ex Agricultura & mercaturâ suam Oeconomiae scientiam Orbi probarit. Simul ostendemus, ad Oeconomiam

(a) Isa. cap. 24. vers. 2.

(b) Apoc. cap. 18 vers. 23.

miam quatuor potissimum spectare, quæ nos docebit Salomon Oeconomus.

§. I.

Agriculturam & Mercaturam potissimum discit Oeconomia. Salomon personam Ecclesiastæ induens: Feci hortos, inquit, & pomaria, & consevi ea cuncti generis arboribus. Honestum & utile studium, quod colendis hortis impenditur. Homerus reges suos hortensem curam tractantes laudat. Rex Agamemnon teste Plinio platanos plantavit. (a) Attalus Pergami Rex, hortos fodiebat, herbas seminabat, sed noxias innoxiiis permiscebat animi morbo. (b) Cyrus gloriari solitus, agrum se habere, suis manibus constitum, & directos in quincuncem ordines, multasque arbores suâ manu satas. Nimirum fructus hortensis, principum regumque manu educatus, melius sapit curioso palato, quam quem plebeia manus produxit. Venantius canit:

De cultore trahit mellitum planta saporem.

Diocletianus posito imperio factus olitor. Ita Salomon hortos curabat, qui nec venationem quidem neglexit, non silvestrem illam sed hortensem. Athenæo teste, moris erat apud Macedonas reges, ut nullus accumberet inter convivas, nisi extra retia confecisset aprum. (c)

Iosephus Hebraus narrat à reginâ Sabâ Hierosolymam Salomoni frutices & surcu-

B 2

los

(a) *Plin. lib. 16. cap. 44.*

(b) *Iustin. lib. 36. fine. mibi pag. 290.*

(c) *Athen. lib. 1. cap. 11.*

los allatos qui deinceps in Palastinâ copioso cultu largissimè provenerunt. Plinius ingenuè fatetur Balsamum uni terræ Iudææ concessum. Sed & alias arbores aromatum feraces sevit Salomon. Hinc carmen caeleste de universis Libani lignis loquitur. (a) Ergo Agricola Salomon. Imò & Adam fuisset agricola in ipso paradiso, si permanisset in illo. Nam posuit Deus hominem in paradisum voluptatis, ut operaretur & custodiret illum. (b) Hic labor absque labore fuisset, & absque sudore voluptati magis quam vexationi aut oneri. Salomoni autem agricultura voluptatem ideo peperit, quia iam exercuit, non ut inde vesceretur pane suo, sed ut suavius vesceretur animi & exercitationis causâ; atque ut suis monstraret, oculum suum etiam ad hæc talia vigilare. Agricultura mercaturam adjunxit quam terrâ marique instituit. Iosephus ait: Salomon plurimas naves vili merce oneratas misit, pro quibus argento & auro divites recepit. Strabo topographus: Nomadas, inquit, vendunt vicinis aurum aris triplo, argenti duplo, propter laborandi infirmitatem. Atqui aris in Syriâ & Palastinâ fuit ætatim: ergo facile potuit cum metallis multò nobilioribus commutari. Madringnanus de navigatione Christophori Columbi differens: Insula Occidentales, inquit, in summo pretio habent clavos, vitrea grana, acus; & pro illis dant aurum. (c) Iam aliis vivitur moribus: simplicitas

(a) *Cantic. cap. 4. vers. 14.*

(b) *Gen. cap. 2. vers. 25.*

(c) *Madring. de Navig. Columbi cap. 109.*

citas hæc passim exolevit. Terrâ porro mercaturam exercens Salomon pactus est cum rege Hiram, à quo ligna & operarios accipiens eorum vicem triticum dedit & oleum. Itaque Hiram dabat Salomoni ligna cedrina, & ligna abiegna, juxta omnem voluntatem ejus. Salomon autem præbebat Hiram viginti millia coros tritici in cibum domui ejus, & viginti coros purissimi olei. Hæc tribuebat Salomon Hiram per singulos annos. (a) Frumenti corus quadraginta quinque modios Romanos continebat. Olei corus amphoras quindecim, quævis amphora mensuras viginti quatuor habebat. Alia cum equis exercebatur mercatura. Nam educebantur Salomoni de Ægypto & de Coâ: Negotiatores enim regis emebant de Coâ, & statuto pretio perducebant. (b) Egrediebatur autem quadriga ex Ægypto sexcentis siclis argenti, & equus centum quinquaginta. Cajetanus opinatur viliore pretio coëmptos equos in Ægypto, & venditos cariore, idque excusari, quòd in regno alieno sit factum. Sed aliâ profectò de causâ equos Salomon emit, non ut venderet, sed ut politico astu Ægyptiis, & Syriæ vicinis regibus, præcipuum belli robur subduceret: nam equitatu maximè valebant Ægyptii. Et singulari providentiæ Deitribuendum, quòd focer Salomonis Rex Ægypti in generum suum tam fuerit benevolus ut id permiserit. Præter hæc byssum etiam & aromata ex Ægypto, Ægyptiorum bono, & suo lucro mer-

B 3

catus

(a) 3 Reg. cap. 5. vers. 10. 11. & 12.

(b) 3 Reg. cap. 10. vers. 28. & 29.

catus est Salomon. Ergo Salomon Oeconomus.

Oeconomia porro domestica, si eam cupiamus bonam instituere, constat ordine, pace, parsimoniâ seu mediocritate, & pietate.

I. Ordinem beatus Paulus imperans: Omnia autem, inquit, honestè & secundum ordinem fiant in vobis. (a) Ordo cupit omnia suo tempore, suoque loco fieri. Tempore quæque facienda, statâ horâ eundem ad quietem, statâ surgendum, prandendum, cœnandum, studendum aut laborandum certis temporum intervallis. Nullus est ordo aut certè turbatissimus, temere quidvis quovis tempore facere: jam matutinâ decimâ, jam duodecimâ, jam etiam horâ primâ prandere: modò sextâ vesperi, modò septima vel etiam octavâ, aut mediâ nonâ cenare; jam maturè cubitum ire, jam in multam noctem vigilare, & undecimâ vel duodecimâ, nonnunquam primâ somnum petere; hoc neque salubre neque decorum est, & omni Oeconomix adversum. Christus Matthæi calamo. Quis putas, inquit, est fidelis servus & prudens, quem constituit dominus super familiam suam, ut det illis cibum in tempore? (b) Si qui famulorum non possint aliâ lege nisi confusionis vivere, his patientiam pro ordine suademus.

Sed locum etiam œconomicus ordo postulat. Supellex non temere spargenda, libri non huc illuc projiciendi: suo loco singula sunt reponenda, ut tanto faciliora sint repertu,

(a) 1 Cor. cap. 14. fine.

(b) Matth. cap. 24. vers. 45.

pertu, quando fuerint ordinatiùs composita.

II. Pars Oeconomix pax est. Discordia rei domesticæ mors & interitus. Nimirum concordia res parvæ crescunt, discordia maxima dilabuntur. Oeconomix nihil tutum est inter lites & dissidia. Pax multò majus bonum est, quàm ut domo expellatur ob ollam contusam, vitrum fractum, olus ambustum, offam præfalsam. Idem sapiant, qui in eadem domo sunt. Chrysostomus ad domesticam concordiam exhortatus: Quando maritus, inquit, & uxor, & filii & famuli eadem curant, magna est domus concordia. Sin minus, saepe unus nequam servus universam evertit domum discordiis. Domestici omnes, quantum ad Oeconomiam, eundem ducant colorem, ejusdem sint naturæ. (a) Res familiaris pessimè administratur; cum consumit uxor, quod maritus lucratur; cum liberi sumptuosi, ancillæ otiosæ, servi infidi. Hæc tali discordia res maximæ dissipantur.

III. Parsimonia seu mediocritas in victu vestituque. Non ignoramus vestigal esse maximum parsimoniam. Victus sit bonus, non nimium lautus & opiparus, vestes sint munda, non nimium pretiosæ ac splendida. Mediocritas hæc in re maximè commendatur. Pecunia sit usui, non venerationi, tanquam sacra lipsana; custodiatur ut expendenda, non sepeliatur velut æternum retinenda. Lex Oeconomix certa est: Vbi pecunia tam difficulter ac tenaciter expenditur, tanquam à corde præsecanda, illic rei fami-

B 4

liari

(a) Sollen alle über ein Laist geschlagen seyn.

liari pessimè servitur. Frequenter namque opportunitas se offert emendi quiddam viliori pretio, quam pecuniæ tenax negligere non damnum æstimat, modò numos retineat, Oeconomia fatua: nam præsentī argento sæpe meliores metus. Hac focors tenacitas Oeconomix multum officit.

Quemadmodum verò non sordidè nec avarè, ita nec prodigè sine luxu res familiaris gerenda. Sunt qui clament identidem affer, affer, eme, para, coque, cùm nec obolum porrigant, sed syngraphas impleant nominibus, quisquis demum æs alienum luat. Quam beati essent infitores, caupones, mercatores, pharmacopola, panni negotiatores, opifices mechanici si pro laboribus aut mercibus præsentarium semper argentum reciperent. Præclarè fecerit magistratus si jusserit emi, vendi omnia pecuniâ numeratâ, aut certè statis nominum expeditionibus. Nam illi plerunque cives incipiunt esse pauperes, cùm incipiunt fieri debitores. In æs alienum incidere primus ad paupertatem gradus est. O quantum vestitus ac conviviorum luxui subtraheretur, si semper in talibus æris numeratio exigeretur. Vis novas dictare vestes? vis apparare convivia? supellectilem augere? te magnum & lautum monstrare? Dic fodes, num argentum habes præsentarium? Habeo inquis. Ergo prome & cave alienum æs contrahere. Monetam præsentem non habes, omitte vestes, aut saltem differ, omitte convivia, omitte supellectilis ornatum, quamdiu pecunia deest numerata. Quid enim alienis te plumis vis ostentare?

tare? Nam ubi te sartor viderit, dicet: Hanc vestem ego feci, quam qui gerit, manu pretium nec dum persolvit: panni negotiator dicet hoc ego corium, hos pannos dedi; nil æris recepi. Caupo dicet: huic ego tot vini amphoras ad convivia è meâ cellâ suppeditavi; nummorum nihil ad me rediit: maccellarius & obfopaus dicet, huic ego struxi fercula nondum soluta. Ergo aut convivium, & vestes, & omnem corporis apparatus differ aut argentum præsens exhibe. Desit pecunia: tollatur & pompa. Fada vestis est quam nomina suunt; turpe convivium quod numi alieni struunt.

Deinde quantæ injuriæ ac injustitiæ caveantur, si, quantum fieri potest, caveretur æs alienum. Multa insuper pretio venient longè viliori, si monetâ emerentur præsentem: dilata æris numeratio rerû pretia incendit.

Ergo nec profusè nec avare rem familiarem gerere principium est œconomix. Constet sigillatim patrifamilias quantum pecuniæ accipiat, quantum expendat: explicatæ sint illi rationes sumptuum omnes. Nec enim in quavis domo Iosephus est qualem habuit Putiphar Ægyptius militiæ princeps. Ab hoc Ioseph præpositus omnibus gubernabat creditam sibi domum, & universa quæ ei tradita fuerant. Non multi Putiphares, pauci Iosephi. Sed pergimus.

I V. Pars Oeconomia Pietas. Si desit ista, nil cetera juvabunt omnia. Exulet à domo pietas, & nec aurea illam fortuna beabit. A Iove principium. Augustinus ad solidam pietatem exhortatus: Bona vis habere, in-

quit, & bonus non vis esse. Vxorem bonam, filiam, servum, ancillam; non villam, non tunicam, postremò non caligam, & tamen vis habere vitam malam. Si tibi possent respondere bona tua, nonne tibi clamarent, sicut tu nos bona vis habere, sic & nos volumus habere bonum dominum. (a) Chrysostomus domesticorum neminem negligendum docens: Tu equum quidem, non despicias, nec asinum, & nihil non facis ne mali fiant & vitiosi: Servos autem despicias, qui sicut tu sunt animati. Et quid dico servos? Cùm filios quoque despicias & filias. Sed scis, &c. Qui quæ ad domesticos suos pertinent, non probe instituit, difficilior quæ ad alienos spectant, dispensabit.

Paterfamilias, ut in fabulis est, rerum suarum minùs satagens & nonnunquam obliviosus adiculam gallinariam non obseravit. Vulpes stimulante gulâ, in popinam hanc clanculum perrepfit, & non solum convivam sed lanionem & cocum egit, lautissimamque ipsa sibi paravit cenam, & gallinas ad unam omnes jugulavit. Paterfamilias manè revisens ad gallinarium mera invenit funera non sine iracundo luctu. Hic cani gravissimè indignatus, ut custodi negligenterissimo, plagis etiâ multavit ignavissimum excubitozem. Canis acceptâ injuriâ factus audacior, & patrifamilias insultans: Si tu, inquit, mi here, cui pullastros & ova dant gallinæ, neglexisti ostium occludere, quid mirum si ego qui nihil commodi à gallinis capio, aliquantulum obdormierim, & ita venien-

(a) Aug. serm. 12. de Verb. Dom.

nientem vulpem non senserim. Nec enim sperandum est diligentem fore familiam si familiæ dux sit negligens. Neque verò etiam cogitandum familiam fore piam, si paterfamilias sit impius. Qualis rex, talis grex: Sicut populus, inquit Isaias, sic sacerdos, & sicut servus, sic dominus ejus: sicut ancilla, sic domina ejus. (a)

Epistetus, etsi familiam amplam non duxerit (unica ei annus serviit) ducendæ tamen optimas præceptiones suggerens: si rem familiarem, inquit, probe administrari cupis, Spartiatam Lycurgum imitare. Ut enim is urbem non mœnibus cinxit, sed cives virtute muniit: sic tu ne magnam domum complectere, sed habitatores benevolentia, fide, amicitia confirma. Sic nihil eam mali ingreditur.

Plinius Secundus nobilissimâ panegyri Trajanum suum dilaudans: Est magnificum, inquit, quod te ab omni contagione vitiorum reprimis ac revocas, sed magnificentius quod tuos. Quanto enim magis arduum est alios præstare bonos quam se, tanto laudabilius quod cum ipse sis optimus, omnes circa te similes tui effecisti. (b) Ab eodem calamo ad eundem sunt & ista: Video quàm molliter tuos habeas: quò simplicius tibi confitebor, quàm indulgentiâ meos tractem. Est mihi semper in animo Homericum illud: πατήρ αὖς ἤπιος ἦεν. Et hoc nostrum, PATER FAMILIAS. Quod si essem naturâ asperior & durior, frangeret me tamen infir-

(a) Isa. c. 24. v. 2.

(b) Plin. paneg. ad Trajan. c. 83.

infirmetas liberti mei Zofimi, cui tantò major humanitas exhibenda, quantò nunc illà magis eget. (a) An non verissimè beatus Paulus dixerit: Si quis autem suorum, maximè domesticorum curam non habet, fidem negavit, & est infideli (nominato Plinio) deterior? (b) Ergo Salomon Oeconomus docet quâ ratione Ordinem, pacem, parsimoniam, pietatem conserve-
mus in domo. Oeconomia optima est, quæ sic tractat facultates caducas, ut non perdat æternas.

(a) *Idem l. 5. epist. ep. 19.*

(b) *1 Tim. c. 5. v. 8.*

C A P V T III.

Salomon Architectus.

Socrates & Plato censuerunt Architecturam non tantum egere aliarum scientiarum præsidio, sed artium esse artificiosissimam. Vitruvius Architecturæ facile princeps, præfatione sui voluminis ad Augustum Imperatorem: ut majestas imperii, ait, publicorum adificiorum egregias haberet auctoritates. Sed & artem hanc definiens: Architectura, inquit, est scientia, pluribus disciplinis & variis eruditionibus ornata, cujus judicio probantur omnia quæ à ceteris artibus perficiuntur opera. (a) Augustinus architecturæ scientiam spiritum sapientiæ appellat. (b) Thomas Aquinas architectos

(a) *Vitruvius in dedicatione ad Aug.*

(b) *Aug. quæst. 139. in Exod.*

testos jure sapientes vocari existimat. (a)
 Beatus Paulus in litteris ad Corinthios: Secundum gratiam quæ data est mihi, ut sapiens architectus fundamentum posui. (b)

Ergo Salomoni plane non indecorum, fuisse architectum. Nam eâ Salomon architecturæ scientiâ pollebat, ut Græcos omnes & Romanos longissime superarit. Latium & Græcia hac in re balbutiit, si Salomonis in eâdem sapientiam spectemus. Vitruvii omnes & Vegetii Salomonis vix discipuli fuissent. Quod verò Salomon scivit, hoc à patre & Deo hausit. Regum chronicon testatur: Dedit autem David Salomoni filio suo descriptionem porticus, & templi, & cellariorum, & canaculi, & cubiculorum in adytis, & domus propitiationis, nec non & omnium quæ cogitaverat atriorum, & exedrarum per circuitum in thesauros domus Domini, & in thesauros sanctorum, divisionumque sacerdotalium & Leviticarum, in omnia opera domus Domini, in universa vasa ministerii templi Domini. (c) Ita facile est discere, cum ars infunditur. At non templi solum conditor fuit, sed alia plurima tam in urbe quam extra illam ædificavit. Nam finito templo mox sibi domum regiâ struxit: ab utriusque structuræ magnificentia incredibili, jure merito Salomon architectus dici potest. Quo autem successu ædificavit, quot à templo ædificia struxerit, quâ laude id fecerit, exponemus hoc capite.

Veteri

(a) S. Thom. l. contra gentes c. I.

(b) I Cor. c. 3. v. 10.

(c) I Par. c. 28, v. 11. & seqq.

Veteri verbo jactatur : Magna avis , magnus nidus. Nec enim Aquila & Acanthis simili modo nidificant. Rex Hebraeus Salomon velut aquila amplissimum sibi nidum adificavit : nam templo jam absoluto sibi etiam domum condidit. Nec Deus factum improbavit , quando partes priores habuit. Imò Deus velut in suum famulum gratus, alterum tantum temporis spatium Salomoni concessit ad regiam domum adificandam , cum enim templi structura septem annos exegerit, regia domus annos sibi tredecim postulavit. Sic annis viginti domus utraque inædificata est. Quanto autem splendore, quantâ amplitudine palatium Salomonis sit structum , facillimum est conjectare à tempore & multitudine operarum. Operarum ac cæmentariorum qui Hierosolymis tantum laborarunt , centum sexaginta quinque millia sunt numerati : Architectorum & eorum qui operi urgendo præerant tria millia , trecenti fuerunt. Probabilissimum hos omnes tot operarios, si non piures , traductos à templo ad augustissimam Salomonis domum condendam. Si ergo præter centum millia , insuper & sexaginta quinque nullia in opere faciendo quotidie laborarint , quantas substructionum moles tredecim annis educere potuerunt, præsertim cum tot essent qui opusurgerent. Urbem aliquis fuisse dixerit, Salomonis basilicam. De Neronis palatio vetus canit satyricus :

Roma domus fiet, Vejos migrate Quirites.

Hoc autem Deus Salomoni ut dicebam , loco

co muneris pro ædificato templo concessit. Voluit David ædificare templum Domino. Hanc Deus voluntatem adeo probavit, ut ad eum miserit prophetam Nathan qui diceret: Annuntio tibi quod ædificaturus sit tibi Dominus domum. Cumque impleveris dies tuos ut vadas ad patres tuos, suscitabo semen tuum post te, quod erit de filiis tuis, & stabiliam regnum ejus. Ipse ædificabit mihi domum, & firmabo solium ejus usque in æternum. (a) Quod David pater voluit, Salomon filius re perfecit. Si voluntatem ædificandi templi tantopere remuneratus est Deus, ne miremur ædificationem & opus ipsum liberalissime repositum. Nemo gratis famulatur Deo, etsi velit famulari gratis.

Cur autem templum citius profana domo absolutum? Ejus rei causas reperio plures. Prima; non sumptus tantum sed omnia quæ ad structuram necessaria, jam erant paratissima & in promptu, à parente rege filio relicta. Altera, Dei favor eam in re singularis: vires Numen suggerit sui causam laborantibus. Tertia, major operarum alacritas & industria, in hoc Dei opere conficiendo. Idcirco Sophonias postulat, ut serviamus Deo, humero uno: hic fervet opus. Quarta, videtur Salomon tria distincta construxisse ædificia. Ita Regum fasti loquuntur: Domum autem suam ædificavit Salomon tredecim annis & ad perfectum usque perduxit. Ædificavit quoque domum sanctus Libani. (b) Domum

(a) 1 Par. c. 17. v. 10. & seqq.

(b) Lusthaus.

mum quoque fecit filia Pharaonis (quam uxorem duxerat.) Omnia lapidibus pretiosis, qui ad normam quandam atque mensuram tam intrinsecus quàm extrinsecus serrati erant. (a) Hoc tamen triplex ædificium, propriè una erat domus. Post viginti annos in templo & basilicâ extruendâ consumptos, ad alia se vertit ædificia rex Salomon. Nam prioribus successerunt urbis mœnia. Triplicem habuit ambientem murum Hierusalem, unum, rex Dàvid condidit, rex Salomon alterum, qui totam urbem clauderet. (b) Quantum fuerit vel inde licet colligere. Septuaginta tria stadia urbs ambitu suo est complexa, (c) pæne totum milliare Germanicum, nihilominus triplici vallata est muro, non tamen per omnem gyrum continuato. Murus primus nonaginta turres habuit ducentorum cubitorū intervallis distinctas. Alter murus turres habuit quatuordecim: Tertius sexaginta. Hic certe Salomoni uberrima materies ædificandi fuit.

Post tot annos quos Salomon in ædificiis urbicis consumpsit, eadem fere industriâ alibi locorum architectonicæ amorem exhibuit, & urbes totas à fundamentis condidit. Regum chronicon pro testimonio sistens: Expletis autem, inquit, viginti annis postquam ædificavit Salomon domum Domini, & domum suam: civitates quas dederat Hiram Salomoni, ædificavit, & habitare

(a) 1 Par. c. 7. v. 1. & seqq.

(b) Ita Iac. Salius tom 3. Annal.

(c) 8. Stadia constituunt milliare Italicum, 4. Italica commune Germanicum.

re ibi fecit filios Israël. Abiit quoque in Emath suba, & obtinuit eam. Et adificavit Palmiram in deserto, & alias civitates munitissimas adificavit in Emath. Extruxitque Bethoron superiorem, & Bethoron inferiorem, civitates muratas habentes portas, & vestes, & seras: Balaath etiam & omnes urbes firmissimas quæ fuerunt Salomonis, cunctasque urbes quadrigarum, & urbes equitum: Omnia quæcunque voluit atque disposuit, adificavit in Hierusalem, & in Libano, & in universâ terrâ potestatis suæ. (a) Ita quasdam civitates instauravit, quasdam firmavit. Pax Salomonis multo tempore non fuit otiosa.

Porro adificiorum triplex est genus, Necessarium, utile, Voluptarium.

Necessaria sunt adificia, quæ sibi vitæ securitas deponit. Hierosolymis avo Nehemia facta restauratio murorum quam Sannaballat impedire conatus est. Ita codex facer: Et factum est, inquit, à die illâ, media pars juvenum eorum faciebat opus, & media parata erat ad bellum &c. unâ manu sua faciebat opus & alterâ tenebat gladium. Adificantium enim unusquisque gladio erat accinctus renes. (b) Hoc profectò adificium visum est necessarium. Sic multa Salomon, sic Salomonis filius Roboamus quindecim urbes condidit.

Vilia porro adificia sunt, quibus carere potest Respublica, sed simul etiam carere debet commodis quæ inde publico acce-

C

dunt:

(a) 1 Par. c. 3. v. 1. & seqq.

(b) Esdræ c. 4. v. 16.

dunt: ut sunt viæ amplæ, aqua ductus, porticus, domus vili pretio locandæ.

Ad voluptatem denique sunt ea, de quibus ipse Salomon experientissimus testis: Magnificavi, ait, opera mea, adificavi mihi domos, & plantavi vineas, feci hortos & pomaria, & consevi ea cuncti generis arboribus. Et extruxi mihi piscinas aquarum, ut irrigarem silvam lignorum germinantium. Et omnia quæ desideraverunt oculi mei, non negavi eis, nec prohibui cor meum, quin omni voluptate frueretur, & oblectaret se in his quæ præparaveram: & hanc ratus sum partem meam, si uterer labore meo. (a) Transcendi limites, non nego, & modum excessi.

Verùm Nabuchodonosor ob adificationes multò graviùs reprehendi potuit. Vociferatur Habacuc: Væ qui adificat civitatem in sanguinibus, & præparat urbem in iniquitate. (b) Babylonem struxit Nabuchodonosor, sed prius pauperes exsuxit, eorumque inemptos sudores suis impendit structuris. Ideo & Michas clamans: Qui adificatis Sion in sanguinibus, inquit, & Hierusalem in iniquitate. (c) Sed Nabuchodonosore deterior Pharaos, qui Hebræos ut canes flagellari iussit, ut tantò laborarent contentius, quantò acerbius vapularent. (d) In Salomonem Mello adificantem rebellis fuit Ieroboamus. Menoch. 542.

Contra

(a) Eccles. c. 2. v. 4. & seqq.

(b) Habac. c. 2. v. 12.

(c) Mich. c. 3. v. 10.

(d) Exod. c. 2.

Contra vero sapius in divinis codicibus laudantur, qui ædificia semirutæ præsertim sacra restaurarunt: uti fecit rex optimus Iosias, quo imperante decretum est ut constet pecunia, quæ illata est in templum Domini, quam collegerunt janitores templi à populo, deturque fabris per propositos domus domini, qui & distribuunt eam his qui operantur in templo Domini ad instauranda facta tecta templi: tignariis videlicet, & cæmentariis, & iis qui interrupta componunt, & ut emanantur ligna & lapides de lapidicinis ad instaurandum templum Domini. (a) Ita Iudas Machabæus victo Lyfiâ templum à sordibus purgavit & vetustate collapsa restauravit. (b) Pars Oeconomix est ædificia ruinam minitantiæ, priusquam penitus collabantur, restaurare. Ædificandi leges hæc fere sunt.

Prima, seipsum interrogare, quod ædificii genus, num utile, num necessarium, num voluptarium vis tibi sumere? Impensas igitur ceteraque omnia ad finem præstitutum dirige. Altera, sententias multorum exquirere, & futuram ædificationem consideratissime ordiri, ne aut error sequatur æternus, aut ingenti cum damno adhibeatur, secula emendatio. Diu cogita, tarde ædifica. Tertia lex est, sumptibus non parcere, alioqui nec firma nec durabilis surget structura. Laxandi ergo sunt loculi ædificaturo. Nam etsi egenis tantum aut ægrotis ædificandum, quia tamen multorum bono & diuturnum

C 2

turnum

(a) 2 Reg. c. 22.

(b) 1 Machab. c. 4.

turnum quid struendum, liberali manu id faciendum est. Subinde pretio ducentorum aut trecentorum florenorum parçitur, cum potius mille forent erogandi, ut vel commodior vel firmior excreſceret domus. Gloriatuſ olim Auguſtus Imperator; Romam, aſebat, lateritiã accipi, relinquo marmoreã.

Quod ſi rem ad vivum reſecemus, archi-
teſti ſumus omnes, ſed cãmento & lapidi-
bus utimur diverſis. Aperie Pauluſ ſui offi-
cii quemque commonens: Si quiſ autem,
inquit, ſuperædificat ſuper fundamentum
hoc, aurum, argentum, lapideſ pretioſoſ; li-
gna, fanum, ſtipulam, uniſcujuſque opus
manifeſtum erit. Dieſ enim Domini decla-
rabit, quia in igne revelabitur; & uniſcu-
juſque opus quale ſit, igniſ probabit. Si cu-
juſ opus maſſerit; quod ſuperædificavit,
mercedem accipiet. Si cujuſ opuſ arſerit, de-
trimentum patietur. (a) Quiſquiſ virtuteſ
ſolidas ſedatur quadro marmore, ferro,
chalybe, auro ſruit & gemmiſ; nam modò
Humilitatem, modò patientiam, modò cha-
ritatem exercet. Quiſquiſ exteriora ſolum
ſpectat, & nitidam amat ſuperficiem, ligno,
ſtipulâ, fœno ædificat parietem concreti-
tium: (b) domuſ muratæ formam habet, fir-
mitatem non habet. Videas ejuſcemodi ho-
mineſ itare ad templum, intereſſe rei divi-
næ, precationum aliquid demurmurã; cor in-
ſpice, merum intuſ ſunt lutum, nulluſ in
eiſ ſpirituſ, vera charitaſ nulla, parũ patien-
tiã;

(a) 1 Cor. c. 3. v. 13.

(b) Bant in die Nigeli.

tiæ, Humilitatis nihil. Si horum opus arserit, detrimentum patientur. Subito letalis noxa omnem illam subruit structuram. Malè struit cujus structura non alius identidem atque alius exsurgit: ruina præbet speciem ea domus quæ toties decrescit, & seipsa fit minor. Qui non in dies patientior, submissior, constantior esse studet, in virtutis tramite viam relegit, & regreditur, quisquis non procedit. Quandoque autem adificandum est, quemadmodum avo Nehemiæ, cum trullam una manu, altera tenerent gladium: ita partim viciis & aggressori diabolo resistendum, partim insistendum solidis virtutibus, ut in dies crescat adificatio, cujus prima & simplicissima rudimenta & principia sunt ista: si à fundamentis fabrica sit erigenda, ab imo, & ab egestâ humo incipiendum est; sin autem demoliendum sit adificium, à tecto incipiendum. Ita profus si serio domum male materiata & vitiosè compositam destruere, si pravos mores corrigere velimus, ordiamur à tecto; superbix fastigium est ante omnia demoliendum, deiciendus elationi spiritus; sin autem educenda moles in altum, à fundamento Humilitatis incipiendum. Aptissimè ad institutum Augustinus: Magnus, inquit, esse vis: à minimo incipe. Cogitas magnam fabricam construere celsitudinis? de fundamento prius cogita Humilitatis. Quantum quisque vult superimponere molem adificii, tantoque majus disponit adificium, tanto altius fodit fundamentum. Et fabrica quidem cum construitur, in suprema con-

furgit; qui autem fodit fundamentum ad ima deprimitur. Ergo & fabrica ante celsitudinem humiliatur, & fastigium post humiliationem erigitur. (a) Hæc spiritalis adificationis ratio est. Aedificium ruinosum struit, quisquis non ab Humilitate incipit.

(a) *Augustin. serm. 10. de verbis Domini.*

C A P V T I V.

Salomon Industrius.

Consilium Salomonis est: Qui congregat in messe, filius sapiens est; qui autem stertit in aestate, filius confusionis. (a) Qui cum bono Deo cogitat facultes sibi parare, industriam ingeniosam adhibeat necesse est. Quod aliis suavit Salomon, hoc ipse præstitit, opes immensas acervavit, in quo maximum ei adjumentum fuit sapientia. Nam, si divitiæ appetuntur in vitâ, quid sapientiâ locupletius, quæ operatur omnia? (b)

Romani princeps eloquii narrat philosophis sapius objectum philosophiam seu sapientiæ studium nihil facere ad lucrandum panem: (c) quod profectò Thales insigniter refutavit, afferuitque philosopho facillimum ditari si velit; quod & reipsâ ostendit: siquidem vir doctus & prudens prævidit anno sequenti uberrimum oleatum fore proventum. Quapropter, in toto Milesio-

rum

(a) *Prov. c. 10. v. 5.*

(b) *Sap. c. 8 v. 5.*

(c) *Cic. l. 1. de divinât.*

rum agro, quidquid olearum fuit, omnesque illarum fructus in annum proximum antequam florent, coëmit. Eâ re lucrum ingens, incredibile sibi comparavit, & ita os obtrectatorum obturans: Ite, ajebat & dicite philosophiam non esse lucrosam: unâ etiam ostendit, quid posset industria.

Salomon ut opes à patre acceptas augeret, magnificâ usus est industriâ, quam libri Regum commendant his verbis. Classem quoque fecit rex Salomon in Afiongaber, quæ est juxta Ailath in littore Maris rubri, in terrâ Idumæ. Misitque Hiram in classe illa servos suos, viros nauticos & gnaros maris cum servis Salomonis. Qui cum venisset in Ophir, sumptum inde aurum quadringentorum viginti talentorum detulerunt ad regem Salomonem. (a) Hoc primò querendum nobis, quò navigarit Salomonis industria, & quid ea sibi thesaurorum pararit. Explicabimus deinde, quomodo rebus in omnibus industria sit adhibenda.

(a) I Reg c. 9. v. 26. & seqq.

S. I.

Non subito ditatus est Salomon, sed nec lente debuit opulescere: argento & auro abundavit dum pius fuit, dum templum pia animi alacritate edificavit. Præcipuus fons opum à quo argentum & aurum abundè hausit, fuit annus navigatio, quam instituit in Tharsis & Ophir per maria diversa. Quamvis philosophi contendunt unicum esse mare, sed diversis nominibus. Hæc nayi-

gatio sic instituta est, ut annis singulis naves emitterentur, sed nullæ redierunt ante annum tertium. Hæc classis mitti capta est decimo quarto anno regni, (a) cùm Salomon fundamenta templi jaceret. Lis maxima est, quo classis illa navigarit. Sacrum volumen asserit in Tharsis & Ophir. Sed ubi terrarum hos auri fontes reperiemus?

Scriptor ab Hispania descriptione proluxa probat, classem unam in Hispaniæ provinciam isse, quæ Tharsis Bætica, aut Tharsica Bætis appelletur. Alii Tartesium nominant. Vulgo Sevilia dicitur. Firmare sententiam videtur rerum illic omnium, argenti præcipuè & auri abundantia. Martino Delrio peregrinus in litteris est qui veteris Hispaniæ opes è nobilioris metalli antris erutas ignoraret. Iustinus ultimo Historiarum libro, Hispaniam mirifice commendans: Hinc ait, temperato calore, inde felicibus & tempestivis imbribus in omnia frugum genera fecunda est. Nec summa tantum terræ laudanda bona, verum & abstrusorum metallorum felices divitiæ. In hac cursus fluminum, non torrentes rapidique ut nocte n; sed lenes, & vineis campisque irrigui, æstuariisque Oceani affatim piscosi. Plerique etiam divites auro, quod in laudibus vehunt. Galleciæ regio cum æris & plumbi uberrima, tum minio, quod etiam vicino flumini nomen dedit. Auro quoque ditissima, adeo ut etiam aratro frequenter glebas aureas excindant. (b) Strabo quoque Hispaniam

(a) Ita Sallianus Pineda ait, quarto.

(b) Iustin. l. 44. hist. mibi pag. 343.

niam Baticam laudans: Nimirum, inquit, rarum est, cum metallorum habere, tum frugum copiam. Aurum hinc fossile & fluviale. Plinius Major cum prioribus sentiens: Mirum, inquit, adhuc per Hispaniam ab Annibale inchoatos puteos durare sua ab inventoribus nomina habentes, ex quibus Babelo appellatur hodieque qui trecenta pondus argenti Annibali subministravit in dies. (a) Hinc Carthago in Romanos tam potens fuit.

Pineda noster epistolam in lucem dedit Francisci Tesada optimatis Hispani, qui Anno millesimo sexcentesimo septimo, die 17. Julii, Madrito Hispalim scribens ad fratrem: Unica, inquit, auditione accepi, in numero & catalogo descriptas in nostra Hispania patefactas fodinas plures quingentis, uberrimas atque pretiosi metalli referatissimas, & quæ, si operæ non deessent, longe maximo quæstu exercerentur. Fuit Hispanus hic primas, supremus præses in argenti & auri fodinas, quæ suis fossioribus ita responderunt, ut inde laquearia, & anchoræ fierent argenteæ.

Ergo, si huic sententiæ fides, Salomonis navigatio in Hispaniam vela direxit. Negat hoc Gallus scriptor, & è Geographia docet non inutilem solum sed & periculosam quoque futuram fuisse hanc navigationem, cui Africa fuisset circumcunda. Ut ego me inter viros serio eruditos sequestrum aut indicem interponam, meum esse parium non censeo. Tibi, mi Lector, hanc contro-

C 500000 ver-

(a) Plin. l. 33. hist. Nat. c. 6.

versiam illibatam à meâ censurâ trado : Integrum tibi sit , opinionem alterutram amplecti. Ophir autem , sententia vulgata vult insulam aut provinciam in India Orientali fuisse , seu Peru , sive Taprobanam , aut Summatram vocemus. Hæc meo iudicio , parum certa vel liquida : è libris divinis hoc habemus testimonii : Classis regis per mare cum classe Hiram semel per tres annos ibat in Tharsis , deferens inde aurum , & argentum , & dentes elephantorum , & simias , & pavos. (a) De Ophir Regum Chronicon testatur : Sed & servi Hiram cum servis Salomonis attulerunt aurum de Ophir , & ligna thyina , & gemmas pretiosissimas. (b)

Annis ergo singulis quantum auri ad regem rediit ? Sacræ pagina: apertissimè loquuntur hunc in modum : Erat autem pondus auri quod offerebatur Salomoni per annos singulos , sexcentorum sexaginta talentorum auri : excepto eo quod afferebant viri , qui super vestigalia erant , & negotiatores , universique scruta vendentes , & omnes reges Arabiæ , ducésque terræ. (c) Ita , si Saliano credimus , unicum navigationis lucrû , octo milliones auri , trecenta & viginquique millia numorum aureorum constituit. Hanc auri summam ingentem quot annis regium ararium recepit , aliis redditibus non computatis. Res liquida è sacris paginis. Aurarium prorsus nobile , octo auri milliones &

(a) 1 Reg. c. 10. v. 22.

(b) 2 Par. c. 9. v. 14.

(c) 1 Reg. c. 10. v. 14.

& pæne dimidius. (a) Hanc auri vim Salo-
nis peperit industria.

Industria, quod Aristoteli placet, pars
prudentiæ, rebus in omnibus habet locum,
præsertim honestis: nam frequens est exer-
citiū circa rem honestam. Ergo industria
docilis, ingeniosa, sollers diligentia. Dili-
gens fuit Semei, sed stupidissime suoque
malo, nec enim advertit sedulus nequam,
cum capitis discrimine in Geth extra urbem
se proficisci. Industria porro in his talibus
præcipue spectatur.

I. In victu parando mille adhiberi pos-
sunt industriae. Cleanthes pecuniolam à se
collectam coram amicis projiciens: Clean-
thes, inquit, alterum Cleanthem posset ale-
re. (b) Sunt civitates in Germaniâ in quibus
ea magistratus viget industria, ut incolarum
nemo mendicet: nam aut laborare cogitur,
aut providetur illi de victu cum laboris est
impotens. Laudanda, sed & imitanda indu-
stria.

II. In artibus exercendis. Sunt nonnun-
quam opifices mechanici, qui sua industria
omnes urbis incolas ad se traherent, si pares
labori esse possent. Cerdonem novimus,
qui idem cum aliis corium in calceos for-
mabat, sed eam addebat industriam, ut ne-
mo non cuperet ab hoc opifice calceari.
Ælianus memorat Nicostratum & Laodo-
cum citharædos dando artis specimine con-
certasse. In eo certamine Nicostratus: Da
veniam, inquit, mi Laodoco: In arte magna
es

(a) Pineda duodecim ferè auri milliones
fruit. (b) Laërt. l. 7. c. 2.

es exiguus, ego in exigua magnus. (a) Industria cares, qua utor. Cum Minerva manus movenda.

III. In valetudine curanda plurimum potest in dustria. Homo industrius observat quid valetudini obsit, quid prosit; illud fugit, quarit istud. Computationis & convivia me saniozem non reddunt, ergo cavebo: abstinentia omnium morborum medicina, illam ergo sectabor: mensuram stomachi mei non excedam, quantum mihi sufficiat in prandium, quantum in cenam, novi; hoc sumam: nefas ultra quidquam addere. Quidquid ultra necessitatem est, non alimentum, sed nocumentum, saepe venenum est.

IV. In serviciis præstandis. Herus qui famulum cernit industrium, mox illi faventem adjicit oculum. Industrious autem famulus cum vestes domini componit, non tantum sedulo eas purgat, sed & plicas veteres observat; eandem in aliis sollertiam præstat. Ignavus & negligens omnia oscitanter & temere facit Ignavia sibi odium, favorem sibi conciliat industria & amorem. Hinc Pharaó rex Ægyptius Iosepho de fratribus benignissime respondens: Quod si nosti, ait, in eis esse viros industrios, constitue illos magistros pecorum meorum. (b)

V. In litteris colendis. Hic plurimum valet industria, quæ in eo sese potissimum exercit, ut nunquam legat, quin etiam annotet ac excerptat; si desit charta, pallio, mantica, stro-

(a) *Ælian. l. 4. var. hist. c. 2.*

(b) *Gen. c. 47. v. 6.*

strophio, manibus inscribit notanda. Videte Iusti Lipsii Politica: quàm elegans contextus è verbis auctorum optimorum. Hæc si ne plurimis excerptis ita concinnari non potuerunt. Hoc & industrii pictores faciunt, qui ubi venustius & artificio rariori pictum aliquid cernunt, industrio mox calamo depingunt. Salvius Iulianus dicere solebat: Etiamli jam alterum pedem tumulo intulissim, etiamnum tamen discere vellem. Industria vera non facile umquam fatigatur.

VI. In laboribus omnibus suscipiendis, Vetus verbum est: Bovem dat Deus, sed laborantis: (a) Piper & pecuniam, oves & boves parit industria. Salomon matrem familias egregie industriam depingens: Quasi vit lanam, inquit, & linum, & operata est consilio manuum suarum. Facta est quasi navis institoris de longe portans panem suum. Et de nocte surrexit, deditque pradam domesticis suis, & cibaria ancillis suis. Consideravit agrum, & emit eum, de fructu manuum suarum plantavit vineam, &c. Non extinguetur in nocte lucerna ejus: ridebit in die novissimo. (b) Verissimè dixit Ecclesiastes: Post industriam sequetur sapientia. (c)

VII. In excolendo spiritu. Industria spiritalis probitatem, sanctimoniam, & omnem pietatem mirifice accendit. Hæc quoque industria, uti priores, notat, scribit, observat, omnia in sui documentum trahit, sibi

2. 1001. 10. 11. (dex.

(a) G. Niclas beschert wol die Ruhe, liefert sie aber keinem an das Galt.

(b) Prov. c. 31. 13. & seqq. (c) Eccl. 10. 10.

dextre applicat omnia: nec meliora dicta, & sacras sententias è divinis litteris, patribusque priscis negligit; in omnes eventus adversus tentationes omnes se armat. Hac industria viri sanctissimi sunt usi. Bernardus languidiorem se sentiens ipse sibi occinebat: Bernarde ad quid venisti? Hieronymus seipsum assidue ad meliora extimulans: Sive comedam, inquit, sive bibam, semper mihi audire videor terribilem tubam: Surgite mortui, venite ad iudicium. Franciscus Affias illud in ore ac corde semper habuit: Deus meus & omnia. Maximilianus II. Imperator istud identidem usurpavit: Deus meus & omnia. Philippus Diesius narrat hominem domo nobilem sed animo è sacris concionibus alienissimum, dicto illo: Bonum quod tibi vis fieri, fac & tu alteri: (a) ad frugem correctum esse. Ita quandoque homo exerrans verbulo unico seipsū in ordinem redigit, monétque officii, quemadmodum auriga notus vel vocula insolentes equos corrigit. Ita in mœrore sibi quisque dixerit: Quare tristis es anima mea & quare conturbas me? spera in Deo, quoniam adhuc confitebor ei. (b) Cum animus angoribus aut desperatione urgetur: In te Domine speravi, non confundar in aeternum. (c) Cum fervet ira: Virum stultum interfecit iracundia. (d) Aut dicat sibi tam biliosus: Heus homo calide, rursus insanis? Cum autem

(a) *Diez. tom. 2. p. 2.*

(b) *Psal. 42.*

(c) *Psal. 30.*

(d) *Iob c. 5.*

tem caro & libido pelliciunt, versentur in animo ista: Caro & sanguis regnum Dei possidere non possunt. (a) Manifesta sunt opera carnis, quæ sunt fornicatio, immunditia, impudicitia, luxuria &c. quoniam qui talia agunt, regnum Dei non consequentur. (b) Cum calumniæ mordent, cum calumniæ vellicant: Usque in tempus sustinebit patiens. (c) Sustinete modicum. Cum inimicus in oculis est, sit illud in animo: Christus crucifixus, mortuus, sepultus pro hostibus, Iudæ proditori pedes lavit, corpus suum & sanguinem eidem in cibum præbuit: pro crucifigentibus se (Pater dimitte illis) è cruce clamavit. Talibus se dictis munit industria spiritualis, & ad tempus belli se præparat, easque sibi seligit sententias quæ in adversis erigant, excitent, firment, conservent. Ita Mater Domini I E S U. Maria conservabat omnia verba hæc, conferens ea in corde suo: dicta de filio inscripsit cordi. Qui hanc industriam aut ignorat, aut non usurpat, ille in rebus turbidis impatiens, asper, pusillanimis & dejecti animi, ante congressum cum hoste abjicit clypeum, consiliis inops & auxilii in turpi fuga quærit salutem. Industria his malis aut obviare potest aut mederi. Operemur igitur consilio manuum nostrarum, & videbimus, quia bona est negotiatio. Salomon industrius præit exemplo. Industria cum patientia potest omnia.

(a) I Cor. c. 15. v. 50.

(b) Gal. c. 5. v. 21.

(c) Eccli. c. 1.

C A P V T V.

Salomon Dives.

INterrogatus olim Simonides: Num Opulentia magis expetenda videatur an Sapiencia? Anceps hæreo, aiebat: nam divites à sapientibus ambiri video. Philosophos sui ævi non obscurè perstrinxit, qui divitias verbis spernerent, re captarent divitum palpatores. Si quis Simonidem interrogasset: Num opulentia & sapientia conjunctæ, non pluris faciendæ, quàm alterutra sola, vix amplius dubitasset. Nam vera sapientia moderari potest opulentia.

Salomon optione concessâ eligendi ac petendi quod veliet è duobus, solam petiit sapientiam, quod suo tempore docebimus. Verum liberalissimus Deus, utrumque largitus opulentiam & sapientiam: Sed & hæc, inquit, quæ non postulasti do tibi, divitias scilicet & gloriam, ut nemo fuerit similis tui in regibus, cunctis retro diebus. (a)

Stagiraus præceptor Aristoteles de divitiis primævis ita ratiocinatur. Cum naturæ gremium profundat herbas & plantas animalibus brutis, hæc autem in hominis usum sint, satis fit evidens, ut qui paratissimus est ab agris & pecore, is etiam censendus sit ditissimus naturæ beneficio. Hinc sui priscis thesauri, ab agricultura scilicet, & à pecore collecta pecunia. Hoc ararium habuit & Salomon, ut diximus, sed non unū hoc & solum.

(a) 1 Reg. c. 3. v. 13.

lum. Plura illi fuere gazophylacia, ut jure merito dici potuerit, *Salomon dives*. Hoc quidem capite Salomonem divitem, sequenti opulentum etiam & prae-divitem ostendemus.

§. I.

Lyfander Cyro juniore gratulaturus: Rectè, inquit, te beatum ferunt, quoniam sapientiae tuae fortuna juncta est. Iure multò potiori de Salomone hoc affirmem, qui tam fuit dives, ut nemo fuerit similis ei in regibus. Cyros, Sardanapalos, Darios, Croesos fuisse divites non negamus, sed poterant hi reges mendicare ad fores Salomonis. Rex David argenti & auri fontes multos habuit, sed habuit plures & largiùs fluentes. Rex Salomon. Numeremus hos auri fontes.

I. Fons auri. Vestigalia & portoria è diversis mercimoniis & rebus aliis usui quotidiano necessariis.

II. Fons, Tributa dari solita ab omnibus provinciis, quas David parens suae potestatis fecit. Nam Syri, Moabitae, Damasceni, Amalecitarum, Idumaei, & omnes trans Iordanem reges Syri tributa pendebant. Hoc servitutis proprium. Atque hoc prorsus erat servire: sed nec Israëlitarum à tributis omnibus immunes; nam à rege primo Saule tributum aliquid dabant omnibus regibus.

III. Fons auri, Dona Regum & gentium. Arabiae reges à Davide nunquam oppugnati, nunquam victi sunt: nihilominus ut Hebraeorum regum, praecipuè Salomonis favorem sibi conciliarent, ad illius genua per

aureos gradus ascenderunt. Chronicon regum testatur: Omnesque reges Arabiæ & satrapæ terrarum, comportabant aurum & argentum Salomoni. (a) Voluntaria hæc oblatio à Davidis sceptro sumpsit initium, sed uti facillimum consuetudinem in leges trahere, Salomone Imperante in jus transit, ut ista annis singulis velut ex debito deferrentur ad Hierosolymæas arces. Res clara è divinis libris: Et singuli deferebant ei munera, vasa argentea & aurea, vestes & arma bellica, aromata quoque, & equos, & mulos per singulos annos. (b) Nec reges tantum, sed etiam dynastæ, idque ex Africâ, Asiâ, Europâ Salomonis vultum metallo regio placabant.

IV. Fons auri, spolia è bellis optimissima, & partem maximam aurum. Argento vile stabat pretium. Peltæ, gladii, pharetræ, arcus non rarò à barbaris ex auro fiebant. Quantum auri rex Adarezer in hunc fontem derivavit, quantum dederunt aliæ urbes victæ, tam in Asiâ quàm Africâ, quæ aurifodinas & metallarios tot tamque industrios aluit, ut pæne neglectui esset agricultura.

V. Fons auri, Capitatio. Singula hominum capita qui ad annum vigesimum pervenerunt, ex omni Iudæâ didrachmum seu dimidium siclum, octo sesterlios pendebant. (c) Sed hæc pecunia sacra. Hierosolymis autem, Iosepho teste, numerati homines bis millies millena quingenta quinquaginta

sex

(a) 2 Par. cap. 9. vers. 31.

(b) 3 Reg. cap. 10. vers. 25.

(c) 4. Bañen.

sex millia hominum. Ævo Iosaphati regis numerabantur undecies centena & sexaginta millia bellatorum, aliis demptis omnibus. Quid jam alibi locorum, cum ævo Caligulæ in unâ Ægypto decies centena millia Iudæorum censebantur. Ergo annuatim templo illati octoginta quinque milliones, insuper trecenta sexdecim millia ducatorum Hispanicorum.

VI. Fons auri. Hæreditas à patre David relicta. De hac Iosephus differens: Tantas, inquit, divitias hæredi reliquit rex David, quantas nullus alius rex vel Hebræorum, vel aliarum gentium. (a) Quid porro reliquit templo David? Fidem spero, mi Lector, non negabis tam notis testibus. Vox Christi est: In ore duorum aut trium testium stabit omne verbum. Quinque huc sisto, & putes fide dignos testes: Cornelium de Lapide, Ioannem Baptistam Villalpandum, Hieronymum Pradum, Ioannem Pinedam, Iacobum Salianum. Horum primus Chronicon regum interpretatus alicubi: David Salomoni ait, pro templo reliquit, bis mille quadringentos milliones auri. Millionem voco decies centena millia aureorum. (b) Hæc auri summa vix totâ hodieque reperietur Europâ. Villalpandus & Pradus thesauri tam immensi calculum ponentes: David Salomoni, ajunt, reliquit bis mille octoginta duos milliones, centum triginta quatuor millia, viginti quatuor scutorum Roma-

D 2 no.

(a) Ioseph. lib. 7. Antiquit. cap. 12.

(b) Cornel. de Lapide in c. 38. Exodi sine, idq̃ probat ut rem claram ex 1. Par. c. 22. v. 14.

norum. (a) Pineda hanc subducens summam: Quod si rectè computes, inquit, propè accedit ad tria millia millionum auri ex Hispanicis ducatis. Sic enim illa centum millia talenta auri, de quibus sacri codices, explicando. Salianus in eundem modum rationes colligens: Non immeritò, inquit, dici potest impensa in templum Domini tria millia millionum auri. (b) Pro auri vim facram, opèsq̃ue divinas! Verè divinæ, quia Dei benevolo nutu in Davidis manus consignatæ. Quantum auri Salomon sibi servavit ad tuendum pompam regiam, quantum ejusdem metalli in sepulchrum patris abdidit, explicabimus, cùm de Salomone Magnifico agemus.

Itaque Rex Salomon auri fontes à Parente David relictos reperit, & plures effodit: Inventis addidit, nova invenit, auxit accepta, ampliavit modica, commissa sibi propagavit industriâ & sapientiâ incredibili. Sapientia profectò quæstuosissima est. Quod ipse Salomon testatus: Venerunt autem mihi, ait, omnia bona pariter cum illâ; quoniam horum omnium mater est. (c) Hic de facultatibus & divitiis paucula notemus.

I. Divitiæ sunt ambidextræ, ad bonum & malum trahi faciles, uti scalæ ascensum & descensum juvant: ita pecuniæ ad cælum ducunt & ad inferos, sed plures multò ad inferos. Si pietati & pauperibus opes

fer-

(a) Scudi vocant Itali.

(b) Salianus tomo 3 *Annal Vet. testam.* mihi pag. 355.

(c) *Sap. cap. 7. vers. 1.*

serviant, iter ad beatos tenent: si vanitati & vitiis, viam monstrant planissimam ad diabolorum socios. Perinde ut stramen ad extruendam domum facit & ad incendendum: sic & opes si mentem nanciscantur bonam, adjuvant; sin aliam, sunt idem quod in manu insani gladius, qui sibi & aliis nocet. Numi in manu hominis non pii ad pompam, ad vanitates, ad epulas, ad voluptates, ad luxum & convivia, ad vestitum & superflua. Numi lautissimum vitiis omnigenis pabulum. Quàm rari sunt qui divitias expendunt in stipem & eleemosynas, in Xenodochia & valetudinaria, in tenuium puellarum connubia, in viduarum & pupillorum curas, in pauperum vigilias & scholas, in domos sacras. Vbi sunt hi cygni qui argenteum hoc melos canant, & recreent illo cantico egenos? Licet bene uti opibus, ni mali simus. Ad aquas Ægyptias id discemus quæ in sanguinem versæ, sed Ægyptiis, non Hebræis. In manu Ægyptiorum sanguis, inquit Iosephus, in manu Hebræorum mundissima erat aqua: Sic opes in manu cordis non sinceri fædus vitiorum sanguis, in manu probi hominis grande adminiculum liberalitatis. In manu Evangelici Epulonis gula, vestium luxus, familiæ pompa, illaudabilis voluptas, in egenos crudelitas: In manu Iobi alia omnia. Iob dives oculus fuit caco, pes claudus, pater erat pauperum. En discrimen ingens, in pecuniæ tam dissimili usu.

Refert Stobæus Epicurum Philosophum interrogatum, quâ demum ratione ditescere possit aris cupidus? Sapienter prorsus &

pro sanissimo philosopho respondit: Non augendo opes, sed minuendo cupiditates. Ratio expeditissima simul & honestissima. Nam quemadmodum, nec satis pastus, nec satur dici potest, qui etiânum esurit, ac si nihil comedisset: ita nec dicendus dives, qui postquam plurima glutiverit, assiduè tamen esurit & sitit. Satur est, quem nec fames nec sitis ampliùs laceffit, etsi parum comederit; ita dives, qui quamvis exiguum numeret censum, animum tamen gerit quietum & nullius rei cupidum.

Videte ut homines sapientes irrideant eos qui solùm exteriora curant. Et quomodo tu eris excusabilis, qui pulchram habes domum, pulchram supellectilem, pulchram uxorem, pulchram filiam, pulchras picturas, vestes pulcherrimas, sed & pulchra verba, dicta subinde pulcherrima: Tua solùm elemosyna non est pulchra, nimium contracta, deformis, macilenta, rugosa est. Ecce Deus te conspuet in domo tuâ pulchrâ, cum dictis & vestibus tuis pulchris, cum pulchris rebus tuis omnibus projiciet te Deus. Quid enim nitidam curat pelliculam si turpis sit anima? quid refert si vestes splendeant, si avara sit manus? Ah quanti reperiuntur qui quinquaginta, qui centum millia florenorum in arcâ numerant, nihilo minus elemosynas exiguas & pusillas lentâ & tenaci manu proferunt. O pecuniarum usum turpissimum, illas perinde ut animam custodire!

Quî ergo divitiis optimè utemur? *Non amando, & erogando.* Qui agrum fertilem cult,

pit, semen non retinet, sed abjicit. Obsecro vos, Christiani, pecunias non ita tenerè amate. Abiectæ in egenos crescunt. Pecuniarum nihil hinc auferetis. Ad tribunal Christi non multa pecunia, sed pura conscientia vos defendet. Animus à nummis abductus triumphabit. Væ homini divitiis merso & suffocato: Ergo divitiæ si affluant, nolite cor apponere. (a) Divitiæ si non affluant, nolite cor affligere. Longè tutius est nummis carere, quàm eos sine ratione possidere. Divitias fluxas *non amando*, & *erogando* colligimus æternas. Erogator non est, qui incubat nummis, uti gallina pullis, aut scœno canis in præsèpi. Erogator non est, qui dissipat in omnem luxum, in vestes & convivias, in voluptates & ludicra, in canes & equos, in adulescentes, moriones, & mimos. Erogare, est cum ratione expendere. Non amandæ sed erogandæ sunt divitiæ, ut fiant scalæ non in Tartarum, sed ad superos.

(a) *Psal. 61. vers. 11.*

CAPUT VI.

Salomon ditissimus.

Censebat Archilochus, Æliano teste, facilius esse echinum capere quàm tenere: ita expeditius divitias parare, quàm augere, ac conservare paratas. Tam David parens, quàm Salomon filius thesauros paraverunt ingentes, sed modis, planè diversis. David opes acquisiit non hæreditatè à parentibus acceptas: rustici filius erat:

at verò Salomon hæreditariis ditatus est bonis. David gladio, manu, bello, totque præliis prædas sibi aureas comparavit, plus tamen Salomon pace congregavit auri. David hostibus vel invitis spolia opima eripuit, Salomon ab amicis ultro dantibus accepit, sibi quæ insuper gratulantibus sua munera non sperni. David vicinis regnis omnibus terrori erat, vestigalia & tributa metus exigebat; cogebantur servire: Salomonem Orbis amavit universus, fama Salomonis & gloria omnes undique populos excitavit, ut preciosissima quæque congererent munera, modò scirent tanto principi placitura.

Videte artificem Deum: quantos ille thesauros parere non diversis tantum modis sed etiam contrariis possit; David sago, togâ Salomon pecunias collegerunt immensas. David opulentiam, aculeatum hunc erina- ceum cepit, Salomon tenuit, educavit, pinguefecit. Quæ quidem re plus filius parente præstitit. Vnde non solum *Salomon Dives*, ut priori capite docuimus, sed etiam *Salomon Opulentus* potuit appellari. Nam, uti divinus scriptor loquitur: Argentum in diebus illis pro nihilo reputabatur. (a) Hæc igitur dissertatio *Salomonem opulentum* sub oculis ponet.

(a) 2 *Par. cap. 9. vers. 20.*

§. I.

Pecunia suo pte genio amat tenebras: nam prima illius natalitia domus, cavernæ ac specus sunt profundæque montium: in his tene-

tenebricosis cunabulis nascitur & educatur. Inde quidem in lucem vi extrahitur, ea nihilominus lucis impatiens & amantissima tenebrarum, mox iterum in cistas, obscuros fornices, & arcas ferreas subrepat, nonnunquam etiam in matris suæ gremium redit. Quot thesauri sunt defossi, quorum aliqui in lucem denuo emerferunt, alii hodièque profundâ nocte sepulti latent? Atque adeò pecunia tenebrarum cupidissima, hoc pravo suo ingenio satis docet, quàm indolis sit malignæ.

Georgius Venetus in suis problematibus putat Salomonem eò deductum pecuniæ, honoris, vitæque illaudato amore, ut adiutorem adsciverit Almodai diabolorum primatem, thesaurorum, luxûs, ambitionis præsidem. Hic ipse, ut opinio est, Christi sanctimoniam exploraturus, à luxu sumpsit exordium, tot panes voluit creari, quot lapides humi jacerent. Dein ambitione Humilitatis magistrum, ut è templi pinnaculo se demitteret, suavit. Denum omnia regna Mundi loquente manu demonstrans opes illices proposuit. Atque hic tentator avertare dicitur Antichristo abditos thesauros ad homines tantò promptius seducendos.

Hic forsàn quæstio sit: cum olim tanti extiterint thesauri, & alii atque alii accesserint, quò denum ea vis pecuniæ defertur? Partem minimam mari haustam credendum. Sed causæ complures, cur his annis major quàm olim pecuniæ sit sterilitas. Causarum una est. Antichristo eam ab

Àsmodæo asservari. Delrius hoc affirmat. (a) idque diabolus ex homine in seffo, cui nomen Laurentius Ananias, respondisse. Quamvis cacodæmoni, ut mendaci figulo minimè credendum: res tamen à vero parum abhorret. Iustus Lipsius publicis scriptis, admiratur & tacitè quærit, quò Deus tot sparsim Iudæos servet?

Ita sunt qui opinantur Salomonem non diaboli, sed Dei favoribus adjutum, thesauros eruisse in usus publicos. Certè Tiberius Imperator ob admirabilem in egenos liberalitatem, in suómet palatio copiosum aurum jam olim, sepultum eruit, Deo monstrante abditum ærarium. (b) Hoc autem Salomon divinâ illâ sapientiâ velut odorari potuit, quo loco delitesceret speciosissimum auri cadaver. Hanc certè artem Apollonius Thyanæus est professus, opes humi defossas eruere. Deinde cùm Salomon nobilioris metalli vim maximam in eadem cum patre sepulturâ contumularit, pronum est conjectu, eandem certis usibus iterum exhumatam.

Verùm ad hæc omnia respondemus, hunc auri fontem à Salomone non tentatum: nec enim decuisset à tanto principe thesauros indagari & egeri, multò minus sepulchrum patris violari. Istud sceleratis sit negotium. Monstrum hominis Nero maximas opes à Didone reginâ, uti arbitrabatur, defossas quæsiit, sed frustra. Eò illud Taciti spe-

(a) *Delr. l. 2. Disquisit. Magic. q. 12.*

(b) *Paulus Diac. hist. Longobard. lib. 3. cap. 5. Gregor. Turonens. lib. 5. hist. Francor.*

ſpectat: Illuſit Neroni fortuna propter vanitatem ipſius. (a) Ita Darius Semiramidis ſepulchrum perfodiens, pecuniam ſub terrâ venatus, nihil niſi veterem hanc epigraphen invenit: Niſi pecuniæ inexplibilis & turpis lucri cupidus eſſes, defunctorum urnas non aperuiſſes. (b) Igitur ex hoc fonte Salomon divitias non hauſit. Sex auri fontes jam ſuprà nominaviſus Veſtigalia, Tributa, Donna, Spolia, Capitationem, Hæreditatem. Septimus iſque ſecundiſſimus erat annua Navigatione in Tharſis & Ophir. Subjeſtos ſibi populos rex Salomon exactionibus non exhauſit, non oppreſſit, non vi blandâ ſpoliavit. Omnes ſub illo Hebræi fuerant opulenti, quiſque ſub ſuâ ficu & vite, ſuâque forte vivebat contentiſſimus. Sed nec exteris gentibus & alienigenis erat gravis. Faciles dabant omnes, & pâne ultro ſua offerebant.

Sed navigationibus jam ſuprà explicatis iſtud addimus quod Regum faſti aſſerunt. Qui cùm veniſſent in Ophir, ſumptum inde aurum quadringentorum vigenti talento- rum, detulerunt ad regem Salomonem. (c) Sunt quinque milliones auri, inſuper ſexcenta viginti quinque millia numorum aureorum. (d) Sex pâne milliones. In Regum Chronico ad verbum hæc exprimuntur numero grandiore. Erat autem pondus auri quod offerebatur Salomoni per annos ſingulos

(a) Tacit. lib. 26. Annal.

(b) Herodot. lib. 1. ſuſe.

(c) 3 Reg. cap. 9. verſ. 28. ſine.

(d) Ita Sallianus computat.

gulos sexcentorum sexaginta talentorum auri. Ipsi, ut Sallianus vult, octo milliones, insuper trecenta viginti quinque millia nummorum aureorum. (a) Villalpandus variantia testimonia componens. Cum intra trium annorum spatium, inquit, tres classes solverint auro advehendo, singula tertio quoque anno redierunt. Et prima quidem quadringenta viginti talenta auri. Aliquantulum plus altera, nempe quadringenta quinquaginta. Tertia verò sexcenta sexaginta talenta auri: cum fossiores scilicet exercitatiores, & fodinae largius responderent: Hic septimus & longè opulentissimus fons auri fuit, Navigatio quæ merces viliores evehens repperavit purum putum aurum. Atque hinc *Salomon opulentus*. Ita crevit erinaceus, ita pinguefactus est. Insigniter autem & subditi, hac sui regis opulentiam fruebantur. Quisquis laborem non habuit exosum, largam & præsentem reperit monetam. Pauperes ignotum tunc Animal. Testantur Regum fasti: Habitabatque Iuda & Israël absque timore ullo, unusquisque sub vite suâ, & sub ficu suâ. (b) Ophirejum & Tharsicum aurum domos omnium inaurabat. Omnium suorum civium benevolentiam Salomon sibi devinciebat. Quamvis ad finem Salomonei imperii, ut dicemus, in immensum crescente luxu, ærario paullatim suspirante ad fundum, sumptu regio deficiente, miserè omnia claudicare cœperunt. Et qua de causâ? Dicam liberè: Incredibiliter

(a) 2 Paral. cap. 9. vers. 13.

(b) 3 Reg. cap. 4. vers. 24.

liter excæcant divitiarum, mores corrumpunt, mentem auferunt. Iobo id credemus affirmanti: Dives cum dormierit, nihil secum auferet: aperiet oculos suos, & nihil inveniet. (a) Aperiet oculos, inquit, post mortem scilicet, quos in vitam habuerat clausos. Ohe serum nimis est tunc primum velle videre, cum non amplius licet vivere. Cæcitas viventis, præcipitium morientis: in vitam excæcatus, in morte damnatus. Talis Epulo dives, qui elevans oculos in tormentis vidit Abraham à longè & Lazarum in sinu ejus. (b) Videte rem mirissimam: Lazarus jacebat ante oculos Epulonis, & tamen illum non videbat planè cæcus: nunc verò eundem eminus ad aliquot milliarium distantiam videt. Nonnunquam cum latrunculis luditur, lusorum alter adeò incalescit, ut propitiam sui lusûs fortunam non cernat, & lusum perdat. Qui adstat errorem facile advertens. Ego, inquit, hunc calculum loco non movissem, hos potius extrusissem latrones: ita & Epulo, calidus sed malus lusor, ubi lusum finit, suos errores primum vidit, non viderat dum luserat, à divitiis excæcatus. Tandem cum sibi ipsi consulere non potuerit, suis saltem fratribus persuaderi voluit, ut opes cautius tractarent, illum tormentorum locum caverent, stipem largius erogarent, ideo in flammis clamavit: Mitte Lazarum monitorem. Quid opus, mi Epulo, mortuum ad tuos legatum mittere? monitorum satis habent vivorum, illos audiant, oculi-

(a) *Iob. cap. 27. vers. 19.*

(b) *Lucæ cap. 16. vers. 23.*

oculos aperiunt, errores corrigant, lusum quem lusiſſi, ludere deſinant, divitias excæcantes dividant, ſtipem ſpargant. Hac illi affiduè monentur; modò monitoribus aſperi non ſint, non erit difficile hos flammeos ſpecus cævere.

Divitiæ profeſſò excæcant, & animum ducunt captivum. Septem Machabæi principes fratres, ab Antiocho excarnificati variè mori maluerunt quàm paternas leges vel minimùm violare. Et ſex quidem priores & tormenta & mortem generoſiſſimè dicuntur obiſſe. At ſeptimo ſingulare illud encomium tribuitur: Et hic itaque mundus obiit, per omnia in Domino confidens. (a) Cur oro ſpiritus ſanctus non aliis etiam ſex primis hoc dedit teſtimonii? Quia tyrannus Antiochus ſex prioribus nullas opes obtulit, ſed ultimo natuque minimo, cui cum juramento affirmabat ſe divitem & beatum facturum. (b) Nihilominus perſeverabat adoleſcens, & mortem animoſiſſimè obibat. Hoc reverà tanti erat, ut ſingulari fuerit encomio afficiendum. *Et hic mundus obiit.* Perinde ſi dicat: Mirum quidem ceteros inter cruciatus acerbiffimos tam perſitiſſe conſtantes, ſed longè mirius poſtremum, oblatis opibus tam generoſè ſpretis; mortem tam fortiter obiſſe. Tam difficile quàm admirabile opus eſt opes contemnere.

Quàm autem divitiæ incredibiliter excæcent, in Iudâ Iſcariote Domini Jeſu proditore, clarè nimis conſpicitur. Infelix hic mer-

(a) 2 Machab. cap. 7. verſ. 40.

(b) Ibid.

mercator inter Apostolos solus pecuniam tractavit, solus periit : Mundum vicit, carnem vicit & diabolum, vicit omnia ; secutus est Christum, sed victus est à pecuniâ. Quid autem Christus intentatum reliquit ut miserum à destinato flagitio averteret ? Ante scelestum in genua procubuit, pedes illi lavit, terxit, osculatus est, in mensâ cum sibi proximum esse voluit, (a) bucellam humanissimè dedit, suum corpus & sanguinem amantissimè in cibum porrexit, prodicionem sibi cognitam, salvâ nominis famâ, ostendit : Unus vestrum me traditurus est ; veruntamen va homini illi. Nihil Dominus promovit, nec scelus homini nequam eripuit, nec persuasit quidquam. Nec enim erubuit improbius, nihil timuit, capta perfecit. Audi sacra fames quid non mortalia pectora cogis ? Verissimum à Christo est oraculum : Quàm difficilè, qui pecunias habent, in regnum Dei introibunt. Mox addens Christus : Filioli, ait, quàm difficile est confidentes in pecuniis, in regnum Dei introire ! (b) O Christe quàm etiam est difficile divitibus concionari ! tanquam lapides non moventur, pleraque omnia surdis auribus transmittunt, nihil persuadentur. Sunt veluti vasa jam antè plena, quibus si aliquid infuderis, effundes : divites jam pleni cogitationibus, consiliis, phantasiis, negotiis ad conciones veniunt, nec ferè aliter quàm ut æthiopes, quos lavare negotium sanè operosum

(a) Ioan. V. Valterius de triplici Domini cenâ hoc probat.

(b) Marci cap. 10. vers. 23.

rosus est. Quod si ex ingenti auditorum numero interrogarentur singuli. Quis dives & pecuniæ amans? nemo se reum fatetur, nemo. O quàm igitur difficile est curare morbum quem omnes sanitatis partem esse censeant!

O Christiani, minùs amanda est pecunia quàm anima; imò spargenda est egenis pecunia, ut inferis subduci possit anima. Monet Siracides & urget: Fili, si habes, benefac tecum, & Deo dignas oblationes offer. Memor esto, quoniam mors non tardat, & testamentum inferorum. Ante mortem benefac amico tuo, & secundùm vires tuas exporrigens da pauperi. Da & accipe, & iustifica animam tuam. (a) Da per stipem aliis; tibi accipe, utendo moderatè, & iustifica tuam animam, non amando pecuniam, ut obeas mundus per omnia. Notum illud: Qui parcè seminat, parcè & metet. (b) Eleemosyna semen est; non magnos spera fructus si semen sit exiguum. Quapropter Siracides identidem ad dandum extimulans: Da, inquit, altissimo secundùm datum ejus & in bono oculo adinventionem facito manuum tuarum. (c) Quod egeno datur, hoc datur Altissimo. Da igitur secundùm quod dedit tibi: Da in bono ac liberali oculo. Oculus amarus, oculus nequam. Quoniam Dominus retribuens est, & septies tantum reddet tibi. (d) Aude obolo mercari regnũ.

(a) *Eccli. cap. 14. vers. 11. & seqq.*

(b) *2 Cor. c. 9. vers. 6.*

(c) *Eccli. cap. 35. vers. 12.*

(d) *Ibid.*

CAPVT VII.

Salomon Liberalis.

Salomonem non solum divitem, sed opulentum seu ditissimum fuisse asseruimus. Quæstio tamen sit, numpiè ac sanctè egerit tantos acervando thesauros, num suo id jure fecerit, cum Siracides testetur: Collegisti quasi aurichalcum aurum. (a) Sed eadem oracula sacra jere id factum asserunt. Deus illi promiserat: Divitias, & substantiam, & gloriam dabo tibi, ita ut nullus in regibus, nec ante te, nec post te fuerit similis tui. (b) Et quemadmodum nunc novâ Christi lege contemptus opum, futuræ beatitudinis signum est luculentum, sic prisco avo illo florere opibus; felicitatis magnæ fuit indicium. Quòd si Salomon tam opulentus non fuisset, pacem tam stabilem ac diuturnam non obtinuisset, quivis regum suas in ipso vires exploraturus arma movisset. Aut certè complurium Regum Societas in illius unius caput conjurasset. Vox illorum fuisset: Pauperculus ille rex Hebraorum nervum belli non habet: Venite opprimamus illum conjunctis armis. Idcirco Aristoteles Ethices præceptor: Pecunia, inquit, est quasi necessitatis fidejussor. (c) Rex opulentus hosti terrificus.

Iosaphat & Ezechias regum optimi, sed unâ etiam ditissimi. De Iosaphato Regum

E

Chro-

(a) *Ecc. 47. v. 20.* (b) *2 Par. c. I, v. 12.*(c) *Arist. l. 5. ethic.*

Chronicon testatur: Factæque sunt ei infinitæ divitiæ, & multa gloria. (a) Ezechiam verò sacer historicus ita commendat: Fuit autem Ezechias dives, & inclytus valde, & thesauros sibi plurimos congregavit argenti & auri, & lapidis pretiosi; aromatum & armorum universi generis, & vasorum magni pretii. Apothecas quoque frumenti, vini, & olei, & præsedia omnium jumentorum, caulisque pecorum, & urbes sex adificavit sibi. Habebat quippe greges ovium & armentorum innumerabiles, eò quòd dedisset ei Dominus substantiam multam nimis. (b) Sicut igitur hi sancti reges optimâ mente, sine aliorum injuriâ ararium suum locupletarunt, ita & Salomon fecit initio. Progressu temporis pecuniam non minus collegit quàm expendit, ut dicemus.

Proculus narrare solitus se crebrò è rusticis jam incanis audiisse, Pecuniam sine peculio fragilem esse. Peculium appellabant illud quod praudii causâ seponeretur, quod necessitas in usus ceteros protraheret. Rex David sollerter id observans: De peculio meo, inquit, aurum & argentum do in templum Dei mei, exceptis quæ præparavi in ædem sanctam. (c) Salomon & pecuniam, & peculium, & thesauros habuit imensos.

Ergo Salomon Dives & Opulentus, imo etiam, quòd divitiis & Opulentia princeps elogium, & Liberalis fuit. Modicæ fuisset laudis,

(a) 2 Paral. c. 17. v. 5.

(b) Ibid. c. 32. v. 27. & seqq.

(c) 1 Paral. c. 29. v. 30.

laudis, Salomon dives; sed erat maxima, Salomon Liberalis. Ingloriæ sunt opes & deformes, nisi eis formam conciliet Liberalitas. Quod hoc capite ante oculos statuamus.

S. I.

Distitabat Bion: Longe melius censeretur, de suâ messe alteri dare, quàm messem alterius vellicare. Salomon hoc fecit, si ullus regum: Messem auream collegit, sed eam non soli sibi servavit; quam omnibus præsertim suis civibus fruendam liberalissime concessit. Liberalitatis complura sunt argumenta. Primum, Aedificatio templi. Nullis retro saculis, sed nec secuturis, regum ullus struendam talem moliri ausus est, qualem Salomon, & quidem in unius Dei honorem. Ea certe fabrica tantum argenti & auri hausit, ut quæri potuerit, quid sibi rex servabit? Alexander Macedo, quod Plutarchus narrat, antequàm mari se committeret, amicis munera divisit liberalissime; huic agrum, illi castrum, isti villam, vestigal alteri, aliquibus aurum & monerari, quibusdam census annuos, idque tam multis, ut Parmenio quæreret: Quid regi superest? Cui Rex blande: Spes, ait, acquirendi majora. Ita Salomon cum strueret templum, dixerit: Hac omnia Deo & divino cultui do; mihi superest spes acquirendi plura.

Alterum liberalitatis argumentum erat amplificatio urbis. Complura ædificia è fundamentis excitata Reipublicæ cumprimis utilia.

Tertium, Vrbes ruinosas restauravit industria singulari, regiis sumptibus; quasdam etiam novas erexit: ita sibi aliisque plurimum commodavit.

Quartum, eam pecuniæ vilitatem induxit Hierosolymis, ut Regum fasti pro testimonio dicant his verbis: Fecitque ut tanta esset abundantia argenti in Ierusalem, quanta & lapidum. (a) Quod iisdem pæne verbis Regum Chronicon confirmat: Tantamque copiam præbuit argenti in Ierusalem quasi lapidum. (b) Præbuit aliis, non sibi tantum servavit. Sed idem tertium consummatur: Præbuitque rex argentum & aurum in Ierusalem quasi lapides, & cedros quasi Sycomoros, quæ nascuntur in campestribus multitudine magnâ. (c) Aperuit Salomon araria, eaque in suos cives potissimum deplevit, deditque causâ regias opes lucrificiendi. Hinc omnes suâ sorte contentissimi, regis sui fortunas ut suas amabant, numati omnes & divites effecti ex aureâ Salomonis messe. Ptolomæus Lagi filius magnâ voluptate suos ditavit, sed ob id velut plus æquo liberalis monitus, dixit: Regalius est ditare quàm ditescere. (d) Ita Salomoni regium factum est visum, non sua solum araria, sed etiam aliena opulentare. Deus namque Salomoni dedit latitudinem cordis, quasi arenam quæ est in littore maris. (e) Hinc regia pecunia magnificentissimè expensa.

(a) 3 Reg. c. 10. v. 27.

(b) 2 Paral. c. 9. v. 27.

(c) Ibid c. 1. v. 14. (d) *Alian.*

(e) 3 Reg. c. 4. v. 29.

penſa. Petrus Comeſtor aſſerit Salomonis avo Hieroſolymis pro domorum foribus plurima argentea ſedilia, qualia nos è ligno aut ſaxo habemus, equos aſcenſuris commoda. Iosephus in hanc rem locuples teſtis, eam pecuniæ vim in ſancta civitate aſſerit fuiſſe, ut nullum eſſet pretium argento. Quod ſi cives ſuos Salomon primis annis exhauiſſet, non dixiſſet Siracides: Ad inſulas longè divulgatum eſt nomen tuum, & dilectus es in pace tuâ. (a) Liberalis fuit Salomon, liberaliſſimus, ideo plurimum ab omnibus amatus.

Quemadmodum verò Paulus avaritiæ mentionem injiciens: Radix, inquit, omnium malorum eſt cupiditas, ita dici radix omnium bonorum poteſt liberalitas: ſi numorum avidi poſſent perſuaderi, quàm non laudabile ſolum ſit, ſed & utile liberalem eſſe, non ita ſuis ſe nummis, uti bombyces ſuo ſe textu, involverent.

I. Liberalitas in erogandis pecuniis rationi convenientiſſima. Ad quid obſecro pecuniis, & quis legitimus illius uſus? Num. quid ut omnes ciſtæ, ſacculi, arcæ, & quid. quid locutorum domi eſt, nummis inferciantur, & centum ſeris obſerentur? Siracides clamat: Sapientia abſcondita, & theſaurus inviſus, quæ utilitas in utriſq;? (b) Quàm non credunt gryphes iſti, inſidiatores auri? Quid ſentias de viro iſto, qui centum millia philippeorum anxie cuſtodit, licet improlis ſit, aut prolem habeat, cui multa pecu-

E 3

nia

(a) *Eccli. c. 47. v. 17.*(b) *Eccli. c. 41. v. 17.*

nia multa noxa est, aut meros captatores numeret ac haredipetas, quorum fletus sub personâ risus est? (a) nihilominus vir iste pecuniosus nil templis, nil Xenodochiis, nil viduis aut pupillis, nil pauperibus agris & scholasticis, nil aliis egenis donat, pecuniâ nihil elocat, nisi cum certo & grandi lucro, si quem boni nuntii bajulum dimidio sestertiolo (b) remuneretur, rem maximam præstat. Dii Deaque omnes hunc sordidissimum Euclyonem in malam maximam eliminant crucem: Dii talem terris avertite pestem. Num prodigia ista Christiani nominis & sanguinis censenda? Et tamen audent hac monstrare nescio quam sanctimoniam larvam suam tenacitati oppandere. Verum aequissimus Deus nonnunquam hos larvatos lucriones præbet noscendos, quorum frumentum evolare, aut defossas ollas alio emigrare jubet. Liberalis Salomon monens: Ne erigas, inquit, oculos tuos ad opes quas non potes habere: quia facient sibi pennas quasi aquilæ & volabunt in celum. (c) Nec tu frue-
ris, nec tui. Resistimè.

II. Liberalitas Deum divinamque bonitatem quàm maximè imitatur. Ingenii divini est, dona in omnes inviros effundere quam liberalissime. Canit psalter regius: Oculi omnium in te sperant Domine, & tu das illis escam in tempore opportuno: aperis tu manum tuam, & implebis omne animal

(a) Lauter lachende Erben.

(b) Ein Creuzerlin.

(c) Prov. c. 23. v. 5.

mal benedictione. (a) Omnibus abunde dare, indolis est divinæ. Interrogatus Demosthenes, quo homines Deum proximè accederent? Respondit: Benignè faciendo. Hoc reverà Deo similem reddit.

Christus artificium docturus, quo laudatissima liberalitas exercenda: Cùm facis prandium aut cenam, inquit, noli vocare amicos tuos, neque cognatos, neque vicinos divites, ne forte te & ipsi reinventent, & fiat tibi retributio. Sed cùm facis convivium, voca pauperes, debiles, claudos, & cæcos, & beatus eris, quia non habent retribuere tibi: retribuetur enim tibi in resurrectione iustorum. (b) Benefacite, mutuum date, nihil inde sperantes, & erit merces vestra multa, & eritis filii Altissimi, quia ipse benignus super ingratos & malos. (c) Cum autem datur, hilariter dandum est, & nequiquam verbis malignis & agrè exeuntibus: Hilarem datorem diligit Deus. (d) Diu deliberare aut acerbo vultu dare, nolentis est, & omnem corrumpit gratiam. Eam ob causam præcipit Siracides: In omni dato hilarem fac vultum tuum. (e) Deus dat omnibus affluenter & nemini improperat. (f) Divinum quid est benefacere ac dare, non ut dat institor, caupo, mercator, fenerator, sed amore liberalitatis. Hanc laudem ambierunt olim principēs, quorum mentionem Christus injiciens: Reges gentium,

E 4 inquit,

(a) Psal. 144. v. 15.

(b) Luc. c. 14. v. 12. & seqq.

(c) Luc. c. 6. v. 35. (d) 2 Cor. c. 9. v. 7.

(e) Eccli. c. 35. v. 11. (f) Iac. c. 1. v. 5.

inquit; dominantur eorum, & qui potestatem habent super eos, benefici vocantur. (a) Quo liberaliores eo beneficentiores. Hanc sibi gratiam à Deo postulans rex David: Spiritu principali, ait, confirma. Chaldaeus interpretes scribit: Spiritu munificentiae.

III. Liberalitas non honesta solum sed utilissima. Princeps Salomonis cura fuit, quæ & aliorum regum sit, ita sibi stabilire regnum, ut illud tam ab inquilino & civili, quàm ab extero hoste sit tutum. Tutabitur certe Liberalitas. Salomoni hoc credendum affirmanti: Misericordia & Veritas custodiunt regem. Interpretatio Vatabli: Fides servat regem, Beneficentiâ suffulcitur solium ejus. Quem enim cives ac subditi sic amant, ut illi solum prosperam valetudinem, & vitam quàm longissimam voveant, è suffulto imperabit folio. Quod Salomon præclarissimè confirmans: Victoriâ, inquit, & honorem acquireret qui dat munera; animam autem aufert accipientium. Qui tandem aufert animam? Liberaliter dando. Nam qui accipiunt, ita se putant adstrictos danti, ut parati ad omnia, suam illi velut animam vendant. Sic Absalon omnibus blandiens: Furabatur corda filiorum Israël. Ita liberales furantur animas eorum quibus benefaciunt; dando accipiunt. Ita liberalissimus Salomon dilectus in pace suâ, spiritu hoc principali omnium sibi animos devinciebat.

Objicias, sum ipse pauper; liberalitas à me

(a) Luc. 6. 22. v. 25.

men non expectanda. Respondemus neminem esse tam pauperem qui non & avarus esse possit & liberalis. Hæc non modio metienda, sed animo. Mendicus etiam potest in mendicum esse liberalis. Qui panem habet, dividat cum eo qui non habet. Si panis desit, aliquid melioris affectus imperiatur.

Objicias iterum: Si mendicus eodem die bis redeat, aut in datis non acquiescat? Cogitandum, esse mendicum & audacem aliquantulum aut etiam impudentem. Sed vera Liberalitas ejuscemodi remoris non patitur se præpediri; non venustate morum, sed egenorum necessitate moverur.

IV. Liberalitas non solum utilissima sed tam præsentem opulentat vitam quam futuram. Zeno Imperator ceteroqui pietatis exigue, sed liberalitatis magnæ per eleemosynas & stipem servatus est. Eclicius Senator Burgundus, grassante per illas terras fame, quatuor millia pauperum voluntariis expensis aluit, & vocem caelestem audit, quæ facti præmium promisit. (a) Ioannes Constantinopolitanus Patriarcha quotidie septem millia quingentos enutriit, quorum omnium nomina velut filiorum in chartâ perscripta habuit, ne vel amor vel memoria hac in parte laberetur. Petrus Vellius Lusitanus mercator, ob maximam in egenos liberalitatem, sui funeris diem singulari favore Numinis præcivit. (b) Pachomius necdum Christianis sacris imbutus, Christiano-

E 5 rum

(a) Sigibertus An. 481.

(b) Hist. Societatis IESV l. 12. n. 100.

rum liberalitate motus quasiit, quod esset genus hominum, qui in pauperes ac peregrinos etiam ignotos tam largi existerent? Mox in eorum partes transiit; ita liberalitatem alienam suæ salutis principium habuit. Gregorius XIII. Pontifex Romanus, germani pectoris princeps, & vere Germanorum pater, adeo liberalem in pauperes se gessit, ut illi senatus à morte statuam in Capitolio locarit, quæ hodièque loquitur & optimi pastoris largitatem prædicat. Nam marmori incisum: *Sestertium octingenties singulari beneficentia in egenos distributum.* (a) Sunt vices centena millia aureorum, ipsi duo miliones; non computatis stabilibus bonis, quæ vel hominibus vel domibus, Collegiis, templis assignavit. (b) Cosmus Medicus, quem Ludovicus Guicciardinus sapientem nobilem appellat, Xenodochiis, templis, cœnobiis supra quadringenta millia ducatorum impendit, nec tamè minutiores eleemosynæ in hanc summam trahuntur. Cùm omnes optimi senis liberalitatem mirarentur, amicis sapius dixit: Nunquam Dei causâ tam multa in pauperes expendi, quin debitorum plura confessi nominis in prescriptionibus meis rēpererim. Liberalitas & præsentem vitam opulentat & futuram. (c)

V. Liberalitas mediam tenet viam inter prodigalitatem & avaritiam. Neque verò nos prodigum esse docemus sed liberalem. Non censendus est sapiens liberalis princeps.

(a) 2000000 Cronen.

(b) Baron. tomo 2. An. 175. n. 20.

(c) Vide plura in meo Gazophilacio.

ceps, qui potius effundit quàm donat, qui suum famulitium ditat egenus ipse. Medium tenuere beati. Turpe, adstrictum nimis esse ac deparcum, inutile & noxium profundere; largum laudamus, non prodigum, erogandæ sunt pecuniæ non dilapidandæ. Hoc primi artificii est medium incedere, & extrema utrimque cavere. Quod Artaxerxes insigniter callens, rex optimus non quidem Iudæus, sed amans Iudæorum & liberalissimus, sed inter meras: Ego Artaxerxes, inquit, statui atque decrevi omnibus custodibus arcæ, qui sunt trans flumen, ut quæcunque petierit à vobis Esdras sacerdos, scriba legis Dei cæli, absque morâ detis, usque ad argenti talenta centum, & usque ad vini batos centum, & usque ad batos olei centum, sal verò absque mensurâ. Omne quod ad ritum Dei cæli perinet, tribuatur diligenter in domo Dei cæli, ne forte irascatur contra regnum regis & filiorum ejus. (a)

En quam dextre ac prudenter Rex Persæ medium iverit tutissimus. Liberalis in Iudæos extitit, sed cum ratione, & certos intra fines. Donavit, non dissipavit; verè largus, nequaquam prodigus; non dissimilis nubi quæ attrahit ut remittat, in terrâ sibi subjectâ bonum Nubes sunt principes, & reges, quæ vapores colligant attrahantque, eos autem non retineant sed salubriter refundant. Ita Salomon nubes fuit, quæ aurum è Tharsis & Ophir attractum in populos subiectos depluit.

Præ-

(a) I Esdra c. 7. v. 21. & seqq.

Præbuit enim rex argentum & aurum quasi lapides.

Hunc mutuum nobis amorem Paulus commendans : Quoniam, inquit, sumus invicem membra. (a) Cibus ac potus & quidquid per os ingeritur, in stomachum descendit ; hic membrorum omnium culina est : stomachus quamdiu vegetus & officium facit, accepta non sibi servat, sed omnibus membris dividit. Infidus est, & ingesta retinet ? sibi membrisque ceteris nocet, proximus exitio. Ita Deus, ô Christiani, divitiis nos reficit, non ut eas abscondamus & nobis solis retineamus, sed ut in membra egentia distribuamus. Stomachi est digerere sibi commissâ, & dividere. Stomachi vicem fungimini, ô divites : dividere non vultis ? & aliis, & vobis ipsis plurimum nocebitis, quoniam sumus invicem membra. Stomachus malus & multâ intemperie diffusus rugas omnes & plicas amittit, (ut in anatomiis est cernere) simillimus detrimento, eraso, pertuso sacculo, vicinam opperiens mortem. Videte, Christiani divites, ne stomacho tali sitis similes, è quo avida membra nihil impetrent. Estote liberales, quantumcunque poteritis : Si multum vobis fuerit, abundanter tribuite ; si exiguum, etiam exiguum libenter impertiri studete. (b) Nunquam tam multa erogabitis, quod de se Cosmus Medices dixit, quin plura facultatum meliorum recepturi sitis. Deus se debitorem profitetur. Erogando acquirimus.

(a) *Ephes. c. 4. v. 25.*

(b) *Tob. c. 4.*

CAPUT VIII.

Salomon Hospitalis.

Interrogatus Socrates: Quorumnam hospitium censeret maximo ambien-
dum? Illorum, dixit, qui bene sapiunt.
Salomonem fuisse liberalissimum asserui-
mus, praesertim in aulicum famulitium &
Solymaeos cives. Sed plus ultra Salomonis
sefe liberalitas extendit, quae etiam ignotos
& externos complexa est. Hinc *Salomon
Hospitalis*. Hospes illi venerat, & quidem
dignitatis summae, hospes opulentissimus,
qui Socratis consilio peritissime usus, Ho-
spitium qua sivit apud hominem inter ho-
mines sapientissimum.

Regina Saba maria & terras per mensa ve-
nit Hierosolymam, sapientiam Salomonis
auditura, hospitio se digno excepta. Hic se-
ptem aliquantulum curiosiores quaestiun-
culae nobis pertractandae. 1. Quae fuerit haec
Regina hospes? 2. Quando venerit. 3. Quare
venerit. 4. Unde venerit. 5. Quid Hierosoly-
mis fecerit. 6. Quid Salomon donaverit.
7. Quam diu in civitate sancta manserit. Ad
singulas ordine succincto respondebimus.

S. I.

I. Quaestiuncula, quae fuerit haec Regina?
Siquidem Saba, non proprium nomen sed
gentilitium fuit, perinde si hodieque dica-
tur Princeps Lotharingiae, Princeps Transil-
vaniae, Saxoniae, Pomeraniae. Prisci Patres
per-

perquam honorificè de Reginâ hâc olim locuti. Theodoretus & Beda, feminam electam, sanctam, admirabilem, à Christo commendatam nominant. Revera Christus Matthæi & Lucæ ore: Regina Austri, ait, surget in judicio cum generatione istâ, & condemnabit eam; quia venit à finibus terræ audire sapientiam Salomonis. (a) Satis constat è divinis libris fuisse opulentissimam juxta & sapientissimam. Nomen Candace, reginis in Æthiopiâ commune fuit. Quod aliud illi fuerit, ignoramus.

II. Quando venerit hæc Regina? Cùm Salomon annum ætatis quadragesimum octavum, vicesimum octavum Regni ageret. Sed unde Salomon huic principi feminæ notus? Vix dubium quia è classe quæ annis singulis Arabiam circumiit navigando. Verum reginam tantæ sapientiæ ac potentiæ, solis rumoribus ad profectiorem tam longam & periculosam permoveri credibile non est. Sed illud facilè admittimus, missos prius legatos Hierosolyma, qui pleni admirationis redeuntes, visâ & audita non satis explicare poterant. Decrevit ergo domina tam potens in rem præsentem venire ipsa & audire. Vix esse poterat nobilius testimonium gloriæ Salomonis quàm iter istud & adventus heroidis tam magnificæ. Fassa est ipsamet omnem expectationem suam longissimè victam. Illa quidem regiâ procedens pompâ, ingressa est Hierusalem multo cum comitatu & divitiis; camelis portantibus aromata, & aurum infinitum nimis, & gemmas

(a) *Matth. c. 12. v. 42. Luc. c. 11. v. 31.*

mas pretiosas, venit ad regem Salomonem: (a) sed omnia suis multò ampliora invenit. Hoc autem iter partim mari, partim terrâ confecit. Ita ingentem hominum nobilium turbam secum trahens, triumphî specie Solymæas arces accessit. Verosimilimum cum Iosepho credimus, hanc reginâ humanitate magnificentissimâ exceptam.

III. Quare venit Hierosolyma? Servator apertissimè Matthæi caïamo respondens: Venit è finibus terræ, inquit, audire sapientiam Salomonis. (b) Et ut fasti Regum loquuntur: In nomine Domini venit, tentare Salomonem in ænigmatibus. Illo reverà ævo studium sapientiæ inter reges Orientis summo fuit pretio. Idcirco Rex Hiram audito Salomonis consilio, lætatus est valde, & ait, Benedictus Dominus Deus hodie, qui dedit David filium sapientissimum super populum hunc plurimum. (c) Quia ergo Regina Saba sapientissimum esse audiit Salomonem, properavit hunc regem diversis explorare quæstionibus; quales sunt de cælis, de sideribus, & plantis, de animalibus, moribus, scientiis, populorum ritibus, fidei mysteriis. Locuta est ei universa quæ habebat in corde suo. (d)

Videte mihi obsecro regem sapientissimum à feminâ velut schoiasticum examinari. Optimè rex stetit in hoc examine. Nam quod fasti Regum restantur: Docuit eam Salomon omnia verba quæ proposuit:

non

(a) 3. Reg. c. 10. v. 1. & 2 Paral. c. 9.

(b) Matth. cap. 12. v. 42.

(c) 3. Reg. c. 5. v. 7. (d) 3 Reg. c. 10.

non fuit sermo qui regem posset latere, & non responderet ei. Idem afferit Regum Chronicon his omnino verbis: Et exposuit ei omnia Salomon qua proposuerat: nec quidquam fuit quod non perspicuum ei fecerit. Quâ in re Salomon eximie hospitalem sese præstitit, patientiâ tam humanâ in hanc feminam & illius quæstiones usus.

Georgius Cedrenus quiddam apologo non abfimile commemorans: Æthiopum Regina, inquit, pueros formosos puellæque eodem vestis genere nitentes coram Salomone statuit indagatrix curiosa, rogavitque diceret, an omnes ejusdem sexûs, & qui non? Salomon audaci mulieris vafricie non offensus, præcepit omnibus, mox in conspectu faciem lavarent & tergerent. Pueri vultum terferunt manibus validè appressis; virgunculæ manu timidâ & parcente. Obstupuit ingeniosum regina responsum.

I V. Unde venit? Ex Arabiâ felice, si probabilissimis conjecturis credendum. Saba metropolis Arabiæ. Diodorus narrat ejus loci regem oraculo prohibitum è regia domo abire, alioqui lapidandum. Hinc sane non certum est, nullum tunc temporis fuisse Sabæ conjugem, quamvis apud Sabæos etiam reginæ imperarint. Hæc felix Arabia, si Diodoro credimus, pecore abundat armentosissima. Silvæ amoenissimæ, thuris, palmarum, myrrhæ, balsamî, cinnamomi fertiles. Dici non potest quanta è silvis, pratis, hortis afflet varii odoris fragrantia, quâ etiâ qui procul à terrâ in navigiis sunt, vertè præsertim, mirificè recreantur. Siquidem

dem aura selectissimis mixta odoribus, ad maritima descendens, suavitatem plurimam navigantes afficit. Ambrosiam putant qui eam fruuntur. Cum autem hac Arabia metallis nobilissimis argento & auro abundet, lecticas incolae omnemque suppellectilem ex argento habent: Multis saeculis felices: absuit enim ab eis ambitio, aliena per avaritiam possidendi. E terris his venit Regina Saba, via difficili & longa. Adrichomius Arabiam est quam tres Reges ad Christum infantem properarunt sexcentis miliaribus Gallicis ab Ierusalem ait distare. (a) Ortelius in tabulis geographicis, ab ultimis Arabiae felicitis finibus duo millia miliarium Gallicorum numerat. Gravissima fuerint itineris tam prolixi causa.

V. Quid fecit Hierosolymis? Grande habuit negotium videndi, audiendi, interrogandi. Multum temporis consumit tot quaestiones de naturae arcanis ponere. Et quantum morae abiit, templum quod instar civitatis fuit, tot millia templi vasorum, sacrificiorum ritus & ordinem, tot sacrorum ministrorum classes, deinde regium palatium, aromatum & auri tot conditoria, tot vini hypogaea, sed & armamentarium in quo quingenti clypei aurei servabantur, regiae familiae numerum & ornatum, domus gubernationem, sumptus quotidianos, admirandam in rebus omnibus maiestatem spectare. Vbi haec omnia obivit, tibi facundissimam Salomonis sapientiam, seu sapientissimam facundiam suismet auribus toties ac-

F

ce-

(a) Adrichom. c. 2. n. 12. in Manasse.

cepit, velut aqua saliens ad obstruatum exitum luctata, demum vi maximâ prorupit. Non statim visis tot mirabilibus in exclamations soluta; sapienter diu omnia est admirata. Denique postquam vidit sapientiam Salomonis, & domum quam aedificaverat, nec non & cibaria mensæ ejus, & habitacula servorum, & officia ministrorum ejus, & vestimenta eorum, pincernas quoque & vestes eorum, & victimas quas immolabat in domo Domini, *Non erat praestupore ultra in ea spiritus* Nec enim vocem tantum, sed & respirationem interclotit summa admiratio. Tandem fari potens: Verus est sermo, inquit, quem audiavi in terra mea super sermonibus tuis, & super sapientia tua: & non credebam narrantibus mihi, donec ipsa veni, & vidi oculis meis, & probavi quod media pars mihi nuntiata non fuerit: major est sapientia & opera tua, quam rumor quem audiavi Beati viri tui, & beati servi tui hi, qui stant coram te semper, & audiunt sapientiam tuam. Sit Dominus Deus tuus benedictus. (a) In tali aula famulam agere non dedignarer.

In ceteris plerumque major est rumor rebus, verba facilius ampliora: expectationi sapientissime non respondent expectata. Hic contrarium: *Vicisti*, ait, *famam virtutibus tuis*. Cogitemus obsecro hanc feminam fuisse reginam & quidem potentissimam, regis pompæ à cunis assuetam, ingenti comitatu stipatam advenisse, nihilominus tot novis

ad-

(a) 3 Reg. cap. 10. v. 6. & seqq. 2. Paral. 6. 9. vers. 3. & seqq.

admitandis ita obstupefactam, ut pane anima defecerit in admiratione. Quis ergo sibi dignum quid fingere de Salomonis aulâ poterit, quæ cogitationes huic apparatusi & nitore pares dabuntur? Si autem (liceat ita ratiocinari) aulam Salomonis animo comprehendere nequimus, si eorum quæ oculis subjiciuntur, dignam imaginem fingere non possumus; beatorum sedes, delicias cælestes qua cogitatione nobis ipsi depingemus, cælum quomodo mente concipiemus?

VI. Quo præmio suum remunerata est hospitium? Sacra Regum historia testatur: Dedit autem regi centum viginti talenta auri, & aromata multa nimis, & gemmas pretiosissimas: non fuerunt aromata talia, ut hæc quæ dedit regina regi Salomoni. (a) Saccos utique tulit quibus nos frumentum vestimus: auri vero quindecies centena millia coronatorum præter gemmas donavit. (b) Verùm hîc Salomon liberalitatem & hospitalitatem singularissime ostendit. Etenim non solum nihil petiit in hospitii mercedem, sed plura donavit, quàm dono acceperit. Sacer historicus: Rex autem Salomon, inquit, dedit Reginae Sabæ omnia quæ voluit & petivit ab eo, exceptis his quæ ultro obtulerat ei munere regio, & multo plura quàm attulerat ad eum. (c) Quid ergo donorum his donis Rex Hebræus reddidit? Licebit credo conjecturis non fallacibus id indagare. Vtique Rex Salomon donis tam ma-

F 2

gni-

(a) Paral. cap. 9. v. 9.

(b) 1500000. coronat. einseins Ruchengelt.

(c) 3 Reg. 6. 10. v. 13. 2. Par. 6. 9. v. 12.

gnificus fuit in Reginam hanc, atque Cleopatra in suum Antonium. Illa, teste Athenæo, (a) in Ciliciam usque obvia Antonio progressa regale struxit epulum, omnia ex auro vasa, gemmis distincta, parietes purpurâ & conopais ex auro textis vestiti. Miratus hæc Antonius cum suis, familiariter ea laudavit. Cleopatra liberali risu laudes diluens: Sint hæc omnia, inquit, tua, & unâ illum cum ducibus & amicis in diem proximum invitavit. Postera hæc dies antecedentem vel ipsis iudicibus oculis regifico luxu plurimum superavit; priora ludum jocumq; dixeris ad hæc sequentia. Quæ tamen universa iterum Antonio donavit, ita ut è convivio Antonius suum torum & omnia suæ mensæ vasa abstulerit. Apophoreta sane opimissima. Addidit Regina Cleopatra quibusdam servos bajulos, aliis equos operimentis argenteis stratos. Reginæ hujus liberalitati Salomon indubie non cessit. Et cum Iosephus asserat in domo saltûs Libani convivia fuisse agitata, eoque loci Reginam Saba plurimum oblectatam, præsertim cum cerneret omnem convivii apparatus è solido auro ita factum, ut cum pretio certaret artificium. Hæc omnia, quidquid sportari poterat, à Salomone donata, hospiti reginæ probabilissimum: Dedit itaque multo plura quàm ad ipsum sunt allata.

VII. Quæstiuncula, quamdiu mansit Hierosolymis? Septem mensibus, arbitratur Sallianus; putant alii anno integro. Sed num tanto tempore Hierosolymis æsto inanum deo.

(a) Athen. lib. 4. c. 7.

deorum cultum non dedit? Verosimilimum, idque ex illis potissimum reginæ verbis conjectamus: Sit Dominus Deus tuus benedictus, cui complacuiſti, & posuit te super thronum Israël, eò quòd dilexerit Dominus Israël in sempiternum, & constituit te regem, ut faceres iudicium & iustitiam. (a) Hæc verba sunt hominis verâ religionē imbuti, & in Deum optime affecti. Theodoretus censeret illam in eorum numero locandam qui sine lege vâlo se probant. Gregorius Nyſſenus à fictis Diis ad Deum traductam opinatur, idque prototypon miraculi Euangelici habendum. Mihi rectissime sensisse Cæsar Baronius (b) videtur, qui existimat hanc Reginam Balaamī oraculo motam ad hoc itineris suscipiendum, quemadmodum & Magi ex eadem Reginâ huius profapiâ eodē vaticinio non leviter creduntur impulsī, ut ad Christum magnis itineribus pervolarint. Hæc autem Regina credidisse videtur Salomonem esse illum ipsam tot annis expectatum Messiam, quem venit non adoratura ut Deum corpore vestitum, sed auditura ut principem sapientissimum. Quid mirum feminam ita sensisse de Christo, cum doctissimi Iudæi hodièque non sapientius iudicent de Messia suo, quem frustra expectent. Singularissima fuit gratiæ quod tres illi ab Oriente satrapæ Christum infantem in extrema humilitate positum adorarint. Hoc nec Apostolis ab initio concessum. Idcirco Christus præmonens: Bea-

F 3

tus,

(a) 3 Reg. c. 10. v. 9.

(b) Baron tom. I. *Annal. Eccles. Annal. I.*

tus, inquit, qui non fuerit scandalizatus in me, (a) ob admirandam paupertatem & humilitatem.

At stella, dices, huic Reginae non est visa. Gloriam & splendorem stellæ vicem subiisse dicimus, præsertim cum de Christo in Orbem venturo, confusa cognitio impleverit Orientem. Eam ob causam Messias, *Expectatio gentium* dicitur. Venit itaque Regina Saba, *In nomine Domini*, seu, *propter nomen Domini*. Hoc igitur iter fine bono, *Intentione rectâ* suscepit. Diximus olim in *Amusis* nostra: (b) *Recta Intentio nunquam errat.*

Denique Regina Saba, ut historicus facer loquitur, *Reversa est*, & abiit in terram suam cum servis suis. Genebrardus censet comites adjunctos, duodena millia Hebræorum, è singulis tribubus mille homines colonia in Arabiam ductâ. Ideo etiam nunc illic locorum circumciduntur, & propaginem suam ex Israëlîs familiâ jactant. Nec dubium quin Regina Saba Salomoni crebrius rescripserit.

(a) *Matth. cap. II.*

(b) *Cujus editio prima fuit Anno 1626.*

C A P V T IX.

Salomon Clemens.

R Ex Alphonfus ille laudatissimus Aragonum princeps nulla non virtute clarus, Panormitano teste, cùm suaviter moneretur clementiæ pane delinquentis ac nimia: Quid ergo, ajebat, urfos & leo-

leones regnare vultis? Malo multos meâ clementia servare, quàm paucos severitate meâ perdere. Dictum sane regium & ad Salomonis trutinam exactissimum: Misericordia & veritas custodiunt regem, & roboratur clementia thronus ejus. (a)

Salomon annis compluribus imperando, non leo, non ursus, non tigris fuit; clementia roboratus est thronus illius. Hinc verè Salomon Clemens audit. Deus Davidem patrem affatus: Salomon, inquit, filius tuus edificabit domum meam; ipsum enim elegi mihi in filium, & ego ero ei in patrem; si perseveraverit facere præcepta mea. (b) Appellari Dei filius submissione ac clementia promeritus est. *Salomon Clemens*, qui nos hoc capite docebit, quid sit Clementia, & quàm ea regibus, principibus & omnibus qui præsunt, decora & necessaria.

(a) *Prov. cap. 20. v. 28.*

(b) *1 Paral. c. 28. v. 6.*

§. I.

Salomon parentis sui honorem insigniter & animosè iit defensum, eam ob causam Ioabum & Semei, prout testamentum patris imperarat, ferro sustulit: nihilominus hac in re clementiâ & moderatione maxima est usus. Et Semei quidem homini turbulento dici iussit; Hierosolymis quietus ageret & securus, urbe tantummodo non egrederetur. Mitissima lex, non enim domo sed civitate solum prohibitus est exire. Ipse Semei hanc clementiam adorans: Bonus sermo, agebat, sicut locutus est dominus

meus rex, sic faciet servus tuus. (a) Triennio elapso legem latam violare ausus exiit civitate. Ita caput, obiecto gladio, non tantum quia Regis imperio non paruit, sed etiam quia iusjurandum temeravit, morti sacrum caput.

Ita veniam dedit Salomon Adoniæ rebeli, & ambienti diadema. Iam certe proximus imminebat sceptro, jam rex proclamatus, jam milite regio stipatus epulis & sacrificiis initium dederat regno; nihilominus Salomon Clemens non eum capite minuit, non omni aulâ exclusit, non Hierosolymis eiecit, sed hoc unum suaviter imperans: Vade, inquit, in domum tuam: (b) ea tibi securitatem dabit. Grandis clementia in tam grande ac capitale delictum.

Quàm porro clemens Salomon fuit in Abiathar Pontificem qui rebellionis ab Adoniâ motæ, dux, auctor, & caput fuit. Res erat periculorum plenissima & tamen ei Salomon vitæ gratiam faciens: Vade, inquit, in Anathoth ad agrum tuum; & quidem vir mortis es, sed hodie te non interficiam, quia portasti arcam Domini, & sustinuisti laborem in omnibus in quibus laboravit pater meus. (c) En etiam laudans Abiatharem quantumvis reum: Scio, inquit, quod patri meo quadraginta sex annis fideliter servieris, ideo nec vitæ nec fortunarum iacturam facies, sed urbe tibi cedendum, ne facinus tuum penitus abeat impunitum.

Pri.

(a) 3 Reg. c. 2. v. 36.

(b) 3 Reg. c. 1. fine.

(c) 3 Reg. c. 2.

Prima igitur Clementiæ pars est, ei qui pluribus annis serviens, demum gravius impedit, non omnem continuo gratiam subtrahere, & in malam rem ablegare. Quia portasti Arcam Domini, ait Salomon, non interficiam te.

Pars altera Clementiæ, fidem & obsequia subditorum æstimare. Honestiorum famulorum non pauci pro salarii parte caperent, si scirent servitia sua loco aliquo esse apud eos quibus serviunt. Clemens Salomon Abiatharis obsequium magni æstimans: sustinuiſti, ait, laborem in omnibus in quibus laboravit pater meus. Sunt domini, qui sibi omnia deberi censent, & in vili habent quidquid denique officiorum à famulis præstetur. Inclementia stupida, quæ omnia sibi vult deberi.

Quid ergo est Clementia? Iustus Lipsius politicum doctorem agens: Est, inquit, Virtus animi à pœnâ aut vindictâ ad lenitatem cum iudicio inclinans. Hæc ex omni numero virtutum convenientissima homini, quia humanissima. Inter homines tamen neminem omnium magis, quam regem aut principem decet. Hæc Deo similem reddit hominem. Deus quidem punit, sed pæne invitus. Hinc Moses incredibilem Deo bonitatem luculenter expertus: Deus Dominator Domine Deus, inquit, misericors & clemens; patiens & multæ miserationis, (a) ac verax: qui custodis misericordiam in millia. Quo plures rex subditos gubernat eò cle-

F 5

men-

(a) Exodi cap. 34. v. 6. & 7.

mentior sit & ad opitulandum pronior. Mirrissimam Isaïas sed unà humanissimam litteram describit. Fuit qui honores ultro delatos respuens, cum rogarerur: Princeps esto noster: Ille deprecatus has dignitates, hanc reddit causam: Non sum medicus, inquit, & in domo mea non est panis, neque vestimentum; Nolite me constituere principem populi. (a) Quid hoc loqueris, homo, num rex futurus medicinæ prius studeat, aut regia domus panes venales habeat? locum tollamus; serius est Isaïas: si Respublica sit ægra, si famelica, si saucia, rex aut princeps sit medicus, curet, opituletur, sanet. Si fames, si bellum, si simile malum provinciam aut regnum depopuletur, è regia domo panis & salus detur. Quemadmodum Pharaonis basilica, Iosepho procurante, fuit panarium, è quo totus pæne sustentabatur Orbis. Sicut autem medici non statim venas secant, & sanguinem mittunt, sed cum gravior est virium defectus cibo recreant, potum instillant: ita rex, ita princeps juvet, ac medicus sit semper, raro phlebotomus.

Roboamus medicorum talium imperitissimus, impotens sui, phlebotomus stultus universum pæne regnum perdidit; certe maximam illius partem amisit. Nec defuerunt qui hæc aperte prædicerent. Supplicabat populus suo regi, & aliquam virium restaurationem rogabat. Cani ac prudentes Consilarii ita suadebant: Si hodie obedi-

rum

(a) *Is. c. 3. v. 7.*

rum cesseris, locutusque fueris ad eos verba lenia, erunt tibi servi cunctis diebus. Roboami parens Salomon arario à tot gynæceis miserè dilacerato ad finem regni subditos diris exactionibus pressit. Hinc quarimonia non iniusta, & preces varia. At Roboam spreto senum consilio, adolescentulos pane lactentes (a) audiit, & istud responsi dedit populo: Pater meus posuit super vos jugum grave, ego addam super jugum vestrum: Pater meus cecidit vos flagellis, ego autem cedam vos scorpionibus. (b) Mox undecim Israëlitis tribus in apertam rebellionem effusæ defecerunt à rege non medico, sed tyranno. Sola tribus Iuda defectionis expers permansit. Hoc monstrum peperit mater Inclementia. Clementiâ & Beneficentia roboratur solium. (c)

Quantò meliùs Roboamo Artaxerxes qui Demeæ ab auctoritate sua resipiscents sapiens artificium secutus est. Dicebat Demeas: P L E B E M P R I M V L V M F A C I O M E A M. Sic Assuerus ut omnes sibi populos conciliaret, parerétque nomen Clementiæ, in hunc modum fixit edictum: Cum plurimis gentibus imperarem & universum orbem meæ ditioni subjugassem, volui nequaquam abuti potentiæ magnitudine, sed Clementiâ & lenitate gubernare subiectos, ut absque ullo terrore vitam silentio transigentes optatâ cunctis mortalibus pace fruerentur (d)

(a) Junge Milchmäuler.

(b) 3 Reg. 12. v. 11.

(c) Assuerus.

(d) Esth. c. 13. v. 2.

Hoc sanè principes, hoc domini ac præsides, hoc patresfamilias ac gubernatores animo volvant assidue, hoc eorum quivis pro se dicat: Potestate meâ non abutar. Male suos rexit, qui grandinare semper, qui tonare ac fulminare, qui scire ac lacerare voluerit: Clementia multo rectius gubernatur domus, provincia, regnum quàm scivitia. Hi patres sunt, qui clementiæ mores induerunt, & quo sese amplius clementia diffuderit, eò jure potiori patres, & patroni vocantur. Veri enim parentes omnia moluntur, ut revocent ad frugem liberos: non eos continuò exhæredant, aut domo exulare cogunt. Hæc ultima sunt remedia: his non utuntur nisi coacti. Ita rex aut princeps, ita dominus aut paterfamilias, regia, herili, patria potestate non abutatur, sed eam à pœnâ aut vindicta ad lenitatem cum judicio inclinet. Moderata imperia diuturniora. Manliani imperiis felicitas omnis corrumpitur. Optima gubernatio quæ temperatissima. Prima ducum virtus Lenitas & Clementia.

Hoc Deus exigens à Mose: Porta eos inquit, in sinu tuo, sicut portare solet nutrix infantulum. (a) Parentem te populi hujus constitui, mi Moses, cave illum severitate nimiam exasperes; ut filios tracta. Profectò Deus ipse hac gubernandi arte utitur. Nam quomodo miseretur pater filiorum, misertus est dominus timentibus se. (b) Hussæus princeps Iobus patrem Deum æmulatus de seipso: Pater, inquit, eram pauperum. (c) Ab

histo-

(a) Num. c. II. v. 12. (b) Ps. 102. v. 13.

(c) Iob c. 29. vers. 16.

historia Machabæâ quantum Razias prædicatur, vir amator civitatis & bene audens, qui pro affectu pater Iudæorum appellabatur. (a) Quàm mitis & clemens Carolus Magnus in Pipinum filium. Rebellionem moverat Pipinus: eâ detestâ veniam dedit Carolus. Conjuracionem iterum conflavit filius, ignovit iterum pater. Verùm ne tertium rediret seditiosum caput, cænobio conclusus est Pipinus, duplici beneficio, & Veniæ, & Viæ ad melius regnum ostensæ.

Clementia in omni hominum ordine non decora solum sed & necessaria est. Quisquis amat esse dominus, prius discat esse pater. Quod nos vir maximi nominis, supremus militiæ dux Naaman à rege Syriæ ad Elisæum missus doceat. Hic opulentus certè ac regi suo charus, in suos tamen famulos tam humanæ fuit benignitatis ut eum non dominum sed patrem nominarint. Cum enim Naaman Elisæi supercilium, ut putabat, & fastum expertus, abitum pararet, accedentes servi: Pater, inquiunt, etsi rem grandem dixisset tibi propheta, certe facere debueras. (b) Patrem prorsus se gessit, & servos tanquam filios audit monentes.

Et publicas & multo magis privatas injurias clementiâ temperandas, non tantùm Salomon Clemens, sed & alii complures exemplis illustrissimis nos docent.

Pericles jam morti vicinus à suis variè laudatus est. Alii eloquentiam illius, victorias

rias

(a) 2 Machab. c. 14. v. 31.

(b) 4 Reg. c. 5. v. 13.

rias alii, prudentiam isti, illi generositatem ac fortitudinem commendabant. At ille in suomet lectulo, capite modicè erecto: Et quid est hoc omne? inquit, quod prae-
cipuum ac maximum ego judico, vos omit-
titis. Hanc mihi laudem non negat Con-
scientia: Nemo propter me unquam vestem
pullam induit. Hos certe Periclis nomen &
famam æternitati consecravir. Hoc summæ
laudis in illo fuit, se omnibus mitem & hu-
manum exhibuisse, in neminem vindictæ
ignes ejecisse. Hinc dictus Pericles Olym-
pius. O utinam Christiani, utinam sub vitæ
finem hoc pro se quisque gloriari possit!
Propter me nemo atratus incessit, nemo in-
gemuit, neque oculos terfit: Hæc Christia-
na Clementia non tantum nomen à cælo,
sed ipsum dabit cælum. Clementia firmatur
solum nunquam ruiturum.

C A P V T X.

Salomon Magnificus.

Petrus Aldobrandinus senator purpu-
ratus dicere solebat: Nemo potest sine
re amplâ verè esse magnificus. Interro-
gatus porro: Quisnam igitur esset Magni-
ficus: Qui muros urbis, respondit, qui na-
valia, qui theatra & porticus, eaque omnia
extruit quæ ad communem usum faciunt
civitatis. Domus verò Magnifici non auro,
nec ebore, sed hostium spoliis est adornan-
da. Cum ulterius quæreretur; quidnam
vide-

videretur esse maximum? Beneficiis, aiebat, non vinci.

Si mortalium ullus unquam *Magnifici* nomen jure potuit adipisci, certè Salomon adeptus est. Et quidem, si Aldobrandini verba spectemus, geminum adificium eâ magnificentia struxit Salomon, quâ Regum nullus aut Imperatorum.

Primum adificium fuit templum; alterum, palatium regium. Erant autem hæ structuræ tales, ut appellari potuerit Salomon magnificentissimus, & si quid ultra magnificentissimum dici potest.

Et quod quidem Templum attinet, diutule anceps deliberavi, num de eo instituentus sermo, cum pane omnia, quæ sacri codices de illo tradunt, videantur incredibilia. Rationes tamen nonnullæ adigunt pauca de Templo libare. Prima ratio sit: E templi structura facillimum est intelligere quàm opulentus sit paterfamilias Deus, si gazophylacium suum vel levi manu moveat. Altera, quam liberalis Deus & magnificus in eos, qui tales in ipsum. Tertia, quàm suavis & opulenta sit prosperitas quæ à Deo est. Quarta, quantum & regis & populi fuerit studium & arder in colendo Deo. Quinta, quàm æquè Salomon dictus sit *Magnificus*. Sexta, ut templi Ierosolymæi magnificentiam summam intuiti plus ultra gradiamur oculis, & quæramus: Quid obsecro erit in calo, & unà etiam discamus quàm quisque in suo magnificentiam exercent. Hæc igitur disertatione duodecim capitula de Templo breviter annotabimus, è
qui-

quibus Magnificentia Salomonis eluceat.

I. Caput: Templum Hierosolymis ædificavit Salomon. Res certa è sacris aliisque libris. Et minimâ Societate nostra complures hoc templum scriptis celebrarunt. Alphonsus Salmeron tom. i. è sexdecim. Franciscus Ribera libris quinque. Sebastianus Barradius historiæ Evangelicæ tomo secundo luculente. Ioannes Azorius tomo primo Institutionum Moralium à capite vicesimo quarto ad quinquagesimum sextum. Ioannes Baptista Villalpandus & Hieronymus Pradus in Ezechielem, quibus preter aliis plurimum credendum uti architectis, arithmeticis, geometris, mathematicis, qui omnia ad circinum & mensuras certas revocarunt; huic quidem uni studio se consecrarunt. Ioannes Pineda copiosè. Iacobus Salius tomo tertio Annalium Ecclesiasticorum digitum intendit ad fontes; satis est.

II. Tempus templi conditi fuit Annus ab Orbe condito ter millesimus tricesimus secundus, à regni Salomonæi principio quartus. Ad structuram namque annis quatuor ingens facta præparatio; toti exercitus è distinctis provinciis & regnis convocandi. Annus demum septimus supremam operi manum imposuit, quamvis omnia simul atria, totaque structura simul cæperint in alium crescere. Initium huic ædificio dari captum Aprili, vel, ut aliis placet. Majo mense. Herodiani templi machina quadraginta sex annos in sui perfectionem devoravit. Clare Matthæus: Dixerunt ergo Iudæi, ait, qua-

quadraginta & sex annis ædificatum est templum hoc, & tu in tribus diebus excita- bis illud? (a)

III. Magnitudo Templi ingens incredi- bilis, civitatem bene magnam æquavit spa- tio. Ita Ezechiel: Dimisit me, inquit, super montem excelsum nimis, super quem erat quasi ædificium civitatis vergentis ad Au- strum. (b) Ita & David Rex: Fundatur, ait, exultatione universæ terræ, latera Aquilo- nis, civitas regis Magni. (c) Iosephus scriptor Hebraus asserit Templum peregrinis pro- cul aspicientibus visum fuisse montem ni- veum mixtis auri radiis, non sine oculorum pavore: tam copiosum aurum exterior quo- que facies Templi præferebat. In hoc uno sanè Templo potentissimi duo & sapientissi- mi reges, omnem & sapientiam & opulen- tiam insumpserunt. Machabæa historia Tem- pli Solimæi mentionem injiciens: Quod, in- quit, per universum Mundum honoratur pro sui veneratione & sanctitate. (d) Salo- mon Templi conditor, & mille testibus lo- cupletior testis: Domus, inquit, quam ædifi- care cupio, magna est: Magnus est enim Deus noster super omnes Deos. (e) Regum basilicæ, Imperatorum curiæ, septem Orbis miracula, Ephesiæ Dianæ templū, palatia alibi & ædificia prorsus admiranda, ad unum Sa- lomonis Templum mapalia fuerunt & rugu-

G

ria.

(a) Ioan. cap. 2. vers. 16.

(b) Ezech. cap. 40. vers. 2.

(c) Ps. 47. vers. 3.

(d) 2 Mach. cap. 3 vers. 12.

(e) 2. Paral. cap. 2. vers. 5.

ria, si unius illius amplitudinem spectemus & thesauros imensos. Herodianum templum in centum viginti cubitos. (a) assurrexit: quæ altitudinum immensitas in Salomoneo Templo? Substructio cerrè illius ob valles immensi fuit operis, ita ut alicubi murus cubitos trecentos, plures alibi altus, quinquaginta latus fuerit.

IV. Operarii Templi tot fuerunt, ut nisi eorum numerum distinctissimè dicerent divini libri, vix quisquam narranti fidem haberet. Et Hierosolymis quidem in extruendo Templo laborarunt hominum supra centum millia sexaginta quinque millia. Præfectorum tria millia trecenti. Proselytorum in monte onera portantium septuaginta millia. Latomorum & saxa templo parantium octoginta millia; Præfectorum in hos tria millia sexcenti. Ita chronicon Regum. (b) Summa illorum omnium quadringenta millia, mille nongenti. His omnibus alimenta præbuit rex Salomon septennio toto & ultra, ditavitque etiam mercenarias has operas sine hostium spoliis, sine amicorum injuriis. (c) Finito templo singulis operariis donavit decem siclos. (d) De Levitis Chronicon Regum testimonio se sistens: Numerati sunt, inquit, Levitæ à (e) triginta annis & supra, & inventa sunt triginta octo millia virorum. Ex his electi sunt & distribui in ministerium domus Domini viginti quatuor

(a) Seu 120. pedum.

(b) 2 Paralip. cap. 2.

(c) Ita Villalpand. tomo 2. in Ezech. l. 5.

(d) Siclus 8. Bagen. (e) Viginti: alibi.

tuor millia. Porro sacerdotes pane innumeri. Præpositorum autem & judicum sex millia. Porro quatuor millia janitores: totidem psaltes canentes Domino in Organis quæ fecerat ad canendum. (a)

V. Sumptus à David Rege huc collati incredibiles & immensi. Cornelius de Lapide Exodum interpretatus numerat duo millia millionum auri & quadringentos. Unicus auri millio nobis decies centena millia coronatorum. Villalpandus in Ezechielem affirmat secundum Italicæ monetæ calculum tria millia millionum ducentos octoginta duos millones, insuper centum & triginta quatuor millia, & viginti octo coronatos seu Scutatos (b) Romanos. Summa, fateor, incredibilis. Sed aut convincendus Villalpandus, errasse calculo, aut habenda fides cum bibliis calculum moventi. Locupletior testis non erit quam ipse Rex David, qui de his ipsis sumptibus: Ecce ego, inquit, in paupertate meâ præparavi impensas domûs Domini, auri talenta centum millia, argenti mille millia talentorum; aris verò & ferri non est pondus, vincitur enim numerus magnitudine. (c)

VI. Collectum populi. (d) Hic auctores geminos assigno, Pinedam & Salianum: ille ad Hispanicam, iste ad Gallicam monetam accuratissimas collegit rationes. Pineda cum divinis libris calculum movens: Popu-

G 2

lus

(a) 1 Paral. cap. 23. vers. 3. & seqq.

(b) Scudi vocant Itali.

(c) 1 Paral. cap. 22. vers. 14.

(d) Contribution,

ius, inquit, tantum ferri, aris, argenti, auri contulit, ut id Hispanicæ monetæ efficiat mille ducentos & octo milliones, centum & nonaginta sex millia ducatorum Hispanicorum. Hoc è computatione diligentissimâ Villalpandi sumptum. Neque verò solus populus, sed & omnes ac singuli principes rogati, quid pro se quisque voluntario munere in structuram templi offerret, idque in tabulas relatum. Liberalitatem ducum pronissimis manibus secutus est populus. Salianus ergo hunc ponit calculum. Populus puri puri auri septuaginta duos milliones, nongenta & viginti sex millia, sexcentos sexaginta sex aureos representavit. Tantum autem aris & ferri quantum auri collegerat David. Hinc ea omnis summa mille milliones multum excessit. Insuper, quod sacri codices apponunt: Apud quemcunque inventi sunt lapides pretiosi, dederunt in thesauros domûs Domini per manum Iahiel Gersonitis. An non satis fuerit causarum, quæ reginam Saba in stuporem darent?

V I I. Oraculum seu sanctum sanctorum in medio templi locatum. Hic arca & candelabrum, ideo locus sine fenestris. Quem Regum libri sic describunt: Oraculum autem in medio domus in interiori parte fecerat, ut poneret ibi arcam foederis Domini. Porro oraculum habebat viginti cubitos longitudinis, & viginti cubitos latitudinis, & viginti cubitos altitudinis, & operuit illud atque vestivit auro purissimo. (a) Et ne forsan quis putaret oraculum tantummo-

dè

(a) 3 Reg. cap. 6. vers. 19. & seqq.

dō inauratum, addidit; Fecit quoque domum sancti sanctorum, & laminis aureis textit eam, quasi talentis sexcentis. Sed & clavos fecit aureos, ita ut singuli clavi ficos quinquagenos appenderent: cernacula quoque textit auro. (a) Et fecit in oraculo duos Cherubin de lignis olivarum, decem cubitorum altitudinis. Quinque cubitorum ala Cherub una, & quinque cubitorum ala Cherub altera, id est, decem cubitos habentes à summitate alæ unius usque ad alæ alterius summitatem. Decem quoque cubitorum erat Cherub secundus in mensurâ pari. Textit quoque Cherubin auro. Nihilque erat in templo quod non auro tegeretur: sed & totum altare oraculi textit auro. (b) Porro aurum erat probatissimum, de cujus laminis textit domum & trabes ejus, & postes, & parietes, & ostia. Sexcenta verò illa auri talenta interpretatur Salianus septem miliones, & quingenta millia aureorum. Singulos clavos ait appendisse libras duas & unciam, seu, viginti quinque auri, hoc est, ducentos & octo aureos.

VIII. Trabes & tigna Templi non minus habent admirationis quàm cetera. Numerus trabium planè innumerabilis, & quod præne fidem excedat, maximam partem Cedri, quæ senectutem nesciunt, & cariem non admittunt. Earum longitudo pedes octodecim, sesquipies crassitudo. Dixisses totas silvas cum omnibus suis arboribus in hanc unam domum commigrasse. Plurimus hic

G 3

ce-

(a) 2 Par. cap. 3. vers. 8. & 9.

(b) Achtharb Million golbs.

cedrorum usus. Nam texit domum laquearibus cedrinis; & cedro omnis domus intrinsecus vestiebatur. Et ædificavit atrium interius tribus ordinibus lapidum politorum, & uno ordine lignorum cedri. (a) Cornelius Tacitus tametsi malevolus ludorum obrectator, nihilominus hanc Salomonis structuram, Templum immensæ opulentia, appellat. (b)

IX. Lapidēs Templi, non top̄hi aut lateres cocti, sed saxa quadrata ingentia, marmor Parium candidissimum. Iosephus eam Templi altitudinem, longitudinem ac latitudinem fuisse ait, ut eam molem non humanā industriā, sed Angelorum operā eductam par sit credere. Reverā vel soli lapides miraculo fuerunt. Siquidem Apostoli viri simplices ac rudes, non tamen aurum, non cælaturas, non parerga & emblemata, sed quadratos lapides mirati: Magister, inquit, aspice quales lapides, & quales structuræ. (c) Ita templi materia fuerunt cedri, candidissimum marmor, argentum, aurum. Illud hīc sanè admirandum in tanto operarum exercitu, nihil strepitūs aut fragoris esse auditum. Quod Regum liber clarè testatur: Malleus, & securis, & omne ferramentum non sunt audita in domo cū ædificaretur. (d) Mysterium erat, hoc loco non satis eruendum. Verbo rem absolvo Dum vivimus in latumiā sumus, ubi strepitus & fragor assiduus, ubi malleatores innumeri,

in-

(a) 3 Reg. cap. 6. plur. vers.

(b) Tacit. l. 5. hist. (c) Marci c. 13. v. 1.

(d) 3 Reg. cap. 6. vers. 7.

inquietas perpetua, ubi longa series diversarum calamitarum, ubi juges lacrimæ. At illic in cælesti Ierusalem iustus malleoli nullus, nullus gemitus, nil suspiriorum aut fletus audietur, Pax & tranquillitas summa, voluptas sempiterna.

X. Altare æneum appendebat novem decim millia ducenta quadraginta quatuor talenta (a) æris. Mare æneum fusile cum bobus duodecim, velut basibus, appendebat duo millia octingenta triginta sex talenta æris. Tria millia metretarum (b) capiebat; metretæ singulæ triginta sex mensuras nostras. Hoc enim metreta est Hebraica. Duæ columnæ, seu verius, duo Templi miracula, quarum alteri SACHIM, isti Booz nomen: utraque triginta quinque cubitos alta, sex cubitos crassa. Has columnas Villalpandus velut libripens examinavit trutinâ, & denique pronuntiavit pondus illarum esse nonaginta millia triginta septem talenta, libras & uncias non putando. Viramque Salomon veste prorsus pretiosâ amiciens obduxit auro, digiti crassitie. Quis mihi arithmeticus hîc addivinet, quantum auri in vestiendas has columnas insumptum? Villalpandus post accuratissimam, quam fieri potuit, rei trutinam, affirmat in utramque hanc columnam impensos nonaginta quinque milliones auri, insuper nongenta quinquaginta tria millia aureorum, centum

G 4

vi-

(a) Talentum. Centner / seu Quintal. Hispanicum quod habet 5. Arrobas, harum quatuor 25. libras.

(b) Almer.

viginti quatuor aureos Romanæ monetae. Reliquum aris nec numerari nec ponderari potuit. Testatur Regum chronicon : Erat autem multitudo vasorum innumerabilis, ita ut ignoraretur pondus aris. (a) Sed hactenus nihil dixisse videbimur, si ponderemus sequentia.

XI. Vasa argentea & aurea. Argenteorum tam grandis multitudo fuit, ut ea in numerum cogi non potuerit. Solùm igitur numeremus vasa è puro puto auro confecta. 1. Fuerunt decem candelabra maiora ex auro purissimo, uti & ea omnia quæ subjungemus. Decem millia mensarum minorum : Totidem minora candelabra. Mensuræ, Tubæ, Thuribula, Phialæ, Litatoria viginti millia ex auro, Instrumenta ex electro quadraginta millia. Crateræ aureæ ad subigendam similam sexaginta millia. Canthari vinarii & lances aureæ octoginta millia. Phialarum aureorum centum millia. Summa vasorum aureorum quadringenta & viginti millia. Argenteorum verò mille millia & quinquaginta millia. Ita Iosephus testis oculatus Templi. Villalpandus summam vasorum aureorum auget, asseritque fuisse sexcenta sexaginta millia. Additque firmandis dictis : Hoc tantum auri, cubiculum decem cubitos altum, & decem longum, & quinque latum non caperet. Deus summe, quàm immensa vis auri & panis incredibilis. Omnis Europa putem, & Asia, hanc auri molem hodie non repræsentet.

XII. Hæc tamen omnia ob unicam causam

(a) 2 Par. cap 4. vers. 18.

ſam non adeò admiranda, multò minus incredibilia, quia Templi architectus fuit Deus. Regum Chronicon affirmat: Dedit autem David Salomoni filio ſuo diſcriptionem porticùs, & templi, & cellariorum, & canaculi, & cubiculorum in adytis, & domùs propitiationis, nec non & omnium quæ cogitaverat atriorum, & exedrarum per circuitum in theſauros domùs Domini, & in theſauros ſanctorum, diviſionumque ſacerdotalium & Leviticarum in omnia opera domùs Domini, & in univerſa vaſa miniſterii templi Domini. Omnia venerunt ſcripta manu Domini ad me, ut intelligerem univerſa opera exemplaris. (a)

An non igitur Deus paterfamilias optimus opulentiffimus? qui in ſuis gazophylaciis multa habet recondita, quæ manibus affectu pio immerſis ultro ſeſe ingerant. Liberaliffimus fuit Deus in David & Salomonem erga ſe liberales. Certiffimum: à nemine Deus ſe vinci patitur liberalitate. Das multa Deo? multò plura rependit tibi Deus. Et quid nos viles ſervuli Deo damus, niſi quod priùs à Deo accepimus? Facile cuiſvis famulo è ſui domini maſſupio liberalem eſſe. Date Deo, & dabitur vobis: Quærite primum regnum Dei, & cetera omnia adjicientur nobis. Videte quanti ſit à Deo benediſtione affici: David è paſtorculo rex opulentiffimus, filium relinquit regem ſe longè opulentioſorem. Virumque benediſtioniſ fuit divina.

Atque hinc, quod noſtri hoc capite in-

G 5

ſtituti,

(a) I Par. cap. 28. verſ. 11. ſeqq. & v. 19.

stituti, Magnificus Salomon ab Orbe toto salutatus est, qui planè auream Deo domum condidit. Vera Christianorum magnificentia, non servire pecuniæ: Beatus vir qui post aurum non abiit.

C A P V T XI.

Salomon Magnificentissimus.

Magnificum ostendimus, nunc etiam ostendemus Magnificentissimum. Templum immensis sumptibus eduxit septennio, suæ domui adificandæ pæne alterum tantum temporis impendit. Neque verò solum basilicam magnificentissimam struxit, sed eam etiam familiâ copiosissimâ, suppellectili regiâ, splendore magnificentissimo instruxit. Quod Regum Fasti asseverant: Magnificatus est Rex Salomon super omnes reges terræ divitiis & sapientiâ. Et universa terra desiderabat vultum Salomonis, ut audiret sapientiam ejus, quam dederat Deus in corde ejus. (a)

Salomonis Magnificentiam quâ Templum condidit, sub oculos posuimus; Nunc de illâ loquemur quâ suam Aulam & familiam rexit. Hic quatuor nobis consideranda. 1. Salomonis Domus. 2. Familia illius. 3. Mensa ejusdem. 4. Equitatus & itinera istius regis. Ex his verè Magnificentissimum Salomonem cognoscemus. Quod autem priori capite, Magnificum, hoc autem Salomonem magnificentissimum exhibea-

(a) 3 Reg. cap. 10, vers. 23.

beamus, rationem è ceteris hanc quoque assignamus: Omne quod Templo dedit, Deo donavit, ad quem collatus vix Magnifici nomen habebit: Quod autem aulae impendit, sibi suoque nomini augendo impendit. Quâ quidem in re Magnificentissimus censendus, uti jam docebimus.

§. I.

I. *Domus Salomonis Magnificentissima.* Non errem, credo, si domum hanc urbem nominem, quæ duabus aut tribus partibus constabat. Pars prima, Palatium regis, in quo quotidie versabatur. Pars altera, Palatium tot Reginarum. Tertia pars, Domus saltus Libani, Æstatis domicilium, paradisus merus, Amœnitas ipsa; *Domus saltus* dicta ob incredibilem numerum & multitudinem columnarum cedrinarum, tanquam eò totæ immigrassent silvæ. Hic jus dicebatur à Salomone. Porro palatium regis distinctas habitationes quam plurimas continebat. In eo domus pharmacorum, aromatum, odorum, unguentorum, & quidquid hujuscemodi rerum est; Domus thesaurorum, Domus armorum, seu armamentarium, in quo ducentæ hastæ aureæ, quingenta ex auro solido fuere scuta; trecentæ peltæ & majora scuta ducenta. Expressè tam Chronicon quàm Fasti Regum: Fecit igitur Rex Salomon ducentas hastas aureas, de summâ sexcentorum aurearum qui in singulis hastis expendebantur. Trecenta quoque (a) scuta aurea trecentorum aureorum

(a) *Scuta sunt majora.*

rum quibus tegebantur singula scuta, posuitque ea rex in armamentario quod erat constitum in nemore. (a) Hæc regum historia confirmans. Fecit quoque Rex Salomon, inquit, ducenta scuta de auro purissimo, sexcentos auri siclos dedit in laminas scuti unius. Et trecentas peltas ex auro probato, trecentæque minæ auri unam peltem vestiebant; posuitque eas Rex in domo salutis Libani. Villalpandus assignat singulis peltis mille ducentos septuaginta quinque aureos seu scutatos Italos. Summa omnium peltarum trecenta & octoginta duo millia quingenti aurei. Singulis autem scutis idem scriptor tribuit duo millia quingentos quinquaginta aureos, seu scutatos Romanos. Summa scutorum omnium quingenta & decem millia aureorum. Univerſa hujus pecuniæ vis sexcenta & sexaginta sex talenta auri. (b)

Domum Aromatum Regina Saba muneribus suis mirificè restauravit & auxit. Siquidem regi donavit aromata multa nimis: non sunt allata ultra aromata tam multa, quàm ea quæ dedit Regina Saba regi Salomoni. (c)

In domum Thesaurorum asserit Villalpandus, præter omne argentum, præter portoria & vectigalia, præter principum regumque dona, importatos soliùs puri puri auri annuos milliones triginta septem, insuper quadringenta sexaginta tria millia, quingentos

(a) 2 Par. cap. 9. vers. 15. & 16.

(b) 1 Reg. cap. 10. vers. 16. & 17.

(c) 1 Reg. cap. 10. vers. 10. 2 Par. c. 9. v. 9.

gentos octaginta aureos seu scutatos Italos. Quod si ad monetam Hispanicam & Hispanorum ducatorum hanc summam putemus, erunt annui triginta tres milliones auri, insuper quinquaginta sex millia ducatorum. Supellex regiae domûs planè etiam regia, hoc est magnificentissima. Nam, uti Chronicon Regum testatur: Omnia vasa convivii regis erant aurea; & vasa domûs saltus Libani ex auro purissimo. Argentum enim in diebus illis pro nihilo reputabatur. De Salomonis domo dici potuit quod de caelo: In domo Salomonis mansiones multæ.

S. II.

II. *Familia Salomonis amplissima.* Salomon de seipso per Ecclesiasten à se scriptum fassus: Possedi, ait, servos & ancillas, multamque familiam habui. (a) Familiam hanc numerat Villalpandus, censetque tam Hierosolymis quàm alibi locorum. Salomonai famulitii capita fuisse quadraginta octo millia sexcenta. Brevi res ipsa satis loquitur. Iosephus de Salomonis equitatu differens: Equites, inquit, flos juventutis, promisso capillitio conspicui, & tunicas è Sarranâ purpurâ induti: adhuc ramentis aureis capillum quotidie spargebant; (b) Salomonis regiorum in vestitu insignium color fuit purpureus. (c) Capillos inaurare illo ævo moris fuit. Quò Gregorius Nyssenus alludens:

Ha-

(a) *Eccles. cap. 2. vers. 7.*(b) *Ioseph. 18. Antiq.*(c) *Liberey.*

Habuerunt, inquit, tincturam auri. Hinc etiam Salomonis sacra carmina, sponsi aureum caput dilaudant. Hinc apud nos pretii & laudis est aurea Cæsaris, rutili, flaventes aureoli capilli. (a)

III. *Mensa Salomonis lautissima.* Fasti Regum hanc mensæ lautitiam explicantes: Habebat autem, inquiunt, Salomon duodecim præfectos super omnem Israël qui præbebant annonam regi & domui ejus: per singulos enim menses in anno, singuli necessaria ministrabant. (b) Præfectorum quivis suum sibi mensem habuit, aliter negotium fuisset infinitum, & nemini satis extricabile. Erat autem cibus Salomonis per dies singulos triginta cori similæ, & sexaginta cori farinæ, Decem boves pingues, & viginti boves pascuales, & centum arietes, exceptâ venatione cervorum, caprearum, atque bubalorum, & avium altilium. Ipse enim obtinebat omnem regionem quæ erat trans flumen quasi à Thapsâ usque ad Gazam, & cunctos reges illarum regionum, & habebat pacem ex omni parte in circuitu. (c) Triginta, inquit sacer historicus, cori similæ, & sexaginta cori farinæ. In dies ergo singulos universè nonaginta cori farinæ absumebantur. Corus unicus habet modios quadraginta quinque, medimnos autem septem cum dimidio. Centum arietes five agni: nam agnina Hebræis in delitiis. Regiæ mensæ cibos civitates duæ curabant.

Lau-

(a) Geldgelbs Haar.

(b) 3 Reg. cap. 4. vers. 7.

(c) 3 Reg. cap. 4. vers. 12. & seqq.

Lutum profectò sit prandium quod pro
culinâ geminas habet civitates.

S. III.

IV. *Itinera Salomonis & equitatus nobilissimus.* Historiæ sacræ verba sunt: Habebat Salomon quadraginta millia equorum curulium, & duodecim millia equestrium. Nutrierantque eos supradicti regis prætecti: sed & necessaria mensæ Regis Salomonis cum ingenti curâ præbebant in tempore suo. (a) Fuerunt igitur equorum quinquaginta duo millia. His si numerus addatur quem Chronicon Regum exprimit, erunt quinquaginta septem millia equorum & sexcenti. Vtique rex Salomon satis habuit avenæ ac pabuli. Profectò hujus regis re frumentariâ ali potuissent equitum octingenta unum & nonaginta millia quadringenti quinquaginta, si quot mensibus cuilibet equo fuissent modii quinque admensi. (b) Equorum tunc usus varius, præcipuè ad itinera & vecturas. Iter suscepit Rex Salomon in Libanum montem urgenda templi structuræ, & ut operariis animos adderet sui aspectum. Aliud iter in Asiongaber institutum: ut classem auri venatricem præsens videret, & si quid deesset, consiliis & re juvaret. Tertium iter in Ægyptum, ut ad Pharaonem socerum reviseret. Quartum necessarium ad novas civitates condendas. Salomō ubique magnificentissimus. Eo in publicum prodeunte virgines tã Hierosolymis quàm aliis

(a) 3 Reg. cap. 4. vers. 26.

(b) *Vallapand. tomo 2.*

aliis urbibus erant ad id doctæ, ut obvium Regem, sparsis odoribus è thuribulis & vasis unguentariis salutarent. Hoc mihi tantò visum credibilius, quia Salomon imago Christi in plurimis: quod in Salomone cerni ac tangi, hoc in Christo intelligi potest. Poëma divinum canit: oleum effusum nomen tuum; ideò adolescentulæ dilexerunt te; curremus in odorem unguentorum tuorum. Hoc in Salomone umbra, res ipsa fuit in Christo. Ritus hic incendendi publicè odores nec profanis historiis ignotus. In progressu & solemnî pompâ Ptolomæi Thiladelphî Athenæo teste, prolata sunt vasa unguentaria grandiora decem, hydriæ duodecim, thuribula aurea, trecenta quinquaginta, aromatum plaustra octingenta (a) In Amphitheatro Lipsii sparsiones florum, & imbres odoratos fragrantésq; pluvias observe. Hæc omnia utique in parato habuit Magnificentissimus Salomon. Verè Magnificatus est Rex Salomon super omnes reges terræ.

Magnificentia Christiana est, quod suprà monuimus, non servire pecuniæ. Hoc dominus Iesus, Salomon novus, & exemplo docuit & sermone. Hic quæstio sit: Cur argentum Salomonis ævo tam vile? Nam argentum in diebus illis pro nihilo reputabatur. Arcana significatio. Venturus erat Salomon, cujus ævo illa omnia quæ argento significari solent, opulentia, nobilitas, eloquentia, forma, fama, vires, nihili facienda, nisi dearentur charitate verâ. Nam etsi jure gloriari quis possit: Sum formo-

(a) *Athen. l. 5. Dyprosoph. cap. 5.*

mosus, sum sanus, sum robustus, sum eloquens, sum opulentus, sum doctus, gratiâ & dignitatibus præcellens. Adde, mi homo: Si autem charitatem non habuero, nihil mihi prodest, quidquid illorum est, nihil sum. Vbi germanum charitatis aurum, illic non operosè colitur vanitatis argentum.

Sapiens Plato, teste Æliano, mores Agrigentorum considerans, eosque tam lautos & magnificos in ædificiis, vestibulis, cœnis: Agrigentini, aiebat, ædificant quasi semper victuri, cœnant quasi quotidie morituri. Placere ista Christiano etiam sensu: quid enim nostra omnis vita, nisi ædificatio continua & operosa? Lucas ædificii hujus memor: Iste homo, inquit, capit ædificare. (a) Quotidie comportamus lapides ad illud ædificium in quo semper manendum. Videte igitur Christiani, quos comportetis lapides. Si lapillos tantum & siliculos congeratis, ædificium heu non magnificum! Nil solidæ virtutis, non vera sui despicientia, non longanimis patientia, non liberalitas Christiana quæ largiatur nihil receptura: siliculos congerimus. Hinc structura misera, & priusquam surgat, ruitura, magnificentia hic nulla. O Christiani quadratis faxis, virtutibus solidis ædificate, æternum victuri, ædificium semper mansurum struite, tanquam quotidie morituri cœnate. Agrigentini tam polucibiliter ac laute mensas instruebant, tanquam supremâ cœnâ valedicerent. (b) Cum

H

Iam-

(a) *Luc. c. 14. v. 30.*(b) *Als wann sie die Zeit geben,*

Iantiusculè cœnamus; cùm nobis bene est, ita utamur præsentibus, ut futura non amittamus. Sequitur immortalitas & æternitas. Idcirco nunquam excidat senior hæc cogitatio: His quæ mulcent & sapiunt, brevè carebis: & ubi tu nunc eris, quid comedes? Ergo animum his non immerge, tanquam semper hoc modo epulaturus. De te, deque me, deque nobis omnibus brevè dicetur: Absolverunt hi suas cœnas, ebiberunt suum vinum; omnis eorum hilaritas finit; jam in silentium numero censentur. Hic igitur tenui quadrâ prandeamus, tanquam inter superos semper cœnaturi. Cum autem nobis est agrè, toleremus, tanquam brevè, vel etiam eo die morituri. Exspectat nos cœna magna, epulum non finiendum, cujus modimperator Salomon novus, suos convivæ animans: Comedite amici, dicer, & bibite, & inebriamini charissimi. (a) Et transiens ministrabit illis: Beatus qui manducabit panem in regno Dei! Illic vera est Magnificentia, ubi nihil mediocre vel parvum.

(a) *Cant. c. 5. v. 1.*

C A P V T XII.

Salomon Iustus.

Aristoteles, & cum eo philosophorum moralium senatus, in principe omnigenas quidem virtutes sed cum discrimine requirunt. Duplices, ajunt, virtutes sint principis: Majores & minores; hæ ut stellæ, majores illæ ut sol & luna, luminaria

minaria magna, sidera regia. E majoribus prima Iustitia & Clementia: Iustitia velut sol regnum illuminat, Clementia ut luna tenebris moderatur. Nox merissima ubi non imperant hæc astra. Scite dixit & verè Augustus Imperator: Pietate & Iustitiâ principes Dii fiunt. De iustitiâ hoc capite differendum: primò quidem ostendendum in quo sese Salomoneâ iustitia potissimum exeruerit. Deinde ordine dicendum, & per certa capita, in quibus demum vera consistat Iustitia.

§. I.

Salomon Rex tertio principatûs, vicesimo tertio atatis anno humanam hanc divinitatem expressit in seipso tam decore per Iustitiam, ut radios solares per omne suum regnum explicuerit. Audivit itaque omnis Israël iudicium quod iudicasset rex. (a) Res ita evenit: Mulieres duæ vulgati corporis, suam utraque prolem habuit, sed illam non utraque pari studio curavit. Fatum enixa est utraque in eodem cubiculo, sed altera suum filium incauta noctu oppressit, & alteri vivum surripuit, quem cum altera repeteret, negaret ista, itum est ad tribunal Salomonis. Vbi prima sic cœpit perorare: Rex vive; ego ancilla tua & hæc mulier domum eandem habitamus, eodem utimur cubiculo, nec hominum quisquam nobiscum est in hisce adibus. Postquam autem anibæ feliciter peperimus suum quæq; filium, paucis post diebus hujus mulieris filius est mor-

H 2

tuus:

(a) 3 Reg. c. 3.

tuns : nam illum incuriâ grandi oppressit. Ut autem hanc turpissimam incuriam sagacitate sarciret, hoc iniit consilii. Iam alta nocte, & sub primi somni fervorem clam surrexit, & meum mihi filium à dormientis latere surripuit, & apposuit ejus loco suum mortuum. Primo mane cum ego famula tua filio meo lac essem præbitura, pro meo vivo, mortuum alienum inveni Quem cum luce non amplius dubia inspexissem attentissimè, deprehendi non esse meum filium, sed supposititium. Vide, mi Rex, hujus mulieris flagitiosam in me fraudem. Hic altera non ultra se continens : Rex, inquit, æternum vive: Quidquid ab hac muliere, improba garrulitate dictum est, vanum, falsum est; nequissime in me confictum est. Prorsus aliter sese res habet : filius meus vivit, illa suum incanto pressu extinxit, & ita scelus, quod mihi impingit, ipsa patravit. Mox ogganniens altera : Mentiris, inquit, vivit meus filius, tuus est mortuus; tu tuum obtrivisti, ego meum jure repeto. Diem solidum lis ista videbatur occupatura, adeò femineæ linguæ in se mutuis vulneribus exarserant. Hic Salomon : Iurgantes, inquit, partes satis audiui. Hac dicit : Meus filius vivit, tuus obiit. At illa negans, suum filium ait vivere, non suum esse mortuum. Quid faciendum? Et certe lis videbatur inextricabilis: nam rei peractæ testes nulli, constans utrimque clamor, rationes vix ullæ & obscuræ. Quocirca sapientissime Salomon definiturus hanc litem : Stringatur gladius, inquit, & medius dividatur vivus infans, suam

suam quæque partem habeat. Hic vera mater exclamans: Obsecro, ait, domine mi Rex, obsecro, amittam ego litem, dummodo infanti parcatur. Habeat illa meum filium, modò vivum. Non sustineo coram me meum sanguinem, dulcissimum pignus meum cernere obtruncatum. Hic vero altera protervis urgens clamoribus: Nec mihi, ait, nec tibi, dividatur infans. Continuo rex verâ matre jam satis cognitâ: Non occidatur infans, ait, sed huic vivum date, quæ filii vitam jacturis omnibus habet potiozem: hæc genuina ipsius mater est. Audivit itaque omnis Israël judicium quod judicasset Rex, & timuerunt Regem, videntes sapientiam Dei esse in eo ad faciendum judicium. (a) Ab hac tam sapienti justitiâ Rex jure nomen & laudem tulit, *Salomon justus*.

Cum veniâ vestra, ô Magni reges & principes, quam hoc in vobis & magnum esset ac decorum, saltem subinde viliores animas admittere ad dicendam causam, aut etiam suggerendum consilium; Nonnunquam & olitor est opportuna locutus. Hoc non tantum humanitatis sed & prudentiæ foret, frequenter etiam justitiæ. Homines sumus, non dii; venerandi, non adorandi, post fata cum mendicis habitaturi. Quoties opifex mechanicus, miles gregarius sed exercitatus, senator pedarius sed eruditus rectissima suavit suo principis; aliis aut non tantum peritiæ aut non tantum animi fuisset ore libero ea profari. Vnis & iisdem sumper suasoribus inhærere, periculosum & invidiæ plenum.

H 3

Au.

(a) 3 Reg. c. 3. fine.

Audiendi plures & si fieri potest, ipsimet audiendi, non per aliorum relatus. Multum rei & veritatis perditur, cum res per duorum aut trium ora volvitur. En Salomon duorum regnorum Rex potentissimus velut otiosus scriba meretrices duas benigne audit de infantulo litigantes. Saponenda est subinde negotiorum moles, & jus ab ipso principe dicendum, (a) ne quid detrimenti patiatur iustitia, cuius jam documenta subjungemus.

(a) *V. Lips. Polit. Mon.*

§. II.

I. *Princeps adiri sit facilis, audientia benigna.* Certe partes audiri cupientes sunt audiendæ, & sæpe, si res poscat, ab ipso principe. Hæc enim iustitiæ prima pars dare locum dicturo, imo animare timidum: Effare, dic, aut scripto causam tuam age. Vociferatur contra eos Isaïas qui supplices libellos supprimunt ne emergant, qui pauperum querelas tenebris damnant, ne in lucem veniant: Sunt lamentationes vanæ, inquit, pyramides chartaceas inde faciamus, scombros aut thus vestiamus. (a) Sic suas ipsi aures obturant, & aliorum aperiri volunt. Pupillo non judicant, & causa viduæ non ingreditur ad illos. (b) Videte mihi vos magni nimis & alti homines Salomonem pane triplici diademate redimitum: causa muliercularum

(a) Wollen Starnügel drauß machen / oder ins Fenster stecken / oder in die lang Truhen legen.

(b) *Isai. c. I. v. 23.*

rum duarum ad eum ingressa est, nec se illis iudicem negavit, nec auditus est dicere: Num me tribunum mendicorū censetis? (a) num utramque mihi aurem clamoribus vestris impleri patiar? Num inanium rixarum arbiter rex erit? Altius est meum tribunal, quàm ut querimonias vestras examinet. It e ad meos, erunt qui vobis respondeant. Non ista Salomon, tantò justior, quanto adiri faciliior; in rem præsentem ipse venit, ipse audiit, ipse iudicavit. Nimirum aurei dies illi redierunt, & desiderati sæculi mores, quos Isaias promittens: Restituam, inquit, iudices tuos, ut fuerunt priùs, & consiliarios tuos, sicut fuerunt antiquitus. Poc hæc vocaberis civitas iusti, urbs fidelis. Sion in iudicio redimetur, & reducent eam in iustitiã. (b) Factum Salomonis ævo. Hinc illud encomii: Iustitia habitavit in eâ. Iudex in iustitiam pronus, non aliò partes amandat, adiri facilis, humanus, obvius, benignus est; omnium querelas excipit, omnium causas discutit: non extendit lites, non prolongat controversias, non in centū annos sententiã differt.

In regionibus thuriferis inter Sabæos moris fuit, teste Athenæo, ut pro lege regis voluntas adoraretur. At rex plerunque ignavissimus inter thermas & viridaria vacabat voluptati & otio, iudices tamen constituebat, qui suo loco jus dicerent. Si quis tamen censuisset iudices male iudicasse, in supremum se palatium conferebat. Hic grandior erat fenestra, cui appensa catena, quâ attra-

H 4

Aâ

(a) Halt ihr mich für ein Bettolrichter.

(b) Isai. c. I. v. 26. & seqq.

Et â pandebatur fenestra. Quod ubi rex rescississet, hominem accersens, auditis utrinque partibus jus dixit.

Erudite quærit Iustus Lipsius in politicis, utrum deceat aut expediat ipsum regem jus dicere? Et primo quidem loco argumentis adversariis respondet. Nam audias passim objici: Id fieri non posse, nec si posset, hoc moris esse, non deesse pro eis constitutos judices diversorum tribunalium, discretissimas patere curias, eò magnam litium partem devolvendam, infinitum esse negotium regi non sustinendum. His nobilissimus quem dixi, Politices doctor: Contra morem, inquit, non luctabor: sed dicite vos, quam ille mos vetustus? Hoc ipso quo vivimus sæculo inductus est: adeò nil prisca habet. Denique. Concludimus, ait, & moderamur: Regem decore & utiliter jus dicturum, sed aliquando, vel certis temporibus, ut id sciri possit; vel in causis gravibus; vel denique contra potentes aliquos & partibus graves. (a) In eam rem Carolus Magnus Imperator maximus hanc promulgari legem voluit: Hoc missi nostri notum faciant Comitibus & populo, quod nos in omni hebdomadâ unum diem ad causas audiendas sedere volumus, sed tantum in causis, de quibus missi iustitiam eis facere nolunt. Ergo etiam Imperatores iuridicundo sese non subtraxerunt.

Illud autem miserum est, si q tenuiorum aliter causam suam agere nequeat, aut nullum illius exitum invenire possit, nisi prius

(a) *Lips. l. 2. Monit. polit. c. 9.*

prius catenam trahat argenteam, philippeis pugnet, aureis triumphet; alioquin aut non auditur, aut in annos centum causa illius protrahitur. O curias & aulas! ô prætoria! ô senacula & tablina non spiritu sancto sed philargyriâ plena, in quibus numi potentius perorant quàm ulli Hortensii, Demosthenes, Tullii! Nil sanctum est, ubi vœnalis iustitia est.

Clamat è cælo Sapia: Audite reges & intelligite, discite iudices finium terræ. Præbete aures vos qui continetis multitudines, & placetis vobis in turbis nationum, quoniam data est à Domino potestas vobis & virtus ab Altissimo, qui interrogabit opera vestra, & cogitationes scrutabitur; quoniam cum essetis ministri regni illius, non recte iudicastis, nec custodistis legem iustitiæ, neque secundum voluntatem Dei ambulastis. Horrendè & cito apparebit vobis: quoniam iudicium durissimum his, qui præsumunt, fiet. (a)

Philippus Macedo more tunc recepto ius dixit sapius. Erat autem in viâ festinans, cum eum mulier appellavit iudicem de re sua. Cui Rex hoc unum: Non vacat jam. Illa audacter: Noli igitur regnare. Perinde si diceret: Regium munus est, tuum est, audire & iudicare. Admisit, & mox audiit, & si quis alius voluisset audiri, autem reperisset benevolam. Plurimum caveretur iniustitiæ, si saltem sciatur à summo magistratu, inferiores iudices officium suum facere. Augustus Imperator, Tranquillo teste,

H 5

jus

(a) Sap. c. 6. v. 3. & seqq.

jus dixit assidue, & in noctem nonnumquam. Salomon rex opulentia & sapientia summus, duas tamen mulierculas ad tribunal audiit jurgantes, & sententiam tulit omnibus post sæculis laudandam. Præbete aures vos qui continetis multitudines. Iethro sacerdos focer Moſis generum suum officii commonefaciens: Provide, inquit, viros timentes Deum, in quibus sit veritas, qui oderint avaritiam, & qui judicent populum omni tempore. (a) Documentum ergo primum justitiæ, audientia benigna.

(a) *Exod. c. 18. v. 21.*

S. III.

II. *Cognitio causæ penitissima.* Salomon suum litigio impetum non ititit; testes nulli, probatio vix ulla, clamores absoni. Vbi autem causam probe cognovit, gladium petiit, sententiam tulit. Iustitia diligentiam poscit accuratissimam: nam levi sæpe additiuncula, aut detrahtiuncula invertitur tota causæ, & subinde in proponenda causâ causæ salus omnis vertitur aut interitus. Ideo cum res scripto tradita, ab uno aliquo verbis est referenda, singularis requiritur industria: (a) Relator sit intelligentissimus, memoriæ tenacissimæ, fidissimus, affectuum expers, mediæ & neutrius partis, qui causam quamcunque alienam referat ut suam. Negligenter, perfunctoriè, oscitanter, incuriosè, segniter agere, nusquam laudem meretur; in rebus justitiæ vitium est intolerabile. Cum characteres Hebræi pinguntur,

aut

(a) Der im Rath referirt.

aut typis exprimuntur, diligentia ingenti opus est; nam punctulum unicum mutat verbum aut sensum totum: ita prorsus in rebus iustitiæ, levis neglectus, omissio non grandis potest è causâ bonâ malam, è mala bonam reddere. Hussæus Princeps Iobus iustitiæ amantissimus de seipso: Iustitia, inquit, indutus sum, & vestiivi me sicut vestimento, & diademate iudicio meo. Et rex fuit Iobus & iudex sui populi, sibi que honori duxit merito, apud suum tribunal iustitiam inveniri. Idcirco adjungit dictis prioribus: Et causam quam nesciebam, diligentissime investigabam, (a) ut ad veritatis fundum penetrarem. Hoc ipsum Deus velut exemplo monstrans docuit. Nam protoplasum inobedientem, & Babylonicæ molis structores, & Sodomæ turpitudinis reos puniturus, etsi sapientissimus Deus, rerum omnium gnarus, ipsarum cogitationum arbiter, nihilominus: Descendam, inquit, & videbo, utrum clamorem qui venit ad me, opere compleverim; an nō est ita, ut sciā. (b) Vult Deus non è solo rumore aut relatu ferre sententiam, sed ulterius progredi indagatōe ac inventionē veri. Satis ohe est in iudice tolerare ignorantiam, si accedat insuper ignavia, oscitantia, incuria, suo se calculo damnabit, ferulam decretoriam in seipsum stringet. Potentes potenter tormenta patientur: fortioribus fortior instat cruciatio. Ad vos ergo reges sunt hi sermones mei; ut discatis sapientiam, & non excidatis.

(a) *Iob. c. 29. v. 14. & 16.*

(b) *Gen. c. 18. v. 19.*

tis. Qui enim custodierint iustitiam, iuste iudicabuntur, & qui didicerint iusta, invenient quid respondeant. (a) Contra illos autem stabit spiritus virtutis, & tanquam turbo venti dividet illos, qui non recte iudicaverunt, nec custodierunt legem iustitiæ (ignorantes & ignavi) neque secundum voluntatem Dei ambularunt.

Vnde in curiis & tribunalibus tot revisiones & relectiones, tot appellationes & provocationes, nisi ab ignorantia & ignavia quæ non illam Iobi legem sed hanc suam servarunt: Et causam quam nesciebam, negligentissime investigabam. Si inspectio rei prima esset accurata & seria, quid opus alterâ? Philippus Macedo magnæ virtutis rex, nisi suam ipse laudem corrupisset, iustitiæ tenacissimus, acerbiora in se dicta potuit digerere. Cum apud eum Machetas miles causam diceret, nisus est rex non attendere & inde contra jus fas causam abjudicare militi. Hic Machetas militari & Macedonica libertate: Apello, inquit. Tu à rege? & ad quem? Ad ipsum te, ait miles, sed vigilantem & attentum. Alii volunt dixisse: Ad Philippum Sobrium. Quis hoc imi subsellii viro, iudicum postremissimo ausit objectare, quod iste Regi? Incuriam aut vinolentiam objecit. Rex Philippus ad hanc provocationem evigilans: Dic, ait, dic enim verò quid habes dicere? Dixit denuo miles, rex audiit & comperit injuriam factam Machetæ, ita tamen ut mulctam è suo dederit.

Hic grandis ac singulari opus est industria,

(a) Sap. c. 6. v. 10. & 11.

stria, nihilominus errores non deerunt: sin etiam absit industria, inanes erunt tituli, formosa frons erit iustitiæ, à tergo fraudis & injuriæ hærebunt. In pharmacopoliis innumera vasa, pyxides, ollæ, subscudes, scyphi è ligno, è testa, è stanno, è marmore, è vitro: His omnibus suæ sunt schedæ, quas speciosâ fronte præferunt: hic saccharum rosatum, ibi Rhabarbarum, illic flores & tinctura violarum, istic Manna, Tussilago, Cassia &c. nota pharmacopæis nomina. Sed aperi obsecro, unam harum pyxidum; præter inanias & araneas nihil reperiēs; venustum caput sed sine cerebro; formosum corpus, sed sine animo: Ita plane sapius non immerito interrogēs: Quis iste, quaeso, dominus? Respondebunt: Promotor Iuris, Consiliarius principis, Prætor Urbis, Assessor Cameræ, Administrator iustitiæ. Eho, speciosâ schedæ, pyxides venustæ, veneranda nomina, & pulchra vasa. Aperi, inspice, & in iis nec conscientiam, nec scientiam, nec diligentiam invenies. O testas Samias & pulchras, sed vacuæ: Iustitiæ larvas, non effigies veras! Audite ergo reges & intelligite, discite iudices finium terræ: penitissima cognitio causæ, officium est Iustitiæ.

§. IV.

IV. *Affectuum sepultura.* Lipsius effigiem iustitiæ, sub oculos daturus: Iustitia est virtus, inquit, jus & æquum in se inque aliis firmiter servans. Brevius dixerim: Iustitia est affectuum sepultura. Vbi affectus regnat, ibi Iustitia exulat. Si trutinæ lanx

una oneratio sit altera, non dicam plus se-
 libra una, sed vel unico lapillo, æquilibris
 stare trutina non potest; ita plane in unam
 magis partem propendeat ad opulentos, ad
 familiares, ad cognatos illaesa non poterit
 conservari Iustitia, quæ in se inque aliis jus
 & æquum firmiter servat. Salomon iustus
 ubi mulierculæ utriusque garrulas rixas au-
 diit: Afferatur, inquit, gladius, & dividatur
 infans. An æquum hoc & iustum? Minime,
 Sed elicere voluit rex sapientissimus abdi-
 tos affectus. Nam altera, Canidia improba
 succlamabat: Dividatur infans, dividatur;
 Nec mihi nec tibi sit. Hinc Salomon peni-
 titudinem causæ notitiam accepit, hinc sa-
 pientissime conclusit: Non potest in eâ
 mente locus esse iustitiæ, ubi tam potenter
 imperat affectus invidiæ. Optima consecu-
 tio, verissimum iudicium.

Leo Armenus inter optimates charum
 sibi famulum habuit urbis præfectum, non
 tamen ab affectu se cohiberi passus est quo-
 minus virum principem sibi gratissimum,
 sed socordiæ deprehensum puniret. Cum
 enim Leo è palatii clivo descenderet, vir
 plebejus supplici gestu occurrit & absque
 procemio questus est raptam sibi uxorem à
 quodam senatorum. Se quidem injuriam
 exposuisse Præfecto urbis, nihil tamen fieri
 quod Iustitiæ consentaneum videretur.
 Mox Imperator iussit reverso sibi sisteretur
 quàm primum accusator, delatus reus, &
 urbis Præfectus. Audiit omnes, & ubi reum
 accusatum noxæ, urbis Præfectum negli-
 gentiæ comperisset, istum quidem officio
 & di-

& dignitate omni privavit, senatori reo vitam ademit. Factum bonum & æquum. Audite reges & intelligite, discite iudices finium terræ. Ubi tam seria deest animadversio Iustitiæ, quid est vita humana, nisi mera deprædatio, & homicidia? Verissime dixit Augustinus: Remotâ Iustitiâ quid sunt regna nisi magna latrocinia? Profecto in aulis nil æque Iustitiam frangit & immittit, quàm ingens affectuum malorum varietas. Lanx una trutinæ multò ponderosior alterâ, in partem unam magis vergit quàm in alteram. Plerunque uni parti magis favent iudices quàm alteri; tutatur favor Euryalum à numis melius instructum; pronius honoratori, amplius ditiori cupimus quam sordenti palliolo. Vbi obsecro in tenebris & obductis velis judicatur cum Areopagitis? Quam hic optabilis nox esset, quam multo sanctius oculis careremus? In damnum ac perniciem iustitiæ oculati sumus, & partium vestes, censum, dignitates, sæpe cognatum sanguinem, non causæ æquitatem attendimus. Hinc copiosa ubique lacrimæ. Humani ac divini juris est, causam pauperum favorabiliorem habere. Siracides aperre commonefaciens: In iudicando, inquit, esto pupillis misericors. (a) Nos contra vociferamur: Opulenti esto benevolus. Ita lanx una libræ nimium quantum vergit, nimium attollitur in altum altera, errore gemino: dum in illos nimis benevoli, in istos rigidi nimis sententiam pronuntiamus. Discite iudices ter-

12.

(a) Eccli. c. 4. v. 10.

ra, amore justitiæ, sequiores affectus se-
pelire.

C A P V T XIII.

Salomon Iustissimus.

Claudius Imperator, Suetonio teste, causam utcunque nebulosam ante se agi audiit: Femina Romana non plebejæ fortis recusavit juvenem quempiam agnoscere filium, dubiâ utrimque argumen-
torum fide. (a) Claudius explorando mulie-
ris animo: Cùm ergo, inquit, non sit tuus fi-
lius, nube illi. Cohorruit mulier ad subitum
hoc imperium. Ab his indiciis visum est esse
filium, quem detrectavit accipere maritum.

Ad Salomonis tribunal litigabant binæ
mulierculæ de filio (quod superiori capite
pertractatum est) utraque se matrem aje-
bat, utraque sibi vivum vindicabat filium.
Lis intricata videbatur & plena caliginis.
Tandem Salomon veram matrem dignovit
ex eo, quod ad jussam infantis cædem adeò
cohorruerit, alterâ procacissimè clamante:
Infantem medium secate; neutra eo frua-
tur. Hic sapientia Salomonis minimè am-
biguam tulit sententiam, illam non posse
censeri matrem, quæ oculis tam avidis spe-
ctare cuperet filii necem. Vera & æqua sen-
tentia. Hinc meritò Salomonem Iustum
appellavimus. Paullò majora canamus, &
Salomonem Iustissimum sistamus cupido
spectatori.

Suppe-

(a) Suet. c. 15.

Superiori capite triplex Justitiæ documentum assignavimus; I. Audientia facilis & benigna. II. Cognitio causæ benignissima. III. Affectuum sequiorum sepultura. Pergimus de Justitiâ differere, non quòd conemur omnia ejus arcana in lucem dare, sed ut illa præcipuè sub oculos ponamus quæ ad Salomoneum hoc judicium videntur spectare. Ita jam dictis quadruplex Justitiæ documentum addimus.

§. I.

IV. Justitiæ documentum, *Sagacitas invenienti veri*. De Salomonis sagacitate Josephus Hebræus: Nisum est inquit, hoc populo insigne argumentum regiæ prudentiæ simul & patientiæ, & ex illâ die non secus quàm divinâ mente prædito obtemperabant. Scribit Polybius (a) de Demetrii regis filio Philippo qui vix septimum decimum ætatis annum excefferat, jam tamen in gravibus causis sententiam dixerat: quâ vero id prudentiâ, quàm maturo animi judicio hoc munus juvenis obierit, filet historicus: silentii hanc addit rationem; historiæ scriptorem decere, firmatas in conciliis sententias principibus tribuere. Ita regius ille juvenis justissimo æquè ac sapientissimo Salomoni nec potum quidem porrexerit, Salomon in veritate vestigandâ iam subtili usus est solertiâ, ut Ambrosius dixerit: Gladio spiritus latentem feminarum conscientiam penetrauit, affectus eliciendo, (b) Præclara & necessaria

I

cessaria

(a) Polyb. l. 2. hist.

(b) Ambr. l. 3. de S. Spiritu. c. 7.

cessaria pars Iustitiæ, inveniendi veri sagacitas, quæ placido silentio indagar, quarit, explorat, dum verum inveniat.

V. *Vigilantia & Zelus.* Sa'omon cum in neutram partem duarum feminarum controversiam vergere videret: Afferte, inquit, mihi gladium. Mi Deus, quid fiet? Non sanguini fundendo, sed affectui eliciendo afferendus est gladius: corda penetrabit & feriet rex aequissimus non corpora. Sic vigilare solet Iustitia, hic illius Zelus est ad ipsam animi medullam, si fieri possit, rimari. Si Iustitiæ Zelus desit, nemo miretur si nec adsit vigilantia: pari plerunque passu gradiuntur. Iosaphatus rex integerrimus præfectos ac iudices suos hortatus: Videte, ait, quid faciatis, & cum diligentiam cuncta facite. Non tantum causæ cognitionem exactam, sed vigilantiam insuper & Iustitiæ Zelum exigit. Perinde si dicat: Quidquid officit juri dicundo, removendum est arduis conatibus. Vigilate & videte quid faciatis, ut exclusâ diligentia nihil faciatis.

Hanc Vigilantiam & Zelum adumbrant duo iudicum insignia, Gladius & Bacillus seu Virga oblonga. Hieremias vates Virgam vigilantem & ollam-bullientem vidit. Olla bulliciens est provincia vel regnum vitis exuberans, diabolus ignem subdit, ligna ingerit, flammam flatu impellit. Hæc Iustitiæ virga vigilet, ut ollæ reprimatur ebullitio, ut vitia passim vulgata castigentur & serio, non pueruli ferulâ, non vulpinâ caudâ. Certè perjuria & adulteria præsertim repetita
non

non solo marsupio plectenda. Invalet hoc genus lolii, nisi sint qui illud sic puniant ut rei sentiant se puniri. De Magistratu dixit Paulus: Non sine causâ gladium portat. (a) Publicus hic gladius similis sit gladio Cherubini cui Deus paradisi custodiam commisit, qui & flammeus fuit & versatilis. Versatilem dabit Vigilantia, Flammeum Zelus Iustitiæ.

Andronicus Comnenus Imperator Constantinopolitanus gladium protavit verè flammeum & versatilem. Nemini parsum; quisquis deliquisset reus peragebatur. Nobiles juxta & ignobiles: opulentos & egenos palatinam familiam adæquè ac plebem civicam pro delicti ratione puniit criminis convictos. Charum hominem è suis habuit Theodorum quendam. Hic apud rusticanum cauponem cum multis suorum diversatus abiit, & symbolam non solvit. Res hodieque nec nova nec insolens. Caupo injuriam sibi factam in aulâ questus est. Imperator re cognitâ virum ceteroqui charissimum fuisse duodecies publicè cædi jussit, & omne damnum largiter rependi. Hic idē Andronicus omnibus præfectis & magistratibus suis per litteras edixit: Aut injurias aut vitam relinquite; nam vos injuste agere & vivere, nec Deo gratum, nec mihi ejus ministro ferendum est. Gladium prorsus manu versavit & flammeum & versatilem. Vigilantia in eo & justitiæ Zelus vigeant.

Vl. *Auditio utriusque partis, non habita*

I 2

digni

(a) Rom. c. 13. v. 4.

dignitatis aut ordinis ratione. Notissimum est illud Senecæ Tragoedi: Qui statuit aliquid parte in auditâ alterâ, æquum licet statuerit, iniquus est. Perinde sicut qui adversus imperium aggreditur hostem, tamen si vincat, contempti tamen imperii reus peragitur: uti Mælii, Posthumii, Epaminondæ filii non jussi purgnarunt & vicerunt, nihilominus vel patrum suorum calculo poenas luerunt: Ita prorsus qui uni dumtaxat parti præbet aures, tamen si sententiam ferat æquam, iniquus tamen judex est. Alexander Rex Macedo eo corporis habitu audiebat causas, tanquam aurem alteram obturaret. Rogatus a familiari homine, Cur id faceret? Clausa, inquit, auris servatur reo. Salomon audiendi patientissimus, in illam muliebrem rixam faciles & minimè aversas dedit aures. Procaces quidem feminae mutuis se dictis configebant. Vociferante unâ, *Mentiris*, Mox eandem altera vocem regerens: *Tu*, inquit, *mentiris improba*. O qualis echo, & qualis causa sine argumentis, sine testibus! Hanc tamen Salomon Rex molliter audivît. (a) Tandem: Dividite, inquit, infantem vivum, & date dimidiam partem uni, dimidiam alteri. Testari possit pars utraque se auditam. Exactissimè videtur Salomon servasse illud divinæ legis. Audite illos, & quod justum est judicate: siue civis sit ille, siue peregrinus. Nulla erit distantia personarum, ita parvum audietis ut magnum: nec accipietis cujusquam personam, quia Dei judicium est.

est. (a) Illud attentius perpendendum : Ita parvum audietis ut magnum, adeoque non tantum nulla sit personarum acceptio, in judicando, sed nec in audiendo.

Aristides cognomine vulgato Iustus accusatur aliquem apud iudices, qui accusantis jam notæ auctoritati tantum tribuebant, ut accusatum nec audire quidem sed indictâ causâ prolatis mox sententiis prædamnare cogitarent. Aristides in genua procumbens supplex petit, dignarentur hominem à se accusatum, non minus quam se, pro legum imperio audire. Ita parvum audietis ut magnum. Idem repetitis verbis inculcatur crebrius : Iudicent populum iusto iudicio. Nec in alteram partem declinent. Non accipies personam, nec munera : quia munera excæcant oculos sapientium, & mutant verba iustorum. Iustè, quod iustum est persequetis, ut vivas. (b) Non consideres personam pauperis, nec honores vultum potentis. Iustè iudica proximo tuo. (c) Nolite iudicare secundum faciem; sed iustum iudicium iudicate. (d) Ita pravam audietis ut magnum.

VII. *Constans patientia, aut patiens constantia.* Hanc Salomon insigniter exhibuit cum patienter & constanter viles animas rixantes mulierculas & audivit, & ius dixit; Unde & Iustissimus appellari promeruit. Et videte regis aequissimi patientem

I 3

con-

(a) *Deut. c. 1. v. 16.*(b) *Ibid. c. 16. v. 18. & seqq.*(c) *Levit. c. 19. v. 15.*(d) *Ioan. c. 7. v. 24.*

constantiam. Cùm enim iussisset dissecari vivum infantem, inquit Iosephus, eam sententiam omnis populus ut nimis puerilem tacitè damnavit. Opiniónem populi, atas Salomonis firmabat, qui vicesimum tertium tunc agebat annum. Ita videri potuit juvenilior sententia quàm sapientior. Advertit rex utique hos populi motus, pronuntiati nihilominus tenax, gladium afferri, stringi, ad secandum puerulum vibrari iussit patientia constanti.

Subinde post latam sententiam tergiversantur partes, & parère recusant. Non terreatur Iudex, non cedat, constanter pergat, ut è verbis fiant facta. Tunc potissimum urgenda sententia cum liquet quàm sit iusta, & praesertim cum punienda sunt vitia. Hic cedere est vinci & causam spontè perdere. Iustitia est magnanima & fortis, & cum sui certa est, nescit cedere.

Discite Iustitiam moniti. Constantiam amat Iustitia, nec vim dissimulat ubi vi opus est. Hæc ergo Salomon Iustus Iustissimus docet, ad Iustitiæ integritatem plurimum facere.

1. Facilem Audientiam.
2. Accuratam causæ Notitiam.
3. Affectuum malignorum sepulturam.
4. Indagandi veri sagacitatem.
5. Zelum & Vigilantiam.
6. Auditionem utriusque partis.
7. Patientem Constantiam.

Hæc omnia verbis Iosaphati regis configno, qui praefectis & iudicibus suis omnibus præcipiens: Videte, inquit, quid faciatis, non enim

enim hominis exercetis iudicium, sed Domini, & quodcunque iudicaveritis, in vos redundabit. (a) Sit timor Domini vobiscum, & cum diligentia cuncta facite: non est enim apud Dominum Deum vestrum iniquitas.

Orbis Iudex ipsos iudices ad suum tribunal citabit reos.

(a) *Quod tute tibi intrivisti, tibi exedundum erit.*

CAPUT XIV.

Salomon Sapiens.

Diogenes è Stoâ, ratiocinio non absurdo persuadere conatus est, *Sapientis esse omnia.* In rei fundamentum sumpsit, quod nemo sapientum negat, *Deorum esse omnia.* Ab hoc scito hunc firuxit syllogismum: Amicorum sunt omnia, Sapientes sunt Deorum amici, Sapientum ergo sunt omnia. Fuit qui hæc adstruenti familiariter & per jocum objiceret: Cur igitur stipem petis, si tua sunt omnia? Cui prompte Diogenes: Non aliena, inquit, peto, sed repeto mea.

Hoc veteris philosophi jocus videri possit, sed si Salomonem audiamus, luculentum est oraculum. Sapientia tam dives est ut qui sibi eam jungit connubio, in dotem accipiat quidquid uspiam est thesaurorum: Aperie Salomon: Venerunt autem, inquit, mihi omnia bona pariter cum illa, & innummerabilis honestas per manus illius, &

latus sum in omnibus : quoniam antecede-
bat me ista sapientia , & ignorabam,
quoniam horum omnium mater est. Infi-
nitus enim thesaurus est hominibus , quo
qui usi sunt , participes facti sunt amicitiae
Dei. (a)

Inter tot Salomonis multò illustrissimas
dotes & virtutes, omnium velut regina fuit
Sapientia, quâ quidem reges omnes & uni-
versos mortales spatiis longè maximis an-
tecessit. Atque hinc jure meritissimo *Salomon Sapiens* ab utroque Orbe appellatus est.
Hîc magna nobis crescit dicendi seges in
ordinem digerenda. Scire refert, quâ ratione
sapientiam obtinuerit, num gratis, an verò
precibus eam impetrarit , quomodo impe-
tratam conservarit , num illam auxerit , an
contra imminuerit. Septem igitur capita
hîc nobis pertractanda. 1. Quàm ardentibus
votis sapientiam expetierit. 2. Qualenam
sacrificium celebrarit ante impetratam sa-
pientiam. 3. Quas tentationes à sapientiae
desiderio avocantes vicerit. 4. Somnium
Salomonis , & quomodo ei Deus secun-
dum quietem visus sapientiam impertive-
rit. 5. Quanti Salomon concessam sibi sa-
pientiam aestimarit. 6. Quibus precibus &
lacrimis Sapientiam Salomon efflagita-
rit, & quàm eæ preces Numini placuerint.
7. Quæ vera Christiana sit sapientia.

(a) *Sap. c. 7. v. 11. & seqq.*

§. I.

I. Desiderium Salomonis æstuantissimum
adipiscendæ sapientiae. Mille produco testes
ipsum

ipsum Salomonem, qui de seipso : Propter hoc optavi, ait, & datus est mihi sensus; & invocavi, & venit in me spiritus sapientia; & proposui illam regnis & sedibus, & divitiis nihil esse duxi in comparatione illius. (a) Miris desideriis anhelabat sapientiam, & planè deperibat. Agrè fert Deus suas gratias & favores non desiderari. Augmentum saltem gratiæ jam concessæ vult expeti. Est enim Sapientia, perinde ut gratia præveniens seu prima quam Deus ultro donat etiam immerentibus. Ita Salomon à Deo monitus est, ingenti cum desiderio peteret sapientiam. Fatetur ipse : Antecedebat me ista sapientia, ipsa mihi fuit auctor sui amandi. Ita Nun en nobis velut infantibus, pulcriculam in os inserit. Ita Salomonem alloquitur æterna sapientia : Non potes esse sapiens, nisi sapientiam efflictim cupias. Hoc porro ipsum erat sapientia, scire cujus esset hoc donum. (b) Ut autem constet quantâ Salomon sapientiæ cupiditate astuarit, perpendenda sunt illius hæ voces : Circuibam quarens, ut mihi illam assumerem : Adii Dominum, & deprecatus sum illum, & dixi ex totis præcordiis meis : Da mihi sedium tuarum assistricem sapientiam. (c) En cupidinem sapientiæ flagrantissimam, en astum & sitim divinæ intelligentiæ.

Sciendi studium omnibus innatum. Cur aures arrigimus, cum jucundi quid narratur, nec enim ullus facilè tam stipes est quin gratis narratiunculis pascatur? hoc à

I 5

scien-

(a) Sap. c. 7. v. 7. & 8. (b) Sap. c. 8. v. 21.

(c) Sap. c. 8. v. 18. 21. & c. 9. v. 4.

sciendi aviditate provenit. Cur toties quarimus, quid novi? quæ res geruntur in Hispaniis, in Belgio, in Galliis? & quamvis præmoneamur, nil fausti nuntiari, id tamen sciendi aviditas expiscatur. Cur omnis generis historias etiam fabellas & apologos, veritas etiam & obscænas pagellas tam cupide legimus? huc sciendi aviditas impellit. Cur fastos & diaria, prædictiones & vaticinia cœmimus? Sciendi aviditate ducimur. Cur in terras alio calentes sole peregrini excurrimus? aviditas sciendi evocat. Cur diversa idiomata partim è libris, partim usu condiscimus? Aviditas sciendi adigit. Cur veteris avi moneram, epitaphia vetusta, & quidquid præscam eruditionem sapit comportamus? scientiæ cupido adigit. Cur tantis sumptibus tot annos in Academiis terimus, cur libros congerimus, legimus, enotamus? discendi studium persuadet. Cur homines consiliis pollentes & facundos frequentamus? scientiæ & sapientiæ desiderium instigat. Iam maximi refert, quomodo istis ad scientiam incitamentis utamur. Atque hinc seria nobis ad rem quasiio nascitur: Cur plurimi à virtutibus tam male sunt instructi? Rarissima est Humilitas profunda, constans Patientia, Charitas sincera. Vnde hæc virtutum raritas? Non desideramus illas, quia nec æstimamus. Nolentibus aut non desiderantibus, sua dona Deus non obtrudit, non ingerit. Clamat æterna sapientia: Concupiscite sermones meos, diligite illos, & habebitis disciplinam. (a) Transite ad me omnes qui concupiscitis me,

(a) Sap. c. 6. v. 12.

me, & à generationibus meis implemini.
 (a) Favores divinos desiderii mereri nos
 vult Deus. Nos ipsos doni pœniter, si
 quid alteri donamus, quod aut ingratum,
 aut non desideratum esse ostendit. Erudi-
 te dixit Pythagoras; Sedulo perpenden-
 dum est, Sapientiam ab eo non satis affi-
 mari qui eam laboribus detrectat emere.
 Idem plerunque sapientiæ, quod virtuti e-
 venit: Laudatur, & alget. Salomon tanto
 copiosorem impetravit sapientiam, quan-
 to eam ardentius postulavit.

(a) *Eccli. c. 24. v. 26.*

S. I.

II. Sacrificium Salomonis ad impetran-
 dam sapientiam institutum. Numini devo-
 tissimus fuit rex iste antequàm nimio fe-
 minarum amore præceps ageretur in imma-
 ne nefas. Nam dilexit Salomon Domi-
 num, ambulans in præceptis David patris
 sui, excepto quod in excelsis immolabat, &
 accendebat thymiama. (a) Dilexit certe non
 solum affectu indolis, sed etiam affectu cha-
 ritatis. Christus de unctrice femina: Re-
 mittuntur ei, inquit, peccata multa, quoniam
 dilexit multum: cui autem minus dimitti-
 tur, minus diligit, (b) minus agit quod dile-
 ctio præcipit. Verissime dixit Gregorius:
 Probatio dilectionis, exhibitio est operis.
 Hinc illæ Ioannis voces: Qui dicit, diligo
 Deum, & mandata ejus non custodit, men-
 dax est *Ἀπάτη*, & charitatem & charitatis
 offi-

(a) *3 Reg. c. 3. v. 3.*

(b) *Luc. c. 7. v. 47.*

officium significat. Quo sensu dixit Augustinus : Agapæ nostræ pauperes pascunt. Flaccet amor cū opus cessat. Ita Salomon dilexit Dominum , non otiosis desiderijs , sed divino cultu, victimis, donis, sacrificijs, prout à pietissimo parente fuerat edoctus. Dilexit Dominum , excepto quòd in excelsis immolabat. Notavit hic Salomonem sacer historicus, & immolationes in nemorosis montibus approbavit. Quàm acres & puros habet oculos Deus , quàm nihil conivert, quàm nihil non punit vel levium labeularum. Salomon vero Deo sacrificavit, sed eo loco qui vero Deo non placuit. In excelsis, seu montibus & lucis facere, religionum aliquid falsarum sapuit. Quamvis omnes omnino reges tam Israël quam Juda, tribus duntaxat eximiis, hac in re deliquerunt : David, Ezechias & Iosias, (a) non sacrificarunt in excelsis.

Hinc non malè ratiocinamur : Si quis Christiani sanguinis sibimet applaudat, dicatque: Quid opus frequentare templum? Paulus vult viros orare in omni loco. (b) Igitur domi maneo, domi oro. Vtrumque potes facere mi homo, & domi manere, & domi orare. Sed utroque melius facies, si & templum frequentes. Quæ domi comprecantium multitudo ad preces te animabit? quem tu precando incitabis ad idem imitandum? cujus domi exhortatione calesces? Bona oratio in domo, per unum tamen melior in templo. Sunt talia quàm plurima, quæ momenti

(a) *Eccli. c. 49. v. 5.*

(b) *1. Tim. c. 2. v. 8.*

menti non magni videntur esse, sed tamen labem affricant non observanti. Quid enim refert, dixerit Salomon, in excelsis an in inferioribus locis Deo sacrificē? dum modo sacrificem vero Deo? Prisci moris est, in edito id fieri. Sed priscum hunc morem Deus non probavit. Nam licet placuerint sacrificia, locus tamen sacrificiorum displicuit. Plurima sunt talia quæ divinis oculis in se non displicerent, sed ob adjuncta rejiciuntur.

Quocirca Salomon, Præcepit universo Israël, tribunis & centurionibus, & ducibus, & iudicibus omnis Israel, & principibus familiarum, & abiit cum universâ multitudine in excelsum Gabaon. (a) Ascenditque Salomon ad altare æneum, coram tabernaculo fœderis Domini, & obtulit in eo mille hostias. Hoc holocaustum tot victimarum necessarium integrum sibi diem vindicavit: quando enim altare non magnum fuit, & mille victimæ comburendæ, fortassis simul quinquaginta poterant consumi flammis. Ita dies solidus tam opimo sacrificio admetiendus. Vbi tanta inter nos patientia quæ ad cultum divinum toto dureret die? Vix semel in anno concionem Parasceves ad duas horulas excurrentem constanti patientiâ toleramus. Multi serò veniunt, plurimi omnino non veniunt. Nulla fames divini Verbi, grandis oscitantia, vel ut rectius dicam, perfunctoria, volans, desultoria opera: ad finem properamus, pane antequam incipiamus: preces percurimus & raptim deblateramus, & nostro
nos

(a) 2. Par. c. I. v. 3. & 6.

nos officio insigniter perfunctos credimus.

Quid autem Salomon sacrificio tam opulento quaesit? Solam & unicam sapientiam. Et quandoquidem eâ in re tam serius egit, tantosque sumptus impendit, obstaculis & tentationibus non caruit.

§. III.

III. Tentationes ad arcendam sapientiam, & impediendum sacrificium inimicæ. Res jam certa. Cum emendationem vitæ seriam molimur, cum laudabilem nobismetipsis inferre vim paramus, cum extirpare pravas consuetudines, mox tentationes & impedimenta ordine confuso agminatim irruunt. Idcirco Siracides in antecessum instruens: Fili, ait, accedens ad servitutem Dei, sta in iustitiâ & timore, & præpara animam tuam ad tentationem. (a) Salomonem à studio sapientiæ suaviter abducere potuissent tentationes istæ. I. Conjux regina Pharaonis filia, supra humanam dignitatem formosa, multò amplissimè dotata. Vxoris preces, iussa sunt; blandum est charæ conjugis imperium, sed potens & amplum. II. Cura corporis, studium valetudinis, amor vitæ longioris. Atqui minùs vacat corpori, qui propensius studet Sapientiæ aut Virtuti. III. Amplificatio paterni imperii. Pusillæ mentis videtur, suis esse finibus contentum. Ampliandi sunt fines & dilatandi. Plus ultra. Marmori aut æri possit inscribi: Pater peperit, Filius auxit. IV. Armorum, victoriarum, triumphorum cura & amor, ut deviētis hostibus per Orbem fa-

(a) *Ecdi. c. 1. v. 2.*

ma volet, de Salomone bellicoso & triumphante. V. Illecebrarum & voluptatum affluentia. Rara est concordia voluptatibus & Sapientiæ: Indulgere genio, cuticulam curare, inter suas curas Sapiens non numerat. VI. Divitiarum vis immensa. Tentatio suggerebat Salomoni: Nunquid ceteris minor vis esse regibus? Spartam quam nactus es orna; Regnum duplex quod adeptus es, amplia, opulenta. Orientales & Syri reges ditissimi, sed avari. Tentationes has omnes uno flatu diffians Salomon: Super salutem, inquit, & speciem dilexi sapientiam, & proposui pro luce habere illam; quoniam inextinguibile est lumen illius. (a) Perinde si dicat: Quid me juvet opulenta & formosa uxor, si ego sim fatuus? Quid mihi longa vita, si curta sit intelligentia. Oneri est amplissimum regnum, si desit prudentia quâ gubernetur regnum. Malè fidentur armis, si desint consilia, quibus protegantur arma. Quid mihi voluptates, quid prosit aurum, si una desit Sapientiæ? Præposui illam regnis & sedibus, & divitias nihil esse duxi comparatione illius. Nec comparavi illi lapidem pretiosum, quoniam omne aurum in comparatione illius arena est exigua, & tanquam lutum æstimabitur argentum in conspectu illius. (b) Imò cum uxor illi proponeretur ducenda: Istam, agebat, ducam, sed prius aliam. Quam illam obsecro? Sapientiam. Hanc amavi & exquisivi eam à juventute meâ, & quasi sponsam mihi

eam

(a) Sap. c. 7. v. 10.

(b) Ibid. v. 8. & seqq.

eam assumere; amator factus sum formæ illius. Et si divitiæ appetuntur in vitâ, quid sapientiâ locupletius, quæ operatur omnia. (a) Hoc dixit Salomon anno imperii sui tertio, ætatis vigesimo tertio. Non nescivit Salomon malè auspicatum plerunq; connubium esse, si pueri & puellæ matrimonio jungantur. Immaturæ nuptiæ, matura tædiâ. Quocirca Salomon: Proposui ergo, inquit, hanc adducere mihi ad convivendum, sciens quoniam mecum communicabit de bonis, & erit allocutio cogitationis & tædii mei. Habebo propter hanc, claritatem ad turbas, & honorem apud seniores juvenis. Præterea habebo per hanc immortalitatem, & memoriam æternam his, qui post me futuri sunt, relinquam. (b) Hoc argumentorum pondere, his rationum momentis Salomon tametsi juvenis occurrentes tentationes facili negotio superavit. Quisquis accedis ad servitutem Dei, præpara animam tuam ad tentationem. Seriùs aut citiùs senties illas: si vir es, vinces.

(a) *Sap. c. 8. v. 2. & seqq.* (b) *Ibid. v. 9.*

§. IV.

IV. Somnium Salomonis, & imago Dei secundùm quietem oblata. Sic Regum facti testantur. Apparuit autem Dominus Salomoni per somnium nocte, dicens: Postula quod vis, ut dem tibi. De hoc viso ita sentiendum: Deus Angelorum famulatu eam Salomoni speciem objicit in somno, ut putaverit præsentem à se Deum videri: Ergo in quiete visus est Salomoni Angelus, Deum repræ-

repræsentans, & largissimam petendi gratiam concedens: Postula, inquit, quod vis, ut dem tibi.

Somniosos fieri lepore sumpto in cibis arbitratur Cato. Somnia non omnia ominosa, nec tamen omnia omnino vana. Hippocrates libello de insomniis: Hac optima sunt, inquit, quæ diurnis actibus non adversantur. Hac enim sana sunt, propterea quod anima in diurnis consiliis perseverat.

Somnium propriè peccatum esse non potest, ligatâ tunc ratione, sed quod Thomas Aquinas asserit, efficiens & sequens promeriti vel peccati est somnium, prout diis præcedens bonas vel malas cogitationes & imagines efformavit. (a) Ajunt eruditi viri, è somniis non difficulter colligi posse quantum quis in virtutum aut vitiorum scholâ promoverit. Nam qui somnia etiam fortioribus visis & illicitæ victorum suggestioni sese acriter opponit, argumentum bonum & signum non facile fallax, quod nec vigilans & interdum impura peccatorum dulcedini veneris, ne tentamentis succubuerit. Indicium hinc habemus probi habitûs & radicati. Contra autem lasciva & turpia vel aliter flagitiosa somnia in assensum pertrahant dormientem, verosimillimum est eum hominem, nec de die pudicè semper & castè sanctèque vigilasse, sed vitiorum titillationibus succubuisse, pravas in eo consuetudines inolevisse. Hinc sapienter Aristoteles: Virtuosi, ait, nanciscuntur in dormiendo meliora theorematâ præ-

K

alii

(a) S. Thom. 2. 2. q. 154. a. 5.

aliis non virtuosis. (a) Nimirum quæ curis versamus diurnis, ea recurrunt, cum rationem & sensus tenet ligatos sopor. Hinc & Augustinus in Aristotelis sententiam discendens: Propter bonam, inquit, animæ affectionem, quædam ejus merita etiam in somnis clarent. (b)

Ita & de Salomone ratiocinandum. Salomon non promeruit sapientiam iis precibus quas in somno fudit, sed somnium hoc signum fuit ardentis desiderii quo regius juvenis cum vigilaret, in sapientiam æstibat. Hinc sequitur, Tanti Salomon faciebat sapientiam.

(a) *Arist. l. 1. Ethic. c. ult.*

(b) *Aug. tomo 3. l. 12. super Gen. ad lit. c. 15.*

S. V.

V. *Æstimatio sapientiæ.* Tam ingenti ejus cupiditate inflammabatur, ut libero corde ac sincero dixerit: Præposui illam regnis & sedibus, & divitias nihil esse duxi in comparatione illius. Et ut sciret Orbis, non temere hoc dictum, immensas sapientiæ opes, & inæstimabilia illius bona ingreditur enarrare: Melior est sapientia quam vires; & vir prudens quam fortis. Clara est & quæ nunquam marcescit sapientia, & facile videtur ab his qui diligunt eam, & invenitur ab his qui quærunt illā. Præoccupat qui se concupiscunt, ut illis se prior ostendat. Qui de luce vigilaverit ad illam, non laborabit, assidentem enim illam foribus suis inveniet. Cogitare ergo de illā, sensus est consummatus, & qui vigilaverit propter illam, citò

securus

securus erit. Concupiscentia itaque sapientia deducit ad regnum perpetuum. Si ergo delectamini sedibus, & sceptris, ô reges populi, diligite sapientiam, ut in perpetuum regnetis. Diligite lumen sapientia omnes qui praeestis populis. Multitudo sapientium, sanitas est Orbis terrarum: & rex sapiens stabilimentum populi. Deus sapientia dux est, & sapientium emendator. Et cum sapientia sit una, omnia potest, & in se permanens omnia innovat, & per nationes in animas sanctas se transfert, amicos Dei & prophetas constituit. Neminem enim diligit Deus, nisi eum qui cum sapientia inhabitat. Est enim hac speciosior sole, & super omnem dispositionem stellarum, luci comparata invenitur prior. Illi enim succedit nox, sapientiam autem non vincit malitia. Quis horum quae sunt, magis quam illa est artifex? Et si iustitiam quis diligit, labores hujus magnas habent virtutes: sobrietatem enim & prudentiam docet, & iustitiam, & virtutem, quibus utilius nihil est in vita hominibus. Proposui ergo hanc adducere mihi ad convivendum. In conspectu potentium admirabilis ero, & facies principum mirabuntur me. Tacentem me sustinebunt, & loquentem me respicient, & sermociante me plura, manus ori suo imponent. Disponam populos & nationes mihi erunt subdita. Timebunt me audientes reges horrendi, in multitudine videbor bonus, & in bello fortis. Intrans in domum meam, conquiescam cum illa: non enim habet amaritudinem conversatio illius, nec tadium

convictus illius, sed lætitiā & gaudium. Hæc cogitans apud me, & commemorans in corde meo, quoniam immortalitas est in cogitatione sapientiæ, & in amicitia illius delectatio bona, & in operibus manuum illius honestas sine defectione. (a)

Tam abundans Salomon in elogiis Sapientiæ, thesauris eam universis prætulit longissimè. Imò illam ita deperibat ardentè, ut fateatur ingenuè: Cogitavi in corde meo abstrahere à vino carnem meam, ut animum meum transferrem ad sapientiam, devitarémque stultitiam, donec viderem quid esset utile filiis hominum. (b) Tanti æstimavit unam atque unicam Sapientiam.

Nos plurimas à Deo dotes non accipimus, quia illas non æstimamus. Daret Deus continentiam: Non æstimamus. Daret Deus sapientiam: Argentum & opes malumus. Daret Deus magnanimitatem iustitiæ: Non desideramus. Daret prudentiam: Formam ei & vires anteponimus. Daret sospitatem Abstinentiæ: Nihili eam facimus. Daret Castitatis victorias: Non affectamus. Daret Deus sui amorem: Non avidè illum expectimus. Hinc Deus & ista non dat, & aufert data. Nimirum pessimi rerum æstimatores sumus, trium philippeorum merces sesteriis tribus aut duobus vendimus. Ita nos divinis muneribus indignos reddimus, quando ea tam vili pendimus. Et tot centenis millibus Hebræi populi, non nisi duo

capita

(a) Sap. cap. 6. 7. & 8. conjunctis, versibus disjunctis.

(b) Eccles. cap. 2. vers. 3.

capita in illas regiones uberrimas penetrarunt, quia pro nihilo habuerunt terram desiderabilem. Ambiri vult Deus sua munera, & ardentibus desideriis expeti. Nausea & fastidium donis è cælo non honorantur. Profectò sapientia invenitur ab his qui quærunt illam; præoccupat, qui se concupiscunt. (a)

(a) Sap. cap. 6. vers. 14.

C A P V T XV.

Salomon Sapientissimus.

ALphonfus Aragonum Rex gemma Regum, Panormitano teste, familiarius à suorum quopiam interrogatus: Quomodo tot opulentiis inundans posset esse pauper? Huic sapienter rex respondit: Si sapientia venderetur. Siquidem tam intensum est pretium sapientiæ, ut si ea peræquè ut aromata, vanales esset, nec regiæ quidem opes sufficerent illi emendæ. (a) Salomon iis in Sapientiam amoribus exarsit, ut si potestas ei optioque fuisset facta, vel regni vel sapientiæ jacturam facere, deliberationem habuisset non difficilem: Indubiè regnum maluisset perdere quàm sapientiam. Illam namque regnis & sedibus præposuit, & in comparatione illius divitias nihil esse duxit.

Contingit non rarò ut laudetur quis ab omnigenis animi corporisq; dotibus, di-

K 3

catúr-

(a) Panorm. in proam. lib. tertii de rebus gestis Alph.

caturque : Est sanus, vegetus, formosus, opulentus, nobilis, eruditus, valens gratiâ, pollens consiliis, honoribus abundans, nihil ei videtur ad felicitatem solidam deesse. Sed quid tum postea? Hæc omnia exsufflans Salomon : Et si quis erit consummatus, inquit, inter filios hominum, si ab illo abfuerit Sapiëntia tua, in nihilum computabitur. (a) Sit licet hominum robustissimus, formosissimus, ditissimus, nobilissimus, doctissimus, si sapiëntiâ, quæ à Deo est, careat, homulus vilis, nullus erit, in nihilum computabitur. Tanti vanit sapiëntia, tam inæstimabile illius pretium. Idcirco Salomon sapiëntiæ desiderio inardescens, sumptuosissimis eam sacrificiis ambiit, quidquid impeditiõis aut tentationis objiciebatur rejecit, ipsam somniavit sapiëntiam. Verè *Sapiens Salomon*, quod capite superiõri executi sumus : isto *Salomonem Sapiëntissimum* ante oculos posituri. Dicendum ergo quantis precibus & lacrimis sapiëntiam Salomon à Deo efflagitarit, & quàm eæ preces Numini placuerint. Et quæ demum vera & Christiana sit Sapiëntia.

(a) *Sap. c. 9. v. 6.*

§. I.

Preces quas Salomon impetrandæ sapiëntiæ fudit, & ardentes fuerunt & prolixæ. Pars earum ista: Domine Deus, tu regnare fecisti, servum tuum pro David patre meo. Ego autem sum puer parvulus, & ignorans egressum & introitum meum. Et servus tuus in medio est populi quem elegisti, populi

puli infiniti, qui numerari & supputari non potest præ multitudine. Dabis ergo servo tuo cor docile, ut populum tuum judicare possit, & discernere inter bonum & malum. Da mihi sapientiam & intelligentiam, ut ingrediar & egrediar coram populo tuo. Quis enim potest hunc populum tuum dignè, qui tam grandis est, judicare, quia tam innumerabilis est quàm pulvis terræ. (a) Da mihi sapientiam & intelligentiam.

1. Quàm hoc fervidè flagitavit! Deprecatus sum illum, inquit, & dixi ex totis præcordiis meis. Fieri non potest, ut ejuscemodi preces remittantur vacuæ & inanes. 2. Quàm modeste! Non petiit omnigenam sapientiam quæ divina pariter & humana nosset omnia. Elationis aliquid & curiositatis fuisset mixtum. Eam ergo sapientiam solum petiit, quæ regi, regiôque muneri esset congrua. Placere Deo non potest, cum conditionis nostræ metas transilimus, & petimus nobis non profutura. Petiit ergo Salomon solam gubernandi sapientiam. Sed longè ampliora quàm petiit, impetravit. 3. Quantâ fiduciâ! Dabis, inquit, servo tuo cor docile. Non hæret, non diffidit, non dubitat, quin impetraturus sit quod à Domino peteret tam liberali & benigno. 4. Quantâ submissione! Puer sum, inquit, parvulus, ad tam immensum regimen parum idoneus, ignorans egressum & introitum meum; aliorum sensus quàm penetrem, cum meipsum non norim? Quantis desideriiis, quantâ constantiâ!

K 4

stantiâ!

(c) 3. Reg. c. 3. v. 7. & seqq. 2. Para. c. 1. v. 10. & seqq.

stantiâ ! Non sine lacrimis , omni studio sapientiæ donum postulavit : Vti solent infantes qui rei cupitæ desiderio plorant: Manus meas extendi in altum , inquit , & in sapientiâ ejus luxit anima mea, & ignorantias meas illuminavit. (a) Tunc demum plenas manus solvit liberalissimus Deus, cum dona ejus tanto ardore , tantâ modestiâ & fiduciâ , tantâ submissione ac constantiâ petuntur.

Lectissima hæc Salomonis postulata (b) tantopere placuerunt Deo ut centies majora & plura dederit postulatis. Quod Regum fasti hoc modo narrant : Placuit ergo sermo coram Domino , quòd Salomon postulasset hujuscemodi rem. Et dixit Dominus Salomoni: Quia postulasti verbum hoc, & non petisti tibi dies multos, nec divitias, aut animas inimicorum tuorum, sed postulasti tibi sapientiam ad discernendum judicium. Ecce feci tibi secundum sermones tuos, & dedi tibi cor sapiens & intelligens, in tantum , ut nullus ante te similis tui fuerit , nec post te surrecturus sit. Sed & hæc quæ non postulasti do tibi , divitias scilicet & gloriam, ut nemo fuerit similis tui, in regibus, cunctis retro diebus. Si autem ambula-veris in viis meis, & custodieris præcepta mea, & mandata mea, sicut ambulavit pater tuus, longos faciam dies tuos. (c)

(a) Eccli. c. 51. v. 26.

(b) Geschmeidigs und glimpfflichs begehren.

(c) 3. Reg. c. 3. v. 10. & seqq. 2. Par. c. 1. v. 11. & seqq.

§. II.

1. Non petiit Salomon produciorem vitam, quod plerunque votorum nostrorum primum est, *dus vivere*. Sic natura nos instruit, non tantum boni quid petere, sed ut eo etiam quam diutissimè liceat frui. Hinc beatitudo cælestis etsi mare sit voluptatis, si ea tamen duntaxat centum millibus annorum duret, dicenda merces maxima, sed imperfecta. Nam etsi hæc nostros labores universos & dolores longissimè excedat, quia tamen gaudiis finem jungeret, percepta jam gaudia imposito fine veluti corrumpere. Æternitas voluptatis perfectionem continet. Sic vitæ bono frui cupimus ut æternitate aliquâ, sed ea est brevissima. Plerumque quò vita longior hoc gratior. Sed istud Salomon non petiit, Deus autem promisit, sed sub eâ conditione: Si ambulaveris in viis meis, sicut pater tuus. Ita parentes liberis promittunt: dabimus, hac tamen lege: conditione neglectâ promissio fit nulla. Ipse Salomon hanc legem adstruens: Timor Domini, ait, apponet dies, & anni impiorum breviabuntur. (a)

2. Non petiit opes, etsi ex videantur necessariae ad Magnificentiam & liberalitatem exercendam, ad gerenda bella, ad vincendos hostes. Hic nullam Deus Salomoni legem posuit. Divitias ut vile auctarium adjiciens: Sed & hæc, inquit, quæ non postulasti, do tibi, divitias & substantiam. Numos Deus non inter potiora sua numerat beneficia,

K 5

alio-

(a) Prov. c. 10. v. 27.

alioquin eos improbis & ingratissimis non daret. Opes, donarium missile ac vile; merum additamentum.

3. Non petiit gloriam, aut celeberrimum per Orbem nomen, Augustino gloria est clara cum laude notitia: hæc apud plurimos tanti est pretii, ut ea vel contra numos & ipsam quandoque vitam sit cara. Omnis vita sine hac odiosa & acerba est. Vide viros nobiles, dynastas, principes, acerrimè de gloriâ certantes. Æstus gloriæ non paucos eò abripit, ut animi salutem prodigant, & calum susque deque habeant; res omnes, Deum ipsum gloriâ posteriorem ducant. Infania luculentissima. Sapientiam Salomon tanti æstimavit, ut eam primam & summam haberet, res alias omnino omnes posteriores poneret, ut opream daret sapientiæ. Fumos alia & fungos, ventuli auram & cadaveris umbram putavit. Gloriam certe rem regibus multò pretiosissimam nec verbulo postulavit. Quod adeò placuit Deo, ut istam regis modestiam summè commendaret, & ideo etiam, tam opes quàm gloriam nullis conditionibus adstrictam donans: Divitias, inquit, & substantiam, & gloriam dabo tibi (hæc inter abjicienda numero) ita ut nullus in regibus, nec ante te, nec post te fuerit similis tui. (a)

4. Non animas inimicorum aut vindictam petiit. Hoc tamen plurimis princeps fuisset postulatum: quò enim plus amant vitam, eò ardentius querunt vindictam. Multis suavissimum injurias persequi, ex ini-

(a) 2. Par. c. I. v. 12.

inimicis ultionem petere, hostem calcare, imò tam appetentes fumus ultionis ut nonnunquam homo pauperculus, cui vix muci di panis est satis, tres quatuorve florenos alicunde numeret, modò quem odit probè contundat; hoc ei mel & septimæ decoctionis faccarum. Sunt qui vel minimos contemptus ulciscuntur acerrimè; neminem ferunt, qui sibi quidquam contradicat, quidquid resistit, pessundare conantur. Longè alterius animi ac sensus Salomon, qui sapere potiùs quàm vindicare voluit.

S. III.

Videte Christiani quàm dives & liberalis sit Deus noster! Solam poscit sapientiam Rex Salomon: Deus & illam non negavit, & plura insuper adjecit, divitias, urbes, provincias, magnificentiam, amplitudinem, majestatem, & longam vitam: hoc tamen ultimum sub eâ conditione, siquidem se gesserit uti pater rex David. Cur verò Deus Salomoni non etiam dedit inimicorum animas? Mihi viandictam, & ego retribuam, dicit Dominus. (a) Si hoc petiisset Salomon, omni gratiâ excidisset.

Adolescens scholasticus & pauper, qui famem oculis confitetur, qui depexum & defloccatum habet pallium, libellos pervertustos paginis jam fluentibus, hospitium miserrimum, fortassis brevè renuntiandum. Hunc dominorum aliquis affatus: Dic, ait, ô adolescens, quid tibi deest? pete. At ille verecundè: Mi domine, inquit, nec oleum
mihi

(a) Rom. c. 12. v. 29. Hebr. c. 10. v. 33.

mihi est, nec sebum, nec candelæ, ut ad lucernam Musis operer. En quàm modesta petitio ! Non vestes, non mensam, non libros, non hospitium nec alia petit necessaria, sed lumen studiis nocturnis pernecessarium. Quando sol non servit, nec Luna Musis sufficit; Lumen, inquit, peto. Dominus, si sapiar, & saxum non sit, sine sensu, sine miseratione, exporriget frontem dicétque: Bono animo sis, mi adolescens, ego te vestiam, novam tibi Grammaticam, quotidie panis aliquid, & jussuli vel oleris è mea domo accipies; candelæ, faxo, ne desint: tu modò sis industrius, & alacriter in studiis perge. Ita Deus in Salomonem se gessit, si minimis liceat conferre tam grandia. Solum Rex Salomon lumen petivit, unicam desideravit Sapientiam. Dedit hanc Deus, sed & opes adjecit, & pallium amplissimum, pæne triplex regnum ad orientis & occidentis solis terminos, novam illi Grammaticam, nomen per Orbem celebratissimum concessit. Lumen sapientiæ non defuit. Quàm liberalis Deus!

Videte unà etiam Christiani, non tantùm quid petierit Salomon, sed quo modo, quàm ferventer, quàm modestè ac submissè, quàm constanter rem unam petierit, sed & quid non petierit videte. Nos sapius nostris votis gravissimè impingimus. Si nobis ea detur potestas optioque: Postula quod vis, ut dem tibi. Nos continuò in effusas preces rueremus: O domine, da valetudinem bonam, & vitam longam. Alius, ô bone domine, pecuniam modò des, pecuniam, de ceteris

ceteris tibi molestus non ero. Alius: O domine, quid mihi cum pecuniâ, si ab omnibus contemptus jaceam, aliorum pedibus terar: minue numos, & ange honores, da gloriam. Alius: domine exercituum, me magna obrectatorum, invidorum & æmulo-
rum multitudo exagitat, eorum sermones & mendacia plurimum meis luminibus ob-
struunt: sine domine, sine ut ulciscar me probè; da mihi animas inimicorum, cetera tolle tibi.

Quid porrò tu, mi Christiane, quid petis? Postula quod vis. Hic ego valde vereor, ne tua nimium festinent vota, & rem tibi poscant noxiam. Malè metuo, ne aut rem corporis, aut fortunarum, aut inanem auram, aut præproperam vindictam in tuum ipse tibi exitium poscas. Obsecro si petere vis, quod Deo placeat, ut prudens, petito, pete tibi sapientiam, rem unam omnium utilissimam & pernecessariam. Nam etsi quis erit consummatus inter filios hominum, si ab illo abfuerit Sapientia, in nihilum computabitur. Enimverò cum toties jam facta sit mentio sapientiæ, quid quæso est sapientia.

Quæstio hæc agitatissima est plusquam illa Pilati: Quid est veritas? Quid Sapientia sit, inter veteres philosophos, & præscos Patres, & nostros Theologos quæsitum est. Inter codices sacros librorum uni nomen est, *Sapientia*. Nos ad quæstionem hanc, è naturæ lumine, è Doctoribus sacris, & divinis oraculis respondebimus. Quod lumen naturæ attinet ex omni philosophorum numero Alpharabium sisto, qui breviter & eruditè:

rè : Sapiencia , inquit, est scientia sempiternorum. Nec ferè melius potuisset, nec brevius. E Patrum senatu, Theologiae solem, Thomam Aquinatem adduco. Hic ad quaestionem: Qui cognoscit causam altissimam, inquit, quæ est Deus, dicitur sapiens simpliciter. (a) E divinis oraculis librum sapientiae pando, qui disertè : Quid autem sapientia, & quemadmodum facta sit, referam. Demum quaestionem explicans : Sensum autem tuum, inquit, quis sciet? Nisi tu derideris sapientiam, & miseris spiritum tuum sanctum de Altissimis. Ergo sapientia & spiritus de Altissimis, est cognitio causae altissimæ, est scientia sempiternorum. En ipsam tibi effigiem sapientiae sub aspectum collocamus.

Hac Christiana sapientia non speculativa (liceat sic loqui) sed practica est, exercitationem virtutis non contemplationem attendit. Hebraeus rex David ita regnum suum administravit, ut divinus spiritus hanc ei laudem sit impertitus: Pavit eos in innocentia cordis sui, & in intellectibus manuum suarum deduxit illos. (a) Quid hoc verbi est? Num manus habent intellectum? Num & illa rationis sedes, quemadmodum caput? (b)

Oculi profecto sicut nonnumquam oculati sunt, ita etiam aliquando intelligentes. Quod eadem sacra carmina confirmant: Intellectus bonus omnibus facientibus eum.

(a) *Psal. 77. ver. 72.*

(b) *Plauto: Tum oculata sunt manus nostrae cum argentum vident.*

eum. (a) Non dicendus est perspicaci præditus intelligentiâ, qui properatis artificiis opimas scit opes cogere, quijus civile ac canonicum memoriâ complexus, quidiversorum idiomatum insigniter peritus, aulicâ industriâ favores principum in se derivare potest. Non istis Sapiencia eget artibus. Quibus ergo? Intellectus bonus omnibus facientibus eum. Qui facit, quod sibi faciendum novit, hic sane pollet intelligentiâ, etsi alphabetum nesciat. Sapiencia Christiana practica est: In manibus & in actionibus statuit intellectum.

Quid enim, Christiani, post annos pauculos juvabit, sublimia subtilissimè speculatum, de rebus magnis facundissimè locutum, si desit in manibus scientia sempiternorum? Aureum illud monitum non ignoramus: Melius est habere cordis compunctionem, quàm scire ejus definitionem. Sint nobis, licet, valetudo, vires, forma, ingenium, eruditio, profapia, opulentia, quid hæc omnia prodesse poterunt, si desit sapientia? Sapius repetendum: Et si quis consummatus fuerit inter filios hominum, si ab illo abfuerit sapientia, in nihilum computabitur.

Narravit Augustino Politianus homo palatinus, quâ occasione duo ex aulicâ familiâ, injuriis cæli in religiosam sed paupertinam domû compulsi, perlectâ illic Antonii vitâ, mox aulæ & Mundo longum dixerint Vale, voluptatibus in omnem vitam abdicatis. Quo audito Augustinus: Quid est hoc, inquit,

(a) *Psal.* 110. v. 10.

inquit, surgunt indocti & cælum rapiunt, & nos cum doctrinis nostris, sine corde, ecce ubi volutamur in carne & sanguine? (a) Nonnunquam omnia nobis videmur habere, quia verò scientia sempiternorum practica deest, reverà nihil habemus.

Thales astrologus observabat de cælo, stellas contemplatus, & incidit in foveam. Anus prolapsum cernens: Melius, inquit, fuisset respicere semitam quàm sidera. Nos contrarium facimus, & ut imperiti nautæ, mare respicimus solùm, cùm respiciendum esset cælum. Nos existimationem nostram attentissimè tuemur; melius esset suspirare diadema speciei: nos rationes ponimus cum fortunis nostris, & pecuniam avidissimè sectamur; melius esset appetere regnum decoris nunquam finiendum: nos in rebus omnibus hoc unice spectamus, ne quid cuticulam cadat, ne quid genium offendat, nam mirè industrii sumus, ut nobis bene sit: novimus quâ parte lateat voluptas quàm inhiamus; sed meliùs esset gaudium illud quærere quod nemo tollet à nobis. Sapientia clamat: Apud Dominum est merces eorum (qui verè sapiunt) & cogitatio illorum apud Altissimum. (b) Sit annuus noster census centum millia ducatorum, sit pax in diebus nostris, voluptas & felicitas nos undequaque ambiant: hoc omne in nihilum computabitur, si abfuerit sapientia, seu, scientia sempiternorum. Apostoli verbis hæc consigno. Quæ de sursum est sapientia,

(a) *August. lib. 8. Confess. cap. 8.*

(b) *Sap. cap. 5. vers. 17.*

pietia, primum quidem pudica est, deinde pacifica, modesta, suadibilis, bonis consentiens, plena misericordiae & fructibus bonis, non iudicans, sine simulatione. Iac. c. 3. vers. 17. Sic sapere est demum vivere.

CAPUT XVI.

Salomon Pius.

T Arseni Paulo pietas ad omnia utilis est. Idcirco suum Timotheum tam strenue ad eam hortatus: Exerce te ipsum, inquit, ad pietatem. Nam corporalis exercitatio ad modicum utilis est, pietas autem ad omnia utilis promissionem habens vitae quae nunc est, & futurae. (a) Est autem quæstus magnus, pietas cum sufficientia. (b)

Hebraeus Salomon inter tot honorificas appellationes hanc etiam jure suo numerat: *Salomon pius*. Hic titulus meritis illius redditur. Nam non solum in matrem, sed & in patrem ac Deum eximiam pietatem exhibuit, eaque in re Christum Dominum insigniter representavit. Quod capite hoc exequemur.

(a) 1 Tim. cap. 4. vers. 7. & 8.

(b) Ibid. cap. 6. vers. 6.

§. I.

I. Bethsabea mater Salomonis venerat quiddam rogatura filium. Filius matris reverentissimus, prono supplicique gestu matrem excepit. Nam, quod Regum fasti te-

L

stan-

stantur, *Surrexit rex in occursum ejus, adoravitque eam.* (a) Inclinatione submississimâ & veneratione matrem salutavit: Hoc adorare. De hac pietate Philo: Pius, inquit, parentes observat, ut Deos quosdam visibiles. Quàm fideliter observavit Rex Salomon, quod decalogo Deus præcepit: Honora patrem tuum, & matrem, ut sis longævus super terram. An non extensio rem vitam promeritus Pietate istâ? Promeritus certè, nisi hac obsequia flagitiis posterioribus corrupisset. Et tamen Deus utcunque multos concessit annos. Demetrius Phalereus apud Stobæum illustre pietatis documentum instillans: Domi parentes, inquit, in viâ omnes, ut quisq; se obtulerit, in solitudine te ipsum reverere. Non dissentit sanè à principis Apostoli præcepto: Omnes honorate, fraternitatem diligite, Deum timere, Regem honorificate. Assurrexit Salomon matri, eamque adoravit. Specimen pietatis illustrissimum.

II. Positusque est thronus matri regis, quæ sedit ad dexteram ejus. Submissione ac reverentiâ summâ matrem excepit, nec tamen magistratus sui decorum neglexit. Nam ubi matrem adeò reverenter salutasset, in regium sese solium recepit, *Et sedit super thronum suum.* Exinde matrem federe jussit: *Positusque est thronus matri regis.* Nimirum à sede regiâ honoratissimum matri locum concessit. Ita & parenti plurimum detulit, nec tamen se regem oblitus est.

Q. Fabius Maximus, jam senex summæ
aucto-

(a) 3 Reg. cap. 2. vers. 19.

auctoritatis, uti Valerius narrat, cùm ad filium Consulem legatus aliò mitteretur, equo venit obvius ipsi filio Consuli extra moenia procedenti. Graviter autem indignatus est vetulus hic legatus, quòd nemo juberet equo se descendere. Observavit filius parentis indignabundos vultus, & continuo per lictorem jussit ex equo desilire. Nihil cunctatus senex, jamque pedes filium salutans: Non ego, inquit, filii imperium tuum contempsi, sed experiri volui an scires Consulem agere. Publica instituta pietate privatâ potiora judico. (a) Ita Salomon matrem plurimùm, & tamen se regem esse commemoravit.

III. *Pete mater mea, inquit, neque enim fas est, ut avertam faciem tuam.* Facies petentis avertitur, quando re, quam petit, negatâ dimittitur. Seria petitio valde oculata sit necesse est: nec enim solum cogitatè perpendendum est quid petatur, sed etiam à quo petatur. Quâ in re Synesius prudenter monens: Noli, ait, ingentia postulare, ne duorum alterum contingat: ut sive obtinueris, molestiam facias; sive non obtinueris, molestiam capias. (b) Quòd si liberalis admodum & exporrectæ manûs videatur is esse qui rogatur, non trepidè petendum Symmachus suadens: Pæne, inquit, injuriam facit benignitati qui anxie petit, quod præstantis natura spontè promittit (c) Salomon hortatus est matrem, animosè peteret, verum,

L 2

rùm,

(a) *Valer. lib. 2. cap. 1.*

(b) *Synes. epist. 64.*

(c) *Symmach. lib. 7. epist. ep. 62. f.*

rūm, petitione cognitā, negavit quod petebatur. Imago Christi fuit Salomon qui tantā matrem coluit observantiā.

§. II.

I. Dei filius hominem induturus, assurrexit è caelesti folio & adversus suam matrem reverentiam longè ampliorem adhibuit, quā Salomon adversus Bethsabeam, Immentissimus Deus, cujus natura bonitas, cujus voluntas potentia, cujus opus misericordia, Deus, inquam, è calo in terram inclinavit se matri. *Et homo factus est.* Non potuisset Deus profundius se incurvare. Submithone hac summā, tantis matrem honoribus decoravit, ut paranymphus è calo dixerit: Invenisti gratiam apud Deum. O. bis quidem universus omni gratiā jam pridem excidit, tu gratiā plena gratiam repetisti & tibi & humanæ genti, pradicanda per Orbē mater Dei. Deus homini sese inclinavit.

II. Positūque est thronus matri regis summi. Superioribus adjungens Angelus: Et regni ejus, inquit, non erit finis. Filius tuus, ô mater Dei, regnum occupabit semper duraturum, illius solium vis nulla subruet. Matrem alia tamen reges generent, generant tamen mortales, & infantibus induunt spem regni ruituri: Filii tui regnum immortale, sempiternum. Regnabis mater cum filio: Thronus tuus Deus in sæculum sæculi. (a) Regnum Salomonis annis duravit quadringentis, usque ad exilium & carceres Babylonicos. His temporum periodis He-

brza

(a) Hebr. cap. I. vers. 8.

bræa plebs everfa est. At verò imperium filii tui terminis non arctabitur tam angustis : Regni ejus non erit finis.

III. Pete mater mea, neque enim fas est ut avertam faciem tuam. Salomon ubi matris preces audiit, aliter loqui cœpit, & vocis liberalitatem correxit. At verò Angelus favores non expectatos deferens : Spiritus sanctus superveniet in te, & virtus Altissimi obumbrabit tibi. Viator multo sole æstuans, cùm ad opacam arborem declinat, vim solis exit, & umbram habet pro refrigerante potu. Ita Angelus: Tibi ô Virgo, inquit, æterni Patris Potentia erit in umbram, dum spiritus sanctus purissimos filii peragat conceptus.

Iosephus Anchieta nostro ævo inter Brachylogos vir sanctus & thaumaturgus, cùm in apertâ naviculâ unâ cum socio mirum æstuareret, id umbræ à Deo impetravit, ut purpureæ Indicæ aves, Quaracies ipsi vocant, navim velut Tyrium conopæum obtegerent ad itineris maritimi leucam. (a) Umbra sanè mirabilis sed brevis : illa infinitum mirabilior, & æterna; capit in vitâ, durat in caelestî gloriâ. Pete, mater, pete; nihil negaturus est filius.

Ita Salomon reverens in matrem Bethsabæam, Christus Dei filius in Virginem Matrem Mariam.

(a) Anno 1584. ut in ejus vitâ, mihi p. 357.

S. III.

Et quî nos divinæ Matris filios geramus? Prisca, tametsi ficta pietas umbram mon-

strabit veræ. Pausanias narrat quod alii eruditâ poësi auxerunt. (a) Pithon & Cleobes germani fratres matrem Argiam ad sacrificium bigis vehementem ab utroque currûs latere stiparunt. In viâ equi excussis frenis induerunt contumaciam non progrediendi. Hîc juvenes prompti positâ superiori veste, jumentorum vicem subeuntes matrem Argiam traxerunt ad fanum. Parens filiis tam piis precata est præmium quod illa maximum postulare, dii hominibus dare possent. Cenatum est vesperi non sine hilaritate: sana mater, sani filii; manè reperti sunt mortui. Suum & divina mater currum habet, sed eum aureum: radii rotarum argentei. Auro amorem minimè adulterium, argento cogitationes puras designamus. Quisquis pius, quisquis filius est, hunc matris currum trahit. Et en geminos sisto filios ferè pietissimos, eâdem terrâ oriundos, Gerardum Pannoniæ præfulem, & Stephanum Pannoniæ regem. Gerardus matris Virginis cultor mirificus, complura in ejus venerationem fieri constituit. Ipse hoc in more positum habuit, quantumcunque læsus fuisset ab aliquo, si is per Christi matrem petisset veniam, mox suffusus lacrymis veniam dedit, aut dandam velut reus à lædente ipse petiit, verè pius & præsul & martyr.

Stephanus Vngariæ rex quotidianis precibus se totûmque regnum suum commendavit matri Dei, cui in Albâ Regali templum marmore & auro condidit magnificen-

(a) Cicero etiam in Tuscul. qq. mentionem fecit.

centissimum: dies festos Virginis Matris juniis prævenit, piis exercitiis transegit, diem Virginis in calum Assumptæ, diem Dominæ vocavit. Fuit ut optimus rex nocte quadam, singulari miserationis motu prodiret in publicum ignotus, suâ manu turgescentem crumenam effunderet in egenos. Hæc velati regis liberalitas eam mendiculorum aviditatem commovit, ut regem protervæ manus pane lacerarint, barbam certè vulserint, huc illuc miserè impulerint. Ille sibi gratulatus de tam insolenti misellæ plebis applausu, in adem Virginis matris properavit, & ante aram procumbens: Ago gratias, agebat, ô mater beatissima, quòd ita me tui tractarint. Si ab hostibus id passus essem, conarer ope tuâ ulcisci. Sed istud mihi favoris indicium est divini. Non enim ignoro tuum filium dixisse: nec capillum quidem de capite periturum sine patris æterni voluntate.

Videte filium obedientissimum qui divinæ Matris currum trahat promptissimis obsequiis. Monstravit se filium Rex Stephanus hoc nomine verè pius & felix.

Nos assiduè caelestem Virginem precamur: *Monstra te esse Matrem*. Illa seipsam negare non potest, quisquis eam roget, illa rogat vicissim hoc unicum: *Monstra te esse filium*, & ego me monstrabo matrem. Hactenus, mi fili, trahebas currum Pluti, aut Cupidinis, aut Bacchi, aut Rhamnusiæ, aut Iunonis; trahe nunc meum amoris puri & sanctarum cogitationum. *Pluti* currum trahunt, qui Mammonæ serviunt, & inhiant

pecuniæ. Currum *Cupidinis* trahunt, qui veneri operantur & voluptates amant impuras. *Bacchi* trahunt, qui poculis student, & vino se proluunt. Trahunt *Rhamnusa*, qui deam Iracundiæ, Vltionis, Invidiæ, Indignationis, furoris æstuante animo sequuntur. Abrumpe & excute frenos quisquis voles esse filius divinæ Matris. Vis ab eâ gratiam & subsidium impetrare, illos diaboli currus unâ cum aurigis suis ejura, fuge Acherunticas bigas, vince teipsum, fraudagenium cupitis, edoma carnis petulantiam. Divinæ Matris filii non ore solum sed & actione prompti, materno curru se facili sinunt alligari. Amor illorum purus, cogitationes castæ, auro puto, argento excocto (a) conferendæ. Monstrant se esse filios. Hac vera pietas. Hi Salomones pii, hi divinæ Matris filii. Argiæ filiis in præmium fuit properata mors. Virginis Mariæ filiis erit mercedi vita & voluptas æterna.

(a) *Seleutert Gold / und sein Silber.*

C A P V T XVII.

Salomon Pientissimus.

Romanus Imperator M. Antoninus Fulvius, seu, Bojonius Pius Philosophus, (a) hoc sibi cognomen Virtute ac Fortunâ promeritus est. Hic, teste Aurelio Victore, Tantæ bonitatis in principatu fuit, ut haud dubiè sine exemplo vixerit. Orbem

(a) *Imperatorum decimus quintus Hadriano proximus.*

ben terrarum gubernavit viginti tribus annis, nullo bello, auctoritate. Omnes eum ut parentem, seu, patronum magis quam dominum imperatoremve reputarunt, & timendo & amando. Ex omni Orbe missi ad eum legati ad componendas controversias iustitiâ tanti Imperatoris compertâ, quam ornabat vultu sereno. Et quod prodigium ac grande miraculum censerî potest, Antoninus appetentiâ gloriæ carens & ostentatione, ad virtutis leges egisse, pro præmio habuit. In annonæ caritate, esurientis populi bilis eò excrevit, ut lapides volarent; at Imperator usque eò mitis fuit, ut maluerit ratione expositâ placare plebem quàm ulcisci seditionem. Vrgentibus Patribus persequendos esse conjuratores: Non est necesse, inquiebat, pertinaciùs indagari; tum quia mihi hoc injuriæ illatum, tum etiam ne sciatur quàm multi sint quibus odio sum. Antoninus jure optimo appellatus Pius.

Salomon idem hoc elogium reverentiâ in matrem & pietate ingenti commeritus, verè *Salomon Pius* ab Orbe vocatus est. Atqui etiam pietate in patrem, pietate in Deum hanc sibi laudem adèd auxit, ut rectè *Salomon pientissimus* potuerit salutari. Quod hoc capite dilucidius exponemus, simul de verâ in Deum atque homines pietate locuturi.

S. I.

Salomon in regem David parentem pientissimus. Non ignorans hoc pater: Facies
L 5 ergo,

ergo, ajebat, juxta sapientiam tuam. (a) Sciebat filium parenti non solum non contradi-
cturum, sed agenda omnia prudenter ac
moderate tractaturum. Ipse de se Salomon:
Nam & ego, inquit, filius fui patris mei, te-
nellus & unigenitus coram matre meâ. (b)
Quisque sui patris filius est, sed non quisque
filius pius est, quod hîc de Salomone asse-
ritur. In unâ eadêmque oratione pientissi-
mus Salomon, patris promeritis adscribens
omnia; Domine Deus Israël, inquit, con-
serva famulo tuo David patri meo quæ lo-
cutus es: Domine Deus Israël firmentur
verba tua quæ locutus es servo tuo David
patri meo. Atque hoc crebrius ingeminat.
Inter rebellis Adoniæ tumultus omnia con-
siliis & arbitrio patris commisit. Iosephus
quoque Salomoneæ pietatis testimonium
denuntians: Illatis, inquit, in patris monu-
mentum maximis divitiis: hinc collige pie-
tatem. (c) Hircanus Pontifex oppugnatus
ab Antiocho Pio, ut hastis aureis pugnaret,
immensam vim auri è regio David monu-
mento eruit. Censet, Pineda noster, Hispa-
nicorum ducatorum (d) quadraginta qua-
tuor milliones, insuper quingenta quinquaginta
millia è tenebris illis educta; ejus pecu-
niæ partem magnam in Antiochi pote-
statem transiisse. Post plures annos Hero-
des plurimum hinc exemit gazæ; neuter ta-
men ad regis tumbam pervenisse creditur.

Cellæ

(a) 3 Reg. cap. 6. vers. 6.

(b) Prov. cap. 4. vers. 3.

(c) Iosephus lib. 7. Antiquit. cap. 12. fine.

(d) Scudi.

Cellæ fuerunt octo absconditissimæ, & quanto profundius penetrabatur, tantò viciniùs ibatur grandioribus thesauris. Putantur mille milliones auri eò defossi. Ita pecunia, si necessitas obvenisset, eruenda custos constitutus est mortuus. Vel certè id factum, ut esset magnificum pietatis in patrem argumentum. (a)

Nec in patrem tantum, sed & in Deum pius fuit Salomon. Testantur Regum fasti: Dilexit Salomon Dominum, ambulans in præceptis David patris sui. (b) Peritiores Hebrai: Dilectio, ajunt, est amor natus ab experimento. Eam ob rem hortatur David: Gustate, & videte, quoniam suavis est Dominus. (c) Vestrum in Deum amorem experimentis stabilite. Vel gustata solum Dei suavitas non poterit vos non pertrahere ad amandum. Salomon Deum in se tam magnificum expertus, amoris vim cohibere non potuit, insigni pietate testatus quem amaret. Hunc amorem insignissimè testatus est sacrificiis diversis iisque opulentissimis. Et quidem antequam perficeretur templum offerebat tributis vicibus per annos singulos holocausta, & pacificas victimas super altare quod ædificaverat Domino. (d) Hæc sacrificia in Gabaon instituebantur stato tempore, mille victimis opima: mille hostias in holocaustum obtulit Salomon super altare illud in Gabaon. (e) In dedicando autem tem-

(a) Ita Villalpandus.

(b) 3 Reg. cap. 3. vers. 3.

(c) Psal. 33. vers. 9. (d) 3 Reg. c. 9. v. 25.

(e) 3 Reg. cap. 3. vers. 4.

templo Maſtavit Salomon hoſtias pacificas quas immolavit Domino, boum viginti duo millia, & ovium centum viginti millia. Et dedicaverunt templum Domini, Rex & filii Iſraël. (a) Tale autem templum fuerat, cui abſolvenda ætas hominis videbatur impendenda: ſeptennio abſolutum eſt; ſedula urſit pietas. Porro Salomonis preces in dedicatione templi quàm prolixa, quàm pia fuerunt? Inſpice & librum dices, certè ſenſu, ſi non verbis. Quàm pium fuit Deoque gratum Sapientiæ votum non ſine lacrimis expreſſum?

Inter tot Iſraëlis, & Iuda reges pientiffimus in Deum Ezechias. Hoc illius encomium ab oraculo habemus: Operatusque eſt bonum, & rectum, & verum coram Domino Deo ſuo, volens requirere Deum ſuum in toto corde ſuo; fecitque & proſperatus eſt. (b) Non minus elogii tulit Salomon: Confortatusque eſt ergo Salomon filius David in regno ſuo, & Dominus erat cum eo, & magnificavit eum in excelſum. (c) Complevitque Salomon domum Domini, & domum regis, & omnia quæ diſpoſuerat in corde ſuo, ut faceret in domo Domini, & in domo ſua, & proſperatus eſt. (d) Eſt certè quæſtus magnus pietas cum ſufficienciâ. (e) Animus pacis & ſua ſorte contentus, pietatis nomen facile tuebitur.

(a) 3 Reg. cap. 8. verſ. 63.

(b) 2 Par. cap. 31. fine.

(c) 2 Par. cap. 1. verſ. 1.

(d) 2 Par. cap. 7. verſ. 11.

(e) 1 Tim. cap. 6. verſ. 6.

S. II.

Pietas duplex, illa in homines, ista in Deum. Pietatis in homines illustrissimum dedit specimen M. Antoninus Pius philosophus, quem capitis exordio laudavi, cujus Aurelius Victor encomiastes: Iste, inquit, virtutum omnium cælestisque ingenii existit. Etenim nisi ad illa tempora natus esset, profectò quasi uno lapsu ruisent omnia statûs Romani. Nec Galliis, nec Italiâ, nec regnis aliis pax erat; Oriente toto Bellona imperabat: accedebant terræ motus cum urbium interitu, eluviones, pestilitas, locustæ agris agminatim infusæ, omnia depopulantes. Clades ubique locorum variæ. Sed credo divinitus attributum, ut dum Mundi lex seu natura ea mala gignit, rectorum consiliis tanquam medicinæ remediis leniatur. Eo tempore Antoninus Pius, à principio vitæ tranquillissimus, adeò ut ab infantiâ vultum nec ex gaudio nec ex mœrore mutaverit, arario per diversas clades jam exhausto, cum non haberet quod daret militibus, nollétque novas exactiones provincialibus indicere, instrumentum regii cultûs in foro Trajani publicæ auctiōi hastæ subjecit, & auctiōe publicâ vendi jussit aurea, cristallina, murrhina vasa, cimelia pretiosa, suas & conjugis sericas, holosericas, aureas vestes, & omnem mundum. Duobus id mensibus factum, grandiore pecuniâ inde redemptâ. Post partam victoriâ pretia emptoribus restituit, qui ultro reddere voluerunt; molestus nulli fuit, qui maluit
semel

femel empta retinere. Antoninus verè Pius, tam in cives quàm in exteros. Vrbs tota lacrimis funus Antonini decoravit. Pietas merebatur.

Pietas in homines est benefica, & cum potest, non verbosas tantùm & vacuas manus porrigit. Quod adstruens Gregorius: Beneficium, inquit, exhiberi debet per pietatem, & bonum verbum tribui per humilitatem. Quemadmodum verò principem aut Cæsarem in suâ veneramur imagine, ita Deum in homine. Idcirco Dei filius expressissimè: Amen dico vobis, inquit, quamdiu fecistis uni ex his fratribus meis minimis, mihi fecistis. Addit: Amen dico vobis, quamdiu non fecistis uni de minoribus his, nec mihi fecistis. Quidquid homini, divinæ imagini, piæ venerationis exhibemus, exhibetur Deo, qui religiosos pietatis sumptus abundantissimè rependet. Magnus est quæstus pietas cum sufficientiâ.

Pietas in Deum assiduâ Dei memoriâ pascitur; quavis horâ crebrius Deum cogitare illi solemnißimum. Homo seriò pius, si quando elabatur horula, quâ Dei memor non fuerit, non sine gemitu seipsum accusans: Periit hora, inquit, quâ Deum non cogitavi. Quemadmodum Apelles, diem, quâ lineam non duxisset, inter perditos numerabat. His exercitationibus Deo identidem propinquiores fimus. Prout monemur: Appropinquate Deo, & appropinquabit vobis. (a) Quò quis vicinior est igni, eò plus caloris sentit; Deus ignis est: quò crebrius hunc

(a) *Iac. cap. 4. vers. 8.*

hunc ignem cogitationibus devotis accedimus, plus ignis, sapientiæ, lucis, gratiæ haurimus, ita magis magisque incalescimus, unde ad actiones virtutum promptiores ac habiliores reddimur, cogitatibus pravis facilius obluſtamur, ſanctimoniam omnem vivaciùs ſectamur. Marcus eremita dicere ſolebat: Sicut in aquâ ignis durare non poteſt, ita nec in corde pio turpis cogitatio. Cor pium non poteſt eſſe hoſpirium cogitationum malarum. Atqui omnigena virtuti non difficulter operabitur, apud quem cogitationes malæ non fuerint hoſpitatæ. Hoc autem quod in pientiffimo Salomone cernimus, id etiam in aliis ejuſcemodi ſaſtigiiſ videmus.

§. III.

Lotharius Imperator (a) inter pientiffimos numerandus, non ſolùm divini rei quotidie interfuit, ſed diebus ſingulis, vel etiam militiæ, triplex ſacrificium voluit ſe præſente peragi. Primum funebre ſummo mane. Alterum in exercitûs ſubſidium: tertium in aliorum negotiorum bonum prædium præmiſſum. Tam ipſe imperator quàm imperatrix ante mendicabula & paupertinam plebem procubuerunt, & infimis hominibus pedes laverunt, terſerunt, oſculati ſunt. Religioſorum hominum conſortio plurimùm delectatus Lotharius, ſacerdotes ut partes; viduas ut matres, pauperes & egenos ut filios habuit. Eccleſiarum cauſas, quæ oppreſſionis aliquid quererentur, ante
alias

(a) De quo Caſar Baronius Anno 1138.

alias omnes admisit. Assiduus & pervigil in orationibus, quas non suspiriis solum sed & crebris calidisque lacrimis distinxerat. Erat optimus Imperator, cum precaretur, ut cera igni proxima, quæ lacrimatur & fluit ob caloris viciniam. Lotharius verè Pius. Prudenter Quintillianus dixit: Habet suos impetus pietas. (a) Sic est: hinc inter precandum solliciti gemitus, non insuaves lacrimæ, innumera cælestis patriæ desideria; hinc largiores eleemosynæ, hinc generosi ad frangendas cupiditates & vincendum seipsum actus: hinc pectus omne in divinam voluntatem effunditur. Nimirum habet suos pietas impetus.

Pietas vel modicis fulta consiliis imperat Orbi. Cæsar Baronius (b) copiose disserit quomodo puer unus & puella Orbem gubernarint pietate. Theodosius planè adolescentulus, sed eximie pius, à Pulcheriâ sorore quæ summum sexdecim tunc annorum, (c) sed jam imperatoris imperatrix erat, ad omnigenam pietatem formatus est. Illa etenim fratrem ita erudit, ut à minutioribus orsa, primulum opportunè silere, loqui, ridere, stare, ambulare, in vestitu & victu curare moderationem doceret: ad majora dein progressa. Theodosium se digna sapere, regios simul & Christianos mores profiteri, & toto pectore pietatem complecti verbis traderet & exemplis. Idem in sororibus Arcadiâ & Marinâ præstitit. His moribus

(a) Quintil. declam. 6.

(b) Baron. An. 415.

(c) Sozomenus censet 14. annorum fuisse,

ribus ad omnem pietatem excultus Theodosius, cum anno imperii sui decimo octavo jucundum accepisset nuntium, Asparem supremum militiæ ducem in ludis Circensibus(a) vicisse, statim cessare iussit curules pugnæ & populum omnem ad templum traxit præeundo, ad Ambrosianum hymnum cantandum. Theodosius verè pius. Ita sub exordium imperii tantam orbis molem, puer unus & puella cum summâ tranquillitate per eximiam pietatem rexerunt.

Carolus V. verè pius & felix Imperator Augustissimus, quotiescunque Italiam, vel Galliam, vel Angliam, vel Germaniam, vel hostem Asiaticum armis petere instituerat, prius ipse sibi preces pro re nata conscripsit, quas quotidie sedulò recitavit. Suam ipse mortem pluribus annis priusquam mors adesset, attentissimè meditatus est. Ciliciorum & flagrorum usum in corpore castigando non nesciit. Siquidem sub vitæ finem jam moribundus Philippo I I. Hispaniarum Regi filio, cilicium asperum & flagellum cruentum in manus tradidit, paternæ pietatis mnemosynon. Idem fecit Philippus I I. Rex, qui extreme lineæ jam admotus Philippo I I I. filio, hoc ipsum à patre acceptum munus offerens: Sanguis, aiebat, mei parentis hoc flagrum ita insigniit. Vna filium severe commonefaciens, avitæ pietatis ne oblivisceretur: Vide, inquit, mi fili, quo reges mors redigat. Quantulum est, quo alti stamus? momento ruinus, inter taciturnam plebem censendi. Quidquid tem-

M

poris

(a) Rarrengerey.

poris inter uterum & tumulum numeremus, punctum est. Sequitur Æternitas, eheu inexplicabilis Æternitas. Disce iustitiam monitus, & memento, brevî te quoque tuo iudici responsurum.

Pii principes; & præ Salomone tanto commendatiores à pietate, quanto constanter. Magnus revera quæstus est pietas cum sufficientiâ. Hæc autem pietas assidua Dei memoriâ conservatur & mirificè augetur. In eam rem consultissimum est eo se assuefacere ut singulis horis animum calo attollat, Deum crebrius cogitet, & precatiunculâ quàm brevissimâ suam omnem in divinam voluntatem transfundat. Cujusmodi sunt illa:

Domine I E S U, miserere mei, & dirige me.
 Vel { Domine I E S U, tua non mea voluntas fiat.
 Domine I E S U tuus sim, vivus & mortuus. (a)

His passibus ad illum ignem æternum, ad Deum accedimus; ita magis magisque Deo appropinquamus, ita pietatem minime sumptuosam exercemus. Spiritus est Deus, & eos, qui adorant eum, in spiritu & veritate oportet adorare. (b) Ad Deum affectibus & desideriis crebrioribus eundum est. Hoc erudite facit pietas cum calet. Cor nostrum,

velut

(a) Septem semper vocula qua nos vel 7. petitionum in oratione dominica, vel sanguinis septies à Christo fusi, vel 7. verborum Christi in cruce moneant.

(b) Ioan. c. 4. v. 24.

velut horologium feriat, ni flato tempore sursum retrahantur pondera. Cor nostrum, velut alata aut trusatilis mola otia-
tur, ni ventus aut manus eam agitet. Pie-
tas moneri sustinet, accendi cupit, in-
flammarî gaudet.

CAPUT XVIII.

Salomon Omniscius.

Oculus vitæ, Sapientia. Vita no-
stra mera cæcitas, tenebræ me-
rissimæ. In nihilum reputabitur, si
ab eâ abfuerit tua, ô Deus, sapientia. Sa-
pientia humana, seu, carnis prudentia,
plena malis fraudibus, pravis cupiditati-
bus, sui amore. Humana sapientia profi-
tetur & jactat artes pessimas, ollis omni-
bus invenire opercula, omni juri humano
& divino affingere vanitatem, leges cor-
rumpere, adulterare omnia. (a) Stulti si
parum noti, plerunque parum nocere pos-
sunt: qui verò sapientiâ pollent, sed so-
lum humanâ, & regna & populos possunt
subvertere. Sapientia è cælo, seu scientia
sempiternorum, neminem seducit, sub-
vertit neminem.

Tanta Salomon sapientia valuit, ut inter
omnes reges, interque universos homines
eminentissimus, hodieque nomine recepto
& sapiens & sapientissimus ab Orbe appel-
letur.

M 2

letur.

(a) Jedem ding ein Nasen bree / jeder
Lauf ein Stelken machen.

letur. Deus namque, uti est liberalissimus, Salomoni non eam solum quam petiit, gubernandi sapientiam, sed omnigenam concessit, quâ divina, humana penetraret: adjecitque insuper tale auctarium, ut jure merito Hebraus rex iste dici possit omniscius scientiarum omnium peritissimus. In Poësi, Medicinâ, Iurisprudentiâ, Theologiâ, non tantum aliquid libavit, quod nos solemus, qui nonnunquam ad ostentationem diversa discimus, perfectè nihil scimus. Salomon scientiarum velut dominus, tam æquè dici potuit Theologus, quam Iuriconsultus, Medicus. *Salomon omniscius*. Hinc scientiarum thesaurum in uno Salomone repositum, ordine sed strictissimo lustrabimus; in coronidem addituri, quæ Christiana sit omniscientia.

§. V.

Ordine, ut promisi, scientias & artes nominabo: sed quæso periculosum mihi non erit, si cui locum minus dignum assignaro. Convivas ordinis ac dignitatis diversa seorsum locaturus, si non perinde certam cuiusque status habeat notitiam, ex bona fide ad accubitus citat epulaturos. Nec ego id aliter: fide bonâ nomenclaturam è scientiis texam, quæ prior, quæ posterior sit, parum id refert. Ambitione non gaudet ordo. Sit ergo.

1. *Poesis*. De hac Plinius secundus in epistolis differens: Carminis, inquit, est parva gratia, nisi eloquentia sit summa. Salomon

lomon poëseos minimè ignarus, quod Regum fasti testantur, locutus est tria millia parabolas; & fuerunt carmina ejus quinque millia. (a) Hinc cum Hieronymus in prologo psalterii numerat inter decem auctores psalmorum. Ævo Salomonis in Græcia sacri poëtæ celebrantur Linus, Amphion, Orpheus, Musæus, Sibyllæ. Hi priscorum theologi. Trajanus, Nero, Adrianus, Constantinus poëseos non ignari. Qualis verò poësis regem deceat, Dio docet.

2. *Eloquentia.* Eloquentissimus Salomon, qui de seipso: Mihi autem, inquit, dedit Deus dicere ex sententiâ. (b) Interpretatio Vatabli est ista: Deus mihi dedit sententiosè loqui. Profectò vera eloquentia non copiâ verborum & multitudine, sed nexu decoro, ut verba scitè ligata, sententiis gravioribus distincta, sensu erudito & nonnunquam recondito sint fecunda. Quâ in re scientissimum asserimus, & ideo facundissimum Salomonem.

3. *Musica.* Musices peritissimum fuisse Salomonem, certo testimonio est, quod asserit Regum historia: Erat sapientior cunctis hominibus: sapientior Ethan Ezrahite, & Heman, & Chalcol, & Dorda filiis Mahol. (c) Hi autem inter cantorum principes censebantur. Nam Chronicon Regum ita loquitur: Porro cantores, Heman, Asaph, & Ethan.

M 3

Ethan.

(a) 3 Reg. c. 4. v. 32.

(b) Sap. c. 7. v. 15.

(c) 3 Reg. c. 4. v. 31.

Ethan. (a) His excellentior in re Musica Salomon, cujus pater excellentissimus fuit Musicus. Salomonis personam sustinens Ecclesiastes amantissimus Musicæ: Feci mihi, ait, cantores & cantatrices. (b) Aliquid è calo inest Musicæ. Qui in Musicam hostili sunt animo, osiores Musicæ, ubi eos in terrâ collocem, invenio; sed non invenio, quò eos loco in calo ponam, ubi perpetua est Musica locis omnibus. Illud insolens calitibus & nimis quam rarum: Factum silentium in calo quasi mediâ hora. (c)

4. *Anigmatica*, Eusebio rationalis philosophia; ars est quæ scrupos & obscuras quæstiones texere novit & solvere. Eâ in re primus artifex & planè Lynx Salomon. Quod Chronicon Regum explicans: Regina Saba, inquit, cum audisset famam Salomonis, venit ut tentaret eum in anigmatibus in Ierusalem cum magnis opibus & camelis, qui portabant aromata & auri plurimum, gemmasque pretiosas. Cumque venisset ad Salomonem, locuta est ei quæcunque erant in corde suo. Et exposuit ei Salomon omnia quæ proposuerat: nec quidquam fuit, quod non perspicuum ei fecerit. (d)

5. *Historia*, pars magna humanæ sapientiæ, digna rege, sapientibus & eruditis omnibus studiosissimè colenda, bello togaque

(a) 1 Par. c. 15. v. 19.

(b) Eccles. c. 2. v. 8.

(c) Apoc. c. 8. v. 1.

(d) 2 Par. c. 9. v. 1. & seqq.

que utilis. L. Lucullus qui Mithridatem & Tigranem, reges potentissimos vicit, Livio teste, (a) vix aliam bellandi peritiam quam ab historiis attulit. Historiæ notitiam, Gregorius Nazianzenus vocat conglobatam sapientiam. Et quia civilis doctrina historiæ conjuncta, Basilii Imperator Leoni filio præceptiones ingerens: Per veteres, inquit, historias ire ne recusa: ibi enim reperies sine labore, quæ alii cum labore collegerunt; illinc hauries & bonorum virtutes & improborum vitia. Salomon illius sapientiæ, quam acquisierat, commoda prædicans: Si, ait, multitudinem scientiæ desiderat quis, scit præterita, & de futuris æstimat. (b)

6. *Mathematica* quæ tres complectitur partes, Arithmeticam, Geographiam, & Astrologiam. Salomon in omnibus tribus scientiis excellentissimus. Nulla verò nec Mathematicæ nec Musicæ scientia consistit sine Arithmeticâ. Salomon Geometer & Astronomus summus. Sapientiâ namque præcessit sapientiam omnium Orientalium & Ægyptiorum, & erat sapientior cunctis hominibus. (c) Atqui Orientales Astronomiæ studiosissimi, & præcellentes in eâ: Ægyptii Geometriâ perinsignes omnes. His omnibus antistabat Salomon qui eâ excelluit sapientiâ, quæ etiam signa & monstra sciret antequam fierent, & eventus temporum, & sæculorum. (d)

M 4

7. Ar-

(a) *Livius lib. 1. initio.*(b) *Sap. c. 8. v. 8.* (c) *3 Reg. c. 4.*(d) *Sap. c. 8, v. 8.*

7. *Architectura*, quam necessario famulatu comitari vel etiam antecedere debet Geometria. Nemo architectus qui non geographus. Quâ in re Salomon super omnes alios mortales qui vel omnibus retro sæculis vixerunt aut victuri erant futuris, ita eminuit, ut probe is unus adificator & architecton possit appellari. Templum Hierosolymæum pro mille testibus est. Nemo mihi Mausolæa vel templa Dianæ ingerat; ludicra sunt hæc, & attingæ & gurgustia ad templum Hierosolymis collata. Sed templi descriptionem, inquit, à Deo accepit. Non negamus: Regiæ tamen domus, quam tredecim annis adificavit, ideam nullam, sed multam ejus rei à patre institutionem habuit. Num Salomon aurificinam theoricam, seu chrysiopœjam (a) scierit, incertum. Mihi verosimilius est scisse, sed non usurpasse. Quid enim quod in sapientiæ humanæ arcanis esset, nesciit? Esse artem conficiendi auri, meus me magister in philosophiâ docuit; quis eam unquam calluerit, non docuit.

8. *Philosophia*, quæ quatuor sub se partes continet: Logicam, Physicam, Metaphysicam, Ethicam. Dialecticæ seu Logicæ peritissimum fuisse Salomonem nil dubii: cum sciret versutias sermonum & dissolutiones argumentorum. (b) Physiologiam omnem exactissime calluit. Credemus hoc testi locupletissimo, qui ad divinæ largitatis

(a) *Atchimene / Goldmachertunst.*

(b) *Sap. c. 8. v. 8.*

tatis commendationem de seipso : Ipse enim , inquit , dedit mihi horum quæ sunt , scientiam veram : ut sciam dispositionem Orbis terrarum , & virtutes elementorum ; initium & consummationem , & meditationem temporum , vicissitudinum permutationes , consummationes temporum , morum mutationes , & divisiones temporum , anni cursus & stellarum dispositiones : naturas animalium , & iras bestiarum , vim ventorum , & cogitationes , differentias virgultorum , & virtutes radicum ; & quæcunque sunt absconsa & improvisa , didici : Omnium enim artifex docuit me sapientia. (a) Neque hoc invisus & latens in Salomone thesaurus fuit. Illustrissima tam variæ scientiæ dedit specimina. Disputavit enim super lignis , à cedro , quæ est in Libano usque ad hyssopum , quæ egreditur de pariete. Et disseruit de jumentis , & volucris , & reptilibus , & piscibus. (b) Scrutator Naturæ Salomon & mystes profundissimus. De metaphysicâ ne quæramus : Præcessit omnes sapientiâ , qui fuerunt ante ipsum in Ierusalem , & mens illius contemplata est multa sapienter , & didicit. Deditque cor suum , ut sciret prudentiam atque doctrinam , erroresque & stultitiam. (c) Ethicum fuisse docent ejus libri ab Ecclesiâ recepti. Proverbia , Ecclesiastes , Cantica. In proverbiiis verè Ethicus & morum

M 5

magi-

(a) *Sap. c. 7. v. 17. & seqq.*(b) *3 Reg. c. 4. v. 33.*(c) *Eccles. c. 1. v. 16. & 17.*

magister decalogum explicat eximie; nec non nobiliores illas virtutes Prudentiam, Iustitiam, Fortitudinem, temperantiam excellenter docet. In Ecclesiaste ut plurimum physicus & œconomicus est. In Canticis Theologus, Christi & Ecclesiæ tradit mysteria.

9. *Medicina.* Aut Angelum aut Deum aliquem in arte medendi Salomonem fuisse, veteres non sine causâ crediderint. Salomonis libros, si Eusebio fides, quos ille de morborum omnium curatione scripsit, rex Ezechias abolevit, quòd populus ab eis omnem valetudinis rationem crederet pendere, & proinde opem divinam nihili pæne duceret. Salomon certe magiæ naturalis scientissimus: hinc quædam fecit, quæ aut ingentia visa sunt miracula, vel præstigiæ iis, qui abditas rerum causas ignorabant. Ita providentiæ divinæ placitis interciderunt ea, quæ minus creduntur necessaria. Magis utilia vitam & ætatem ad nos usque extenderunt; jam extra terminos mortis omnia antiquantis posita.

10. *Iurisprudentia.* Hanc à Deo Salomon petivit, hanc utique accepit, ut è iudicio mulierum duarum rixantium aequissimo liquet. Hanc autem juris legumque atque gubernandi scientiam submississime poscens à Numine: Servus tuus sum ego, inquit, & filius ancillæ tuæ, homo infirmus, & exigui temporis, & minor ad intellectum iudicii & legum. Mitte sapientiam de cælis sanctis tuis, & à sede magnitudinis tuæ, ut
mecum

mecum sit, & mecum laboret, ut sciam quid acceptum sit apud te. Scit enim illa omnia, & intelligit, & deducet me in operibus meis sobriè, & custodiet me in suâ potentiâ. Et erunt accepta opera mea, & disponam populum tuum iuste, & ero dignus sedium patris mei. (a) Dabis ergo servo tuo cor docile, ut populum judicare possit, & discernere inter bonum & malum. (b)

11. *Theologia.* Theologum Salomonem summum prædicare, non ægre persuadeor; erat enim scientissimus tam illius Theologiæ, quæ Naturalis dicitur, quàm ejus, quæ supra naturam evolat. Ipse Salomon rationem redditurus, cur tantopere vel à puero amasset sapientiam, hanc subjicit causam: Doctrina enim est disciplinæ Dei, & electrix operum illius. (c) Hoc autem magisterium & munus proprium est Theologiæ, disciplinam Dei tradere, & divinas operationes in lucem proferre. Verosimillimum est multa cælitus patefacta Salomoni de Filio Dei, æternæque illius progeneratione, de Sancto Spiritu, ejusque munere septenario, de Ecclesia futura, de lege nova, de Christo, de multis religionis mysteriis. Hinc revera de his notæ ac vestigia in Salomonis libris.

12. Scientiarum artiumque complexus, & multi jugis rerum pæne omnium notitia. Atque hinc Salomon velut publicus multi-

(a) Sap. c. 9. v. 5. & seqq.

(b) 3 Reg. c. 3. v. 9.

(c) Sap. c. 8. v. 4.

multiformis sapientiæ professor Omniscius. Hinc Hierosolymorum urbs tanquam sapientiæ gymnasium. Accursus illuc undique. Nec obscurorum tantum hominum hic affluxus. Principes, Reges, Regum Legati Regiam Salomonis frequentabant; Et veniebant, ut in regiis fastis est, de cunctis populis, ad audiendam sapientiam Salomonis, & ab universis regibus terræ, qui audiebant sapientiam ejus. (a) Erat enim nominatus in universis gentibus per circuitum, cum esset sapientior cunctis hominibus. Hinc vero nomine *Salomon Omniscius*.

Omniscii nomen tribus, quod sciam, honoris causâ datum est. Omniscius vocabatur Hippias, Hieronymus Stridonensis, Alphonsus Tostatus Abulensis. Hippiam depingens Philosophus Madaurensis: (b) Artium, inquit, multitudine prior omnibus. Hieronymus alter inter omniscios. Iam Augustini ævo vulgatum dictum: Quod Hieronymus, omnium litterarum studia adeptus, nescierit, nemo facile discet.

Tertius Tostatus Abulensis Episcopus qui tredecim bene magna scripsit volumina. De cujus eruditione natum illud plebejum:

Hic stupor est Mundi, qui scibile discutit omne.

In horum, mi Lector, omnisciorum album tarde penetrabimus volvendis libris.

Aliam

(a) 3 Reg. c. 4. v. 34. & 35.

(b) Madaurens. l. 2. Floridor.

Aliam tibi monstrabo viam, ad utiliore
omniscientiam.

Chimia est inter Christianos admirabilissima, quæ ex omni ferro, ex omni plumbo, ex omni metallo aurum purissimum eliquare novit. Artis istius princeps documentum hoc est :

Equavis re, quantumvis mala,

Quantumvis pessima bonum quid eliciendum.

Hæc ars verè reddit Omniscium : hanc artem exactè callent, qui seriò virtuti student : hæc ars lucrosissima Christianorum est Chimia. Non imperite dixit Plinius : Librorum nullus tam malus est, quin ex eo boni aliquid discas. Ita prudens è rebus afflictissimis, è maximis, quæ videntur, malis, pragraunde sibi lucrum colligit, ingentem haurit quæstum. Illud à priscis rectissimè dictum veneror :

In re mala juvat esse animo bono.

Fabulosus Midas è ferro, plumbo, marmore, ligno, luto, rebus omnibus solo contactu aurum repræsentavit. Nugamenta & fabulæ. Valet somnia. Nos aliis Christus imbuat præceptionibus. E calo nostra petita sunt mysteria. Chimia Christiana quidquid uspiam malorum est, virtutibus diversis in suum transfert commodum. Nam modò fiduciam, modo submissionem, modò patientiam, modò solam cum Dei voluntate Conformationem in subsidium accersit : sic mala omnia sibi fructuosissima reddit. Quâ in re sapien-

sapientissime juxta & appositissime philosophatus Epictetus: Fructus ergo, inquit, ex istis capi potest? Ex omnibus: etiam è convitiatore. Hic me exercet ad tolerantiam, ad mansuetudinem, ad clementiam. Sic verbi gratiâ: malus vicinus est? sibi ipse; mihi verò bonus: exercet moderationem, exercet æquitatem meam. Malus pater est? Sibi ipse; at mihi bonus. (a)

Hæc est Mercurii virgula, hæc quidquid attigeris, aureum erit. Congere in me morbos, egestatem, injurias, pericula, calamitates varias, damna rerum plurima, per hanc virgulam reddentur utilia, fient aurea. Nil hoc novi aut miri ab eadem manu vulnus infligi, & remedium adhiberi; ex eadem re venenum trahi & antidotum. Quid nocentius bufone, vipera, scorpione, cane rabido? At viperæ punctiones, viperæ cinis persanat: bufonum virus chelonitis (b) pellit: scorpionis ictus scorpiinum oleum curat; rabidi canis moribus, ejusdem pili medentur. Plantæ sunt & arbores naturâ suâ noxiæ: si transferantur, salubres fiunt. Ex idolorum templo latres & saxa sumuntur ad templum vero Deo struendum. Idem annulus, eadem gemma quam impurus proculus digito ferebat, in cælestis ferculi sertum aptatur. Venenum horremus, & tamen in plerisque pharmacis veneni quid latet in valetudinis bonum:

(a) *Epist. l. 3. Dissert. c. 30.*

(b) *Krotensstain,*

In re mala juvat esse animo bono.

Et si arbitremur nos ingens damnum passos, si Chimia utamur ista comperiemus nos lucri plurimum accepisse. Quæ nocent, docent. Pecuniam è crumena perdidisti? Tolerat: & repositum habes in animo patientia thesaurum. Contemptus & irrisus es? Ne dole: brevî inter Angelos collocandus es immortalis rex. Famem, sitim, morbum, dolores pateris? Gaude, sic augentur tibi voluptates æterna. Angores animi & mœrores te fatigant? Nil expavesce: Hæ spinæ tibi viam communiunt ad calum. Varie à Satanâ & à Satanæ ministris impugnaris? Ne trepida: Vincenti dabitur manna absconditum. Plurima te incurfant mala? Si tu bonus sis, omnia tibi emolumentum facient incredendum, omnia utilitatis fructum multò quam largissimum præbunt. Adversa te cruciant innumera? Ne animum desponde: omnia ex usu tuo erunt, omnia tibi facies perutilia ferendo. Industrius paterfamilias vere agrum stercorans: malè naribus, inquit, sed bene arvis: foetet, sed latificat. Ita prorsus quæ nocent, docent; sic reverà quod jacturam credimus, quod damnum ingens putamus, nostra est instructio, noster profectus, nostra salus. Ita prudens Christianus Chimia sacra peritus ex adversis omnibus, è rebus quibuscunque vel turbatissimis vel pessimis bonum quid elicit, omnia vitæ mala in suum trahit usum. Quod prorsus aliud non est quam

quàm è plumbo purum putum eliqua.
re aurum. Hæc Chimia multò lucrosif-
sima, hæc vera est omniscientia. Hanc
unam callere artem & divitias parit & bea-
titudinem.



SALOMON

FATUUS

ET

FLAGITIOSUS.

CAPUT I.

Salomon Negotiosus.

ANNÆUS à Cordubâ philosophus inter diversas quaestiones de rerum naturis, speculorum mentionem injiciens: Inventa sunt, inquit, specula, ut homo ipse se nosceret. Specula grandiora ad viri staturam facta, tria potissimum suggerunt historiæ.

Primum est Caesaris Othonis, quem irridens Juvenalis canit:

— quo se ille videbat

Armatum cum jam tolli vexilla juberet. (a)
Veterem poetam Sidonius Apollinaris imitatus dixit:

Post speculi immanis pompam, quo se ille videbat,

Hinc turpis quod pulcher Otho —

N

Alte-

(a) Inven. sat. 2. vers. 99.

Alterum oratoris Græci facundissimi Demosthenis fuit, qui maximum domini speculum in eum finem habuit, ut aditans illi & in umbrâ declamans, à taciturno monitore hoc, si quid in gestu esset, reprehenderetur. Demosthenes, si Plutarcho credimus, facundiam à Platone philosopho, argumentationis vim ab Euclide dialectico, actionis congruentiam didicit à speculo.

Tertium æquè magnum Cornelius Musus Italorum Chrysostomus in eum usum adhibuit, ut prius ad motum hunc censorum diceret, componendis scitè gestibus, quàm cathedram ascenderet. (a)

En tibi, mi Lector, ingentia tria specula, in quibus se Imperator jam armatus, Græcus orator declamaturus, Italus concionator in suggestum proditurus, seipsum contemplati sunt, in rem eorum qui illos non audiri tantum sed & visuri essent.

Alia nobis specula proponit in Orbe Deus, & inter hæc peculiare aliquod & grande, quod *Speculum humana vite* liceat appellare, speculum sanè admirandum; in quo universi mortales, opulenti, egeni, summi, imi, sancti, scelesti suos intueantur mores. Speculum hoc magnum quod Orbis Deus proposuit, est Hebræus Rex Salomon, verè *Speculum humana vite*. Probissimi, sanctissimi abunde hic habent quod contemplantur & discant: sed & flagitiosissimi ipsique idololatrarum se totos à capite ad calcem circumspicere queunt. Speculum ad-

mirabile

(a) Ita Philip. Bosquier ex eadem S. Francisci familia, in *scribis Lental.* pag. 497.

mirabile in quo tam sibi contraria elucet, Virtus & Vitium, Sanctimonia & Nequitia ad vivum efformata. Bonæ mentis homo Salomonem videt justum, modestum, pium, omnigenis virtutibus ornatum. Homo impius Salomonem cernit insignitè improbum, flagitiosum, non uno scelere cooperatum, perditum, vitiis mersum. O verissimè *speculum humana vita* !

De Salomone sapiente, sancto diximus. Ne quid imperfecti operis relinquamus, nunc etiam de Salomone Fatuo, Flagitioso dicendum, ne manum de tabulâ tollam picturâ non finitâ. Nemo autem miretur tot insignia in hoc sanctitatis speculo flagitia spectari. Idololatria vitiorum complexus est; ubi illa imperat, illic omnis sanctimonia exulat, ibi Nequitia plurimo comitatu triumphat. Quâ vero tandem ratione Rex Salomon in hanc scelerum voraginem prolapsus sit, operæ pretium duxi paullo explicatius calamo referre. Enimverò de vitiis Salomonis ita loquemur, ut iis Christianorum Regum ac Principum mores opponamus, quò candidum & atrum juxta se posita magis enitescant. Descripsimus in prior parte Salomonem

1. Modestum.
2. Oeconomum.
3. Architectum.
4. Industriū.
5. Divitem.
6. Ditissimū.
7. Liberalem.
8. Hospitalem.

9. Clementem.
10. Magnificum.
11. Magnificentissimum.
12. Iustum.
13. Iustissimum.
14. Sapientem.
15. Sapientissimum.
16. Pium.
17. Pientissimum.
18. Omniscium.

Nunc porro describemus Salomonem à se toto diversum, & in vitiorum dulcedinem præcipitatum.

1. Negotiosum.
2. Inconstantem.
3. Prodigum.
4. Avarum.
5. Carnalem.
6. Luxuriosum.
7. Ingratum.
8. Superbum.
9. Imprudentem.
10. Fatuum.
11. Idololatram & magum.
12. Moerore afflictum.
13. Penuriâ pressum.
14. Morbidum & Inglorium.
15. Mortuum.
16. Beatum an damnatum.

Vt autem tantæ ruinæ principia noverimus, hoc capite Salomonem negotiosum sub oculos ponam. Inde patebit quâ ratione sensim inter curarum & negotiorum tumultus hominem Dei oblivio trahat ad illicita, dum pertrahat ad præcipitium.

S. I.

Nemo repente fit malus. Qui è superiore domo in infimam descensum parat, per scalas & gradus vadit, sive gressu, sive præcipitio, sive saltu: ita qui properat in profundum sceleratæ vitæ, pedetentim & per gradus plerunque in exitium abit. Ita Salomon post patris obitum non primo statim mense, sed nec primo anno, sed sensim in barathrum descendit. Initium ruinæ Salomon negotiosus. Regimen illius multò amplissimum: administranda habuit duo regna, Israël & Iuda, quod nulli ab ipso Regum obtigit. Hinc curæ ac sollicitudinis animum in diversa rapientes. Sed hoc minimè culpamus. Habuerit vel quadruplex regnum, & tantò auctiores curas, si Salomon permanisset Salomon, hoc est, sibi similis, sine animi dispendio munere fungi suo potuisset.

Nemo terreatur laboribus: jugis occupatio, salus animi. Catenati labores vitiis per otii ostium irrupturis viam obstruunt: Si cetera sint paria. Explico. Cùm stomachus robustus calidus est, etiam cibi appetens est. Hinc pabulum largius offundendum: digerit accepta. Sin autem stomachus fit debilis & frigidus, sed nihilominus cibi potiusque multum recipiat, vix tertiam ingestorum partem digeret; labori suo succumbet: ita curæ, negotia, & occupationes hominem non robusti spiritûs debilitant, frangunt, enervant & eviscerant. Principio stomachi calentis erat Salomon, sed sensim il-

N 3

lum

Ium perfrigeravit tot amoribus parum probatis. Hinc stomachus ei frigidatus qui tot fercula, tot scilicet curas, totque negotia nequirit subigere. Hinc illi imperabant & dominabantur occupationes, non ille occupationibus.

Exteriorum sollicitudo, divinatorum oblio. Ita paulatim deficiamus, & è calidis tepidi, è tepidis frigidi sumus. Ita Deus quos amaverat odisse incipit. De Salomone certum est testimonium regalis historiae. Iratus est Dominus Salomoni, eò quod averfa esset mens ejus à Domino Deo Israël. (a) Antehac Salomon multas longasque Deo preces adhibuit, jam raras aut nullas: Antehac Salomoni princeps cura fuit pietas, gustaverat enim delicias divinas, eviluerunt ista, non sapiunt hæc amplius. Antehac rex optimus Deo per familiaris & intimus fuit, suum omnem animum in precibus coram Deo effudit, nunc aliis delectatur studiis. Melior è cælo calor pæne omnis intepuit. Negotiositas & voluptas ita regem hunc velut captivum tenuerunt, ut ille paulatim amiserit seipsum, idque suaviter ignorare voluerit. Verbo, Deum & divina non sensit amplius.

Et ab hoc ruinæ principio multa hominum millia gradu suspensio eunt in ipsum præcipitium. Res saluberrima occupatio assidua, sed animo valenti, & Deum sapius cogitanti. Alit bonam mentem continuus labor. Quod si negotia merè profana sint, & mens jam ante arida & vaga, idem illi eveniet quod stomacho imbecilli & frigido, qui longè plus ciborum recipit quàm digere

rete possit; demum oneri succumbit, & seipsum evertit. Ita plurimi occupationibus distinentur maximis, negotiorum pleni; dies noctesque principibus suis vigilant, sibi nunquam: nam officiis ita implicantur, ut perquam raro ab iis horulam decerpant, quâ sui sint. Ita sensim pietas illorum jam antè non magna, evanescit omnis, quidquid in ipsis boni spiritûs erat, exhauritur. tandem animi salus & cura nullius curæ est. Hinc illi tales, quanti quanti sunt, vani & politici, pietatis omnis expertes, rerum divinarum inanes, de rebus omnibus quæ ad calum non faciunt, extensissimè fabulari queunt; de gentium moribus, de avaritiæ compendiis, de scelerum aliorum versutiis in plures horas garrere norunt. Cùm de calo aut virtutibus sermo est, piget loqui, aut vacua mens quod promat non habet. Ita exteriorum sollicitudo, divinorum oblivio. Ita inter negotiorum turbam, præsertim plurimum fluxu annorum, homo suaviter seipsum perdit, & nescit. Ita cum Salomone negotioso actum est. Partim negotiis, partim voluptatibus implicatus, seipsum sensim amisit & ignoravit.

Idecirco Christus toties hominum nimis actuosorum aurem vellicans: Nolite, inquit, solliciti esse. Sedulum laborem, diligentiam providam non culpat, sed sollicitudinem anxiam, præproperam, timidam, Deo diffidentem, ab obsequiis divinis abstrahentem damnat, & hortatur porro: Quærite primum regnum Dei, & iustitiam ejus. Quantacunque sint negotia, nemo sinat viam

ad alta, iter ad caelum sibi obstrui, jugem ad Deum habeat recursum, non semel tantum quavis hebdomade, aut quovis die, sed in die sapius fiat familiaris Deo. Quod enim spiritalis eruditio nihil proficiat, Servator causam assignans: Sunt, inquit, qui audierunt, & à sollicitudinibus & divitiis, & voluptatibus vitæ, euntes suffocantur, & non referunt fructum. (a) Nimirum rebus perituris & fugacibus, voluptatum blandimentis & illecebris mersi, occupationibus profanissimis sepulti vix unquam liberius respirant ad Deum. Cor eorum aut marsupio, aut culinâ, aut horreo, aut cellâ, vel syngraphis & percriptionibus (b) defossum jacet. Nec enim hi tales in negotiis ut piscatores in aquis, sed ut urinatores sub aquis versantur.

Illaudabilem hanc sollicitudinem Christus in hospitâ suâ non dissimulans Martha, Martha, inquit, sollicita es, & turbaris erga plurima. Porro unum est necessarium. (c) Martha maximæ pietatis virgo, optimi animi, duplici tamen reprehensivâ sollicitudinis plus a quo majoris monita est: primò quidem cum ageret Christi hospitam & ob parandum convivium operosa satageret: deinde cum fratris jam sepulcri fatum deploraret, metueretque, ne amoto marmore nimis è sepulchro fâtor emergeret, audiit à Christo: Nónne dixi, quoniam si credideris, videbis gloriam Dei. (d) Martha, Martha, noli nimium esse sollicita. Hoc

(a) *Luc. c. 8. v. 14.* (b) *In Schuldbriefen.*

(c) *Luc. c. 10. v. 41. & 42.* (d) *Joan. c. 11. vers. 40.*

Hoc ipsum, sub negotiis Deum ex oculis amittere, exteriora tantum curare, prisci Patres gravius reprehenderunt. Clemens Alexandrinus acer paedagogus: Non animadvertunt, inquit, dum colunt id quod est extrinsecus, quæ intus in profundo sita sunt, esse planè inculta, horrida & sterilia. Videte mihi templi Aegyptii portas, ingressum, atria, porricus, columnas, opulentiam multiplicem electri, argenti, auri, gemmarum. Cui hæc omnia? Ingredimini, & pro Deo selem, aut crocodilum, aut serpentem invenietis. Ita multi foris nitent, intus putent. Salomon foris nimium ornatus cernium sese oculis probabat, cor intus Cupidinum plenum in varias exaspuabat delitias.

Chrysostomus à Clemente non diversus: Sollicitudines assidua, inquit, mentis acumen heberant, eumque qui animo volucris ac pernice sit, plumbo graviores reddunt. (a) Terrena namque habitatio (Sapientiae vox est) deprimit sensum multa cogitantem. (b) Eiusdem animi Gregorius Nyssenus: Est aliquis, ait, qui amœnum habeat hortum, & varios in eo aquaductus, sed canales lignei & putrore sunt exesi: hinc aqua pluribus locis erumpit in grande damnum horti, cujus bono fuerat introducta; ita cum negotia curaque omnes effractis viis ad fluxa solum & inania malè diffuunt, incultus perit animus, velut hortus aquis stagnantibus non tam rigatus, quam obrutus. Verum, ut promissimus, huic nigro adstituamus

N 5

al-

(a) Chrysost. lib. 6. de Sacerdotio.

(b) Sap. cap. 9. vers. 15.

album ut ob viciniam magis elucescant.

Philippus II. Hispaniarum Rex amplissimum sanè regnum, prudenter & fortiter administravit: nihilominus, ut Cervera Turrianus & Franciscus Guillimannus^(a) testantur, orationi ac meditationi deditissimus fuit. Christi crucifixi & divinæ Virginis Matris icones duas in oculis semper & ante se habuit. Secundùm mensam in suum se conclave solus recepit, & libellos precatorios promens ad occupationes se disposuit orando, & affigendo mentem supremæ voluntati: sic demum aggressus est negotia. Ioannes Ruizius de Velasco asserit hunc Regem quotidie horas quaternas, plerunque quinas precando consumpsisse, idque à se annis multis observatum. Quo sensu, quo animi ardore orarit, crebriores testata sunt lacrimæ. Habuit Philippus Christi Crucifixi effigiem, quam supremo vitæ tempore horis aliquot in amplexu tenuit, crebrius eam osculatus, nec prius crucifixum quàm animam dimisit. Testatus hoc Joannes Zamudius de Alfaro, quotiescunque ad regem solum ingressus esset, toties eum à se reperi-
tum oculis in hoc ipsum pendentis I E su
signum defixis. En alium Salomonem sed
inter negotia religiosiorem. Adde quod hæc
singulariter spectet. Eam Philippus familia-
ritatem cum Deo contraxit, ita suam divi-
næ Menti ac Voluntati conjunxit, ut hanc
cum Deo communionem, ac consuetudi-
nem nullo unquam die intermiserit, sed cæ-
pta in morbo etiam gravissimo, ut licuit,
per-

(a) Guilliman. & Turrian. lib. 2. c. 15.

perpetuarit. Salomon talis, aliquot annis, non talis semper; capit, non finit: averfa mens ejus à Deo. Negotiosus Salomon paulatim à primâ sanctimoniâ defluxit, Deum & seipsum amisit.

En malorum originem, quam Christus adeò fideliter monuit providè cavendam, ne curæ ac sollicitudines ac negotiorum molescè excrescant, ut spiritus vigorem opprimant. Experimur ipsi, quàm verum sit illud, Exteriorum sollicitudo, divinatorum oblivio. Hoc geminum sed occultum defectionis à Deo est initium. Teredo molit occultissimè, tandem trabs tota carie exesa frangitur. Vitiosum est, & nimium & nimis parum laborare: utrimque malum imminet. Suam viator lassitudinem quandoque reficit diversorio, aliquantulum suæ siti propinat; si quid famis est, eduliis aut pane medicinam facit: imprudens nimium peregrinator sit, qui dies noctesque perseverare iter, & supervacaneum cogitet respirare: ita homo negotiosus, nisi statis vicibus refugiat ad Deum, preces repetat, mentem gubernatori summo conjungat. Labora, sed ne labores: Tu negotiis, non illa tibi imperent.

CAPUT II.

Salomon Inconstans.

Non omnibus negatus est speculi usus; quibusdam etiam suavis & concessus, præcipuè iracundis, cum jam in fermento sunt, & ignes spirant. Seipsum Plutarchus sapienter objurgaturus:

Non

Non agrè feram, inquit, si in irâ proferret mihi quis speculum: sicut quibusdam jam lotis comptisq̃ue solet sine ullo bono fructu. (a) Annæus Seneca de hoc ipso monstro ita disserit. Quibusdam, ut ait Sextius, profuit iratis aspexisse speculum. Perturbavit illos tanta mutatio sui. Velut in rem præsentem adducti non agnoverunt se. (b)

Magnum & mirabile nobis speculum propositum Salomon fatuus & flagitiosus. In eo se primo aspectu potuit contemplari homo negotiosus, qui negotiis mersus, sollicitudinibus ac curis sepultus, sensim ducitur ad interitum.

Nunc alia nos respicit hujus speculi imago, *Salomon inconstans*. Eheu, cœpit optimè, annis aliquot eo pede perrexit, adhæsit, Numini charus. Sed exteriorum sollicitudo gradatim cor ejus à Deo sic abduxit, ut non difficulter subreperet divinorum oblivio. Hinc *Salomon inconstans*, & totus à seipso alius. De quo hoc capitè differemus, unâque docebimus, qui manibus ac pedibus reluctandum ne talis in foveam nos trahat Inconstantia.

(a) *Plutarchus parte 2. moral. dial. de cohib. Ira.*

(b) *Sen. lib. 2. de Ira, cap. 36. initio.*

S. I.

Græcus interpres Pelagius, priscorum Patrum dicta referens: Abbas Mathois, inquit, dicere solebat: Malo aliquod leve opus & continuum, quàm grave quod citò finiat. Sub regni primordia Salomonis oratio pro-

prolixissima, sensu plena, optimis affectibus distincta: Qui præstitisti, ait servo tuo David patri meo, quæcunque locutus fueras ei; & quæ ore promiseras, opere complesti. Et nunc Domine Deus Israël firmetur sermo tuus. (a) Sed heus, ô Salomon, firmetur cur tuum: Deus tibi non deerit, tu modo non desis illi. Saul præclarè orsus est, non diu in officio perstitit, flagitiosissimè finivit. A fronte virgo, tergum refert serpentem. Gloria Salomonis ingens, sed, Siracide teste, dedit maculam in gloriâ sua. (b) Rectissimè dixit Bernardus: Si cautela Samsonis, si Salomonis devotio perseverantiam retinuisent, nec is profectò privaretur sapientiâ, nec ille viribus. Quem cautum non faciat Salomon, impellâtque ad assiduas impetrandæ perseverantiæ preces?

Tot sapientes, tot sanctos viros cernimus in perniciem extremam lapsos. Hinc nemini non metuenda fovea, quæ tot magna sorbuit non cadaverum sed animorum funera. Origenes & Tertullianus, ô superi, quales, in quale abierunt præcipitium? Origenes ingenii eminentissimi, quod cum Augustini acumine certet, in exponendis bibliis magister, mortis pro Christo subeundæ ardentissimus, capto patre, à matre vix retineri potuit, ne se ultro gladiis savientium offerret, parenti litteras in carcerem misit, quibus eum hortatus est ut mortem fortiter toleraret. Et ipsemet Origenes quanta tulit pro religione, quàm sanctis & castis mori-

(a) 2 Par. cap. 6. vers. 15. & 17.

(b) Eccli. cap. 47. vers. 22.

moribus? Ah lapsus est demum, & extra septa Ecclesiæ eiectus, libros implevit erroribus: num Diis sacrificavit incertum.

Heu, heu nos miseros, quàm totus hominum nil est!

Tertullianus presbyter, quemadmodum Origenes, quàm nobilis & eruditus scriptor. At ubi Catholicorum sacra deseruit, quàm acerbè illos impugnavit, quantum contra illos saviit: apertius demum hæresimacha; à quo Tertullianista. O Lucifer! quomodo cecidisti de cælo Lucifer?

Heraclius optimus, felicissimus Imperator quamdiu pius? imperium sub eo florentissimum, quamdiu verè Christianum? At ubi mutatio in contrarium facta est, antiquos Heraclius mores exuit, tam alius: priore factus, ut ad Cæsaris Baronii opinionem, vix Imperatorum ullus ad eò re Christiana nocuerit. (a) Nam habenas hæresibus laxavit, Mahometis assecras & Monothelitas toleravit, pessumdedit imperium Domine quid est homo? folium quod quoque vis vento, quod gracili aurâ rapitur.

Iustinianus Imperator quàm subito & prodigiosè mutatus in alium? templa, quæ ipse ornaverant spoliari permisit. Vigilium Pontificem quàm variè afflixit? quàm saevas in Catholicos quæstiones exercuit? Respicit quidem, sed denuo in eandem relapsus est demeritiam. Cùm autem Anastasio Antiocheno Antistiti ejusque sacerdotibus jam indixisset exilium, subito nocte mediâ ad tribunal Christi evocatus est. Quid senten-

(a) Baron. de eo anno 631.

tia acceperit scire homini nefas. Mallet Baronius cum Evagrio damnatum cum credere quàm beatum. (a)

Antiochus Epiphanes, seu, Illustris, bonus puer, malus juvenis, pessimus vir. Profecit certè moribus, ut lepi; quò adultiores, hoc crudeliore. Rex Angliæ Henricus VII. quàm bene cœpit, quàm malè finiit? Tam illustre sibi nomen promeritus est, ut *Ecclesiæ Defensor* diceretur. Sed posterioribus factis laudem omnem corrupit; turpissimè defecit. Domine quid est homo? quàm versatilis, quàm lubricus, quàm commutabilis, quàm momentaneus. Quis hominum ipse sibi fidat? Quot reges alii annis compluribus sanctè vixerunt, sanctimoniam denum omnem exuerunt.

Asa optimus regum, cujus nunquam sine gemitu & miseratione meminimus, triginta novem annis piè sanctèque Deum coluit, & virtutis archetypon haberi potuit. Hinc concessum illi testimonium è calo istud: Cor Asa perfectum. Et fecit Asa rectum ante conspectum Domini, sicut David pater ejus. (b) Sub ultimam denique ætatem priora hæc omnia corrupit. Idcirco ab Hanani vate reprehensus est acriter quod egisset stultè ac majorem in rege Syriæ quàm in Domino Deo fiduciam habuisset. (c) Iratus rex Asa jussit in nervum compingi vatem & plurimos è plebe interfici. Ex eo tempore bellis afflictatus & morbis, cum dolore

pe-

(a) *Baron. an. 565. Spondanus, mili pag. 634.*

(b) *2 Par. cap. 15. vers. 17.*

(c) *3 Reg. cap. 15. vers. 11.*

pedum vehementissimo corripereetur (quod Regum Chronicon affirmat) nec in infirmitate suâ quasivit Dominum, sed magis in medicorum arte confusus est. (a) O initia pii reges præclarissima! ô vitam tot annis laudatissimam! ô finem illi dissimillimum? Ordinem cum Deo, diabolus sibi rapit exitum.

Quot sanctorum eremicolarum, quot religiosorum hominum parcè ac duriter se habuerunt annis quadraginta vel etiam quinquaginta & pluribus Deo strenuè deservierunt; tandem eis defuit diadema virtutum perseverantia: ita structuram quam viginti, triginta, imò etiam quinquaginta annis labore magno eduxerant, horâ unâ subruerunt. O miserum, rex miserum Heronem (nota cano) qui annis quinquaginta religiosissimè Deo serviit, demum sese in puteum, tanquam cælesti voce monitus præcipitavit. Nec persuaderi potuit jam extractus, eò cacodæmonis fraudibus se impulsus.

Non ista nos reddant cautos & eatenus sollicitos ut quot diebus, imò quot horis vociferemur ad Deum: Domine Constantiam, da Domine perseverantiam: Ne projicias me in tempore senectutis: cùm defecerit virtus mea, ne derelinquas me. (b) Clausula dierum omnium Constantia, horis omnibus, idque sæpius petenda? Quid enim fragiles myricæ faciant, quid graciles betulæ non metuant, si robustissimas quercus,

fi

(a) 2 Par. cap. 16. vers. 12.

(b) Psal. 70. vers. 9.

si altissimas cedros dejiciat ventus? O Salomon, Salomon! quantum tibi gratulamur, cum sapientem te ac pium cernimus; tantum nobis metuimus, cum amentem te impiumque spectamus.

Verum enimverò licet multa sint quæ terreant, sollicitent, angantque; sunt tamen non pauca, quæ animos addant & ad generosiores excitent conatus.

I. Deus omnem nobis opem liberalissime promittit, modo non recusemus juvari. Salomoni Deus benignissimè pollicitus: Tu quoque, ait, si ambulaveris coram me, sicut ambulavit pater tuus in simplicitate cordis & in æquitate: & feceris omnia quæ præcepi tibi, & legitima mea, & judicia mea servaveris, ponam thronum regni tui super Israël sempiternum. Si autem aversione averfi fueritis vos & filii vestri, non sequentes me, nec custodientes mandata mea &c. auferam Israël de superficie terræ quam dedi eis, & templum quod sanctificavi nomini meo, projiciam à conspectu meo, eritque Israël in proverbium & in fabulam cunctis populis. Et domus hæc erit in exemplum: omnis qui transierit per eam, stupebit, & sibilabit, & dicet: Quare fecit Dominus sic terræ huic, & domui huic? Et respondebunt. Quia dereliquerunt Dominum Deum suum. (a) Deus desertus deserit: abjectus abjicit.

II. An non subsidiorum satis est tuendæ Constantiæ, divina sacramenta, cælestis ac jugè sacrificium, orationes, exhortationes,

O

exem-

(a) 3 Reg. c. 9. v. 4. & seqq.

exempla sanctorum, tutela Angelorum, spiri-
 ritales libri, instinctus divini, tot alia prae-
 dia? Cum ergo talibus circummuniti simus
 propugnaculis, non liceat pro se cuique di-
 cere: In Deo meo transgrediar murum: (a)
 Omnia possum in eo qui me confortat. (b)
 In priscâ lege neutiquâ tam multum suppe-
 tebat auxiliorum, illi tamen cantabant: lu-
 stus quasi fundamentum sempiternum. (c)
 Quantò istud fidentiùs nunc cantabimus?

III. Nos sæpe panicis agiamur terrori-
 bus, & solo miseriæ metu prius miseri su-
 mus quàm esse debeamus: difficiles pugnas,
 calamitates prolixas, tentationes nimis ar-
 duas, & vix ab ullo superandas in animo
 fingimus. Et quando nobis sat diu, sat gran-
 dia videmur passi, tandem in malignas vo-
 ces erumpimus: Miseriarum me premit cu-
 mulus, nec tamen finis apparet ullus. Quan-
 diu hæc? quamdiu illa? Et cujus in his daret
 vel cornea fibra? Nimium longus est mise-
 riarum ordo. O boni mortales, sola æterni-
 tas est longa; sola beatitudo, damnatio sola
 non habent finem. Alia omnia brevissimis
 clauduntur terminis. Illorum finis qui nos
 insectantur & lacerant, vicinus, proximus
 est, sed eum nostri oculi non cernunt. Po-
 tuerunt illi & illæ, juvante Deo, ad supre-
 mam usque constantiam durare, cur nos de-
 speremus id posse? Deus dives est in omnes
 qui invocant il'um. (d) Nullus speravit in
 Domino, & confusus est. (e)

IV. Et

(a) *Tsal.* 17. (b) *Philip.* c. 4.

(c) *Prov.* c. 10. v. 25. (d) *Ephes.* c. 2.

(e) *Eccli.* c. 2. v. 11.

IV. Et quantam in pluribus aliis Constantiam spectamus? Tyrtaus, Suidâ teste, Messanâ annis viginti obsidione cinctam tenuit, vigesimo cepit. Lacedæmonii jurarunt aut morituros aut Messanâ capturos. Oraculo moniti Tyrtaum poëtam & quidem claudum ab Atheniensibus petierunt. Ille constantiâ magis quàm armorum vi expugnavit urbem.

Fabricius cum copiis adversus Pyrrhum missus, à virtute jam Regi notus, cùm è regione fixisset castra, venit è Pyrrhi familiaris regius minister, qui argenteum poscens præmium, in Pyrrhi necem auctorâbat manum, spondebatque regem veneno certò tollendum. Fabricius virtutis suæ memor hunc ipsum sponsores vinctum, detestis per litteras insidiis regi tradidit. At Pyrrhus re cognitâ voce altâ succlamans: Hic est, inquit, & nullus alius, ille Fabricius, quem difficilius à suâ virtute, quàm à consuetâ viâ solem averteris. Sed ut atroci candor respondeat, Salomoni tam inconstanti Theodosium opponimus.

In Theodosio natu majore admiranda multa, præcipuè quæ Constantiam spectant. Constantinus Magnus, unâ cum filio, Iovianus, Valentinianus & filii cederunt quidem idololatriam, suas tamen cuique religiones permiserunt liberas, nec priorum Imperatorum ullus inanum Deorum cultum penitus evertit; Theodosius primus fuit qui idololatriam funditus abolevit, altaria & delubra diruit & solo adæquavit: verè Christianus, Theodoreto teste, verè

constantissimus. Deinde Pœnitentia Davidis seria quidem & severa, sed tamen privata; domi luxit, in abdito flevit. Theodosius vero qui præcipitante irâ Thessalonicam afflixit, non seriam tantum & severam, sed publicam & diuturnam egit pœnitentiam; ita iubente Ambrosio, qui eum templo, sacris omnibus, & piorum societate octo mensibus exclusit. Quo quidem temporis spatio fuerunt Theodosio lacrimæ panes die ac nocte. (a) Exacto pœnitentiæ tempore Theodosius in templo publico coram omni populo humi stratus, lacrimis infusus, frontem allisit solo, noxam passus, veniam precatus est. Ita Deo, ita & Ambrosio ceterisque sacerdotibus, universæ plebi, totique Ecclesiæ satisfecit. Hoc Orientis & Occidentis Imperator exemplum pœnitentiæ constantis præbuit. Illud profecto mirissimum, cum eum Ambrosius è choro iussisset facessere, & inter plebem stare, Gratias egit Ambrosio quod eam differentiationem inter sacerdotes & vulgus Constanti-nopoli discere non potuisset. Et quod Constantiam reddat testatorem, Ambrosius pro concione funebri hunc Casarem dilaudans: Neque ullus, inquit, postea dies fuit, quo non illum doleret errorem. Peccatum ipsius contra ipsum fuit semper. O Salomon, Salomon quantos habes reges non jam quos doceas sapientiam, sed à quibus discas constantiam.

V. Post inspecta Constantiæ tot documenta & exempla, statim apud animum

tuum,

(a) *Psalm. 41. v. 4.*

tuum, uno saltem die Constantiam exercere. Luce alterâ id promptius fiet, tertia promptissimè. Id interim assiduè à Deo petendum. Nec enim habituali solum, ut vocant, gratiâ, sed gratuito insuper Dei auxilio est opus. Voces Dei novimus: Miserebor, cujus misereor, & misericordiam præstabo, cui miserebor. (a) Perseverantia quæ ultimam vitæ manum imponit, nullis precibus, nullis lacrimis, nullis jeuniis, promeritis nullis obtineri potest; (b) donum est, & gratuitum. Quemadmodum verò Elisæus duplicem sibi Eliæ spiritum postulavit, ita nobis duplici opus firmitate, Constantiâ operis, & Perseverantiâ vitæ. Constantia operis nonnunquam præclarè multa inchoat, sed actiones non perpetuat; post aliquot nobiliores actus læscit & cadit. Hic Perseverantia subveniat necesse est jubeatq; à calce ad carceres decurre, perage inceptum opus, elabora, bonam appone clausulam, finem adde laudabilem. Hoc opus, hic labor. Hic Rhodus, hic saltus. Idcirco Mathois, quem laudavi supra, dicere solebat: Malo aliquod leve opus & continuum, quam grave sed cito finiendum. Ita consultius agit & sanctius qui gulam quotidiana quamvis levior frangit abstinentiâ constanter, quam qui Paresceves feriis totum triduum jeuniis ducit rigidissimis. Perseverantia virtutum omnium corona, nisi ea vitam sancte concludat, inutilis & vanus est prior omnis labor. Omnes aliæ virtutes pugnant, sola

O 3

trium-

(a) *Rom. c. 9. v. 15.*(b) *De condigno.*

triumphat Perseverantia. Hinc Augustinus monet: Quamdiu quis vivit, nequit dici perseverans, nisi perseveret in bono (a) Dei amor ad supremum usque halitum perducendus. Beatus Maximus Præsul: Me, inquit, laudaveris hominem in vitâ suâ. Lauda post vitam, magnifica post consummationem. (b)

Hic acclamant omnes ex alto cælites, omnes in terrâ Christi familiares, ut tam Constantiâ exerceamus, quam desideremus Perseverantiam. Vociferatur Paulus: Miror quod sic tam citò transferimini. (c) Fratres mei dilecti, stabiles estote & immobiles. (d)

Alexander Rex Macedo post magnam belli molem jam superatam, duces suos in prætorium convocans, non sine lacrimis questus est inique sibi victoriam eripi.

Nos ita prorsus ratiocinamur. Quisque sibi dicat: Quid agis torpide? Eorum quæ tibi perpetienda partem maximam perpessus es, restat particula vitæ, proximus ad metâ es, & recedere vis aut deficere? O passi graviora! Siracides clamat: Væ his qui perdidērunt sustinentiam Ne ergo dederis maculam in gloriâ tuâ. Esto firmus in viâ Domini. (e) Iam pane manu prendis coronam & palmam. Cave ne ipse tibi obis: victoriam jam ferè certam ne interpellari, ne corrumpi, nec extorqueri patiaris. Bis vicisti,

(a) *Aug. l. de Persev.* (b) *Max. h. m. 59. qua est 2. de S. Euseb. Vercellensi*

(c) *Gal. c. 1. v. 6.* (d) *Gal. c. 6.*

(e) *Eccli. cap. 2. v. 16. & c. 33. v. 24. & c. 11. v. 22.*

vicisti, si uti noris victoriâ. Clamat Angelus: Tene quod habes, ut nemo accipiat coronam tuam, (a) Cum è Sebastienis quadraginta martyribus, quos Basilius laudat, terroribus humanis unus succubuisset, vitam momento servaturus, & æternum moriturus, mox alius in ejus locum successit, rapuitque palmam quam alter contemptim perdidit. Ergo stabiles estote & immobiles. Suis Deus promissis stabit: Triumphabit Perseverantia.

(a) *Apoc. c. 3. v. II.*

C A P V T III.

Salomon Prodigus.

SVadebat Socrates discipulis quos scientiis erudierat, ut speculum sapius consulerent eo animo, ut si quis liberaliorem in se formam spectaret, ipse sibi diceret: Natura tibi gratiam fecit, quam plurimis non fecit. Sed tu cave, de te dicatur, Venuſtus vultus, sed turpes mores: Pulchra domus foris & picta, sed nequam dominus eam habitat. Quod si deformior sit vultus, qui obijgetur à speculo, dicat sibi ipse spectator: En deformitatem! nisi ergo bonis litteris naves operam, & discas quæ hominem commendent, nusquam gratus eris; nusquam non dicetur: Apage hunc Therſiten, & formâ & doctrinâ caret, illiteratus & turpis. Bonis ergo moribus & artibus te comenda, ceteroqui negligendum. Hac mente Socrates à suis speculum volebat inspicere.

Regem Hebraum Salomonem Deus, Orbi proposuit in speculum. Hoc autem, tam homines buxei cereique vultus, quam probi ac vividi coloris, tam deformes quam formosos repræsentat, & illi & isti se nosse hinc possunt si velint, castus & impurus, submissus & superbus, liberalis & avarus tuos hic mores cernunt. De Salomone Liberali in priori parte dictum est. Atqui novimus cuilibet virtuti hostem ab utroque latere insidiari: ita sane Liberalitas non solum hinc Avaritiam, sed illinc Prodigalitatem etiam habet adversantem. Postquam Salomon Liberalitati nuntium remisit, mox geminos illius hostes hospitio suscepit, & Prodigus fuit & Avarus. Prodigum fuisse hoc capite demonstrabimus, & simul de hujus vitii damnis monebimus.

S. I.

Quatuor ferè prodigalitatis specimina dedit Salomon. Primum, angustius fecit regnum, aliquot urbibus ab eo avulsis. Nam, quod Regum fasti docent: Dedit Salomon Hiram viginti oppida in terra Galilææ. (a) Sunt qui avaritiam istud interpretentur, cum tellus infecunda & valetudini parum amica fuerit. Idcirco etiam Hiramus eo præmio non contentus: Hæcine sunt civitates, inquit, quas dedisti mihi frater? Alii tamen has urbes Hiramio datas prodigalitatem nominant, quod cum dare potuisset frumentum, oleum, pecuniam, dare tamen maluerit prædia & latifundia quæ
 sim

(a) 3 Reg. c. 9, v. 11.

sic à terra sancta sunt abscissa, & in potestatem gentium redacta.

Secundum prodigalitatis specimen illustrissimum, equitatus maximus: nam univérse quinquaginta septem millia & sexcentos equos habuit: Nam duodecim millia equorum ad ephippium; quadraginta millia currulium & vectariorum aluit. Quod Deus per Mosen expresse prohibens: Cumque constitutus fuerit rex, inquit, non multiplicabit sibi equos, nec reducet populum in Ægyptum, equitatus numero sublevatus. (a) Hic non de sumptu tantum res erat, sed ne fiducia in Deum aliquid detrimenti pateretur.

Tertium: Gynæceum nimis quam copiosum nutriit, uxores nimis multas duxit. Regum Annales asserunt: Fueruntque ei uxores, quasi reginæ septingentæ, & concubinæ trecentæ. (b) O boni calites! quanti greges feminarum! Ratiocinemur hunc in modum, & calculum ponamus quam licet modestissimum; Reginis septingentis suas cuique famulas assignemus, & uni quidem Reginæ sex solum pedissequas tribuamus. Comitatus sanè minimus tam altis fastigiis. Trecentis ceteris, quæ magni nominis & prosapiæ nobilissimæ fuerunt, non nisi tres cuique famulas concedamus, erunt universè feminarum 5400. Superi! quis unquam Regum similem feminarum exercitum in ædibus suis nutriendum conscripsit? quis tam numerosam gynæconitidem

O 5

unquam

(a) Deuter. c. 17. v. 16,

(b) 3 Reg. c. 11. v. 3.

unquam habuit? Expendamus pro tot delicatissimis mulieribus quotidianæ meritationes, convivia, ludos, donaria, mundum muliebrem, aurum, gemmas, rem omnem vestiariam. Quantum divitiarum una talis femina, vel aure unica gestare solita est? Angustè rem attingens Seneca Non satis, inquit, nisi bina vel terna patrimonia auribus pependissent. (a) Vna plerumque auris tres ferebat uniones, quos Arbitrator Tribaccam nominat. Pretium horum infimum decies HS. viginti quatuor millia philippeorum. Plerumque centies HS. ducenta quinquaginta millia philippeorum; (b) Imo & sexcenties HS. five quindecies centena millia philippeorum. (c) Lolliam nobilis Romana femina vulgaribus feriis, quadringenties HS. seu, decies centena millia philippeorum (d) uno corporis cultu circumtulit. Seneca objectum: Quare uxor tua (Paullina) censum locupletis domus auribus gerit? (e) Quid jam reginæ fecerint, & quidem septingentæ, insuper & ethnicae quæ omnem panem gloriam à mundo muliebri corporisque cultu venabantur? Quisquis hos sumptus immensos ad calculum revocarit nec prodigum mirabitur Salomonem, nec avarum, cui annui census maximi non suffecerunt. Hinc exhausto per incredibiles sum-

ptus

(a) Sen. l. 7. de benef. c. 9. v. 1.

(b) Dritthalb thonnen Golds.

(c) Underthalb million Golds.

(d) Million Golds. Pl 19. Nat. hist. c. 35.

(e) Sen. l. de beata vita c. 17.

ptus arario laborare capit ut denuo farci-
ret quod decesserat.

Quartum Prodigalitatis spicimen, delu-
bra idolis structa. Nemo Salomonem prodi-
gum dixit quod aureum Deo templum con-
diderit, quod urbem pro domo sibi met æ-
dificarit, quod alibi civitates à fundamentis
eduxerit, civica ædificia complura struxerit.
Hi sumptus omnes nec ipsum nec sub-
ditos depauperabunt. Sed cum insuper tot
idolis templa conderet, sacrificia & dona
largiretur, extremæ dementiæ profusio cen-
senda fuit. Hoc Dei nomine Oseas expro-
brans: Ego, inquit, dedi ei frumentum, &
vinum, & oleum, & argentum multiplicavi
ei, & aurum quæ fecerunt Baal. (a) Diabolus
divinorum nequissimus æmulator, alterum
tantum in illas idololatriæ sordes extorsit.
Hanc Salomonis prodigalitatem obstupe-
scens Maluenda eam cum iniquissimis An-
tichristi & parsimoniis & profusionibus
confert. Nam licet thesauros Antichristus
sit habiturus, Christianos nihilominus ex-
treme Fortunis omnibus emunget. Sed
atro suum candidum adstituiamus.

Tertius Sabaudia Dux Amadeus, prin-
ceps ad amissum factus virtutis, in pauperes
pater, in Christum crucifixum merus affe-
ctus, cor merum. Hinc cum conjugē Iolan-
da sacras peregrinationes pedes obiit ad
Christi sindonem Vespertione, ut animo
tanto altius Christi Domini cruciatus infi-
geret. Salomoni Amadeus ex adverso stans
Parsimoniæ virtutem non sine admiratione

ac

(a) Osee c. 2. v. 8.

ac laude exercuit. Majestatem principis alenda numerosa familia tueri scivit. Adversus Asiaticum hostem copias, sed & in fratres hostiles exercitum duxit. Ædificia struxit magnifica, nec ullas principis partes in se desiderari passus est. In templa, Xenodochia, coenobia largitiones amplas plurimas è suo præbuit. In egenos omnes talis extitit, ut inter liberalissimos & Imperatores prototypon & idea censeretur possit. Fratribus, quicquid principatu amovere nitentur, supra meritum eorum dedit; sororibus dignas se dotes addixit. Tributa, exactiones, vectigalia nec obolo amplificavit, sed prout ea à suis majoribus & pluribus retro annis ea reperit constituta, ita retinuit, & tamen terras & prædia quæ majores ipsius pignori apposuerant, moneta præsentis recuperavit. Hac Christiana & ex virtute parsimonia fuit, maximum in augenda re familiari vectigal. Salomon Regnum ditissimum invenit sed depauperavit: hic pauperimum principatum reperit, sed ditavit. Opum bene partarum causa: Prodigus non fuit.

Non esse prodigum grande vectigal est:

Non esse cupidum, primum ditescendi compendium est.

In omnibus esse moderatū certa sunt divitia.

Prodigalitas innumeris se rebus miscet, prout sua quemque trahit voluptas. Sunt qui pecunias effundant in suppellectilem, in canes alii & equos; aliqui in tesseras & abacum lusorium; non nemo in choreas, in symphoniam, in theatrum & scenas; quidam in

in vanas scientias. Hic suos quisque manes
 patimur. Communis hoc ævo rem confrin-
 gendi furor est in vestes & convivia. Sed ut
 prodigalitatis indolem noverimus, eam
 Theologiæ sol Thomas ita depingit: Super-
 excessus prodigalitatis non attenditur prin-
 cipaliter secundum quantitatem dati, sed
 magis in quantum excedit id quod fieri o-
 portet. (a) Eam ob causam nemo dixerit:
 Vestes meæ, meaque convivia tam immen-
 sis sumptibus non egent. Esto. At quia stu-
 diosissime quidem sed vanissime laboramus
 ut tam vestium quàm conviviorum luxu
 nos ostentemus, alios nobiscum certantes
 superemus, gloriæ aliquid inde reporte-
 mus; hæc mentis intemperies prodigalita-
 tem roborat. Etenim, aut istis dandum non
 est, aut non isto modo, aut non propter ista,
 aut certe minus est dandum. Observavit
 Chilon juvenem utraque manu effuse lar-
 gientem, hunc ille suaviter corripiens: Si
 sumptus, inquit, magnos ubi non decet fe-
 ceris, ubi decet mox exiguos facies. Expe-
 rientia & usus hic loquuntur: Qui tam mul-
 ta vestibus & conviviis impendunt, ple-
 runque familiæ suæ in necessario sumptu
 defunt. Quod enim in superfluis perdunt,
 in necessariis comparcere volunt. Pecunia
 ab eis ad expensas quotidianas extorque-
 tur difficillime. Ita, quod mirum est, in eo-
 dem sæpe pectore & prodigalitas habitat
 & avaritia. Peccatum utraque. De ava-
 ritia liquet. De prodigalitate Thomas A-
 quinas pronuntians: Cum, inquit, virtuti
 libe-

(a) *S. Thom.*, 2. 2. q. 119. c. 2.

liberalitatis prodigalitas advesetur, ipsa est necessario peccatum.

Hoc verò peccatum non ab expensarum multitudine sed à dandi immoderatione gravitatem turpem sortitur : nam liberalis saepe plura largitur prodigo ; immoderatio erogandi turpitudinem peccati auget , cum sumptus in res non necessarias, inutiles, supervacaneas fiunt aut modo non congruo. Nam quemadmodum largus homo non dicitur, cui pallium aut pileum ventus auferit, nec arbor larga censetur , cui ventus poma vel pira excuit , ita nec vera liberalitas est cui aura vanæ gloriæ nummos subtrahit, cum aut iis datur , ad quos affectus tendit, aut iis qui jam ante abundant. In vasa plena mittere, reverà laudis non est. Venuste dixit beatus Prosper: Habentibus dare, quid est nisi sua perdere. (a) Cum Hebræa vidua Elisæi iussu oleum in vacua vasa funderet, tunc oleum fluere cessavit, cum vas vacuum defuit. (b) Nec aliter canit caelestis virgo: Esurientes implevit bonis.

Prodigalitas plerunque à duobus ingentibus malis stipatur. Primum est, cum prodigus non amplius habet quod erogat, furtive circumspicit unde accipiat. Frequenter aliena rapiat, qui sua jam ligurivit. Juvenalis caute monet ne quis ultra culinæ suæ modulum coquat, alioquin certo decocturus.

*Noscenda est mensura tui, spectandaque rebus
In summis mimisque : etiam cum piscis e-*
metur.

Ne

(a) Prosp. de vita contemplat.

(b) 4 Reg. cap. 4.

*Ne multum cupias, cum sit tibi gobio tantum
In oculis*

*Talibus à dominis, post cuncta novissimus
exit*

Annulus, & digito mendicat Pollio nudo. (a)

Petint quondam Socrates, ab ejuscemodi decoctore minam unam, seu decem philippeos. Subiratus ille: Ab aliis, inquit, alies & sesterios petis, cur à me poscis tam multum? Cui Socrates: Ab aliis, ait, me iterum iterumque spero accepturum; num etiam à te, nescio. Hoc innuit vir sapiens, illum ita ligurire ac effundere, ut brevi habiturus non sit quod amplius effundat. Nocumentum hoc prodigalitatis magnum est procul dubio, & omnibus sedulo cavendum.

Alterum est: Prodigalitas non solum pecuniam sed & famam perdit. Volat per ora virum prodigus, sed his potissimum encomiis afficitur: Hic homo rem suam confregit, patrimonium effudit, verbo, decoxit: (b) Nimirum sibi persuaserat suum marsupium multo esse pinguius quam erat. Nunc versuram facit: (c) sed non diu faciet, nec enim loculorum inaniæ diu tegi poterunt. Bonus nepos postquam omnia ligurivit & forbuit, jam cottabo ludet, aut proterviam faciet. Hi sermones in decoctorem & prodigum dicuntur.

Quisquis es hujus genii, speculum quod proposuimus, inspice; consider Salomonem, qui opes à Deo concessas pessime dissipat.

(a) Juven. sat. II v. 43. (b) Hat alles verthron. (c) Bricht ein Lach auff / das mit er ein anders zu mach.

spavit, turpiter iis abusus. Ita Deus deferentem se paulatim deseruit, & ab eo, qui prius recesserat à se, recessit suaque dona repetiit. Eam ob rem frequentes sunt Ecclesiæ preces: Sic transeamus per bona temporalia ut non amittamus æterna.

Suam quisque conscientiam sapius interroget hunc in modum: Num expensæ meæ, quales esse debent, consideratæ sunt & moderatæ? Num mihi amplior, quàm par sit, supellex? num familia plus æquo numeratior? num plures aut pretiosiores, quam necesse, vestes? Num mensa debito delicatior & lautior? Quos in usus infumo pecunias? an non etiam in vanos, inutiles, superfluos? num mea forsitan munera in vasa mitto jam antè plena? Omnes pecuniæ tuæ anfractus & vias scrutare. Brevi ante iudicem stabis qui rationes exiget à te usque ad quadrantem novissimum. Christus Dominus prodigalitatem omnem, vel in rebus minimis odit, idcirco etiam non semel iussit: Colligite quæ superaverunt fragmenta ne quid pereat. (a) Tu facultates, quas accepisti sic tracta, ne quid pereat. Servus es fructuarius, non dominus absolutus.

(a) Ioan. cap. 6.

C A P V T IV.

Salomon Avarus.

PAucorum annorum spatio ita mutatur homo, ut non tantum mutatus sed alius videri possit. Qui puerulum se-
pren-

ptennem vidit, si eundem post annos viginti videat, juvenem esse ignotum credit, & nunquam sibi visum. Has humani ævi mutationes observans Naso ita cecinit:

Cumque aliquis dicet: Fuit hac formosa, dolebis,

Et speculum mendax esse querere tuum.

Salomonem in parte priori vidimus tam liberalem, ut pæne quis optaverit aut illo ævo vixisse, aut sæculum illud aureum redire. Omnis populus Hierosolymis opulentissimus, divitiis ut faxis abundabat. Fecerat namque rex Salomon, ut tanta esset abundantia Argenti in Jerusalem, quanta & lapidum. Argentum factum vix ullius pretii. Nemo censebatur dives, cui non aurea moneta, pocula essent aurea.

At vices tam turpiter mutarunt, ut è Salomone liberalissimo rege factus sit avarus exactor. Hinc debitus illi titulus: *Salomon avarus*. Opes corrasit, undecunque potuit. Nec ipse diffitetur: Coacervavi mihi aurum & argentum. (a) Sed obsecro quid tandem fieri potuit, ut inter annuos census tam immensos ex omni Orbe collectos, loci aliquid invenerit avara pauperies? Septem auri fontes in parte alterâ lustravimus: Num omnes exhausti? Ad extremum omnes? Fluebant illi quidem sed illas tot ligurientium voragines non explebant. Fortunæ demum nullæ suppetebant sumptibus. Quid caussarum quæso? Duas assignabimus, & Salomoni avaro regi, liberalissimum Imperatorem Christianum adstituemus.

(a) *Eccles. cap. 2.*

§. I.

Sapientissimè dixit Plutarchus & verissimè : Cupidinum crumena porri folio vincita est. Porrum gravis odoris herba, laetucas, offas, aliaque hujuscemodi fercula videtur commendare, sed oculos laedit, capiti officit, stomachum non juvat, in totum diem halitum inficit, crumenas pessimè vincit. Hinc istud Sapientis Græci : Cupidinis loculos porrum ligat. Hic dicti sensus est : Ubi amatur, petitur. Libido hiantes semper & apertos vult loculos : semper dandum est. Nimirum Veneri plenis sacrificatur marsupiiis Ideo prodigo illi juveni crumenâ jam depletâ occentatum est. Si dare non potes, mendicare potes ; foras, foras.

Priusquam Salomon pravis amoribus arderet, cum templum strueret, cum sibi domum educeret, tam ipse quàm ipsius subditi argento & auro abundabat? Vbi tot uxorum tot pellicum parare thalamos capit, nec ipsi suppeteabant opes, nec aliis. Hinc factus avarissimus è duplici radice, Idololatriâ & prodigalitate.

Impura prodigalitas avarum reddidit. Nam ut semper haberet quod daret, severioribus suis exactionibus fatigavit, præsertim jam senectutis morbo admotus. Quò seniores, plerunque avariores. Cum enim senes sentiant caducam ætatis suæ valetudinem, sumptus augeri notent, & facilem ad egestatem transitum formident, undeque corradunt, Si jam modica in Deum diffi-

diffidentia conjungatur, futurum pecuniæ defectum incredibiliter metuunt. Nec solum illud Salomonem in curas tam sordidas dejecit, sed cum animadverteret expensas fore demum intolerabiles, ut capta perpetuare posset, in subditos exactione variâ grassari cœpit. Summa summarum, pravus & Cupidineus amor solutis & semper respondentibus gaudet oculis. Hinc Venus priscis aurea & sumptuosa:

— *solas petit improba nummos.* (a)

Amor divinus hanc unam sequitur legem: *Amo ut ames.* Amor foedus identidem occidit, *Amo ut des.* Quod adstruens Ambrosius: Non parcant, inquit, dispendio, dum indulgent cupiditati & desiderio. (b) Cupidines crumenas nummis exhaustiunt, foetoribus implent. Atque hæc prima est causa quæ Salomonem reddit avarum, impura prodigalitas.

Altera gravius priori malum, Idololatria, Vociferatur Paulus: Mortificate ergo concupiscentiam malam & avaritiam, quæ est simulacrorum servitus. (c) Hoc enim scitote intelligentes, quod omnis fornicator, aut immundus, aut avarus, quod est idolorum servitus, non habet hæreditatem in regno Christi & Dei (d) Num igitur non alii sunt in Orbe quid delinquant nisi avari & immundi? Videte igitur quâ ratione Paulus tenaces & lascivos pronuntiet exhæredatos.

P 2

Que-

(a) Ovid. l. 1. fast. eleg. 1.

(b) Ambros. l. de Naboth c. 5.

(c) Coloss. cap. 3. v. 5.

(d) Ephes. cap. 5, vers. 5.

Quemadmodum pecunia sitiens inexplebilis est pecuniâ, ita libidinis appetens non saturatur luxuriâ. Sicut sine fundo sunt hæc vitia; ita hi tales viriosi nequitiam non finiunt, nisi cum ulterius progredi nequeunt.

Cur autem avaritia præ ceteris vitiis idolorum servitus appellatur? Avarus omne victus ac vitæ subsidium in nummis collocat: ita pecunia illi veluti Dea colitur; Plutus ei Deus est, à quo omnem vivendi usum sperat. Deinde idololatræ argentum & aurum adorant: avari argenteas & aureas monetas summè venerantur. Et quemadmodum idola illi non tangunt Numinis reverentiâ; ita Eucliones illi tangere verentur rutilantes in arcâ Deos. Horatius talem irridens canit:

—— *Congestis undique faccis*

Indormis inhians, & tanquam parcere sacris

Cogeris, —— aut pillis tanquam gaudere tabellis. (a)

Avarus colligit pecuniam, non ut expendat, sed ut servet ac custodiat, eique ut sospitatrici Deæ serviat. Nulla ferè cupiditas minùs satiabilis quàm nummorum; aliæ senio vel nausæa decrescunt, aliquanto saltem tempore: avaritia crescere non cessat:

Crescit amor numi quantum ipsa pecunia crescit.

Quo plus sunt pota plus sitiuntur aqua.

Sic animus cupiditate tam insaturabili submergitur,

(a) Horat.

mergitur, & abit in profundum cupiditatis vitiosæ. Deinde id alicui pro Numine est, quod semper gerit animo, in quod omnis ejus effervesceat amor, quò cogitationes omnes & curæ tendunt, in quo totus est homo. Quod reverâ, ut Chrysostomus loquitur, non est hyperbolicè dictum sed verè. Nam avari non tantùm curas, sed & cogitationes suas, imò etiam humanas victimas, seipsos maculant Deæ pecuniæ. Præterea eam etiam ob causam avaritia idolorum servitus appellatur, quoniam ab avaritiâ ad idololatriam facilis flexus est. Quod Paulus clarissimè adstruens: Radix, inquit, omnium malorum est cupiditas, quam quidam appetentes erraverunt à fide. (a)

Aristophontem, quod Ælianus narrat, Timotheus est hominem prodigum & decoriorem acerbiorè dicto perstringens: Cui nihil satis est, inquit, eidem etiam nihil turpe est. Talis audet omnia: comminiscitur insidias, fraudes, fallacias, turpitudines, proditioes, nullum horret nefas, nec ipsam idololatriam. Avaro licent omnia quæ expediunt. Satis esse censet sanctimonia, ubi satis pecuniæ. Nimirum non honores solum Regina pecunia confert, sed & sanctos mores. Homo ad votum nummatus aut est omnia, aut esse tentat omnia. Quid in orbe monstruosi mali est, quod non progignat mater Avaritia?

Thomas Aquinas hujus animi: Proditio, inquit, fraus, fallacia, perjuria, inquietudo, violentiæ, & contra misericordiam obdura-

tio avaritiæ filia sunt. Cùm autem in pecuniarum cupidine, unde multa dimanant vitia, avaritia consistat, vitium capitale esse consequitur. (a) Hic idem maximus scriptor quaerit, utrum avaritia sit maximum peccatorum. Ad quaestionem: Non est, inquit, simpliciter maximum, quamquam magnam habeat deformitatem.

Tanto mirius est, quod eximius ille principum magister Nicolaus Machiavellus (b) dicere non sit reveritus: Avaritiæ crimen parvi faciendum: Nam vitiorum id est unum, quo minimè impeditur dominandi ratio. Hanc certè legem Salomon minimè neglexit, sed ut sanctissimum, non plebiscitum, sed summæ curiæ decretum observavit, ratus dominandi rationem avaritiâ neutiquam impediri. Habemus hîc fatentem reum. Nec enim dissimulans culpam: Coacervavi mihi, ait, argentum & aurum. Collegi ut spargerem, congeffi ut effunderem. Verùm hoc neque Salomoni nec profuit Roboamo filio. Si nebulam manè tam citò sol attrahat & sorbeat, nimbus est expectandus; brevi hoc solis jentaculum per imbres defluet. Ita profectò filii non retinent, quòd parentes congesserunt per avaritiam:

De malè quasitis non gaudet tertius haeres.

Condus

(a) S. Thom. 2. 2. q. 118. art. 7. & 8. & ult. Conclus. & a. 5.

(b) Caput centum fulminibus dignum, ait, Philippus Bosquier. Machiavel. lib. qui inscribitur Princeps caput 16. mihi pag. 76.

Condus eget promo. (a) Sed Salomoni avaro Casarem oppidò liberalem adstituo.

Tiberius Junior qui anno Christiano quingentesimo octogesimo sexto concessit fatis, optimus religiosissimus Imperator maximum adversus Persas aluit exercitum, ut pane credi posset, vix alios ab Imperatore sumptus fieri quàm militares. Nam & Persas, in quos pugnavit, vicit etiam & triumphavit. Intereà tamen temporis tam liberali manu sportulas in egenos sarsit veluti quæstor aut tribunus ærarius Dei, ut videri potnerit hoc unum fecissè. Et creditum est nimiam esse liberalitatem illam: Ipsa imperatrix Sophia frequenter submonens: Quæso, inquit, hæc paulò moderatius faciamus, nec simul omnia effundamus; Vt diu possimus dare, demus aliquantulum contractius. Nullum est tam amplum ærarium quod non exhauriat manus plus æquo apertior. In suis juvari vult Deus, sed cum modo. Malè subvenit egenis, qui subveniendo eget. Eleemosynæ moderatæ, laudatissimæ. Piè consulit incipiæ alienæ, qui suam cavet. Audiit hæc Tiberius in speciem non imprudenter dicta, & subridens: Quid angeris mea conjux, inquit, & Casari penuriam metuis? Stipe? Quid magnus Imperator Christus edixit: Thesaurizate vobis thesauros in cælo. Sine, mea Sophia, sine pauperes gaudere nostris sportulis: nunquam deerit nobis quo diadema tueamur; sua semper suppetent nostræ purpuræ: Neque verò vanus est fidejussor Deus: Date &

P 4

dabitur

(a) Der Sparer muß ein Behren haben.

dabitur vobis. Divinæ promissionis vox est: Demus, & dabitur nobis. Quod capimus perpetuemus.

Quod dixit, fecit. Quâ in re faventissimum habuit Deum. Nam, Orbe universo teste, præter omnem spem facultatibus maximis est auctus. Hoc ab omni ævo exploratissimum: Verè liberalem misericordiam non ire ad saccum, ad mendicitatem non detrudi. Quod etiam Tiberius confirmet. Qui cùm in palatii sui diatâ inambularet, insculptam marmori crucem observans: Fronti, ait, & ori ac pectori crucem imprimimus, quid ea sub pedibus facit? Mox igitur illam pavimenti superficiem tolli iussit. Sed inventa est alia crux in similem modum insculpta. Et hanc tolli iussit. Sed enim reperta est & tertia, quâ etiam ablata prodidit sese thesaurus ingens. Nam eruta sunt inde supra mille auri centenaria, ita Evagrius, Gregorius Turonensis, (a) Gregorius Magnus, Nicephorus testantur; quorum priores tres ævo illo vixerunt. His omnino addenda quæ Gregorius Magnus addidit.

Narses bibliopola primitus, sed ob virtutem & ingenium à Justiniano in militiæ ducem evectus, decennium in Italiâ pro Bellisario præfuit exercitui. Sed unâ rem suam facere, quod ferè duces solent, non omisit; ingentem vim auri argenti quæ multa centenariorum millia collegit è prædis. Quo autem tutiùs hanc omnem opulentiam sibi servaret, domum amplam delegit in eâque arcanam effodi cisternâ iussit, in quam omne

(a) *Gregor. Turon. l. 5. hist. Franc. c. 16.*

omne argentum & aurum dejecit, rei confcios interfecit, senem unicum sacramento prius horribili obstrictum ad loci custodiam admovit. Et quæ parasti, mi Narses, cujus erunt? Narsetem mors abripuit: neque hanc mortis truculentiam auro licuit mitigare. Senex opulentissimæ cisternæ tutelar variaversans in corde: Si aureum secretum istud aiebat ipse sibi, operiam silentio, perii miser, si res innotescat. Ex hoc fonte in meum usum diu haurire aurum sine furti suspitione non potero. Quin eo & ad Imperatorem hoc arcanum deferam? Tiberius Cæsar ceteroqui liberalissimus in pauperes, nec meam fidelitatem sine munere dimissam spernet. Igitur Imperatori se stitit magnum quid dicturus. Ad aurem Cæsaris admissus omnia narratione fidelissimâ pandit. Missi sunt qui senis locique fidem explorarent. Constabant dictis omnia. Repertus ingens thesaurus cui exportando dies complures sunt impensi. Tiberius Imperator prædâ tam optimâ, sine vi, sine sanguine, sine ullo labore captâ jam multò quam ante liberalior in egenos, prædam cum Deo ex æquo & bono religiosissimè divisit.

Hebræi sapientis amplissimum est promissum: Feneratur Domino qui misereatur pauperis, & vicissitudinem suam reddet ei. (a) Querit Chrysostomus, (b) Cur Salomon non dixerit: Qui dat pauperi, dat Deo. Noverat divinus scriptor avaritiam humanam esse tantam tamque insatiabilem, ut fieri vix

P 5

possit

(a) Prov. cap. 19. vers. 17.

(b) Chrysost. in Psal. 38.

possit quin ad dandas eleemosynas promptissimi simus, ubi audierimus non solum reddendum quod in stipem expendimus, sed etiam reddendum cum fenore. Avaritiam Salomon in seipso ideo spectandam exhibet, ut caveamus illam, abominemur, & fugiamus. Securi sumus Salomonem avarum, sequamur & liberalem.

C A P V T V.

Salomon Carnalis.

Hieronymus Cardanus vir variae eruditionis, asserit visum à se speculum illo artificio factum, ut si illud senex pallidus, exanguis, rugosus inspiciat, speculum pallorem, rugas, deformitatem dissimulans, vultum juvenilem & formosum representet. Cum Salomonem sub regni exordia, velut vitæ speculum inspiceremus, juvenem decorum, sapientem, omnigenis virtutibus ornatum vidimus; nihil in eo senile, rugosum, deforme. Ostendit se nobis Salomon castus & integer: cum enim vigesimum tertium ætatis annum ageret, jam maturus conjugio, non anhelavit nuptias cum uxore formosâ, sed cum cælesti sapientiâ: Da mihi, clamat, sedium tuarum assistricem sapientiam. En omnia etiamnum amabilia pulchra, eruditam juventutem spirantia:

Jam iterum idem speculum inspiciamus, sed heu quàm longe mutatam à priore faciem intuemur; senilem, sordidam, fœdam, rugarum

rugarum & turpitudinis plenam. Eheu! *Salomon Carnalis cernitur*. Spectatus à nobis est *Salomon Negotiosus, Inconstans, Prodigus, Avarus*, nunc & *Carnalem* spectabimus. Hac in re Salomonis dementata sapientia nimum quantum exerravit. Feminarum amor ludificatus est hunc regem in perpetuum modum. Miratur Orbis & obstupefcit tantam sapientiam eò deliriorum, eoque infania potuisse prolabi. Mi Deus, quomodo tandem sapientissimus ac pientissimus rex tam miserè seipsum perdidit? Hoc illum jam nomen decet; *Salomon Carnalis*. Atque de hoc nostra jam erit dissertatio.

§. I.

Templo Solymæo jam absoluto, itineribus jam confectis rex Salomon seipsum affatus: Vadam, inquit, & affluam delitiis, & fruam bonis. Fecit quod dixit, & voluptatibus se merfit. Fatetur id Orbi: Omnia quæ desideraverunt oculi mei, non negavi eis; nec prohibui cor meum quin omni voluptate frueretur, & oblectaret se in his quæ præparaveram: & hanc ratus sum partem meam, si uterer labore meo. (a) Num frustra laboraverim? Vites plantaverim, non gustem uvas? Apes foverim, non libem mella? pecus aluerim, non bibam lactis florem?

Rectissime dixit Severus Sulpitius: Hic semper ordo rerum est, à divitiis in vitia. Ita Salomon mortalium alioqui sapientissimus, divitiarum blandimentis & uxoris obstrictus illecebris, à majorum pietate deflexit.

Vivi,

(a) *Eccles. cap. 2. v. 10.*

Vivi, verique Dei cultum diræ superstitioni posthabuit, lucos coluit, & malos damones adoravit. Non siluerunt hæc libri divini: Rex autem Salomon adamavit mulieres alienigenas multas, filiam quoque Pharaonis, & Moabitidas, & Ammonitidas, Idumæas & Sidonias, & Getheas, de gentibus super quibus dixit Dominus filiis Israël: Non ingrediemini ad eas, neque de illis ingredientur ad vestras, certissimè enim avertent corda vestra, ut sequamini Deos earum. (a) His itaque copulatus est Salomon ardentissimo amore. Fueruntque ei uxores quasi reginæ septingentæ, & concubinæ trecentæ. Et averterunt mulieres cor ejus. En Salomonem carnalem, carnalissimum. Delictum hic duplex. Primum; in matrimonium duxit alienigenas. Alterum, nimis multas thalamo recepit. Theodoretus hæc injuriâ libidinosisimum vocat. Res omnibus retrò sæculis apud omnes gentes inaudita: Mille uxorum maritus. Assuerus quadringentæ numeravit. Darius trecentas sexaginta quinque, ut scilicet anni dies numero æquarent.

Historicus sacer Salomonis famæ ac purpura non pepercit, ut cuncta nossent secutura post sæcula, quàm effrenatæ fuisset incontinentiæ sapientissimus inter homines. Vxorum verò mille hæc fuit differentia. Erant sexcentæ profapiâ & alto sanguine reginæ veræ, principes sexcentæ quadraginta, nobilium feminarum trecentæ. Addimus è sacro carmine: Adolescentularum non est nume-

(a) 3. Reg. c. II. v. I. & Ex. c. 33.

numerus. (a) Voluit hæc æterna sapientia tam dilucidè perscribi, & uxorum regiarum numerum sciri, ut unà etiam intelligeretur quantopere displicuissent Deo tam multiplicatæ nuptiæ. Deinde ut summam Evangelii gratiam agnosceremus: & reipsâ cerneremus quâ malorum lernâ carnalis mergeretur. Certè Christus castiores nos mores docuit, alias conjugii leges pro concione explicavit. Sed huic nigerriam Salomonis incontinentiæ candidissimum pudicitæ conjugalis exemplum jungo.

Henricus Imperator admirandæ sanctimonix, jam fato vicinus Kunigundæ, conjugis suæ parentes & cognatos, proceresque alios acciri jussit: mox ad præsentem: En, inquit, conjugem mihi à vobis; imò à Christo consignatâ, ipsi Christo Domino nostro, & vobis resigno virginem vestram. Qualem accepi talem reddo: Virginem dedistis, virginem recipite. Obiit sanctissimus Imperator tam sui quàm Imperii Romani, anno Christiano millesimo vigesimo quinto Regem egit viginti quatuor annis, Imperatorem undecim, vixit universè annos quinquaginta duos.

Hæc sanè perquam miranda: sed fidei testatæ tabulas, more meo ad marginem notas produco. (b) Jobus cum oculis suis foedus sanxit, ut unâ contentus conjuge nec cogitaret

(a) *Cantic. cap. 6. vers. 8.*

(b) *Adelbodus Trajectinus Episcopus vitam Henrici Imperatoris scripsit. Bavaria sancta tomo 1. mihi pag. Antiqua lectiones Henrici Canisii tomo 6.*

taret quidem de virgine. Henricus Imperator, non cum suis solum oculis, sed cum omnibus membris suis, ut unicam quam duxisset conjugem, intactam custodiret virginem. O Salomon, ô Salomon, quantis intervallis horum virorum virtus te victum relinquit! Illos vicisti sapientiâ, sed ab illis victus es continentia. Imò quia tam nihili fecisti continentiam, ipso etiam te destituit sapientiâ turpissimè per libidinum blanditias dementata. Sed ut probè noverimus, quid appetitiones adversus rationem incitata, quid effrenes possint libidines, incontinentiæ mala sub oculos collocamus.

Primum: Homo effrenatæ cupiditatis & lascivus altum dormit: nam in suis sordibus adeò securus vivit, ut Dei maximam partem oblitus, nec inferos multum formidet, nec affectet calum. Suâ se libidinum saginâ pascit, futurorum incurius. Atqui oblivio Dei, malum est quod libidinofarâ vitam sequitur è vestigio. Gaspar Barcaus memorat in Guineæ fervoribus incolas dormire in aquis. Nam hic delitiæ sunt, inquit, in vasis aquâ plenis sopori indulgere, ac solo capite eminere, ubi ventilatio solatium præbet. (a) Homo carnalis & libidinum amans in canoso flagitiorum stagno suaviter immersus jacer & dormit in utramque aurem, & nec mortis viciniam, nec judicii thomphæam, nec ignes tartari, nec cali delitias animo volvit. Propriis miser indormit malis. Si non dormiret tam altum, subinde saltem serius cogitaret: Quàm profundum

meis

meis ipse fordibus mergor, quàm turpiter libidinis volutabro sepelior, dum malè vivo. Subitò finis est vitæ: quò migrabo? quò me rapiet Æternitas? quibus in locis meispsum reperiam? ah, gratiâ divinâ excidi: si talis moriar, talis & judicabor. Æternum perditissimus sum. Ah! inferorum antris proximus ago, levissimo mortis impulsu precipitor in flammæ, æternum ignis pabulum. Hac me cingunt pericula, & tamen dormio? Mors vicinissima est, & tamen dormio? jam fauces pandunt inferi; jam illuc feror glutendus, & tamen dormio? Quid facio infelix, cur non evigilo, & rebus meis attendo? Quàm jure calites mihi omnes occinant: Potes hoc sub casu ducere somnos? Simon dormis? Si centum tibi sint oculi, apertos serva. Mors momentis omnibus insidiatur. Sed plerunque frustra sunt hæc omnia. Homo lascivus dormit.

Alterum: Nec audit excitantes. Surda est Libido, aut certè digitis aures obstruit; monitores spernit, monitiones excludit; Deum vocantem fugit, invitantes Angelos repellit, consilia non admittit, omne jugum excutit. Audit quidem libidinis amans & legit, sed audita & lecta aures rimarum plenas perfluunt; (a) mens averfatur monita, velut politissimum ferrum colores respuit. Quidquid huic tali homini de voluptate caelesti, de suppliciis sempiternis, de horribili Numinis in id genus vitii furore ac vindictâ dixerit, ingemiscet aliquantulum & dicet: Credo cælum, & inferos credo: hoc Deo displicere

non

(a) Zu ein Ohr in / zu andern wider auß.

non ignoro, nihilominus, quæ hominis imbecillitas est, naturam huc trahentem comitor. Scio meliora proboque, deteriora sequor. Quid enim negem, aliud est scire, aliud facere.

Sed enim, mi homo, scienti & non scienti peccatum est illi. Nam quod Lucas ingerit. Servus ille, qui cognovit voluntatem domini sui, & non se præparavit, & non fecit secundum voluntatem ejus, vapulabit multis. (a) Christianæ virtutis est, non solum scire aut dicere, sed facere. Hoc fac, & vives, summi præceptoris iussa sunt. Sed quem libido irretiit, Athenis se natum credit. Valerius non injuriâ sugillat: Athenienses quid rectum sit, sciunt, sed id facere negligunt. Tales nos sumus, qui non ignoramus quid divinæ voluntatis sit, verum id exequi detrectamus; ore strenui, sed manu segnes.

In Narbonensi provinciâ, Plinio auctore, fons est quem Orge nominant, hinc herba nascuntur, quas boves expetunt tanto opere, ut mersis capitibus totis eas quarant: Homo libidini assuetus, degenerat in pecus, tantæque apperentiâ suas sectatur voluptates, ut in levi habeat caput inferis devovere; nullis emendatur monitis, nullis terretur minis, ad ipsas Tartari fauces peccare non differret. Noti nominis theologus (b) narrat hanc duorum sermocinationem. Sacerdos homini libidinoso, cujus conscientiam acceperat curandam, severius remedium applicandum ratus: Vide, ait, mi homo, toties

(a) Luc. cap. 12. vers. 47.

(b) Ioannes Major in suo speculo, mibi p. 783.

ties à me monitus, toties etiam rogatus ut castiores mores præ te ferres: sed effectum à me nihil est. In vetitum identidem ruis, & centies repetis ejurata. Veniam demum celestis gratiæ impertiri non potero, toties in idem scelus relapso. At ille obortis lacrimis: Etsi, ait, patulas inferorum portas cernerem, & cacodæmonas ad abripiendum me paratissimos, si tamen simul commoda delinquendi occasio se offerret, non sanè me continerem, quin delinquerem, tametsi scirem, me continuò scelere patrato in æternos ignes abjiciendum. En pecus ipsissimum. En bovem Narbonensem stupidissimum, qui caput inferis mergit, & herbam quærît quam appetit, avidissima voluptatis bestia sub facie humanâ. O quantum mali est libido sine freno? Videte infrenem Salomonis incontinentiam quò scelerum non est progressa?

Tertium: Libido ad magiam, veneficia, idololatriam patulum est ostium. Tot feminas virósque inter Christianos reperiri qui Christum ejurent & adorent cacodæmonem hirci formam indutum spurcissima prorsus Christianæ Reipublicæ & tetrissima labe, malum est prorsus incredibile & omni veterum idololatriâ multò tetrius. Nam illi truncos ligneos, saxeos, argenteos quos colebant Deos esse credebant, isti diabolum quem agnoscunt, omnibus obsequiis colunt, sæx hominum consceleratissima, ferro, flammis undique abolenda. Maleficos non patieris vivere. (a) Atqui scimus ab ænâ nō
 Q adeò

(a) Exodi cap. 22. vers. 18.

adeo multis per Germaniam aliquot millia
 fagarum & veneficorum ignibus contum-
 pta. Tot magistratus erroris & iniqui dam-
 nare iudicii temerarium & impium. Sed
 unde hac terræ pestis tam infanda? Quod
 esse solet principium tam abominandæ tur-
 pitudinis; Libido. Inspiciantur tot malefi-
 corum res gestæ, tot scriptorum testimonia.
 Lascivia & obscenus amor plurimos in
 hanc voraginem præcipitat. Habent venefici
 suas amicas; habent & suos veneficæ ama-
 ficos diaboles humanâ formâ fallentes. Hinc
 istæ tot lacrimæ.

Quid ergo miramur Salomonem sapien-
 tissimum pientissimumque regem in altissi-
 mam idololatriæ foveam prolapsus? In
 promptu causâ est: Libidinosus erat. Si cui
 diabolus hoc libidinis capistrum injiciat, ad
 omne flagitiorum genus non difficulter
 pertrahit. Nam quisquis hoc venenum se-
 mel gustaverit, letali dulcedine inescatus,
 eosdem bolos usque & usque repetet. Libi-
 do insatiabilis est; turpitudinem nescit tur-
 pitudini, scelus sceleri. Verè libido malum
 est quod totum pessundat & perdit Orbem.
 Samsones, Davides, Salomones in certum
 traxit exitium: Num illis nos fortiores, san-
 ctiores, sapientiores? Libido ejus genii fla-
 gitium est ut nec primum esse soleat nec
 ultimum, sed plurimam semper flagitiorum
 catervam post se trahat.

Quartum: Deus ab homine impuro &
 obscenarum sordium amante, omnem au-
 fert gratiam. Iam à primis Mundi cunabu-
 lis minatur Deus: Non permanebit spiritus

meus in homine in æternum, quia caro est. Auxilium & opem, præsidium & favorem illi omnem adimam, quia caro est: totam gentem humanam ultricibus aquis hauriam, quia caro est. Obserabo cælum, paradisi portas occludam, impudicus & contaminatus huc æternum non admitteur, quia caro est; libidinosos hircos ad inferorum stabulum deturbabo; immundum pecus ad agni coenam non ascendet, quia caro est. Ne miremur; Deus spiritus est purissimus, & eos qui adorant eum, in spiritu & veritate oportet adorare: (a) Quicumque jam totus est caro, nullâ cum hoc spirituungi potest amicitia; lutum & ferrum conglutinari non possunt. Columbola Noëmi cum non invenisset ubi requiesceret pes ejus, reversa est: (b) nec enim insidere cadaveribus sustinuit. Spiritus divinus effugiet fictum, & auferet se à cogitationibus quæ sunt sine intellectu. (c) Quidquid putidum, quidquid cadaverosum, quidquid spurcitas carnis olet, averfatur spiritus è cælo; castis habitat pectoribus. Nec enim Dagon & Arca Dei eodem possunt morari loco. Procul à cælo exulare jubet homines impuros Angelus, & altum vociferatur: Foris canes, & venefici, & impudici. (d) Atque hoc extremum malorum est quod sequitur.

Quintum: Hereditas regni caelestis, & beatitudo sempiterna homini libidinoso.

Q 2 : idum

(a) Ioan. cap. 4. vers. 24.

(b) Gen. cap. 8.

(c) Sap. cap. 1. vers. 5.

(d) Apoc. cap. 22. vers. 15.

dum talis est, penitus præclusa est. Decretoriam Paulus sententiam pronuntians : Omnis fornicator, inquit, aut immundus, aut avarus non habet hæreditatem in regno Christi. (a) Nemo quidem hostium, vitiosorum nemo cohares erit Christi, sed primi tamen, quos Paulus ab hæreditate hac depellit, sunt fornicatores & immundi. Deus non tolerat tales in beatorum regno. Exesse hinc Veneris sodales : Filii à Deo abdicati ; Exhæredes esse jubemini. Ad furva regna Proserpinæ vestra vos Venus vocat. Nemo potest duobus dominis servire, Deo & Mammonæ, Deo & Baccho, Deo & Astartæ. In morte occinetur omnibus impuræ Veneris cultoribus : Vbi sunt Dî vestri, in quibus habebatis fiduciam, de quorum victimis comedebatis adipēs, & bibebatis vinum libaminum : surgant & opitulentur vobis, & in necessitate vos protegant. Videte quod Deus noster sit solus, & non sit alius Deus præter illum. (b) Rem magis explicamus.

Duo fratres, sed alter foro non legitimo natus, defuncti patris hæreditatem venerant divisuri. Sed pro regionis more ac ritu divisio sic erat instituenda, ut sorte lecti, alter quidem dissortiones ac partes faceret, alter primus partem traheret. Sors natu majorem jusserrat esse partitorem. Ille rem sic aggressus, ut unâ parte omnes patris facultates poneret, alterâ statueret defuncti pellicem, putatitii fratris matrem. Ergo junior, adolescens fatuus & lascivus, matrem elegit, hære-

(a) *Ephes. cap. 5.*

(b) *Deut. cap. 32. vers. 38.*

hæreditate totâ cessit. Sed stultissimus opinionone præsentium iudicatus est. Nec immeritò. Haud aliter egit Salomon. Deus illi gloriam, divitias, sapientiam liberalissimè donavit; beatitudinem ut filio promisit, Magnificatus est rex Salomon super omnes reges terræ divitiis & sapientiâ: Et universa terra desiderabat vultum Salomonis. (a) At Salomon concessam sibi gloriam, divitias, sapientiam, desponsum cælum velut semovens, cum mille uxoribus iniit connubium, & unâ idololatriam, rejectâ sapientiâ, in matrimonium duxit. Ita homo carnalis non magnam numerum & nominis, & multò minorem cæli ac Numinis rationem habet, & veluti minor ille ac factus frater, ad suum arbitrium libidinèmq;e, delicias ac voluptates, quas unicè quærit amplectatur: valeat cæli hæreditas, modò liceat frui præsentibus. Ideo per Orbem proclamat Paulus: Omnis fornicator, aut immundus non habet hæreditatem in regno Christi & Dei. Carnalem autem immundum nominamus illum, qui hoc sollicitus agit ut animum & cupiditatem expleat, appetentiæ carnis indulgeat, & legem credat quidquid illa suaserit: quemadmodum fatua mater caro, sed delicato & licentioso infanti annuit in omnibus, nefas existimans aliquid recusare: ita ratio impiè benigna corpori licentias pessimas indulget. Quivis attendat sibi, ne Deus causam habeat conquerendi de se ac dicendi: Non permanebit spiritus meus in te, quia caro es. Nostri est arbitrii

Q 3

perire

(a) 3 Reg. cap. 10. vers. 23.

perire malle, an carnis nequitias odiffe. Audemus pravis cupidinibus adversari: Omnis ponderatio non est digna continentis animæ. (a)

(a) *Eccli. cap. 26. vers. 20.*

C A P V T VI.

Salomon Luxuriosus.

Quid causæ sit obsecro, quod Simiæ tantopere ament specula. Num forsitan illis adeò placet, eas homini tam esse similes? Naturæ mystes Plinius: Simiarum genera, inquit, perfectam hominis imitationem continent, facie, naribus, auribus, palpebris: in manibus digitos, ungues, longiorémque medium habent. Eas autem ex omni genere animantium esse simillimas hominibus, imò pæne homines, id eis speculum dicit. Interim tamen non vident animantes miseræ in objecto speculo, se ab homine differte in plurimis. Ergo speculum non homini solum sed & aliis animalibus est usui.

Homo sine pietate ac spiritu, qui que suis irretitus vitiis vivit tam à psalte Hebræo quàm à Tarsensi Paulo confertur pecori: Animalis homo non percipit ea quæ sunt spiritûs. (a) Homo cùm in honore esset non intellexit, comparatus est jumentis insipientibus, & similis factus est illis. (b) Quod si hominum ullus transeat in pecudem, certè carnalis

(a) *I Cor. cap. 2. vers. 14.*

(b) *Psalms. 48.*

carnalis & libidinosus celerrimâ metamorphosi migrat in bestiam, tametsi speciem retineat humanam : quamvis enim ratione polleat , quando tamen cupidinum affectus incipiunt in pectore tumultuari , ita eò ardentius properat, quò trahitur à libidine, ac si omni penitus careret ratione. His objicit Deus speculum, Salomonem regem sapientissimum, qui eò devenit dementia, ut non tantum *Salomon carnalis* , sed insuper etiam *Salomon luxuriosus* sit appellandus , quod hoc capite monstrabimus.

Hoc certè speculum hominibus & bestiis, continentibus & lascivis , castis & impuris suam cuique formam exhibet : & hos & illos docet. Sicut enim si simia speculum inspiciat, simiæ facies per speculum prospicit, hominis si homo : ita si vagæ libidinis homo Salomonem ut speculum sibi objiciat, seipsum, hoc est, hominem libidinosum cernet ; si pudicus & castimoniam amans eundem consideret, ad castimoniam strictiorem stimulos persentiscet , non solum quia & Salomon castus olim , sed etiam quia posterior illius , & solutior vita hominem verendum, ad majorem cautionem, & ad crebriorem gratiarum actionem impellit. Hic tamen sciamus speculum tersum solo anima foetentis halitu, aut aëris densioris nebula contaminari. Luxuria est nebula & quidem foetidissima, quæ suam omnem speculo laudem adimit. Hoc ergo capite dicendum , quomodo foetens luxuriæ nebula Salomonem velut tersum speculum infecterit.

S. I.

I. Nebula cælum terramque involvit, ut nec illud nec illa videatur nisi ad pauculos passus. Nec enim cæli serenitas cæruleum tapetem suum explicat, nec suum terra virorem aut flores ostentat, rebus omnibus suis aufertur color, & velut erudum lintheum oppanditur, cum aër nubilat. Fœda luxuria nebula omnem Salomonis laudem, sapientiam, decus & gloriam obscuravit. Si primam Salomon continentiam non abieciisset tam turpiter, nos ad illum supplices etiamnum tenderemus manus, & ut sanctum coleremus, quemadmodum ejus parentem David, quem Album tam Patriarcharum quam Prophetarum & sanctorum milium recepit. De Salomone ancipitis sumus sententiæ: inferos an cælum habitet, nescimus. Immenso Salomon thesauros auri & gemmarum in nebulæ hujus tenebris amisit. Planè proterviam fecit, & pecuniam, & gloriam & sapientiam flagitiosè perdidit. Siticides acerbè opprobrians: Dedisti maculam, inquit, in gloriâ tuâ. Collegisti quasi aurichalcum aurum, & ut plumbum complesti argentum, & inclinasti femora tua mulieribus. Potestatem habuisti in corpore tuo, dedisti maculam in gloriâ tuâ, & profanasti semen tuum, inducere iracundiam ad liberos tuos, & in ceteris stultitiam tuam, ut faceres imperium bipartitum, & ex Ephraim imperare imperium durum. (a) Tu, ô Salomon, in hac fœtenti nebulâ dormiebas, sed Deus

variis

(a) *Eccli. cap. 47. vers. 22. & seqq.*

variis te mœroribus excitavit. Sunt qui censeant Salomonem tristitiâ multiplici extinctum.

II. Nebula non rarò foetet. Luxuriæ proprium est patrati facinoris foetores relinquere : eam ob causam hædo hircoque animalium olentissimo confertur. Minatur sponsus puritatis amantissimus : Si ignoras te ô pulcherrima mulierum , egredere & abi post vestigia gregum tuorum , & pasce hœdos tuos. Interpres hujus conminationis Ambrosius : Lasciviam corporis, inquit, & luxuriam irrationabilem sumit per hœdos. Venturus Orbis judex Christus de geminâ sui tribunalis sententiâ : Oves quidem, inquit, statuet à dextris suis, hœdos autem à sinistris. (a) Credibilissimum prorsus est maximam Christianorum partem ad inferos ablegandam à judice ob luxuriam. Eamque ob rem omnes damnandos à potiori parte appellari hœdos. Philippus Neri (b) sacerdos Romanus, vir sanctissimus, ut ejus res gesta testantur , libidinis foetorem aliis insensilem, in hominibus latentem olfecit. Reverâ foetet hæc nebula, sed obesas nares hîc foetor non penetrat.

III. Nebula & flori arborum nocet & fructibus. Vnicum mane nebulosum, vel in solis glandibus multa florenorum millia in provinciâ non adeò amplâ potest impedire. Hic luxuriæ genius est, bonos omnes sanctasque cogitationes jugulare in ipsâ radice. Si

Q 5

quid

(a) *Matth. cap. 26. vers. 33.*

(b) *Anno 1622. à Gregorio XV. in Divarum syllabum relatus.*

quid subinde casti desiderii, si quid salubrioris propositi, si quod emendationis consilium in animo est, mox illud necat nebula, hoc est, affectus contrarius. Nam Caro statim præpedimentum obiciens: His autem cogitationibus, inquit, paullo latioribus (foedas intelligit) valedicere non potes; hoc cibo, hoc potu, hoc somno carere non es assuetus; hanc animi relaxationem, has voluptates penitus ejurare longè difficillimum; non potes. Obsequere aliquantulum genio, & assuetudini pare: quid frustra te fatigas? Naturam sensim temperare, non subito par est frangere: in veniam Deus est facillimus, modò pœniteat facti. Hæc carnis sunt susurramina; ita coluber ex orco sibilat dum in exitium sibi annuentem pertrahat. Moraliū doctor Gregorius dicta confirmans: Ex quo, inquit, luxuria mentem semel occupaverit, vix eam bona desideria habere permittit. Sunt enim viscosa desideria: ex suggestionē oritur cogitatio, ex cogitatione affectio, ex affectione delectatio, ex delectatione consensus, ex consensu operatio, ex operatione consuetudo, ex consuetudine desperatio, ex desperatione damnatio. Ita identidem itur in antiquam silvam & reditur, & demum peritur. Princeps ab Oriente lobus immunditiam omnem fortissime averfatus: Si deceptum est, inquit, cor meum super muliere, & si ad osium amici mei insidiatus sum. Hoc enim nefas est & iniquitas maxima. Ignis est usque ad perditionem devorans, & omnia eradicans
geni-

genimina. (a) Hæc urens nebula virtutem usque ab radicibus extirpat.

IV. Nebula in ætate plerunque fulgura & tonitrua ciet, caussamque præbet tempestatibus. Nimirum Ira & Amor impotentissimi affectus sunt. Vix autem ullum est flagitium quod tam tristes, acerbos, miserabiles casus, tot tamque horribiles tragoedias excitatit atque Luxuria. Carolus Sigonius de Regno Italiæ differens, casum longè acerbissimum, tempestatem multò terribilissimam ob virginem violatam, hunc in modum recitat: (b)

An non horribilis hæc fuit tempestas? quid hoc casu infestius, quid funestius hæc tragoedia? Vnicæ virgini offertur vitium, & inde tota civitas, totus pæne Oriens in exitium præcipitatur.

Novarum etiam tragoediarum satis est. Anno millesimo quingentesimo quadagesimo quarto; die decimâ quartâ Iunii Ioannes Manlius Norimbergâ VVittenbergam hæc scripsit. Scholasticus cum viduâ consueverat. Tulit illa uterum; demum puerpera infantem sacro fonte misit tingendum. Curio sui officii memor, quis infantis esset pater, sciscitatus est. Cùm nutrix nollet aut non posset parentem nominare, infans à Curione remissus est absque sacro baptismo. Mater infamiæ metu consternata miserum infantem necdum lustratum thermis clam submersit, seipsam suspendit. Scholasticus.

(a) *Iob. cap. 31. vers. 9. 11. 12.*

(b) *Carolus Sigon. lib. 11. de Regno Italiæ, vñi, pag. 277. & seqq.*

sticus, geminati funeris se reum perhorrescens, gladio pectus hausit. Curio ubi hanc funebrem seriem intellexit, importunam tergiversationem suam triplicis homicidii causam fuisse ratus collum in laqueum inseruit & abruptit vitam. Horrendum hunc casum Lutherus singulari gemitu deploravit. Ah quàm horrenda facinora corpus & animam perdunt? Ergo, inquit Manlius, cremus & vigilemus, Satan non dormit. (a) Mille talia committuntur, sed testa, suo tempore in lucem eruenda. Oremus & vigilemus.

V. Nebula morborum causa. Quot flagitiâ ab unâ luxuriæ radice pullulant. Theologorum antistes Thomas Aquinas de numero consequentium se vitiorum differens: Cæcitas mentis, inquit, inconsideratio, præcipitatio, inconstantia, Amor sui, odium Dei, affectus præsentis sæculi, horror futuri, filiæ luxuriæ rectè dicuntur. (b) Cui Gregorius Magnus accedens: Superiores, inquit, vires maximè per luxuriam deordinantur, scilicet ratio & voluntas. (c) Inter Luxuriæ filias prima est cæcitas mentis: hæc agmen ducit. Mens oculos claudat; sopita sit ratio, & omnia ubique vitia licebunt: in foveam cæcum ruere, nil miri est. Luculentum ejus rei documentum est Salomon. Quàm is sanctum habuit parentem! quàm ab eo sub exitum vitæ graviter & severè monitus est, ne nunquam à Deo descisceret!

quàm

(a) Man. tomo 2. Collectan. mihi pag. 141.

(b) S Thom. 2. 2. q. 153. a. 5. conclus.

(c) Greg. lib. 31. mor. cap. 131.

quàm educatus sanctè , quàm ad omnem pietatem & Dei cultum formatus est! Quàm tamen hæc omnia fuerunt frustra , quamprimum Salomon esulam rotundam seu pepulum^(a) admordit, hoc est, ubi facere cœpit luxuriæ , heu quàm mutatus ab illo est ! omnia vitia quæ antea ignorabat, jam exerce-
re incipiebat prodigus, avarus, tumidus, Dei contemptor , idololatra , vitiis coopertus , quia luxuriosus. Vbi luxuria, ibi morborum agmina. Qui pestiferâ laborat febre, sat morborum habet.

Hieronymus Fracastorius inter medicos vir magni nominis , morbos contagiosos explicans : Si febrem pestilentem , inquit , definire licet , dicemus esse febrem sordidæ & profundæ putrefactionis , includentem seminaria acutissimæ contagionis , propter quod & letalis est. Ad vivum luxuriam depinxit. Ea certè febris est identidem recurrens, indefinenter exaestuans: hinc sordidissima illa & profunda nimium putrefactio; hinc seminaria complurium flagitiorum. Propter quod & letalis est. Lerna malorum luxuria. Verissimè dixit Pius II. Pontifex Maximus : Luxuria ætatem omnem fœdat, senectutem extinguit.

VI. Nebula latronibus amica , insidiis & fraudibus in bello sæpe commoda. Latrones ex orco, luxuriæ nebulâ tecti, tam vicinis castris hominem obvallant , ut quandoque , Deo annuente , & animum & corpus hominis velut castrum occupent. Tobias juvenis comiti suo , & duci Angelo non sine

terro-

(a) Zenssmilch.

terrore propinquum sibi periculum expone-
 ns : Et quomodo ego, inquit, Raguelis fi-
 liam Saram in matrimonium ducam ? Au-
 dio illam jam septem maritis nuptum loca-
 tam, sed omnes ordine mortuos esse. Sed &
 hoc audiui, quia dæmonium occidit eos. Ti-
 meo ergo ne fortè & mihi hæc eveniant.
 Cui Angelus : Audi me, inquit, & ostendam
 tibi, qui sunt quibus prevalere potest dæ-
 monium. Hi namque, qui conjugium ita
 suscipiunt, ut Deum à se, & à suâ mente
 excludant ; & suæ libidini ita vacent, sicut
 equus & mulus, quibus non est intellectus
 habet potestatem dæmonium super eos.
 Quis enim verò crederet in ipso conjugio
 tam graviter delinqui *pravâ intentione*, ut ei
 vindicanda sit morte, & quidem tali, subita
 & horribili. Non arguuntur septem illi viri
 contra legitimum tori usum quidquam fe-
 cisse. Hoc illis vitio solùm vertitur : Con-
 jugium ineunt, immemores Dei, & sese
 velut jumentum dedunt libidini. His la-
 trones ab inferis sunt proximi, sed nebu-
 lâ luxuriæ tecti, quò minus observentur
 tam vicini.

Solitus est quidam maritus, quod Plautus
 narrat, inaniter gloriari ac dicere : Alienus
 ego non sector; uxore vivo contentus me.
 Cui adstantium aliquis prudenter : Ne, in-
 quit, triumphes, mi homo, potest quis è suâ
 etiam dolio, suoque vino reddi ebrius. Sa-
 lomoni certè hoc contigit, qui cellas suas
 mille doliis, conclavia sua mille uxoribus
 arctavit. Hinc temulentia illa insana ; hinc
 flagitia multa ; hinc ipsa idololatria.

VII. Nebula viatoribus inimica, præsertim navigantibus, cum nullum in cælo sidus effulget. Ad cælum nobis omnibus eundum: sed vix miseris qui hac luxuriæ nebulâ involvuntur: non vident infelices quò eant, & quò longiùs abeunt, graviùs errant. Salve & vale cælum, si sic pergant. Oseas præmonens: Fornicatio, inquit, vinum & ebrietas auferunt cor. Quàm decora sit virtus, quàm deforme sit vitium, non discernunt. De his Hebræus Sapiens: Veluti, ait, si avis festinat ad laqueum, & nescit quod de periculo animæ ejus agitur; ita ipsi properant ad exitium. Non illum dixeris infelicitè factum, qui pauculas in senticeto mellis guttulas inveniens, cum extremo vitæ periculo hæret ad melleam hanc prædam, lambit quæ certam sibi mortem. Sua ipsi mens dicit: Hæc tibi mors, hoc tibi mel gulam franget: Hæres & lambis? periisti. Mellitam credis luxuriam? toxicum est letalissimum. Animi salus æterna hoc mellis linctu perditur. Scit ista luxuriosus, nec tamen cavet, nec suas sibi ab ullo patitur delicias eripi. Inhonestum hoc quidem, inquit, & vetitum; ego tamen pergo. Subinde pedem retrahit demens hic viator, sed formidine pœnæ, non virtutis amore. Fuerunt & inter idololatrias olim qui speciosissimis verbis luxuriosam vitam ejurarent. Quibus facete Comicus: Hæc verba, inquit, una falsa lacrimula restinguet. (a) Luxuriosi hominis pœnitentia non rarò risum movet diabolo, qui non ignorat ridiculam & inconstantem eam esse san-

(a) *Terentius Eunuch, act. I. scen. I.*

sanctimoniam, quæ defietum scelus denuo
audet patrare. Sed planam habent viam vi-
tia; inoffenso pede ambulatur & curritur.
Siracides affirmat: Via peccantium com-
planata lapidibus; & in fine illorum inferi,
& tenebræ, & poenæ. (a)

Videte obsecro Salomonem regem pri-
mis quidem annis castum & sanctum: ma-
gnis ille passibus ibat in calum, in virtu-
tis semiâ felicissimè progressus: videbatur
ad immortalitatem religione & memoriâ
jam consecrari posse. Post annos aliquot
foetente luxuriæ nebulâ involvitur, igno-
tos suo parenti calles insistit, avius incedit,
toto aberrat cælo, viam peccantium com-
planatam properat in exitium. O Salomon,
Salomon! Quam capisti bene, quàm diffi-
cilem capitis nexuisti finem! Sed atris Sa-
lomonis moribus, Casimiri candidos oppo-
namus. Casimirus juvenis castissimus, patre
Casimiro Jagellonio rege Poloniae natus,
religiosissimam in aulâ vitam egit, jejniis,
humicubationibus, ciliciis, aliisque magnis
rigoribus carnem exercuit: dixisset hostem
corporis juratissimum. Illud huc proprie
spectat adversus Salomonem luxuriosum
& polygamum. Illud Siracidae Casimirus
pectori tam alto inscripsit: (Omnis ponde-
ratio non est digna continentis animæ) ut
cùm eum morbus letalis corripuisset, à cæ-
pto vitæ proposito nec latum quidem un-
guem abduci posset. Suadebant medici, pa-
rentes rogabant & pæne præcipiebant, do-
lores impellebant, ut eam vitæ rationem
aliâ

(a) *Eccli. cap. 21. vers. 11.*

aliâ emutaret. Vox medicorum erat: Vxor-
rem duceret; aliter ei moriendum esse. Ad
quæ Casimirus: Ergo moriar, inquit, nec in-
vitus: mihi hoc potius erit, quam capta
non sine probro deserere. Est alia vita, pro
quâ hanc mortalem perdere lucrum est. Ita
mortuus est. Anno Christiano millesimo
quadringentesimo octogesimo quarto die
quartâ Martii. Hunc Leo X. Pontifex Ma-
ximus immortalitate consecravit. Hanc
pretiosam in conspectu Dei mortem sub-
secuta testabantur miracula. Et certe mirissi-
mum illud primum. Qui vivus tabe consu-
mebatur, mortuus in sepulchro à tabe illa-
sus in hunc diem servatus est. Alterum:
Membra jejuniis exhausta, ciliciis & flagris
attrita, nunc morbos pellunt ex afflictis
corporibus. Tertium: Matri Virgini sacrum
carmen panxerat: Omni die dic Mariæ,
mea laudes anima &c. Hoc quotidie in lau-
dem Virginis pronuntiavit, hoc unâ secum
ad sepulchrum detulit, quod anno mille-
mo sexcentesimo quarto in defuncti pecto-
re repertum. Quam longe alius Salomon
è cygno corvus, vitiose mulierosus, in ido-
latriam flecti cereus. Casimirus juvenis
regius olor niveus, candidissimus castita-
tem & pudicitiam sic amabat, ut maluerit
mori, quam non dicam verecundiam offen-
dere, sed vel legitimas nuptias cogitare.
Omnis ponderatio non est digna continen-
tis animæ.

Hæc Salomon optime scivit, sed turpissi-
me neglexit. Nimirum foetens luxuriæ ne-
bula illum seduxit.

R

Cavete,

Cavete, Christiani, hæc vos nebula involvat. Nos imbecilles, caro petulans, natura depravata, pervigil cacodæmon, blandiens luxuria facilis descensus Averni est. Optimum adversus luxuriam remedium, Fuga omnium occasionum. Quisquis in hoc vitium proclivior se sentit, assidue sibi ipse dicat: Fuge otium, fuge alienæ formæ curiosum obtutum, fuge insidiatricem domum, suspecta fuge colloquia, blandientes fuge occasiones, fuge, fuge vel umbram luxuriæ. Scis quid Servator de aspectu increpando pronuntiarit: Ego dico vobis, quia omnis qui viderit mulierem ad concupiscendum eam, jam mœchatus est eam in corde suo. (a) Ergo tuis cave oculis: scintilla neglecta sæpe magnum excitavit incendium, omnes tibi fugiendæ sunt illecebræ. Hoc vitii genus vincimus fugiendo.

(a) Matth. c. 5. v. 28.

C A P V T VII.

Salomon Ingratus.

IN speculis & hoc miramur: Monstra speculum ea etiam quæ à tergo sunt, Subinde ad longiorem distantiam. Sum specula quæ homini in plateâ stanti repræsentent ea quæ in domo superiore fiunt: diverso si quis in conclavi agat, etiam si per fenestras non prospiciat, à speculo discere potest, quid fiat in plateis. Ita seipsum quis à tergo contemplari potest, præsertim si duplex habeat speculum, alterum alteri

fic oppositum , ut ab illo in istud imagines transfundantur.

Talia humanæ genti specula proponit Deus, in quibus liceat videre quæ plurimis retro sæculis sunt gesta. Ab ævo Salomonis bis mille & sexcenti fluxerunt anni. Quod igitur ante tot annos bene vel malè factum, quod Deo vel placuit vel displicuit, id nunc in Salomone velut in humanæ vitæ speculo clarissimè contuemur. Proximum caput Salomonem nobis Luxuriosum monstravit. Istud *Salomonem Ingratum* exhibebit.

§. I.

Ingrati animi crimen in plurimas sese formas diffundit; latissime patet. Nam, quod beatus Thomas observat, Ingratitudo velut fermentum omnia peccata permeat; ingratiitudo materialis, ut ille loquitur, in quolibet peccato est. (a) Gratus animus, seu quod propitiis Grammaticis dicamus, Gratiitudo tres habet gradus. Primus est, Agnoscere beneficium. Grati animi homo fatetur: Hoc mihi non debebatur, quod multis negatum est. Et quidem hoc mihi beneficium hic talis contulit, modo tam suavi & comodo, manu tam liberali & benigna. Secundus est, Laudare beneficium & gratias agere, se gratum sistere: quod decimus leprosum, qui à Christo sanati, fecit, qui regressus est cum magnâ voce magnificans Deum, & cecidit in faciem ante pedes ejus, gratias agens. (b) Tertius est, Retribuere, & remetiri be-

R 2.

nesi-

(a) *S. Thom. 2. 2. q. 107. articul. 4.*

(b) *Luc. 6. 17. v. 16.*

neficiū , pro loci , facultatum , temporis ratione.

En scalas brevissimas trium dumtaxat graduum. Inverte, & Ingratitudinis scalas habebis. Ita quidem ut qui primus fuerat gradus fiat ultimus, & iste in primum substituitur. Nam divi Thomæ animo, quod primum in generatione, est ultimum in resolutione. Ita fundamentum ædificandæ domus primum est, sed ultimum destruendæ. Testum cum domus educitur, est ultimum; cum solvitur, primum.

Primus igitur ingratitude gradus est, Non retribuere, nec ullam reddere vicem. Secundus, Non laudare beneficium, sed dissimulare, perinde si nihil acceperis: imò etiam quandoque factam gratiam vituperare. Tertius est, Nec quidem agnoscere beneficia, aut etiam malefacta censere. Salomon per hos ipsos gradus à verâ pietate in altam impietatis voraginem præcipitavit. Igitur iratus est Dominus Salomoni quod averfa esset mens ejus à Domino Deo Israël, qui apparuerat ei secundo & præceperat de verbo hoc ne sequeretur Deos alienos, & non custodivit quæ mandavit ei Dominus. (a)

Ita per primum ingratitude gradum à Deo averfus descendit, quia non *Retribu*it, imò pro beneficiis malefacta rependit. Quot enim idolis templa condidit? Cuiuslibet uxorum singularis Deus aut Deaster fuit, cui etiam singulare fuerat struendum templum. Atque in hunc modum fecit uni-

versis

versis uxoribus suis alienigenis, quæ adolebant thura, & immolabant diis suis. Per alterum ingratitude gradum se demisit, quia Dei beneficia dissimulavit, imo & vituperavit. Aversa est mens ejus à Domino Deo Israël, perinde si Deus illi aut nihil, aut certè non satis dedisset. Ad tertium denique gradum devenit, & beneficia in se collatâ nec agnovit quidem. Sub regni principia audiebantur piæ voces illæ: Benedictus Dominus Deus Israël. Domine Deus Israël non est similis tui Deus in celo desuper, & super terram deorsum: qui custodis pactum & misericordiam servistuis, qui ambulant coram te in toto corde suo. (a) Eo tempore agnoverat Dei beneficia. Sed hæ preces non sunt auditæ amplius post tot uxorum connubium.

Davidi etiamnum imperanti Nathan non adeo suavis nuntius superveniens è catalogo cœpit Dei beneficia recensere, sed simul etiam animum ingratum opprobrians: Ego unxi te, inquit, in regem super Israël & ego erui te de manu Saul, & dedi tibi domum domini tui, & uxores domini tui in sinu tuo, dedique tibi domum Israël & Iuda: & si parva sunt ista, adjiciam tibi multo majora. Quare ergo contempsisti verbum Domini, ut faceres malum in conspectu meo? Uriam Hethæum percussisti gladio, & uxorem illius accepisti in uxorem tibi. (b) Vbi voluntas in Deum grata? Nunquid homicidio & adul-

R 3

terio

(a) 3 Reg. c. 8. v. 15. & v. 23. ac seqq.

(b) 2 Reg. c. 12. v. 17.

terio putabas parem Deo gratiam referendam?

At Salomoni multo magis opprobriari potuit: Pater tuus opilio fuit, Deus illum ab ovibus ad diadema in solium evexit, grandes illi thesauros dedit, sed tibi longe grandiores, sed & gloriam longe ampliorem, sed & sapientiam multo maximam, qua homines universos & qui fuissent & qui futuri essent longissime anteires. Vbi nunc gratus animus? Vbi flexilis in divina obsequia voluntas? Extera gentis uxores Deus singularrissime cavendas iussit, tu luculento Dei praecepto refractarius, non unam alteramve, non octodecim, ut tuus pater, sed mille & quidem religionis damnatissimæ matrimonio tibi iunxisti. Hæccine rependis Deo, Rex fatue, Rex ingratissime?

Tanto autem sceleratior fuit hæc ingratitude, & severa reprehensione dignior, quanto ea erat contumacior. Salomon namq; his monitus est, non hac pergeret, revocaret gradū ac resipisceret: Apparuerat ei Dominus secundo, & præceperat de verbo hoc, ne sequeretur Deos alienos, & non custodivit, quæ mandavit ei Dominus. (a) Hic apparuit profecto quanta vis libidinum, & quā gravi tyrannide appetitiones impura hominem occupent, exerceant, præcipitent. Mentis Cécitas prima Luxuriæ filia. Monetur Salomon ab ipso Deo, nec semel tantum monetur, idque in re omnium gravissima, Deos fides fugere, impias religiones cavere, idololatricam odisse. At Salomon monitorum obli-

viosus

(a) 3 Reg. c. II. v. 9. & 10.

viosus contemptor negligit, quâ caput viâ pergit, & monita & præcepta nihili ducit, tanquam si Deo tot nominibus obstrictus non sit. Ingratitudo summa. Non alium Deus monitorem misit, ipse monuit, Nam Salomon uxoriis blanditiis jam dementatus, voces prophetæ risum jocumque fecisset. Tandem Deus adfuit sed ultor à tergo: Quia, inquit, habuisti hoc apud te, & non custodisti pactum meum, & præcepta mea quæ mandavi tibi, dirumpens scindam regnum tuum, & dabo illud servo tuo. (a) Hac ingrati animi sunt præmia.

Quàm multò gratioris in Deum animi fuit Bohemiæ rex Wenceslaus qui omni vitâ virgineum in se pudorem tuitus est. VVenceslao frater erat moribus longe dissimilimis, quando ille ab avia Ludmillâ, iste à Brahomira femina perquam impia educatus est. Invitarat VVenceslaum sanguinarius frater ad epulum ab infantis baptismo celebrandum. VVenceslaus tanquam præfagiret illi animus quid in se frater moliretur, poenitentiam & eucharistia se munit. Boleslaviam ergo venit, ubi exceptus est humanissimè, ne suus sceleri deesset color & fucus. Venitur ad convivium; benevolam omnia magnificentiam promittebant. Diu sedetur, & epulum studio protrahitur. VVenceslaus & cibus & convivalibus fabulis jam pridem satur, veniam petit secessus in domesticum templum. Data promptissime. Hic frater Boleslaus ad omnem fraternæ cadis opportunitatem attentissimus, hanc de-

R 4

mum

(a) *Ibidem vers. II.*

num occasionem sibi commodissima ratus, fratrem ē templo redeuntem obtruncavit. Primo quidem ictu gladius ferienti excidit, sed animum & gladium resumens atrox sicarius, aggressu altero fratrem confecit. Miserum fraterna manu cadere, sed beatum ē tali causā. Innocentis corpus confodi non miramur; nunquam confoditur Innocentia. VVenceslao animus & mos fuit qui regio vati: Media nocte surgebam ad confitendum tibi: Benedicam Dominum in omni tempore, semper laus ejus in ore meo. Gratissimus Deo exitit, ad Deum cuncta retulit. Quod vel inde liqueat.

Oho Imperator optionem potestatemque fecit VVenceslao petendi à se quod vellet. Ille hoc unum petere instituit, brachium beati Viti quod ē Galliis in Saxoniam allatum, & divi Sigismundi sacra lipsana. Caesar non solum his votis statim annuit, sed regiam insuper dignitatem, suaeque insignia, Aquilam fuscā in candida planitie habere iussit, à tributis etiam immunem esse voluit. Cum summa gratiarum actione hāc VVenceslaus accepit, sed in regem ungi modestissime recusavit. Nihilominus eum Caesar alique principes in litteris nominarunt regem. VVenceslaus sua se opinione dimittens, beneficiis à se collatis nunquam se satis gratum censuit. En iterum atrorem & candorem concertantes, Salomonem regem ingratum. VVenceslaum regē gratissimum.

Ad gratitudinem tribus gradibus, ut dictum, pervenitur. 1. Beneficium agnoscendum. 2. Agendae gratiae. 3. Retribuendum.

Opti-

Optimus Deus in nos quotidie, quot horis, momentis singulis beneficus est. Agnoscamus benefactorem cum assiduâ gratiarum actione. Examen conscientiaë quotidianum ideo quoque necessarium ob gratiarum actionem, ne divinorum beneficiorum immemores, & vivamus & moriamur ingrati. Amplior autem sit gratiarum actio necesse est, ubi beneficia sunt copiosiora. Christus Simoni Phariseo id exponens: Duo, inquit, debitores erant cuidam feneratori: unus debebat denarios quingentos, & alius quinquaginta. Non habentibus illis unde redderent, donavit utrisque. Quis ergo eum plus diligit. Cui Simon: Æstimo, ait, quia is cui plus donavit. Recte judicasti. Idem hic. Frequentior & operosior sit gratiarum actio, ubi plura vel majora sunt beneficia. Quod divus Gregorius affirmans: Cum augmentur dona, inquit, rationes crescunt donorum. (a) Plus accepisti? austiorem refer gratiam. Quid autem, inquis, retribuemus? omnia Dei sunt; sua illi munera reddemus. Rex David etiam hac in re sollicitus: Quid, inquit, retribuam Domino, pro omnibus quæ retribuit mihi? Calicem salutaris accipiam, & nomen Domini invocabo. (b) Gratus est Deo, qui quidquid poenarum immititur à Deo, tranquillo & submisso perfert animo. Ita Venceslaus dominicum calicem accepit, omnes à fratre injurias, & ipsam denique mortem ab eodem illatam, animo pertulit æquissimo. Gratus est Deo-

R 5

que

(a) *Gregor. homil. 9. in Evangel.*(b) *Psal. 115.*

que retribuit, qui tam donantem quam flagellantem Deum diligit.

C A P V T VIII.

Salomon Superbus.

Hieronimus Cardanus asserit, reperi specula rotunda, medio densiora, sine omni plumbo illito: ab his minus perinde ut à conspiciis objectam rem ostendi; ab iisdem vero et minus, ut ab aliis speculis imaginem redhiberi. Plumbum metallorum vilissimum, ad nostra tamen specula conducit plurimum. Nam et sine plumbo aliis vitris sunt æqualia, nullas repræsentant imagines; nemo seipsum, nemo alia cernit in vitro, cuius aversam partem non munit plumbum. Quamprimum autem vitri tergum imbuat plumbum, mox varii usus fit speculum.

Animi submissio, seu, Humilitas, videtur esse infimi pretii metallum, infectum & rude plumbum, quod sua gravitate semper ad terram vergit. Nihilominus si desit plumbum, non fiet speculum. Eadem fere cum virtutibus est ratio. Hominum nemo virtutum compos dicitur, qui Humilitate caruerit. Argumento certo est nullam apud eum habitare virtutem, ubi Humilitas exalaverit. Cristallum sunt ceteræ virtutes purissimum, Humilitas plumbi vice fungitur. Si conficiendum sit speculum, necessarium prorsus est, ut vitrum oblinatur Humilitatis plumbo.

Vide.

Videbatur certe Salomon non una solum præditus virtute, cristallum credi poterat tennerrimum, nitidissimum, sed quia ipsi decerat Humilitatis plumbum, omnia alia quamvis splendida nudum erant vitrum & quidem fractum. Nullam in suis adibus virtutem patitur superbia. Superbus es? Ergo virtute plane omni destitutus es. Nec enim vera vel liberalitas vel magnanimitas aut alia virtus ulla consistit cum Superbiâ. Hac etiam Salomonem non leviter afflavit. Salomonem ingratum, caput proximum exhibuit spectandum. Hoc Salomonem superbum exhibebit.

§. I.

Humanum ingenium à se proclivissimum ad superbiam & improbum volatum, si jam acquirit alas, ab artibus, scientiis, laudibus, divitiis, dignitatibus, fit prorsus indomabile, & volatus meditatatur altissimos. Contemplare reges quos nominat sacra pagina, Pharaonem, Nabuchodonosorem, Herodem, Arphaxad, Antiochum, de quorum ultimo sacer historicus testatur: Existimabat se præ superbia terram ad navigandum, pelagus verò ad iter agendum deducturum, propter mentis elationem. (a)

Hac etiam in parte impegit Salomon gravissime, quod tamen non sine miseratione illius dicimus: nam superbiæ choriagium omne habuit; pæne nihil pennarum illi defuit ad volandum; opulentissimus, potentissimus, sapientissimus fuit. Hac elationi

ni

(a) 2 Machab. c. 5. v. 21.

ni alas faciunt, quibus feratur in altum. Orbis Salomonem pane adoravit, ut hominem caelo lapsum, & homine majorem. Ab quis sui tam potens, praesertim ante Christi magisterium, qui tot incitamentis impellatur ad superbiam, & non superbiat? Atqui superbia sapissime punitur luxuriâ. Qua de re vates Ezechiel: Habens, inquit, fiduciam in pulchritudine tuâ, fornicata es in nomine tuo. (a) Quod Gregorius exponens: Fiducia, inquit, suâ pulchritudinis animus attollitur, & per eandem fiduciam ad fornicationem ducitur. Confirmat hæc uberime Apostoli Magni testimonium: Quia cum cognovissent Deum, inquit, non sicut Deum glorificaverunt, aut gratias egerunt, sed evanuerunt in cogitationibus suis, & obscuratum est insipiens cor eorum. Propter quod tradidit illos Deus in desideria cordis eorum, in immunditiam, ut contumeliis afficiant corpora sua in semet ipsis. (b) Idem evenit Salomoni. Evanuit, & seipsum paullatim amisit. Ita latens superbia perdit hominem, velut rivus aut flumen quod pratum alluit, quotidie lambendo & abradendo ita sensim terram cespitemque avellit, ut pratum denique totum appareat absumptum. Haud aliter fastus exedit, consumit, perdit.

Humilitas servat, & ad Deum evehit. Pelagius scriptor Græcus bona fide memorat: Religiosus senex hebdomades septuaginta jejuniis rigidis traduxit, eo prorsus fine ut

ii

(a) *Ezech. c. 16. v. 15.*

(b) *Rom. c. 1. v. 21. & seqq.*

in divinâ paginâ dicti alicujus sensum intelligentia posset assequi. Non est assecutus t. nro tempore; inedia tam diuturna nec hulum quidem profecit: eadem, quæ prior, caligo. Tandem sibi ipse: Quid frustra, inquit, me fame macero, quin ad alios mihi vicinos eo & interrogo? Submittat se, qui vult erudiri. Ergo eo & à quo docear, inquiero. Dum ostium claudit, adest Angelus peregrini schemate velatus. Et heus tu, inquit, itineri potes parcere: tot hebdomades jejuniis actæ placuerunt Deo, plus tamen placuit submissio quæ dome te ejecit, ut ires & quæres à vicino fratre, quod ignorabas. In eam rem ego missus sum, ut pandam tibi hætenus occultata: en hic sensus est dicti. Humilitas ad Deum evehit, superbia à Deo abducit: ita quidem ut quo se quisque credit altiore, eo sit depressior à supremâ veritate, Dei delitiæ sunt altos dejicere. (a)

Rex Syria Benadabus bibebat temulentus in umbraculo suo, & reges triginta duo cum eo, qui ad auxilium ejus venerant. Ausus autem turgidissimus rex Syrus dicere: Hæc faciant mihi Dii, & hæc addant, si suffecerit pulvis Samarię pugnillis omnis populi qui sequitur me. Cui prudenter & fortiter Rex Israël respondens: Ne gloriatur, inquit, accinctus æque ut discinctus: Ne triumphum canamus ante victoriam. Eo ipso tempore vatum unus Achabum regem adiens proclamavit libere: Hæc dicit Dominus: Certe vidisti omnem multitudinem hanc

(a) *Telag. libell. 15. n. 72. Rosvveid, mi-
pog 620. 1. f.*

hanc nimiam? Ecce ego tradam eam in manum tuam hodie, ut scias quia ego sum Dominus. Et ut sciretur manifestissime regem Syriæ superbissimum non à militaribus copiis sed à Deo debellatum, iussit propheta non selectos milites sed pedisse quos principum provincialium ducentos triginta duos homines nequaquam strenuos, sed viles & paucos in aciem educi primos. Qui quidem ad fugam aptiores quam ad pugnam videri poterant. Veruntamen Deo rem gerente, ita pugnarunt pauci illi adversus immensam multitudinem, ut Syrii cæsi & fugati sint. Rex ipse Benadadus cum suis equitibus fugit, Israëlè acriter insequente. Hac hostium strage animatus Rex Israëlès egressus est & ipse cum suis, & tam equitatum omnem quàm falcatos currus partim in fugam avertit, partim jugulavit, affecitque omnem Syriam ingenti clade. (a) Ita Deus in superbos pugnat: hic Dei mos est, humilia & contemptibilia Mundi eligit ut confundat fortia. Ita in Pharaonem ranas, ciniphes, muscas, locustas vexatrices immisit, cum nec sepulchro quidem dignatus, quem hausit fluctibus: ita Goliathum unico stravit silice, ut non gloriatur omnis caro. Sed Salomoni Robertum & Eduardum reges adstituimus. (b)

Duo sunt quæ animi Modestiae, seu Humilitati adjumentum adferant singulariter. *Susplicere & Despicere*. Neutrum Salomon scivit, nec enim suspiciebat satis nec despiciebat. Primum est *Susplicere*; quod Salomon

eru-

(a) 3 Reg. c. 20. vers. pluribus diversis.

(b) Cat. hist. c. 7. p. 77. & 78.

erudite poterat alios docere, non ipse facere. Doctorem agens ita loquitur: Excelsior est alius, & insuper universæ terræ rex imperat servienti. (a) Quisquis cogitat: Supra nos est iudex cui non verborum tantum & actionum, sed & cogitationum reddenda est ratio: profecto alas ingenii tumidi submittit; & ad genua sui se iudicis provolvit. Idcirco vociferatur David: Inteligite hæc qui obliviscimini Deum, ne quando rapiat, & non sit qui eripiat. (b) Dixit insipiens in corde suo, non est Deus. Quid inde mali secutum? Corrupti sunt & abominabiles facti sunt in studiis suis, non est qui faciat bonum, non est usque ad unum. (c) Sic viæ omnium qui obliviscuntur Deum. (d)

Salomoni assidue ac pensiculate cogitandum fuisset. Comoedia est vita nostra; choragus Deus, Mundus theatrum. Sua cuique persona imponitur à chorago, huic regis, illi consiliarii, huic cerdonis, illi fabri, alteri Mendici: ita quidem iste Priami, hic Agamemnonis, Hectoris partes alius sustinet, ille Melanthium Vlyssis servum agit. Quis ego sum! Rex Hebræus in Israël & Iuda. Videbo igitur ut personam meam quam optimè agam. Quis autem intus & in cute sum? Homo fragilis, obnoxius peccatis plurimis, stipendiarius mortis, imago instantiæ. Hoc diadema, sceptrum istud, hæc purpura sunt ornamenta exterioris quam ago personæ. In fine comoediæ hæc omnia Mors coget deponere. Choragus ista dedit,

hæc

(a) *Eccles. c. 5. v. 7.* (b) *Psal. 49. v. 22.*

(c) *Psal. 13. v. 1.* (d) *Iob c. 8. v. 13.*

hac mihi Deus concessit; si iis, dum licet, non legitime utar, quod suum est Deus repetet, & quidem non sine meo dedecore, dabitque actori meliori. Alius quidem in hac vitæ fabulâ futor est, alius agricola, hic pistor, ille mancipium molendinarium. Quid enim verò refert quam quis agat personam, modò eam bene agat. Qui est omnium dominator Deus non verebitur magnitudinem cuiusquam, quoniam pusillum & magnum ipse fecit, & æqualiter cura est illi de omnibus. Fortioribus autem fortior instat cruciatio. (a)

Ita tibi, mi Salomon, fuisset suspiciendum ad Deum. Hoc suspicere, animi modestiam mire adjuvat & auget.

Alterum Humilitatis grande adjumentum est *Despicere*; Mortalitatem & sepulchrum frequenter cogitare. Quod Iustus in Politica eruditione prudenter monuit, hoc sapius insufurrandum Salomoni: Cogita supra hominem te, sed hominem esse. Quamdiu autem esse? Mors imminet & æquabit. Regnas? Potes subjici. Dominari? potes servire. Quidquid alte se sustulit opportunum est ad casum. Nulli fortunæ minus credendum quam optimæ. (b) Sardanapalus eam vixit vitam, ut pæne tota, non aliud fuerit quam ebrietas mera; Tandem cum aliquantulum edormisset crapulam, incidi iussit temulo manum digitis complotis cum dicto Regna omnia nec tanti sunt.

Philippus Rex Macedo à victoriâ Charonem

(a) Sap. c. 6. v. 8. & 9.

(b) Lipsius in Mon. Polit. l. 2. c. 13.

nenſi nonnihil inflatioꝝ litteras accepit ab Archidamo Spartanorum, in quibus & hoc monitum: Metire umbram tuam, nihilo reperies auſtiores. Comiter admittit rex Philippus hanc moniti libertatem, cūnque in palæſtrâ toto corpore in arenam eſſet prolapſus, ubi ſurgens corporis ſui menſuram in arenâ vidit: Prô, inquit, quam parvam terræ partem fortiui, Orbem appetimus?

Reverâ frangit ſuperbiam, ita deſpicere & obtueri terram. Si Salomon poſt Chitiſi mortem vixiſſet, & ſciviſſet ea quæ pueri noſtri & puellæ ſciunt, forſan aliter ſe geſiſſet. Quia verò Chriſtianam legem, quæ accuratiſſimam exigit caſtitaſtem neſciit, auſus eſt tot exterarum mulierum amoribus ſe contaminare. Quamvis & hoc adverſus expreſſiſſimam Dei legem egerit, & ita nec ſuſpexerit ad Deum, nec deſpexerit ad ſepulchrum.

Hæc duo ſanè, *Suſpicere* tribunal imminens futurūque judicem; *Deſpicere* habitandum poſt breve tempus carcerem, non difficulter hominem in officio continet, eūnque immunem à toxico ſuperbiæ tuetur. In eam rem rogandus aſſiduè Deus: Illumina Domine oculos meos ne unquam obdormiam in morte: ne quando dicat inimicus meus, Prævalui adverſus eum. (a) Ajunt ſi fulmen hominem clauſis oculis tangat, ita illos diduci, ut claudi ampliùs nequeant: & è diverſo ſi apertis ſit oculis qui fulmine afflatur, ita oppilari oculos ut ampliùs aperiri non poſſint: Si oculos clauda-

S

mus

(a) *Pſalm. 12. v. 4.*

mus dum vicimus, & ita superbiæ aliorum, que vitiorum semitam percurramus, subito iræ divinæ fulmen feriet nos, oculosque ita diducet ut claudi ulteriùs non possint aternitate totâ. Iuxta est Dominus iis qui tribulato sunt corde, & humiles spiritu salvabit (a) Humiliamini ergo in conspectu Domini, & exaltabit vos. (b)

(a) *Psal. 33. vers. 19.*

(b) *Iac. c. 4. v. 10.*

C A P U T IX.

Salomon Imprudens.

Philostratus Apollonii Thyanaei panegyristes de monarchis Indiæ hæc commemorat: Indi reges, cùm dormitum eunt, placidam & modestam musicam adesse curant, homines ad tibiam cantantes, eo fine, ut bonis utantur somniis, & benigni fiant in subditos, illisque bene consulentes surgant. (a)

Salomon in subditos tam clemens & benevolus, tam rectè illis consulebat, ut Siraides dicat: Salomon dilectus in pace tua. (b) Et certè in Gabaon feliciter somniavit, cùm sapientiam obtinuit. Et impletus est quasi flumen sapientiâ. (c)

Seneca de Nerone juvene: Nemo unus homo, inquit, uni homini tam charus fuit, quàm ille suo imperio. Et ipsemet Nero
glori-

(a) *Philostat. l. 2. c. 14.*

(b) *Eccli. c. 47. v. 18.*

(c) *Ibid.*

gloriabatur, quòd nulli unquam citiùs commissus esset gladius. Nam septemdecim erat annorum cùm salutatus est Imperator, & nullam tamen, ut aiebat, sanguinis humani stillam in Orbe fudit.

Salomoni hoc magis congruebat: Dilectus es in pace tuâ. Nemo alterum sic amavit, ut regem suum Hebræi, quem norant esse sapientissimum & iustissimum. Sed quomodo obscuratum est aurum, quomodo mutatus est color optimus? (a) Prudens, Justus, Sapiens erat Salomon: nunc alia omni; Insuper, demens, fatuus. Sed ut illustrissimam hanc regis fatuitatem tantò luculentius ponamus, prius naturalem Salomonis prudentiam inspiciamus. De sapientiâ parte priori actum. Nunc è prudente Salomone insipientem & delirantem considerabimus.

(a) *Thren. cap. 4. v. 1.*

§. I.

Prudentiam Salomon circa tres potissimum homines ostendit, Adoniam fratrem, Ioabum ducem, Semei calumniatorem, quos prudenter oppidò punivit. Adonias matrem subornans oratricem petiit sibi in conjugem Abisag Sunamitidem, quam sibi pater David junxerat matrimonio. Salomon petitione hac auditâ, mox subodoratus, quid vellet: Hæc faciat mihi Deus, inquit, & hæc addat, quia contra animam suam locutus est Adonias verbum hoc. Video, quid velit; regnum cogitat & ideo uxorem patris mei reginam postulat. Erroris primæ

veniam dedi, rebellem in gratiam recepi; tumultuationem alteram non patiar con-
valescere. Hodie occidetur Adonias. (a) Oc-
cifus est. Providens Salomon in seditione,
dum cresceret, opprimendâ.

Ioab dux belli sapiens & hercle strenuus,
sed quia infantes duos Abnerum & Ama-
sam deliberatâ & perfidâ corde sustulerat,
quia etiam Adoniæ factiosis consiliis fave-
rat, supplicium commeruit: sed eum rex Da-
vid aggredi non est ausus, tum quia ipsius
operâ plurimum egebat, tum etiam quia
Ioabus apud populum & milites auctorita-
te maximâ pollebat. Ergo eum Salomon
committens puniendum: Facies ergo, in-
quit, juxta sapientiam tuam, & non deduc-
ces canitiem ejus pacificè ad inferos. (b) Pro-
pterea illum Salomon occidi jussit, nege-
minatum homicidium esset impunitum.

Tertius Semei homo versutus, impudens,
seditiosus, regis David petulantissimus, &
in os calumniator. Salomon à funere pa-
rentis vetuit hominem vagari, & aliò ex-
currere, sed hæere Ierosolymis in urbe, ne
remotus ex oculis, haberet causiam concita-
ndæ seditionis, aut ne novam incenderet
calumniam apud Benjamitas, è quorum
sirupe oriundus erat. Ita Semei prohibitus
erat transire Cedron, aut à civitate longius
abire. Post aliquot aristas Semei legis vel
minus memor vel certè contemptor, re-
gium mandatum ausus est violare, & re-
motior ire in Geth ad reprehendendos e
fugi

(a) 3. Reg. cap. 2. vers. 23. & seqq.

(b) Ibidem.

fugâ servos, idque contra expressum quod fecerat iusjurandum. Salomon virum perfidum in urbem retrahens capite mulctavit, duplicis mortis reum, & quia regiam Majestatem in patre læserat, & quia perjurus in fide non stabat. (a) Magna Salomonis prudentia quæ vagum & scelestum ingenium edo adegit, ut vel frenos pateretur, & caveret noxam, vel certè novam mereretur mulctam. Prudenter. Utinam hæc etiam Constanter. Omnium temeritas & stultitia mala est, regum verò pessima; vel quia impune peccent, vel quòd ad exemplum multò efficacior sit quàm privata.

Prudentiæ princeps officium est præterita recordari, præsentia ordinare, futura providere. Isocrates apud Stobæum: Vir prudens & frugi, ait, debet præteritorum meminisse, agere præsentia; futura cavere. Latinis Prudens, à fronte simul & occipitio oculatus est, ut videat, *Qua sint, qua fuerint, qua mox ventura trahantur.* (b) Prudentis est præterita cum præsentibus & futuris componere.

Salomon præteritorum oblitus, præsentium deliciarum intemperans gurgēs, futuram seriem malorum imprudentiâ summâ non cavit. Nec prudentiorem se filium reliquit. Malus milvus, malum ovum. Nec enim minùs stultè Roboamus Salomonis filius florentissimum regnum à patre relictum fando perdidit, intempestivo ad populum responso: omnes namque præter unam, qua ipse censebatur, Israëlitarum

S 3

tribus

(a) Ibid. (b) Virgil.

tribus à se in discordiâ irreparabilem aver-
tit. Postulatum autem est ut aliquid laxa-
menti à diuturnis laboribus, saviq̃ue indi-
ctionibus & tribu'is populo daretur: pluri-
mum enim impensarum & opera in tem-
plo & regiâ domo tam adificandâ quàm
alendâ exhaustum. At stultus rex stultorum
juvenum consilio usus tam acerbè & im-
maniter respondit, ut regnum tantâ indole
à majoribus conditum, & audum, in partes
continud sit scissum. Apparuitq̃ue nullum
majus regnorum esse prasidium, quàm po-
pulorum benevolentiam & studium, qui-
bus sublati nullum diu stabit imperium.

Ita imprudens & stolidus Salomon, im-
prudentissimum & stolidissimum regno fi-
lium reliquit. Principia Roboami fatui à fi-
ne Salomonis stulti non degenerarunt. Sa-
lomon insigniter deliro poterat illud oc-
centari: Hæccine reddis Domino rex stulte
& insipiens? Nunquid non ipse fuit pater
tuus, qui possedit te, & fecit, & ditavit te?
Memento dierum antiquorum, cogita ge-
nerationes præteritas, interroga David pa-
trem tuum, & annuntiabit tibi, majores
tuos, & dicent tibi. (a)

Christus Servator omne tempus quod
prudencia solet circumspicere, brevi dicto
complexus: Attendite, inquit, ne justitiam
vestram faciatis coram hominibus, ut vi-
deamini ab eis. En tempus prasens. Alio-
quin mercedem non habebitis apud patrem
vestrum, qui in cælis est. En tempus futu-
rum. Amen dico vobis, receperunt merce-
dem

(a) Deut. c. 32. v. 6. pauculis mutatis.

dem suam, (a) hypocritæ illi cum eleemosynas facerent, voluerunt ante se cani. En præteritum tempus.

Prudentiæ Christianæ est ut hanc temporis differentiam tam in seipso quivis, quàm in altero, quàm etiam in Christo Domino attendat.

I. *Præteritum tempus* in seipso quilibet considerabit tali ratione: Mi Deus, quot annis jam vixi, quousque ætatem perduxî? quàm ad seria & salutis negotium attentus fui? Michæas id mihi præcinit: Indicabo tibi, ô homo, quid sit bonum, & quid Dominus requirat à te: Vtique facere iudicium, & diligere misericordiam, & sollicitum ambulare cum Deo tuo. (b) Num igitur sat Deo gratus fui, pro tot, tantis, tamque prolixis beneficiis? quàm hætenus animi curam habui, quibus vitiis insuevi? Si peccata mea priora, sint simul omnia, quantus, ô superi, noxarum foret cumulus? quomodo pecuniam expendi, quomodo tempus rem omnium pretiosissimam consumpsi, in ceteris rebus caducis qualem me gessi? Num annos æternos in mente habui, num æternitatem & æternam felicitatem animo desideravi? Num in viâ sum ad cælum, num potius ad inferos tendo? quam hucusque semitam servavi? Hæc sanè consideranda sunt plurima: hæc opus ad Diogenis laternulam *præteritum tempus*, ejusque periodos exactè inspicere.

Præsens tempus ita dimetiemur. Quid jam

S 4

ago,

(a) *Math. cap. 6. v. 1. & seqq.*

(b) *Mich. c. 6. v. 8.*

ago, dum ad mortem eo? Hora est jam me de somno surgere. (a) Ecce nunc tempus acceptabile, ecce nunc dies salutis. (b) Hic obsecro, damnatorum aliquis emergens ex inferis die tali quomodo uteretur? tu igitur illo sic utere ut non damneris. Age quod agis, ne subito præoccupatus die mortis scriptum poenitentiae quæras, sed non invenias. Volucre tempus prætervolat, & non revertitur. Utere, dum licet, tempore, instat æternitas.

Futurum tempus. Dicat quisque sibi: His vitiis serviebas hætenus, his animi morbis laborabas. Agedum vitiorum turbæ renuntia, in libertatem tēmet asserere. Hæc tui sunt arbitrii: Si serio velis, jam liber es. Emenda & exue mores pessimos priores. Dum vivimus, nunquam nimis serum est resipiscere, & è libidinis cæno emergere. Tu igitur quamprimùm in viam redi, & animum ad bonam frugem applica: Dic plurimam salutem turpi vitæ; Ejura constantissimè quidquid hætenus in Deum malè patraisti. Agis ergo, nunc alius esse debes è toto.

Quam prudenter Abraham præteritum præsens & futurum tempus distinguens, & Lothum patruum ad concordiam invitans: Hætenus, inquit, mei ac tui pastores creberrimè iurgati sunt; res malum fortietur finem ni obsistamus. Ne quæso sit ampliùs inter me & te, meos & tuos pastores iurgium, cūm fratres simus. Hoc potiùs agamus, separemur loco & terris, ut tantò ar-

etiùs

(a) Rom. cap. 13. vers. 11.

(b) 2. Cor. cap. 6. vers. 2.

Amis jungamur animis. Ecce amplissima regio in oculis tuis est; elige quam volueris partem: si dextro tibi magis placeat, ego sinistram occupabo; sin autem sinistram malis, ego dextram retinebo. (a) Ita suos quisque mores ad emendatiorem normam revocans ipse sibi dicat. Hoc haecenus factum est, hoc impossibile faciendum est: consuetudines improbae melioribus vincenda. Amanti & volenti nihil difficile.

Si Salomon hac fuisset usus prudentia, & illud temporis discrimen animo impressisset, in illam malorum voraginem non incidisset; sed heu peregrinis amoribus pessime dementatus hanc omnem e peccatore prudentiam expunxit, & eo se duci passus est, quod nemo prudens exerrat.

II. In altero triplex hoc tempus ita considerandum est humanae prudentiae. Et quomodo, dicat quis sibi, adversus homines alios me gessi: Quoties, & quam multorum famae ac nomini obtrectavi, quam multis exemplo nocui, quantos offendi, quot etiam injuriis & damnis affeci? quos obsecro sincere ac caste dilexi? quantis fortunam optimiorem invidi? quam crebros cane, pejus & angue odi? In hostes & inimicos qualis fui? Num Christianae charitatis in me vel scintilla vixit? Num inimicos & ocores meos, prout dominus jubet, dilexi? Num pro iis oravi, num illis bene feci? Haec oris dominici iussa sunt.

Sed age, dic, qualis etiamnum in parentes, in cognatos, in omnes alios sum? Num erga

S 5

ullum

(a) Gen. c. 13. vers. 8.

ullum hominem animum acerbum aut exulceratum gero? Num quemquam vexo, insequor, affligo?

Sed enim dic etiam, & quomodo deinceps in alios me geram? an non odium, omnesque simultates ponam? An non aliis maledicere, & detrahere cessabo? an non alios offendere, & injuriis desinam incessere? Alioqui certè hæc omnia & quidquid damnorum aliis intulero, in me meumque caput recident. Dominicum effatum non nescio: Quâ mensurâ mensi fueritis, remetietur vobis. Quod Augustinus explicans: Talem, inquit, unusquisque indulgentiam accipiet à Deo, qualem fecerit proximo. (a)

Iethro sacerdos quàm pulchrè Mosis genero suo hæc tria tempora distinguens: Non bonam, inquit, rem facies. Stulto labore consumeris, & tu, & populus iste. Ultra vires tuas est negotium: solus illud non poteris sustinere. Præteritos monstrat errores Iethro, unaque docet quomodo futuris impræsentiarum occurrendum. Sed audi verba mea, inquit, atque consilia mea, & erit dominus tecum. Hoc præsentis erat temporis; istud futuri. Esto tu populo in his quæ ad Deum pertinent, ut referas quæ dicuntur ad eum. Provide autem de omni plebe viros sapientes & timentes Deum, qui judicent populum omni tempore. Quidquid autem majus fuerit, referant ad te, & ipsi minora tantummodo judicent, leviusque sit tibi partito in alios onere. Si hoc feceris, im-

plebis

(a) *Aug. tract. 5. in Ioan.*

plebis imperium Dei, & præcepta ejus poteris sustentare. (a) Decora temporum discretio. Sic quisque sibi imperet: Provide maturè, provide ne hoc amplius fiat: provide ne alios ulterius oneres injuriis: provide ut ovis è lupo, medicus & benefactor è tortore.

Si Salomon hac prudentiæ circumspectione suos subditos gubernasset, nunquam seipsum tot moeroribus, nunquam illos jugo tam gravi oppressisset.

III. In Christo Salvatore triplex hoc tempus prudentia Christiana ita considerat. A præterito creatorem veneratur, qui & corpus & animam, & omnia tam corporis quàm animi dedit præsidia. Quoniam ipse creavit nos, sed non eo fine, ut hîc velut saginandi boves latis pascuis inerremus:

Os homini sublime dedit, calûmque tueri

Iussit, & erectos ad sidera tollere vultus. (b)

Quàm autem conditoris & cæli olim possidendi memores sumus: pervellens aurem Ecclesiastes: Memento, inquit, creatoris tui, in diebus juventutis tuæ antequam veniat tempus afflictionis, & appropinquent anni de quibus dicas: Non mihi placent. (c)

A præsentis tempore Redemptor cogitandus, qui pro humanâ gente non solum in crucem suffixus est ante annos mille sexcentos, sed etiânum hac ipsâ die, hac horâ deprecatorem, advocatum, pararium & conciliatorem nostrum in cælo agit. Paulus vel-

ut di-

(a) Exodi. c. 28. v. 17. & seqq.

(b) Ovid. l. 2. metamorph.

(c) Eccles. cap. 12. v. 1. & 2.

ut digitum intendens cælo, dilucidissimè :
Christus Iesus qui mortuus est, inquit, imò
 qui & resurrexit, qui est ad dexteram Dei,
 interpellat pro nobis. (a) Ocellus Christi
Joannes idem testatur : Advocatum habe-
 mus apud patrem Iesum Christum justum;
 & ipse est propitiatio pro peccatis nostris :
 non pro nostris autem tantum, sed etiam
 pro totius mundi. (b) Christus igitur nunc
 etiam causæ nostræ agit patrocinium.

A futuro tempore considerandus est Or-
 bis arbiter & Iudex. Inde venturus est ju-
 dicare vivos & mortuos. Ille ipse qui affixus
 cruci, qui mortuus, qui sepultus est, om-
 nem humanam gentem judicabit. Ipse est
 enim qui constitutus est à Deo iudex vivo-
 rum & mortuorum. Huic omnes prophete
 testimonium perhibent. (c) Sed & Evangeli-
 stæ omnes, quorum hoc testimonium est.
 Videbunt filium hominis venientem in
 nubibus cæli cum virtute multâ & glo-
 riâ. (d) Nam omnes nos manifestari oportet
 ante tribunal Christi, ut referat unusquis-
 que propria corporis, prout gessit, sive bo-
 num, sive malum. (e)

Mardocheus ut persuaderet Estheri, ad re-
 gis genua animosas preces sterneret, suum-
 que populum periculo præsentissimo eri-
 peret, hæc ipsa tria tempora illi cogitanda
 proponens : Recordare, inquit, mea Esther,
 te fuisse pauperculam luto hærentem sine
 num-

(a) *Rom. cap. 8. vers. 34.*

(b) *1. Ioan. cap. 2. v. 1. & 2.*

(c) *Act. c. 10. vers. 42.*

(d) *Marc. c. 13. v. 26.* (e) *2. Cor. c. 5. v. 10.*

nummis & dote, ego te parvulam educavi. Sed cogita modò quis præsens tui populi tuorumque civium sit status: omnium jugulis impendet gladius. Actum est de nobis omnibus, nisi tu sententiam fatalem mollias precando. Nunc quidem regina es; olim mendicabulum. Sed revolve potes in pristinam vilitatem. Perpende igitur, quid allatura sit fors futuri mali. Si enim nunc silueris, per aliam occasionem liberabuntur Iudæi: & tu, & domus patris tui peribitis. Et quis novit utrum idcirco ad regnum veneris, ut in tali tempore parareris. (a)

Cogitemus & nos de nobis simillima. Eramus omnes Iræ filii, æternum perditissimi. Verùm ab interitu Christus suomet nos sanguine vindicavit. Nunc autem quo in statu versamur? Optimum inter pessimùmque medio: & ad inferos & ad superos apertissimum est iter, huc vel illuc tendere, non sibi est conatus & arbitrii. Hæc utamur prudentiâ, ne contra nos clamet Isaïas: Quis cæcus nisi servus meus, & surdus nisi ad quem nuntios meos misi? Qui vides multa, nonne custodies? (b) Suam Christus voluntatem cruore suo in nostris cordibus scripsit: hanc interpretatur prudentia, illud cuius identidem instillans: Cogita qualis fueris, qualis sis, & qualis futurus sis. Agnosce tuum Conditorem, dilige Redemptorem, time Iudicem.

Quin Salomoni Deus multa de Christo in Orbem mittendo patefecerit, non dubitamus,

(a) *Esth. c. 4. v. 14.*

(b) *Is. c. 42. v. 19.*

tamus. At Salomon præteritorum immemor, præsentium cæcus amator, futurorum non prospiciens, magnificis quidem atque regiis, sed verè grandibus delitiis prudentiam in se omnem turpiter corrumpit. Inde omnia retro ferri, & pectus ire, in ipsum denique Idololatriæ barathrum corrui. Verè *Salomon imprudens*. Sed non hinc stitit secunda progenies malorum. Usque ad supremum fatuitatis gradum Rex sapientissimus ascendit. Hoc ergo superest, ut etiam *Salomonem fatuum speilemus*. Nunquam levis impendiis delirant Reges.

C A P V T X.

Salomon Fatuus.

Libertus Augusti Cæsaris Phædrus, vir eruditus & castæ latinæ oppido gnarus apologum narrat hunc in modum: Civis Romanus filium habuit & filiolam formæ dissimillimæ, fortunâ insolenter errante. Filius Hyacinthus contra quam fieri amat, præstantissimæ formæ, Tulliola filia insigniter deformis erat. Vtriusque vaga ætas speculum matris reperit & inspexit. Puer speculum ad eò sibi favere animadvertens. Heus soror, inquit, quàm ego formosus sum ad te collatus, & quàm tu nihil habes formæ! ô deformem Canidiam! Puella impatiens tam acerbi vituperii rem patri detulit, & fratrem graviter accusavit, quòd speculum rem *feminarum* inspexerit.

Patet

Pater utrumque peramanter amplexus, o mea pignora, inquit, cupio ut speculum quotidie inspiciatis: Tu, quidem Hyacinthule, ne scitatum & decoram speciem pravis moribus vitiisque corrumpas: Tu verò Tulliola, ut sequiorem formam virtutibus & morum concinnitate commendes. Sic ambo rectissime habebitis.

Speculum humanæ vitæ Salomonem jam sapius inspeximus, & mira quæ nemo expectasset, vidimus. Negotiosum, Inconstantem, Prodigum, Avarum, Carnalem, Luxuriosum, Ingratum, Superbum, Imprudentem spectavimus. Sequitur è vestigio Fatuus, & de quo quærere jure liceat: Rex sapientissime, Tu quis es? Qui fieri potuit mutatio tam incredibilis, è tam sapiente tam Fatuus? Nos ergo stultitiæ causas studiosius indagabimus.

S. I.

Eò rerum progressi sumus, ut qui jure dicebatur Salomon sapientissimus, jam merito appellari possit Salomon stultissimus. Cum oraculis divinis patrum priscorum testimonio consentiunt. Ad rem Ambrosius: Salomon, inquit, sapientiam nec principio sui regni habuit, nec in fine possedit. (a) Quod Augustinus confirmans: Salomonis initia, inquit, desiderio sapientiæ flagrant, quam cū amore spirituali adeptus esset, carnali amisit. (b) Eadem Bernardus sentiens: Vti Samson vires, ait, sic Salomon sapientiam

(a) *Ambr. apol. 2. pro David cap. 6. & 7.*

(b) *Aug. lib. 3. de doctr. Christ. cap. 21.*

tiam amisit, & ex toto desipuit. (a) Eadem utriusque causa, libidinibus inflammatus & furens animus. Turpissimam sapientiae jacturam Ecclesiastes ipse deplorans: Et ipsa inquit, longius recessit à me multò magis quàm erat. (b) Prima igitur amissae sapientiae causa libido. Alteram Gregorius suggerens, Salomon, ait, priusquam caderet, nihil in hoc mundo adversitatis habuisse memoratur. Sed concessa sapientia cor funditus deseruit, quòd nullà vel minimà tribulationis disciplinà custodivit. (c) Quid opus multis testibus? Ipsi de se Salomoni credemus, qui seipsum fatuitatis summæ damnans: Stultissimus sum virorum, inquit, & sapientia hominum non est mecum. (d) Verè stultissimus erat Salomon, si liceat cum Theologis loqui, non speculativè, non theoricè, sed practicè; sciebat meliora probabatque, deteriora sequebatur, faciebatque quod solent hominum stultissimi. Hinc eum Ambrosius & Hieronymus *insatutus* appellant.

Quà verò ratione Salomon ad stultitiam redactus sit, & an habitum sapientiae amiserit an actum, non interest scire. Hæc scholis relinquimus disceptanda. Illud magis ad nos. Stultitia seu fatuitas Salomonis ferè triplex. Prima Naturalis, à delitiis & voluptatibus contracta. Quid enim Salomon

templa

(a) Bern. epist. 109.

(b) Eccles. cap. 7. vers. 24.

(c) Greg. 3. parte pastoral. admonit. 27.

(d) Plures hic explicationes non nescio: hæc una, & bona.

templo & basilica finitis; aliud habuit agere nisi esse, bibere, vacare voluptati? Hæc profecto sapientiæ fomenta non sunt. Non ea è capacioribus poculis hauritur: odit illa delitias, lautiores mensas non ambit. Quod asserens Gregorius: Hebetudo mentis, inquit, oritur ex gulâ, cæcitas ex luxuria. De ventris ingluvie inepta lætitia, scurrilitas, immunditia, multiloquium, hebetudo sensus circa intelligentiam propagantur. Hæc secundum naturam sunt. Altera fatuitas natura superior, pœna fuit deserti Numinis: cum enim Salomon tam proterve à Deo recessisset, Deus etiam quod suum erat repetiit, & donum sapientiæ liberalissime concessum, iustissime ablatum revocavit, ut rex amens & fatuus suamet pessum daretur ingeniosa insania. Hinc capit stultescere & quasi semisonnis, bardus, ac stolidus stupefcere miserabili ignoratione veri, mentisque inscitia. Dignum impio sapiente supplicium, qui abusus sapientiæ. Tertia fatuitas diabolum habuit adiutorem, qui commodissima nactus est instrumenta, quibus Salomonis sapientiam subrueret. Siquidem tot uxores ethnica, quæ philtra & quidquid harum artium est, exactissime norant propinare, maritum miserum ita dementarunt & infatuarunt, ut signatus haberent mancipium.

Hic possum plures adstituere Salomoni qui constanti sapientia regnum administrarunt. Alphonfus Siciliae Rex, qui Capuæ lectione Curtii è morbo revaluit.

Ladislaus Rex Pannoniæ & Bohemiæ,

T

puer:

puer etiamnum dixit : Non videri sibi homines qui litteras ignorarent.

Rex Hispaniarum Philippus II. princeps certe sapiens, qui non ad unius tantum regni sed ad orbis clavum moderandum sedere potuisset, sapientiam conservavit iustitia, cujus tenacissimus erat ; quam etiam in extremis filio commendans : Primæ, inquit, & summæ tibi curæ sit subditos iustitia & pacem conservare. Ut autem Salomonis fatuitatem & stultitiam tantò penitius inspiciamus, in medium hic aliquot dabimus effata.

I. *Stultitia luxuriæ filia.* Princeps Theologus Thomas Aquinas disertissime : Stultitiæ vitium, inquit, ex ipsa luxuriâ maxime nascitur, & illius filia recte dicitur. (a) Nam ubi appetitiones adversus rationem incitæ, ubi libidines impuræ dominantur, ibi cor velut fluctibus hauritur ; nil alti, nil rerum spiritualium meditari vult aut potest. Augustino sapientia est contemplatio æternorum. Homo libidinis servus nihil minus quam æterna contemplatur. Libido non solet esse sola, nec sine vitiorum comitatu imperat, ubi sceptro vel leviter potitur, catenam scelerum post se trahit.

II. *Sapientia quadrum insistit lapidem, stultitia globo infidet.* Nam, quod Annæus dixit, idem velle ac nolle sapientiæ est. Quod enim quis rectâ ratione comprehendit, affectibus in ordinem redactis, id non dimittit. Stultus ut luna mutatur. (b) Quod heri

anarar,

(a) S. Thom. 2. 2. q. 7. art. 3. conclus.^a

(b) Eccli. c. 27. v. 12.

narat, hodie adorat, parturitque novos
foetus cum novis horis; Vagus, levis, lubri-
cus, volubilis, inconsideratus, inconstans,
momentaneus, ad omnem auram volubi-
lis. Sapiens autem sibi similis omnibus ho-
ris. Exemplo rem demonstremus. Animo
sapiensis infigitur pronuntiatiū istud: Quid-
quid vult Deus, id sanctum, id optimum est,
nec esse potest malum: & jure meritissimo
voluntas omnis conditarum rerum cum
hac optimā conditoris voluntate se confor-
mat: Ego res condita sum, mei conditoris
opus, ergo & mea voluntas ad divinam il-
lam se conformabit. Hoc sapiens in sæcula
sæculorum retinet, nec ab eo se unquam
abduci finit. Homo fatuus, ingenium vento-
sum horis pæne singulis mutatur, hodie
vult quod Deus, cras reluctatur & ad suum
vivit arbitrium libidinemque. Stultus infi-
det globo, versatilis in omnem partem. Hoc
Salomonis inconstantia satis superq; docuit.

III. *Vix ullum est studium Sapientia, ubi
est pecunia.* In Salomone manifesta res est:
Coacervavit ille sibi aurum & argentum,
interea non auxit sapientiam: Aucti sunt
thesauri, disfluxit sapientia. Adæque sicut
in copioso vini potu sit, quo largius quis
obbibit, eo citius, lingua & mente delirare
ac ineptire incipit; (a) vinum blande illabi-
tur, homo vinolentus à se ipso dulciter exit.
Arundo & filix inutilia terræ germina,
mutuis in se pugnant odiis. Neglectis uren-
da filix innascitur hortis. Filicem radix

T 2

arun-

(a) Der Wein gehet ein / die Witz gehet
aus.

arundinis contrita extrahit : Arundinem fœlicis radix impugnat. Sic ubi animum subit corradenda cura pecuniæ , mox abdicatur studium sapientiæ : vicissim ubi sapientiæ amor mentem penetrat , inde pecuniæ aviditas exulat : mutua sese fuga extrudunt.

IV. *Stultitia pane inemendabilis est.* Veteri narrant apologo. Filium mater habuit meticulosum & stultum. Huic illa gallinam incubantem unâ cum pullis commendavit ingenti cura , ne quis prado ales è corte raperet. Huic certe manda , si quid curatum velis. Filius domesticarum avium tuendum custos attentissimus, in omnem partem versabat oculos ne quid amitteret gallinarii gregis. Nihilominus hunc argum decipiens accipiter pullum unum rapuit. Mater domum rediit, & partem cortis desideravit. Eam ob rem liberaliter vapulavit filius, ob laxatam custodiam , & amissum pullum. Abiit iterum è domo mater, & novis filium præceptis onerans : Peristi puer, inquit, si denuo perdas vel unicum pullum. Ille ridiculè ingeniosus pullos omnes funiculo colligavit, ita neutiquam auferendos. Rediit ad notam prædam milvus raptor, & feliciter pullorum unum inuncans sustulit omnes. Heu miser! Ob perditam pullastrum unicum malè à matre pulsatus, jamque extrema omnia formidans : Ergo, inquit, hoc metu liberabo me, & ipse mihi consciscam mortem , pericundum est. Atqui non ita pridem mater optimas fœcus in ollam fœilem melle condiderat spectante filio, quem
clan-

clanculum ad expilandum ollam subrepturum verebatur. Hoc igitur dolo gulam filii compressura: Cave sis puer, inquit, hanc ollam vel tangas, merum merissimum & præceptum venenum est quod abdidi. Adolescens mortis cupidus, ut minaces matris manus exiret veneno statuit se interficere. Illam igitur ollam velut certum mortis instrumentum avidis manibus invasit, & ficus ad unam omnes glutiit, quò certius ac celerius periret. Mater domum rediens pullo- rum nullum invenit, mox in iram intumescens prehenso baculo in filii tergum ibat. At ille: ô mater, exclamat, parce verberibus, jam jam moritutus sum, Ollam tot venenorum consciam exhausti omnem, jam certam expecto mortem. Mater volens nolens in risum soluta: Medicinam, inquit, frustra stultitiæ admoveris: immedicabilis est.

Adolescente hoc stulto stultius egit Salomon. In os illi aggerebatur: Mors in olla vir Dei. (a) ollam tamen non cavit. Non nesciit, quid copiosior vini potus, quid intemperans mulierum amor posset. Scivit ista & ipse scripsit: Luxuriosa res vinum & tumultuosa ebrietas, quicumque his delectatur, non erit sapiens. Perspectissima illi hæc veritas erat: Vinum & mulieres apostatare faciunt sapientes, & arguent sensatos. (b) Hoc tamen venenum non raro linctu sumpsit, sed totâ bibit amygdide.

V. *Stulti dulcia, sapientes sectantur austera.*

T 3

Quem-

(a) 4 Reg. c. 4. v. 40.

(b) Eccli. c. 19. v. 2.

Quemadmodum sapiens soli, ita stultus confertur lunæ: atqui sol sui pabuli partem maximam è maris trahit falsugine, ita sapiens è calamitate, & rerum adversarum fluctibus. Doctrina viri per patientiam noscitur. (a) Sed enim aliud est longe sapienter loqui, aliud dici sapientem, aliud esse talem, sed aliud est etiam sapienter vivere. Sapienter loquebatur Salomon, nec immerito sapiens dicebatur, eratque sapiens, sed quantum ei defuit, sapienter non vivebat. Hinc Salomon fatuus. Sapienter nescit vivere, qui adversa nescit patienter sustinere; fatuorum albo inscribitur qui suis sese necessitatibus attemperare non vult. Sapiens in prosperis constans & moderatus, in adversis fortis & magnanimus, nec vel ipsis tormentis ab animi statu dimovetur. Romanus Tullius his sapientem coloribus noscendum sistit. Sit vir bonus cæcus, debilis, morbo gravissimo affectus, exul, orbis, torqueatur in equuleo: quem hunc appellas Zenon? Beatum. (b) Eadem mens Annæ, qui suo Lucilio: Poteram respondere, inquit, sapientem si in Phalaridis tauro peruratur, exclamaturum, dulce est, & ad me nil pertinet. (c) Sed nec voluptatibus solvitur sapiens: sicut vinum Maroneum, de quo Homerus, viciis miscetur & vigorem suum retinet; levi stultus mixtura, qualibet voluptatula mutatur. Lambit mellita fatuus etiam noxia, salubria sibi quærit sapiens quamvis amara & insuavia.

VI. Pri-

(a) *Prov. c. I. v. II.* (b) *Cic. l. 5. de Finibus.* (c) *Seneca epist. 66.*

VI. *Primus ad stultitiam gradus est, credere se esse sapientem; huic proximus, sapientem se profiteri.* Erudite dixit Petrarcha: Bene irent res, si tot essent sapientes, quot sapientiæ professores. Vis nosse quam sis sapiens? verte oculos retro. Recordare quoties in vita cespitaveris, aberraveris, offenso pede cecideris, quod feceris quorum te puduit & poenituit, tibi & aliis noxius. Iam si audes, dic te sapientem. Ideo quod es & scis, interdum expedit oblivisci. (a) Hebræus sapiens de stultorum germana indole: Via stulti, ait, recta in oculis ejus. (b) Nam sicuti homo, incipitis non sani, facillime sibi persuadet comem se atque affabilem, formosum, & civilem esse, ita sibi ipsi promptissime credit se intelligentem, doctum, eloquentem, ingeniosum, prudentem esse atque sapientem. Et verba & facta stulti recta in oculis ejus. Nemo sapientior stulto, qui pleno sapit pectore, sed sibi. (c)

VII. *Vbi peccatum, ibi stultitia.* Hinc erudite dicitur: Inferorū carcer refertissimus est stultorum: at cælum solis occupatur heroibus. (d) Sed quaras: quid est stultitia? Quæram & ego: Quid est nox? Dices, Absentia seu privatio solis aut diei. Idem ego: Stultitia privatio est sapientiæ. At peccatum maxime privat sapientia. Notum è divinis oraculis illud: In malevolam animam non in-

T 4

troibit

(a) *Franciscus Petr. l. 1. de utr. Fort. c. 12.*

(b) *Prov. c. 12. v. 15.*

(c) *Er hört das Gras wachsen/ Plauto.*

(d) *Die Welt ist voller Narren/ der Himmel voller Rüter.*

troibit sapientia, nec habitabit in corpore subdito peccatis. (a) Quamdiu Salomon animum pudicum, continentem, castum servavit, sapientiam retinuit: ubi in eum grassari cœpit luxuria, simul etiam stultitia in illum jus sibi vendicavit. Spiritus enim sanctus disciplinæ auferet se à cogitationibus quæ sunt sine intellectu. Ex omni vitiorum turba intelligentiam maxime sopit sepelique rationem luxuria. Eam ob rem hortatur psalter Hebræus: Nolite fieri sicut equus & mulus, in quibus non est intellectus. Libido hominem mutat in bestiam. Ideo cum ad Mundi nascentis adhuc incubula libidines tantopere favirent inter homines, Deus velut facti poenitens: Non permanebit, inquit, spiritus meus in homine, quia caro est. Neque enim voluit Deus spiritum suum habitare in bestiis ad libidinem adeò projectis. In anima malevola & in corpore peccatis subdito non habitat spiritus sapientiæ. Hinc in ergastulis Platonis meros stultos, in sedibus beatorum meros sapientes & heroas esse diximus. Fatuæ profecto virgines calo excluduntur; solæ admittuntur prudentes. Vox è calo monet: sapientiam & disciplinam qui abjicit infelix est: & vacua est spes illorum, & labores sine fructu, & inutilia opera eorum. Initium sapientiæ verissima est disciplinæ concupiscentia. (b) Vbi peccati noxa, ibi certissima stultitiæ nota.

(a) Sap. c. 1. v. 4.

(b) Sap. c. 3. v. 11. & c. 6. v. 18.

CAPUT XI.

Salomon Magus & Idololatra.

Hieronimus Cardanus variam rerum eruditionem persecutus docet, quâ ratione specula argentea, qua vero mista ex argento, ære, stanno, & antimonio conficienda. Salomon etiamnum juvenis argenteum fuit speculum longe pulcherri-
mum, Regum opulentissimus, mortalium sapientissimus, Philosophorum primus, Theologorum seu Prophetarum non ulti-
mus, Exemplar virtutis: Verbo, Salomon justus. Nunc omnia alia. In rogo jam accen-
dendo Crœsus olim exclamabat: ô Solon, Solon! Ita nos non minus nunc exclamare cogimur: O Salomon, Salomon!

Soloni ut peregrino Crœsus Rex Lydiae ditissimus thesauros omnes monstravit que-
rens, num quis esset se felicior? Ita, inquit Solon, Tellus modicæ rei homo. Sed & duos defunctos vita optime finita nomina-
vit. Crœsus subridens: Et nos, ait, quo loco sumus? Cui Solon: Haud dixerim, inquit, nec fas beatum censere, qui in his vitæ fla-
ctibus jactatur, donec in portu sit. Nonne tempestas intervenire potest, & turbo, qui evertat? Sed hanc philosophiam Crœsus non cepit. Crœsum brevî post vicit Cyrus, & imposuit rogo comburendum. Hic Crœ-
sus exclamabat: O Solon, Solon! Cyrus in-
terrogari jubet quem Deum vocet. Respon-
dit Solonem in mente esse, qui hæc prædi-
xisset,

xisset, monuissetque presenti fortunæ non fidere, beatitudinem non ante finem vindicare. Risi dicta: nunc miror & probo. O Solon, Solon!

Ita nobis in hac altera parte sapius proclamandum: Salomon, Salomon! Argenteum olim speculum erat, in quo venustissimus cernebatur homo, nunc monstrum, imo diabolus. Pro, superi! quam turpis hac mutatio, è Salomone iusto *Salomon magus & Idololatra*! Hunc sistemus hoc capite noscendum, una exposituri, qualia sint peccata Magia & Idololatria.

S. I.

Superiori parte de Salomone sancto & sapiente complura diximus nonnemi incredenda fortassis visa, quæ tamen è sacris bibliis sunt certa. Verum inter incredibilia omnia multo incredibilissimum est, quod non sine gemitu enuntiamus, Salomon idololatra & magus. Ah, mi bone Deus, quid est homo? quid ipse sibi fidat? Et qui potuit tam sublimis sapientia tam profundo mergi præcipitio? Incredibile prorsus id plurimis videretur, nisi hoc sacræ paginæ testarentur apertissime: Depravatum est cor Salomonis per mulieres, ut sequeretur deos alienos: nec erat cor ejus perfectum cum Domino Deo suo, sicut cor David patris ejus. Sed colebat Salomon Astarthen Deam Sidoniorum, Chamos Deum Moabitæ, & Moloch idolum Ammonitarum. Tunc ædificavit Salomon fanum Chamos idolo Moab, in monte qui est contra Ierusalem.

salem, & Moloch idolo filiorum Ammon. Atque in hunc modum fecit universis uxoribus suis alienigenis, quæ adolebant thura & immolabant Diis suis. (a) Cyrillus Alexandrinus decem conscripsit libros adversus Iulianum Apostatam, qui impie distabat, Salomonem à Deo apparente persuasum, alios etiam Deos coleret: nam inter viros cordatos non esse invidiam, multo minus inter Angelos & Deos; Scelesti lingua! Solus Iulianus Salomonis lapsu oblectabatur. (b)

Idololatria duplex, exterior cultus, & interior, seu adorationis honor. Quod exteriorem cultum attinet, certum est, Astarten Deam à Salomone cultam, illique sicut & ceteris inferorum furiis templa condita. De interiore Salomonis cultu nonnihil dubii esse potest. An sapientissimus rex argentum & aurum, ligna & lapides, veneratus sit ut Deos, verissimus idololatra. Hic horror comas erigat, vox hæreat faucibus, si audiat Salomonem, velut verum idololatram à divinis libris & priscis Patribus proclamari. Divini libri non aliter de Salomone quàm de aliis reipsa veris idololatriis loquuntur. Averterunt mulieres cor ejus: Depravatum est cor ejus, ut sequeretur Deos alienos. En aversionem cordis & depravationem. Additur: Colebat Salomon Astarten Deam. Igitur iratus est Dominus Salomoni, quod aversa esset mens ejus à Domino Deo Israël. Ita non solus exterior cul-

(a) 3 Reg. c. II.

(b) Cyr. Alex. tom. 2. l. 7. de decem.

cultus, sed interior mentis aberratio reprehenditur.

Nec aliter eâ de re prisca Patres loquuntur. Augustinus in scrutandis bibliis perspicacissimus: Salomon, inquit, qui uxores multis ad libidinem quàm ad propaginem habebat, improbatus est, atque inde ad profundum idololatriæ lapsus atque demersus. (a) Gregorius moralium præceptor: Qui prius inquit, Deo templum construxerat, assidue tate libidinis, etiam perfidiæ substratus, idolis templa construere non timuit, ut ab assiduâ carnis petulantia usque ad mentis perfidiam perveniret. (b) Testimonia certe clara. Illis accedens Theodoretus: Ex his perspicuum est, ait, quod ipse quoque coluit idola. (c) Ah, quomodo aurum obryzum purissimum non tantum rubiginavit, sed etiam degeneravit in infimam plumbi vilitatem! Aureus videbatur Salomon, quantus quantus erat, quia sapientissimus, Dei amantissimus, Deoque devotissimus erat, nunc cacabus fumosus & ater: quomodo nobilissimus auri color mutavit! Ante annos non multos dicebatur Salomon sanctus, cum quo Deus familiariter loqueretur & ageret velut cum amicorum optimo: nunc Orbi fabula est Salomon flagitiosus Idololatra, Magus.

Verum uti Idololatria mater est omnium flagitiorum, ita etiam magia, quæ illius appendix. Postquàm Salomon ausus est tot

(a) *Aug. tom. 6. l. 22. contra Faust. c. 81.*

(b) *Greg. l. 12. mor. c. 12.*

(c) *Theodoret. in l. 3. Reg. quæst. 36.*

pessimæ superstitionis uxores ducere, capit
 paulatim curiositati se dedere, & in conju-
 gum suarum artes maleficas, fascinationes,
 praestigias, incantationes studiosius indaga-
 re ac condiscere. Tarsensis Paulus matrem
 & filiam idololatriam & magiam jungens :
 Manifesta sunt, inquit, opera carnis : forni-
 catio, inmunditia, luxuria; idolorum servi-
 tus, veneficia. Non facile disjunguntur hæ
 bigæ; ubi idololatria, ibi & auguria, divina-
 tiones, oracula, effactiones, incantamen-
 ta, inferorum consultationes, magica por-
 tenta plurima, mille veneficia, & maxima
 cum diabolo familiaritas. Gregorius Vene-
 tus Salomonis mentionē injiciens: Inebria-
 tus, inquit, desiderio sapientiæ humanæ co-
 luit idola. (a) Ita in Salomone libido, idolo-
 latria & sciendi curiositas fecere mixtu-
 ram. Theologorum princeps Thomas A-
 quinas : Divinus cultus, inquit, ordinatur
 primo ad reverentiam Deo exhibendam :
 huic opponitur idololatria quæ illam ex-
 hibet creaturæ. Deinde, ut instruatur homo
 à Deo quem colit: huic opponitur divinatio
 & magia, cum quis Deo non contentus
 consulit dæmonem per tacita vel expressa
 pacta. Si primum Salomon, multò magis
 ausus est secundum, idque sub specie ac fu-
 co sapientiæ humanæ, neque hoc in regum
 priscorum aulis infrequens.

Ægyptius Rex Pharaon, cum cerneret vir-
 gam à Mose in colubrum versam, Vocavit
 sapientes & maleficos, & fecerunt etiam ipsi
 per incantationes Ægyptiacas & arcana
 quadam

(a) *Greg. Ven. problem. 78.*

quadam similiter, projeceruntque singulas virgas suas, quæ versæ sunt in dracones. (a) Ita Rex Balthasar horribilem in pariete scripturam videns vocavit & ipse conjectores, divinos, & occultorum cognitores. Hoc certe curiositas aulis commendavit. Quam porro mala licentiosam curiositatem committari soleant, vel hinc discamus.

Julianus Apostata ingenii magni, litterarum amans, non solum Catholicus, sed & Clericus fuit, qui sacros libros prælegere, explicare, concionari soleret, & simul etiam monachum simulare posset. Deiecit demum vulpes ingenium, & non solum Clerici vestem exuit, nec Catholica tantum sacra deseruit, sed à Christo Deo turpissime defecit. Quod Iuliani pater Constantinus filius mature ingemuit. Constantinus Magnus tres reliquit filios qui Orbem inter se dividerent, Constantinum, Constantium, & Constantem. Constantius Galli & Iuliani parens hanc Orbis labem satis prævidit. Expropter cum Iulianum Nicomediam mitteret, modis omnibus cautum voluit, ne filius ad Libani Sophistæ familiaritatem se applicaret. Hac parte cautum est. Alius interim Maximus philosophus & magus Ephesus magno conjunctus est usu cum Iuliano. Hæc curiositas, & vanum sciendi desiderium, simul idololatria & magia Iulianum præcipitarunt. Vtrumque dissimulavit nequissime vaser homo, dum diadema obtinuit. Iam Imperator lectus laryam posuit, & publice Dîs fecit. Qui biennio plus patrav

ma

(a) *Exod. c. 7. v. 11. & 12.*

mali quàm tyrannorum alii toto decennio. Non enim idololatra solum sed & magus, cum in Persidem moveret arma, cacodæmonem loco tabellarii misit in occidentem, ad omnia tutò exploranda (quod Glicas & Cedrenus memorant.) At ubi volucer hic nuntius ad tugurium Publii monachi pervenit, decem diebus nec progredi potuit, nec regredi: nam Publius totos pæne dies noctesque precibus conjunxit. Tandem hic cursor ex Orco re infecta rediit, & causam dixit irriti reditus. Hoc admirando cognito unus è proceribus Iuliani post bellum Persicum sua omnia in pauperes elargitus, ad Publium se contulit, vitæ reliquum divinis servitiis daturus. Ergo Magia & Idololatria plerumque juncta. Sed apponamus huic atrori suum candorem.

Stephanus Rex Pannoniæ primus, qui etiamnum princeps Pannoniam pæne totam ab inanum Deorum cultu abductam Christo auctoravit, merito Salomoni opponendus. Etenim cum Anno Christiano millesimo à Silvestro II. Pontifice Maximo terris suis regni regisque nomen peteret, summus Pontifex in eam rem admodum pronus: Ego, ajebat, sum Apostolicus, at ille Apostolus; Et unà coronam regiam & crucem concessit, facillime annuens in preces æquas. Ita Stephanus Vngariam universam decem episcopis curandam assignavit. Qua quidem in re ubique locorum pietatis suæ monumenta inscripsit. Nec in Vngariâ solum templa condidit, sed Hierosolyma quoque & Constantinopolim impensas misit ædibus

adibus sacris excitandis. Inter miranda numerandum illud : Corona regia duci Polonorum à Pontifice jam destinata, Stephano missa est , Pontifice secundum quietem per angelum admonito. Geminâ laude Stephanus excelluit : Matri Domini devotissimus, simul etiam in egenos liberalissimus fuit. Albus omnino Salomon. Sed hic preceptionem triplicem subnotemus.

I. E scintillis quanta sapius nascuntur incendia! Ars magica & familiaritas cum diabolo , initium trahunt à curiositate aut amore Venereo. Amor tam impotens sui affectus est , ut fialiter re amata nequeat potiri, quàm ope diaboli, facile dicat : ut ut hæc sunt , tamen hoc faciam. Curiositas plura & clara , & usque plura scire appetit : albus an ater sit magister , juxta habet. In talia curiositatis aut amoris mancipia verissimè pronuntiat Siracides : Qui spernit modica, paullatim decideret. (a) Protoplatonum primus ad peccatum gradus fuit curiositas. Cibo non egebant, aliis fructibus excellentissimis abundabant , ad rapiendum vetitum curiositas instigabat. Quid plerumque adulterium nisi alienæ voluptatis curiosa foedaque appetentia ? Curiositas scintilla est , è quâ frequentissime incendium ortum est immanissimum , nullo sanguine restinguendum.

II. Magia omnis non solum fugienda, sed quidquid ei annexum. Quo in genere superstitiones sunt innumerae. De his Thomas Aquinas : Univerſæ , inquit, idolola-

trix

(a) Eccli. c. 19, v. 1.

trix varietates, superstitioni, ut species suo generi subjiuntur. (a) Superstitio blandum est vitium, sed religioni oppositum per excessum : extra numerum modumque agit, nimia, dixerim, religio. A beato Thoma theologo complura recensentur observationum genera, in quibus arcana semper cum diabolo pacta conventa deprehenduntur. Et talibus vaferrimus Satan lucri semper plurimum facit. Qui colubrum timer, umbram etiam illius metuit : ita qui magiam odit, omnes etiam ejus appendices, omnia carmina, (b) & devotiones, ac superstitiones fugit. Nam hæc talia universa, in conditoris injuriam cedunt. Hic simul quoque monemur, veneficia non formidare. Adversus hæc divina sapientia nos animans : Tu es Domine, inquit, qui vitæ & mortis habes potestatem & deducis ad portas mortis & reducis. Deus ad unguem suam diabolo potestatem admetitur ; ultra nil potest ; vires ad dimensum explicat. Deo non annuente nec pilum ulli hominum subtraherit.

III. Magiam & magica omnia non odisse tantum & fugere, sed nec à magis similique hominum face responsi quidquam petere. Lex divina graviter id vetans : Non inveniatur, inquit, in te qui ariolos sciscitetur, & observet somnia, aut auguria : nec sit maleficus, nec incantator, nec qui Pythones consulat aut divinos, aut quærat è mortuis veritatem : omnia enim hæc abomi-

V

mi-

(a) *S. Thom. 2. 2. q. 94.*

(b) *Eugen.*

minatur. (a) Hos inferorum caussidicos in consilium adhibere, enuntiationes eorum excipere, est occultè Deum deferere velut imbecillem nimis adiutorem. In quos se verè Deus vindicans. Anima, inquit, quæ declinaverit ad magos & ariolos, ponam faciem meam contra eam, & interficiam illam de medio populi sui. (b) Bonum est adherere Deo & divinæ voluntati quàm ætissimè agglutinari. Nos debiles sumus, at verò diabolus, mille artium magister & potens est: cùm hominem observat Dei fastidientem, facillimè suis illum unguibus inuncat. Ita Salomoni non sapientissimo tantùm sed & pientissimo evenit: curiositas eum & ad magiam & ad idololatriam pertraxit. Ergo quod divina lex monet, sanctificamini, & estote sancti, quia ego sanctus sum Dominus Deus vester.

(a) Deut. cap. 18. vers. 10.

(b) Levit. cap. 20. vers. 6.

(c) Loco citat.

C A P V T XII.

Salomon mœrore afflictus.

IN eum modum facta sunt nostra specula, ut imaginem illius omnino vultus reddant qui ipsis objicitur, & eo prorsus modo quo is objicitur. Si deformis stet adversum speculum, vultus ex eo sine formâ prospicit: si coloris vivi & formosus speculum inspiciat, talis profectò species ab artificioso vitro redditur: si furens & iratus specu-

Speculo se applicet, simillima, imò eadem facies à vertumno vitreo representatur. Speculum est Deus bonitatis ac venustatis infinitæ. Nihilominus, quales nos in hoc immensè bonum ac venustum speculum inspicimus, talis adversum nos vultus prospicit. Princeps Sionis David hunc Dei morem explicans: Cum sancto, inquit, sanctus eris, & cum viro innocente innocens eris, & cum electo electus eris, & cum perverso perverseris. (a) Quamdiu rex Salomon hoc speculum sanctus, innocens, electus consuluit, tamdiu Deus etiam in Salomonem sanctus, innocens, electus respexit, favoribus variis charissimum sibi regem complexus. Felix Salomon & dives fortunarum ac auri; dives valetudinis & formæ, dives gloriæ ac magnificentiæ, dives divinæ gratiæ; Bene Salomoni in omnibus.

Nunc verò mutatione in contrarium factâ, quia Salomon à Deo aversus, depravatus, perversus speculum hoc inspicit: Deus revera talem Salomoni vultum reddidit; cum perverso perversus, & averso à se aversus. Iam Deus, ita dixerim, planè alius, & regi prius unicè dilecto iratus, faustâ benedictione non afficiens, sed auferens benedictionem flagellat filium refractarium, non eo modo quem Paulus explicans: Flagellat autem, inquit, omnem filium quem recipit. (b) Sed eo quem psaltes significat: Multa flagella peccatoris. (c) Et sicut Salomonias

V 2 : : monias

(a) Psal. 17. vers. 26.

(b) Hebr. cap. 12. vers. 6.

(c) Psalm. 31. vers. 10.

monis pater post connexum adulterio homicidium de seipso dixit: Congregata sunt super me flagella: (a) variè me punit Deus in præteritorum scelerum vindictam. Ita filius, non perfunctoriè flagellatus, sed ut reus ac noxius. Prima punitionis divinæ pars fuit, animi mœror. Ita hoc capite *Salomonem mœrore afflictum* exhibebimus spectandum.

(a) *Psal. 34. vers. 15.*

S. I.

Dei mos est hominem voluptatis amantem, & aberrantem per avia, in viam reducere funiculis Adam. Quod Oseas vaticinatus: In funiculis Adam, inquit, traham eos, in vinculis charitatis: & ero eis quasi exaltans jugum super maxillas eorum: & declinavi ad eum ut vesceretur. (a) Prædictum est Salomoni dilucidissimè, quid secuturum mali, si cœptam sanctimoniam excutiens, à Deo animum esset averfurus. Promissiones & minæ sic jungebantur: Ego ero ei in patrem, & ipse erit mihi in filium: qui si iniquè aliquid gesserit, arguam eum in virgâ virorum, & in plagis filiorum hominum. (b) Scivit hæc Salomon, & non curavit. Hortatus eum & pater ingenti verborum pondere, audiente omni populo: Tu autem Salomon fili mi, ait, scito Deum patris tui, & servi ei corde perfecto, & animo voluntario. Omnia enim corda scrutatur Dominus, & universas mentium cogitationes

(a) *Os. cap. 11. vers. 4.*

(b) *2 Reg. cap. 7. vers. 14.*

nes intelligit. Si quæsieris eum, invenies : si autem dereliqueris eum , projiciet te in æternum. (a) Scivit hæc Salomon, & utique parentis verba altâ mente reposuit, non solum chartis mandavit : ea tamen non diu curavit. Deus ipse Salomoni apertissimè minatus : Si autem averſi fueritis, inquit, & dereliqueritis justitias meas & præcepta mea quæ proposui vobis, & abeuntes servieritis diis alienis, & adoraveritis eos; evellam vos de terrâ meâ quam dedi vobis, & domum hanc quam sanctificavi nomini meo, projiciam à facie meâ, & tradam eam in parabolam, & in exemplum cunctis populis. (b) Sciebat ista Salomon, ea tamen non curabat. Bis Salomoni Deus in quiete visus, bis illum officii commonuit. Demum in iram æquissimam exardescens : Quia hoc habuisti apud te, & non custodisti pactum meum & præcepta mea, quæ mandavi tibi, dirumpens scindam regnum tuum, & dabo illud servo tuo. (c) Sciverat ista Salomon, non tamen ea quidquam curaverat. Præcicens in psalmis pater : Si autem dereliquerint filii ejus legem meam, inquit, & in judiciis meis non ambulaverint ; Si justitias meas profanaverint, mandata mea non custodierint ; Visitabo in virgâ iniquitates eorum, & in verberibus peccatum eorum. (d) Hæc Salomon & scivit, & legit, & cantari utique audivit; illa tamen nihilominus non

V 3

cura-

(a) 1 Par. cap. 28. vers. 9. & seqq.

(b) 2 Par. cap. 7. vers. 19. & seqq.

(c) 3 Reg. cap. 11. vers. 11.

(d) Psal. 88. vers. 31. & seqq.

curavit. Tandem Deus in iras confurgens
justissimas, corripuit flagellum, & Salomonem
funiculis velut colligatis, animadversione
diversâ puniit. Punitionis caput, animi
mœror & tetricitas. Dionysius regionum
Annalium interpres, hoc de Salomone
affirmat: In varias incidit tristitias, luctus,
ægritudines. (a) Evenitque illi, quod Jobo
qui de se ipso queritur: Factus sum mihi
metipsum gravis. (b) Tam insuavem ei reddidit
vitam mœstitia, ut amaram mortis dulcedinem
appeteret. Salomon sub Ecclesiastæ personâ
latens non diffitetur: Idcirco tædedit me
vitæ meæ, videntem mala universa esse
sub sole; Satur sum voluptatis, & multò
magis satur vitæ. Siracides hæc confirmans:
Cuncti dies ejus, inquit, doloribus & æ-
rumnis pleni sunt, nec per noctem mente
requiescit. (c)

Hi demum amatores strangulant fauces,
quæ diu venenatum mel linxerunt; in nau-
seam vertitur omnis præterita dulcedo. Ac-
cedit evigilans conscientia, & voluptatis
nefarie memoria quæ identidem accinit
afflicto: Sat diu volutatus es in cæno; quid
inde jam habes commodi, præter corpus ef-
fatum & morbidum, depletam cruménam,
ærarium exhaustum, læsam conscientiam, &
quod super omnia, iratum Deum.

Hos Salomonis luctus auxerunt adver-
sarii & hostes. Suscitavit autem Dominus ad-
versarium Salomoni Adad Idumæum de
semine

(a) *Dionys. Carthus. in lib. 3. Reg. cap. 7.*

(b) *Iob cap. 7. vers. 20.*

(c) *Eccli. cap. 2. vers. 23.*

semine regio qui erat in Edom. Cùm enim supremus militiæ dux Ioab vastaret Idu-
mæam & hostili ferro jugulis illuderet, re-
gius adolescens Adadus, cum aliquot pa-
triis servis profugit in Ægyptum. Sed au-
ditâ illic Davidis Regis & Ioabi principis
morte rediit in Palæstinam, ut è vicino Sa-
lomonem impugnaret. Audite Christiani,
adversariorum nequitia, malorum nostro-
rum non alia est causa, nisi ut instrumen-
tum: Deus punit, Deus flagellat, Deus
supplicio afficit, sed hominibus aut diabo-
lis utitur ut instrumentis. Quemadmo-
dum parens in filium animadvertit, sed pæ-
dagogi manu: filiolum mater verberat non
pugno sed berulâ. Ita omnino Deus nos
punit, Deus flagellat, Deus cædit, Deus
hæc facit omnia, sed per ea quæ sibi seligit
instrumenta, in quem usum illi & homi-
num nequitia & diabolorum sævitia sub-
servit. Ita suscitavit Dominus adversarium
Salomoni Adadum. Neque hunc solum.
Suscitavit quoque ei Deus adversarium Ra-
zon, filium Eliada, qui fugerat Adarezer
regem Soba dominum suum, & congrega-
vit contra eum viros, & factus est princeps
latronum, cùm interficeret eos David: abie-
runtque Damascum & habitaverunt ibi, &
constituerunt eum regem in Damasco,
erátque adversarius Israëli, cunctis diebus
Salomonis; & hoc est malum Adad, & o-
dium contra Israëlem, regnavitque in Syriâ. (a)
Hos in Salomonem Deus immisit hostes,
qui à reo capite pœnas exigent. Deus hos

V 4

exacto-

(a) 3 Reg. cap. II. vers 14. & seqq.

exactores suos suscitavit. En Regum potentissimus Salomon , cum suis quinquaginta septem milibus equorum à fugitivo servo exagitur. Inò , quod gravius , à suómet mancipio quod è sordibus eduxerat , impugnatu est. Fassi regum hæc memorant. Ieroboam quoque filius Nabat, Ephrataus de Sareda, servus Salomonis , cujus mater erat nomine serva, mulier vidua ; levavit manum contra regem , quamvis educatus à rege. Cùm enim Salomon vidisset adolescentem bonæ indolis & industrium , constituerat eum præfectum super tributa universa domûs Ioseph. (a) Sed audite admirabilem providentiæ divinæ in hoc orbe lulum. Contigit ut Ieroboam Hierosolymis egressus in Ahiam Siloniten prophetam incurreret. Cùmque illi duo soli in agro consisterent , Ahias pallium novum , quo indutus erat , apprehendens in partes duodecim secuit. Et ad Ieroboamum versus : Tolle tibi , ait , decem scissuras. Hæc enim dicit Dominus Deus Israël : Ecce ego scindam regnum de manu Salomonis , & dabo tibi decem tribus. Porro una tribus remanebit ei propter servum meum David , & Ierusalem civitatem quam elegi ex omnibus tribubus Israël , eo quod dereliquerit me , & adoravit Astarten deam Sidoniorum , & Chamos deum Moab , & Moloch deum filiorum Ammon , & non ambulaverit in viis meis , ut faceret justitiam coram me , & præcepta mea , & iudicia , sicut David pater ejus. Te autem assumam , & regnabis super omnia quæ deside-

(a) *Ibid. vers. 26. & seqq.*

rat anima tua, erisque rex super Israël &c. & ædificabo tibi domum fidelem, quomodo ædificavi domum David, & tradam tibi Israël, & affligam semen David super hoc, veruntamen non cunctis diebus. Voluit ergo Salomon interficere Ieroboam. Qui surrexit & aufugit in Ægyptum ad Sefac regem Ægypti, & fuit in Ægypto usque ad mortem Salomonis. (a) Non est prudentia, non est consilium, non est sapientia contra Dominum. Sunt quidem manus plurimæ ac longissimæ regibus, hunc tamen Salomon servum suum omnibus suis manibus apprehendere nequit: neque Rex Sefac Salomonis socer, suo supplici quidquam negavit. Ita Deus voluntatem suam in rebus omnibus plano tramite deducit pulcherissime. Non est qui possit tuæ resistere voluntati, (b) mi Deus.

Illud nonnemini dubium sit, quomodo decem dumtaxat tribus Ieroboamo sint traditæ cum unica tribus Iuda remanserit Salomoni. Ajo tribum Benjamin adeò concisam & nullam fuisse, ut nec in numerum quidem tribuum ceterarum venerit. Nam ob impurum flagitium, pagi, oppida & urbes Benjamin exustæ, tot hominum occisi, ut sexcenti tantummodò viri servarint vitam. Hinc nulla familiæ hujus mentio.

Quantus igitur mœror Salomonem invaserit, cum à suomet servo sibi suoque regno insidias nec imbecilles & vanas teneret parari. Certè pro Ieroboamo stabat di-

(a) *Ibidem.*

(b) *Esth. cap. 13. vers. 9.*

vina hæc pollicitatio : *Tradam tibi Israël, & affligam semen David super hoc.* Hoc omnis Salomonis potentia prohibere aut impedire non potuit. Ad mœroris cumulum accessit, quòd mille Salomonis uxores ei non nisi duas filias, & unicum pepererint filiū quem sacer codex stultum nominat. Nec diuturnas Salomon voluptates percepit. Temporum eorum hæc fuit ratio. Anno decimo nono ætatis suæ Salomon in regem unctus est. Quadriennio sacræ structuræ materiam & impendia præparavit. Septennio templum ædificavit. Annis tredecim suum sibi palatium struxit. Ità quadraginta tres anni abierunt. Sequentes octo annos genio ac voluptatibus Salomon consecravit; octo alios mœroribus consumpsit; sic annum quinquagesimum nonum exegit & obiit. Sed una alterave præceptio hîc nobis non negligenda.

Prima: Quàm verum illud Tarsensis Pauli oraculum: Ira & indignatio, tribulatio & angustia in omnem animam hominis operantis malum, Iudæi primùm & Græci: Gloria autem & honor, & pax omni operanti bonum. Fieri non potest, ut male quis agat, & animi quietem non perdat. Malitia maximam sui veneni partem bibit. Tribulatio & angustia in omnem animam hominis operantis malum. Certissimum est illud priscorum: Nemo gerit crimen in animo, cui non Nemesis in tergo. Et multa & horrenda Salomon in animo gessit crimina, ergo & multas & severas in tergo Nemeses. Et quamvis homo flagitiis inquinatus à nemine tangatur, eum tamen conscientia,

Neme-

Nemesis truculenta, lancinat. Cessat illa? surda est & muta conscientia? alii non deerunt savi monitores & triumviri capitales. Omne crimen suum habet Nemesis. Supplicium sceleris frenum.

Altera Deus duplicis generis virgas habet. Ista quidem è betulæ minutis & aridis surculis colligata sunt, quibus nos cædit ut mitissimus pater. Paternam hanc manum sentiens David: Virga tua, inquit, & baculus tuus ipsa me consolata sunt. (a) Hoc mihi solatio est, me inter filios censerî. Illæ aliæ verò è filis ferreis compactæ sunt, instrumentum puniendi rigidum, de quo ille idem rex David: Reges eos, inquit, in virgâ ferreâ, & tanquam vas figuli confringes. (b) His virgis ferreis in contumaces, & refractarios, in perditos & obstinatos utitur, qui plagis deteriores evadunt. De illis & istis Augustinus: omnis, inquit, tribulatio, aut pœna impiorum est, aut exercitatio justorum, quia eadem tribula, & paleas concidit & frumenta à paleis exuit. Idem omnino adstruens Gregorius: Omnis percussio divina, inquit, aut purgatio in nobis vitæ præsentis est, aut initium sequentis; dum flagella ab hac vitâ inchoant, & in aternâ percussione perdurant. (c) Deus improbos & inemendabiles hîc virgis ferreis; in Orbe altero percutiet eos candentibus & ignitis.

Agamus Deo gratias & manus cælo attolamus, si nobis patientia vel mediocris superfit:

(a) *Psal. 22. vers. 4.*

(b) *Psal. 2. vers. 9.*

(c) *Greg. lib. 8. mor. cap. 12.*

perfit: Deo se dedere, & emendationem
 spondere, filiorum est indicium, quos betu-
 lla objurgat. Deus non modò à virgis ferreis
 tueatur, quantum ictus sunt admodum acer-
 bi, sed vani & irriti. An Salomon à plagis
 cæperit resipiscere, ignoramus. Resipisca-
 mus nos maturè & sapiamus à Salomonis
 insipientiâ. Spondeamus optimo parenti
 nos fore frugi. Solatio nobis sit maximo,
 quod erat Davidi, numerari inter filios. Me-
 lius est assiduus à patre virgis cædi, quàm
 carnifici Orciniano tradi. Præstat perire bre-
 vi tempore, quàm æternis sæculis.

C A P V T XIII.

Salomon Penuriâ pressus.

ADmiranda speculorum natura, ut
 suprâ demonstratum est. Sic certè
 specula possunt aptari, ut è sole fa-
 ciant stellam. Nam si speculum de die in ca-
 do mergatur aquâ, sol in eâ veluti stella re-
 lucebit. Salomon quamdiu Deo adhæsit, ni-
 tidissimus sol fuit. Siracides id affirmet:
 Quasi sol refulgens, sic ille effulsit in tem-
 plo Dei. (a) Totum regnum, Orbem inò to-
 tum sapientiæ suæ radiis collustravit. Ve-
 rùm, eheu, quàm in exilem stellulam sol iste
 desiit! Nam ubi Salomonis mores optimos
 velut speculum aquâ libidinum inersit, om-
 nia pessum iverunt. Sol adeò defecit ut vix
 amplius retinuerit, quod soli simile dici
 potuerit. Salomon variè flagellatus & animi
 pacem

(a) Eccli. cap. 59. vers. 6.

pacem & regni perdidit. Deus tres ipsi adversarios, Adadum, Razonem, Ieroboamum suscitavit, qui jam antè morosum & tetricum regem pro merito affligerent. Neque hoc satis, moeroribus affici, fortunas etiam Salomonis invasit Deus & dissipavit, regem idololatram serâ castigans paupertate. Annu census Salomonis incredibiliter magni, & tamen sub ultimos regni annos tantis impendiis nihil suffecerat. Hinc *Salomon penuriâ pressus*. Priori parte jure meritissimo Salomonis opes depradicavimus: Dives fuit, ditissimus rex iste Hebræus. Denique ingemuit ærarium infinitis sumptibus exhaustum, & doluit se respondere non posse tot petitoribus. Sed quatuor regiæ paupertatis hujus fuere causæ, quas hoc capite indagabimus.

S. I.

M. Gabius (a) Apicius, lippis tonsoribus gulo notissimus ad opulentam pauperiem redactus est helluando. Hunc Bilbilitanus vates falsè insequitur his versiculis:

*Dederas Apici bis trecenties ventri,
Sed adhuc supererat centies tibi laxum:
Hoc tu gravatus ne famem & sitim ferres
Summa venenum potione duxisti.* (b)

Numerarat in facultatibus suis Apicius, vigesies centena millia florenorum, five duos milliones, & supra hos insuper trecenta & triginta tria millia & aliquot florenos. At ubi milliones duos confregisset gulâ,
visus

(a) *Alii, Gabius.*

(b) *Martial, lib. 3. epigr. 17.*

visus est sibi decoxisse. Restabant tamen trecenta millia florenorum cum reliquâ non levi pecuniâ sorte, quam nondum abligurierat. Hoc est quod Martialis canit: Dederas sexcenties HS. ventri. Centies HS. supererat. Nihilominus Apicius velut conturbatis nimium rationibus, & ad incitas, ut censuit, redactus, vitam vi finiit. Seneca ganeonis hujus crebram mentionem injiciens: Apicius, inquit, nostrâ memoriâ vixit, disciplinâ suâ seculum infecit. Cùm enim sestertium millies, sive tres auri milliones & plura in culinam conguessisset, are alieno oppressus rationes suas coactus inspexit: superfuturum centies H S. computavit, velut in ultimâ fame victurus, veneno vitam finivit. (a)

Quanta luxuria erat, cui sestertium centies egestas fuit? I nunc, & puta pecuniâ modum ad rem pertinere, non animi. Ille opibus modus est, qui modus est animo. Tam parvæ mentis homini ultima potio saluberrima fuit. Cum hoc amplissimi patrimonii gurgite Salomonem pauperem conferre facile persuadeor. Salomon annui censûs qui arario illatus, habuit triginta septem milliones, insuper quadringenta tria millia, quingentos octoginta scutatos. (b) Si ad ducatos hanc auri vim putemus, & uni ducato duos tantum florenos nostrates tribuamus, erunt sexaginta sex milliones nostratium florenorum. Ad his rationes

dona

(a) Sen. Consol. ad Helviam matrem caput. 10. & 11.

(b) Unus scutatus habet 20. bacios.

dona non trahimus. Tam incredendos redditus annuos, nemo, reor, Imperatorum, Regum, Principum unquam habuit aut habiturus est. Rex quidem Sinarum, ut ajunt, proventuum annuorum centum viginti milliones numerat, sed ille subditis, præter alimoniam & vestem nihil relinquit. Salomon tot annuorum millionum dives, nihilominus depauperatus est, & pane conturbavit. (a) Superi! Quanta luxuria fuit, cui sexaginta sex milliones annui, egestas fuerunt? Hebræi ad illud Ecclesiastæ dictum: Vidi sub sole nec sapientum esse panem, nec doctorum divitias: (b) Opinantur Salomonem ad incitas redactum, & baculo nixum mendicasse. Fuisse pauperem, fasti regi clarissimè docent. Nam subditos prius opulentissimos acerbis exactionibus pressit & sumptu exhaustit. Vix enim fato functus est Salomon, subditi quamprimum filio Roboamo supplices: Pater tuus, inquiunt, durissimum jugum imposuit nobis: tu itaque nunc imminue paullulum de imperio patris tui durissimo, & de jugo gravissimo quod imposuit nobis, & serviemus tibi. Qui ait eis: Ite usque ad tertium diem, & revertimini ad me. Tulit hanc moram populus. Interim, Roboamus parentis sui consiliariis avo & usu magnis in senatum coactis: Quid suaderis, inquit, quid populo respondendum? Vox omnium erat, verbis agendum mitibus, & petitioni cedendum, & plebem ad cuncta fore obsequentem. At

Ro-

(a) Mehr dann halb verdorben.

(b) Eccles. cap. 9. vers. 11.

Roboamus rex spreto senum consilio juvenes secum educatos, si scientiam & rerum usum spectes, adolescentulos vix à lacte remotos (a) audit, & conceptis eorum verbis ita respondit populo: Minimus digitus meus grossior est dorso patris mei. Et nunc pater meus posuit super vos jugum grave, ego autem addam super jugum vestrum; pater meus cecidit vos flagellis, ego autem cecidam vos scorpionibus. (b) Hoc nimirum est columbas inescare fustibus. En Salomonis in cives & subditos imperium appellatur jugum gravissimum, imperium durissimum. Sed tantum absuit, hoc relevari, ut eo etiam aucto, qui ante urticis, post spinis, qui ante flagellis, dein scorpionibus, flagris hamatis sint cæsi. Iniquè, impiè, stultè. Hic geminum nescimus documentum politicum & divinum,

Politicum: Eruditus Philo quæstionem ponens, Cur prohibeat Deus aliud in vineâ semen spargi? Ne bonus ager, inquit, prematur, onere gravissimo vexatus, vel serentium plantantiumque operis in Orbem redeuntibus, vel duplicatâ feracitate fructuum. Vos autem cum ex eodem fundo colligatis in vere hordeum atque triticum, in æstate fructus; arborem duplici tributo gravatam quandoquidem opprimitis: fieri non potest quin fundus exhaustus deficiat. Ita fit cum subditi avarè vexantur, & sanguis exprimitur, neque vita invenitur, à quâ sperari

(a) Junge Michmäuler.

(b) 3 Reg. cap. 15. vers. 10. & seqq.

sperari possit usus. Vis esse dives dominus? Cura subditos tales esse. (a) Idem Cassiodorus fusiori dissertatione confirmat. (b) Res ipsa & usus loquitur: Dives, agricola, dives Toparcha: egenus agricola, pauper Toparcha. Hoc penſi Salomon non habuit, Idem populum suum & locupletavit & depauperavit. (c)

Divinum est documentum alterum Gregorii Nazianzeni, qui ad Iulianum Cæsarem perorans: Quo modo, inquit, alios descriperimus in libro rationum & censûs, eodem ipsi quoque describemur. Hanc descriptionem si facilem & accommodam experiri cupis, fac te commodum nobis & humanum præbeas. Quâ scilicet mensurâ mensi fuerimus, remetiatur nobis. Si rigidi simus exactores, talis etiam in nos iudex supremus erit. Sin autem facilem veniam promptamque gratiam præstemus, benignum & ipsi clementemque non tam iudicem sentiemus quàm patrem. Redit in auctorem elocata pietas. Nemo gratis in alios bonus est. Exercitata virtus nunquam caret foenore.

Sed obsecro quo tandem consilio & ratione Salomon rem familiarem gessit, si annuatim sexaginta sex auri milliones ex oleo, vino, frumento habuit; si tot insuper vectigalia, indictiones, tributa, collectas, dona recepit, & nihilominus eguit, arario miserabiliter laborante? Ne miremur. Si familia

X \ mille

(a) *Philo. l. de Creatione principum, fine.*

(b) *Cassiodor. l. 5. var. hist. c. 39.*

(c) *Reicher Baur / reicher Edelman / armer Baur / armer Edelman.*

mille cogatur sustinere dominas, quarum septingentæ haberi velint reginæ, quot famularum millia, quis numerus erit famularum? Hæc certè ratione vel fontis perpetua largitas exhauriatur. Ita Salomon seipsum suosque subditos non egenos sed & impios effecit exemplis longe pessimis, vix amplius abolendis: ita se suumque populum omnem depravavit & perdidit. Quanta luxuria erat, cui tot auri milliones egestas erant? Pene unica tantorum ac tot malorum causa fuit. Libido nullis unquam diris ac execrationibus satis detestanda. Nisi Salomon in domesticas libidines adeò effusus fuisset, & ipse & ipsius subditi rebus omnibus abundassent, ab hostibus undique tuti, tranquillitate ac pace longè optatissimâ. At ubi Salomonis ædes libido subiit, evanuerunt opes, gloria, honores, sapientia. Quod huic regi & regno evênit, idem cuivis homini & ejus rebus accidit: libido pessundat omnia; hæc pestis animum & corpus in perniciem impellit. Res liquida & à principe oraculo certa: Non permanebit spiritus meus in homine, quia caro est. Quis illo pauperior, à quo Deus suum aufert spiritum? Quare Salomon ad copiosam paupertatem redactus sit, origines mali deprehendo quatuor. 1. Sibi ipse nimium fidebat. 2. Modica spernebat. 3. Libidini nimium indulgebat. 4. Exemplum civibus perniciosissimum edebat. His mali fontibus conformes quatuor atteximus præceptiones.

1. *Disside tibi ipsi.* Summum malum sui fiducia. Bonum ingens fiducia in Deum. Ecquis

Ecquis sibi ipse credat fidatque vel minimum post tantorum turpissimos lapsus? Verissimum hîc illud Bernardi: Non es Samsone fortior, non es Davide sanctior, non es Salomone sapientior. Ceciderunt isti; quid tibi de te promittis? Excidit innocentia statu Rex David, qui parricidium adulterio adjecit, gemini sceleris reus, levi compendio. Infatuatus pravis amoribus Salomon ostendit nequitiam & stultitiam supremam in sapientissimos posse cadere. De Samsone Judicum syllabus testatur: Abiit in Gazam Samson, & vidit ibi mulierem meretricem, ingressusque est ad eam. Posthac amavit mulierem quæ habitabat in valle Sorec, & vocabatur Dalila. (a) En fortissimum, en & sanctissimum ac sapientissimum in perniciem dederunt libidines. Hæc ruinarum initia. Omnis mali seminarium libido. Diffide tibi ipse.

II. *Ne sperne modica.* Incendiorum crebrius fuere origines scintilla; E levibus caussis quandoque lapsus turpissimi. Oseas vates Hebræus: Comederunt, inquit, alieni robur ejus, & nescivit. (b) Planè alieni à nobis dæmones, suggerendo cupiditates, subtrahunt vires. Et ipse exponit Hieronymus, nescivit, adversarios putans amicos, & devoratores suos arbitrans convivas. In eam rem sollicitè monens Bernardus: Attende, inquit, sollicite quid diligas, quid metuas, unde gaudeas aut contristeris, & invenies cor quale forsan non quæsiisti. Si Salomon seipsum

X 2 sapiens

(a) *Judic. c. 16. v. 1. & 4.*

(b) *Os. cap. 7. vers. 9.*

ſapientius interrogaffet : *Quid diligo ?* Inter tot mala nunquam ſuſpiraret. Alieni comedunt robur ejus, & ipſe neſcivit. Vxores ipſius veri Dei cultum initio neglexerunt, dein & damnarunt : paulatim varios ſuorum deorum cultus inſtituerunt. Hæc Salomon diſſimulavit primum, progreſſu temporis permittit, demum etiam approbavit, ratus fortassis ſuam cuique religionem concedendam liberam. Mente Salomonis ita jam emotâ, conjugum una, forſan Pharaonis filia omnium chariſſima, ſuo Deo fanum rogavit extrui, ſecutæ ſunt & aliæ preces eadem admoventes marito : nec enim minus ſe reginas geſſerunt quàm eſſet illa Ægyptia ; quia verò diſſimiles habuerunt Deos, diverſa illis templa fuerant condenda. His abſolutis rex invitatus ut aliarum quoque gentium ritus ſuâ ſaltem præſentiâ decoraret, annuit, adfuit, vidit, periit ; his paſſibus ad idololatriam devenit. Ita veriſſimum Jobi dictum : Lapidēs excavant aquæ, & alluvione paulatim terra conſumitur. (a) Ne igitur ſperne modica : Qui ſpernit modica, paulatim decideret. (b)

III. *Scandalum morte pejus aſtima.* Aperitiſſimè proclamat Chriſtus : Væ Mundo à ſcandalis, Væ homini per quem ſcandalum venit. Qui ſcandalizaverit unum de puſillis iſtis qui in me credunt, expedit ei ut ſuſpendatur mola aſinaria in collo ejus, & demergatur in profundum maris. (c) Rex Salomon

(a) Job. cap. 14. verſ. 19.

(b) Eccli. cap. 19. verſ. 1.

(c) Matth. cap. 18. verſ. 6.

Salomon exemplis nocuit perniciosissimis. Iudæi jam ante ad idololatriam pronissimi ad sacrilegos ritus currebant; currentibus Rex iste calcar addidit. Ita ostium ingens patuit idololatriæ, & unâ infinitis sceleribus. Tantò autem gravius est exempli mali, seu scandalii peccatum, quantò latius est atque diffusius malum exemplum. Hoc autem Salomonis offensum publicum non toto tantùm grassabatur regno, sed orbe toto. Omnium principum Regumque oculi in unum Salomonem jam idolorum cultorem ibant. Væ homini per quem hoc scandalum venit. Satiùs est medio natare oceano, quàm exemplo nocere pravo.

IV. *Luxuria vel umbram, fuge.* Luxuria rectissimè appellatur, Nequitia lutulenta, vitium potentissimum. Uti lusor qui aleâ omnem reculam confregit, vacuatam numis crumenam invertit, ita Luxuria Salomonis animum ejectis virtutibus ad libitum tractavit. Gregorius id asserens: Ab affiduâ, inquit, carnis petulantia, usque ad mentis perfidiam pervenit. (a) Quàm verè dixit Siracides: Vinum & mulieres apostatare faciunt sapientes. (b) Exemplo sint illi duo vetuli nebulones, Babylonii iudices, alienæ pudicitia subseffores, quibus omnem rationem & Dei timorem rapuit aspectus libidinosus. Viderunt Susannam in horto lavantem & perierunt. (c) Horum omnium locupletissimus testis Oseas: Fornicatio, inquit,

X 3

quit,

(a) Greg. l. 12. mor. cap. 12.

(b) Eccli. cap. 19. vers. 2.

(c) Dan. cap. 13.

quit, & vinum & ebrietas auferunt cor. (a)
 Quapropter Paulus gravissimè hortatur &
 clamat: Fugite fornicationem. Omne pecca-
 tum quodcunque fecerit homo extra cor-
 pus est; qui autem fornicatur in corpus
 suum peccat. An nescitis quoniam mem-
 bra vestra, templum sunt spiritûs sancti, qui
 in vobis est, quem habetis à Deo & non
 estis vestri? Empti enim estis pretio magno,
 Glorificate & portate Deum in corpore ve-
 stro. (b) Fuge fornicationem, fuge luxuri-
 am, & vel umbram illius declina. Qui ser-
 pentis caudam, qui leonis ungues, qui um-
 bram tigridis cernit, nec serpentem, nec leo-
 nem, nec tigridem procul esse credit & fu-
 git. Vbi umbra luxuriæ, ibi non procul ipsa
 est; fuge, fuge. Vel Salomonem clamantem
 audi: Sapiens timet, & declinat à malo. In
 itinere contemptorum vorago. (c)

Hæ sunt illæ quatuor Harpyiæ, quæ Re-
 gem opulentissimum depauperarunt. Qui e-
 vadere cupit vitiosam hanc paupertatem, ne
 ipse sibi fidat, ne modica spernat. Exem-
 plum perniciosum ne prodat, luxuriam om-
 nem fugiat. Fabius Maximus in regem Ei-
 zuitum pugnans, in acie ipsâ, febris quarta-
 nâ, quæ ferè solet occupare annum, libera-
 tus est: qui continentem luxuriæ febrem cu-
 pit discutere ac submovere, non in segni
 otio, non in molli lecto, non in saluari men-
 sâ, non inter pocula, non inter gynecaum,
 nec inter jocos & risus, sed in pugnâ inter
 luctas,

(a) *Os. cap. 4.*

(b) *1. Cor. c. 6. v. 18. & seqq.*

(c) *Pro. c. 14. v. 16. & c. 13. v. 15.*

luctas & dimicationes, fame, siti, vigiliis hunc morbum depellet. Luctandum & pugnandum. Nec enim coronabitur, nisi qui legitimè certaverit.

CAPUT XIV.

Salomon Morbidus & Inglorius.

GRÆCUS & vetus scriptor Hierocles inter facetias narrans: Homo non leviter desipiens, inquit, ad omnia se aptum sibi ipse credidit, omnia in se decora, vestem, incessum, gestus, sermonem censuit. Id tamen etiam avebat scire an somnus se deceret, idque experienciâ certâ cupiebat exploratum habere. Speculum igitur adit, & oculos claudit, visurus, an somnus etiam, perinde ut cetera, sese deceret. Quis albæ mentis hominem non rideat, qui speculum opertis oculis consulebat; ut reipsâ exploraret quàm eleganter ac scitè dormiret?

Tertius Hierosolymorum rex Salomon, Deum velut universi speculum immensum, cujus centrum ubique, circumferentia nusquam est, adiit, sed adiit oculis clausis. Nec enim erat cor ejus perfectum cum Domino Deo suo, sicut cor David patris ejus. (a) Licentiosiori vitæ Salomon altum indormiit; scire tamen desiderans, num hic somnus se deceret: Dixi in corde meo, inquit, si unus & stulti & meus occasus erit, quid mihi prodest quòd majorem sapientiæ dedi

X 4

ope-

(a) 3. Reg. c. 11. v. 4.

operam? En, clausit oculos. Quid igitur mirum, si non videat quàm turpis hic somnus se graviter dedeceat.

Salomon humanæ vitæ speculum, sed aperiis oculis inspicendum, & vitia nobis & vitiorum poenam hætenus exhibuit spectandam. Vidimus Salomonem mœroribus afflictum, penuriâ pressum. Hoc capite spectandum se dabit, *Salomon Morbidus & Inglorius.*

S. I.

Ævo ingravescente variis morbis Salomon oppressus est. Quod ipse non dissimulans per Ecclesiasten suum queritur, simul & hortatur: Memento creatoris tui, antequam tenebrescat sol, & lumen, & luna, & stellæ, & revertantur nubes post pluviam. Sol intelligentiæ deficit, memoriæ lumen hebescit, Voluntatis luna decrescit, & mutatur in dies, & pæne in horas; vult & non vult; stellæ oculorum turbidæ ac pluviosæ, & nubes revertuntur post pluviam, gravedo & destillationes perpetuæ. (a) Pedes nutant, dentes vacillant & cadunt, oculi caligant: Vox gracilescit, somnus fugit, obfurdescunt aures, ad tumbam fatiscunt omnia. Hæc Salomon expertus in seipso; tempus afflictionis demum advenit, & appropinquaverunt anni, de quibus dixit, non mihi placent. Morborum in Salomone tres causæ. Prima, Mœror animi & tristitia. Reverâ spiritus tristis exiccat ossa: Vita carni-um sanitas cordis. (b) Valerius Anselmus in suo

(a) *Enthe Cathart.*(b) *Prov. c. 17. v. 22. & c. 14. v. 30.*

suo catalogo Principum: Vltore Deo, inquit, & gravi ex mœstitiâ mortuus est Salomon. Vidit enim in quod profundum venerit. Secunda. Libidinis intemperantia, ob quam diu sanus & vegetus esse non potuit. Interrogentur super eâ re doctissimi medici, quot morbos efficiat, quot vitæ annos præscindat hæc libidinum intemperies, quæ denique corpus effatum & consciëntiam vulneratam destituit. Hæc luculentissimè probat Hippolytus Guarinonius, è medicorum senatu vir lectissimus. Tabularum fidem hic produco. (a) Vita brevis, vita intemperans & libidinosa. Tertia causa, Vindicta divina quæ laneis incedit pedibus, & plerunque serò venit, sed tarditatem supplicii gravitate compensat. (b) Salomon diu opulentus, diu pacificus, diu sospes & sanus, sed pace, opulentiâ, sospitate abusus demum factus est Morbidus. Non fit injuria volenti.

Ad morbos accesserunt ingens gloriæ decrementum, ignominia, opprobrium. Inde Salomon planè inglorius. Salomonis justus, sapientis, sancti quanta per Orbem sparsa est gloria. Promiserat Deus: Sed & hæc quæ

X 5

non

(a) D. Guarin lib. 5. Im Grewel dar verurtheilung Menschlichen Geschlechts / 2c. lib. 5. parte 4. c. 60. mihi pag. 1093. Bloß natürliche Demonstration. Underweisung / wie daß zu behendister verurtheilung aller Menschlichen Kräfte / verurtheilung der Jugend / vnd vnsers fürseher verurtheilung des Menschlichen Lebens / kein vbel vber die schändlich Venus sey.

(b) Gott kombt langsam / kombt aber wol.

non postulasti, dedi tibi, divinitas & gloriam. (a) Sed, quod Tullius dixit: Vera gloria veræ virtutis comes est. Dum Salomon adhæsit Deo; dum virtutibus studuit, illius gloria omnes Orbis regiones penetravit: quamdiu integer & sanctus egit, honoribus circumfluxit, ingenti nomine fuit. Divinæ promissionis est: Quicumque honorificaverit me, glorificabo eum; qui autem contemnunt me, erunt ignobiles. (b) Desertores suos deserit Deus.

Theologorum antistes Thomas Aquinas de Principum Regimine dissertans: Salomon, inquit, ex luxuriâ & idololatriâ factus est abominabilis populo suo, in tantum ut servi ejus rebellarent ei, vastantes terram absque resistantiâ, cum tamen prius omnes obedirent ad nutum. (c) Annis prioribus adorabatur Salomon, jam vulgi fabula & opprobrium. Ah, quàm miserabilis hæc fuit mutatio! Quis cum lacrimante vate non lacrimetur & dicat: Quomodo obtexit caligine in furore suo Dominus principem Sion: projecit de cælo in terram inclutum Israël, & non est recordatus Amabilis fui, in die furoris sui. Præcipitavit Dominus nec pepercit. (d) Hæc aliquantulum philosophemur, sed religiosè ac sobriè firmandæ pietati.

Videte, Christiani, obsecro videte, quanti sit momenti vel unicam letalem noxam committere, vel semel à Deo sese avertere:

hoc

(a) 3. Reg. c. 3. v. 13. (b) 1. Reg. c. 2. v. 30.

(c) S. Thom. l. 3. de regim. princ. c. 8.

(d) Threnor. c. 2. v. 1. & 2.

hoc enim capitale crimen est : Aversio à Deo , conversio ad rem creatam , ad pecuniam, ad mulierculam, ad gloriolam vanam. Quisquis hoc vel semel duntaxat ausus fuerit, æternis flammis urendum se abjicit; nec mirum sit ulli, si pereat æternum, quia professus est esse se hostem Dei. Hinc, nullum in Orbe miserius animal homine illo , qui vel unico letalis noxæ piaculo se obstrinxit: summum Orbis malum , facinus mortiferum. Miserrimus omnium est is , qui animum noxâ letali gerit inquinatum ; levissimo fit momento ut eum subitaria mors è lecto, è choreis, fabulantem, ridentem, nil minus quàm mori cogitantem abripiat ad inferos. Nulli profectò horulæ parte securus est de vitâ longiore: repentina eum distilatio vel casus alius sternit ; corpus in tumulum, animus abripitur in tartarum. Qui sic obit , æternum perit , juratissimus & sempiternus Dei hostis.

Deinde nil prorsus miri, transitiones & transfugia , defectionesque turpissimas à Deo, à religione, à fide , ab omni sanctitate fieri : nam eo ipso quòd quis vel semel Deo rebellare audet letali scelere , Deus ipsi omnem subducit gratiam, omnemq; spiritus vitam, ut dici possit calo Deoque mortuus. Ita mancipium fit diaboli qui miserum levinsu ab uno in aliud impellit flagitium. Quis prohibeat rem mancupi applicare? Sin autem resipiscat, & cum Deo in gratiam redeat, miraculum majus , quàm si verè mortuus reviviscat. Atque hinc nemò miretur Salomonem in eas extremitates abiisse, tam
altis

altis haustum præcipitiis, quia semel ausus capitale crimen admittere. Quo verò tempore Salomon primam letalem noxam commiserit, sciri non faciliè potest; eo fortassis quo Pharaonis filiam, contra Dei legem expressam in matrimonium duxit. Hoc scimus: Præcipitavit Dominus, nec pepercit. Qui hominibus serviunt, si plurimorum annorum obsequiis suos sibi dominos credant devinctos, ita nonnunquam argumentantur: Quid hoc? Tamdiu huic domino servierim, annis viginti, triginta, vel quadraginta, & jam ob nescio quam offensionculam subito rejiciar? Quæ ista æquitas? Iniquum sit forsitan inter homines. Deus hoc æquissimè facit. Servieris Deo quinquaginta vel etiam centum annis, famem quotidianam pane tantum & aquâ refeceris, continuis jejuniis exhaustus, sex quotidie horas precationibus impenderis, quotidianis flagris carnem objurgâris & cruentâris, si post tot annos sic exactos culpam letalem admittas, gratiam collectam effudisti omnem. Præcipitabit te dominus, & non parcer, idque æquissimè.

Hic nemo unquam satis mirabitur, & attoniti quæremus semper, quid est quòd Deus vel unico letali delicto supplicium statuerit æternum? Quantumcunque apud nos facinorosus homo, vel læsæ Majestatis etiam reus, qui reges, qui Cæsares obtruncat, exquisitissimis quidem tormentis afficitur, sed ea triduo, summum unâ durant hebdomade; cæditur, laceratur, uritur, in partes discerpitur. Aut ubi supplicia sua jam exha-

exhausit, si revivisceret occisus, diceretur :
Iam vivat ; morte luit , & acerbâ quæ de-
buit. At verò Deus , unicam, verbi gratiâ ,
luxuriæ, vel invidiæ, vel superbiæ malignio-
rem cogitatum suppliciis punit sempiter-
nis. Sic Apostatarum Angelorum VELLE
unicum aut NOLLE, sic in Protopla-
stis unicum pomi raptum non desituri
vindicat pœnis , & quidem , ut Theologi
loquuntur, citra condignum. Dicite Chri-
stiani , obsecro quid tandem hoc mali est
quod iram Numinis æternam nutriat ? Li-
ceat hic mihi confidentiâ sincerissimâ lo-
qui. Ego tot annis indagavi, legi, cogitavi,
quæsi, interrogavi sapius, quid demum
tam abominandæ pestis inveniri posset, cui
Deus decrevisset flammæ æternas ? Unica
letalitatis noxa totis æternitatibus inter atro-
cissimos ignes expiari nequeat ? Hujus qui-
dem rei rationes redduntur complures,
causarum satis multæ assignantur, sed nul-
la, putem (sit dicto venia) atrocitatem rei
penetrat. Infinitam peccati nequitiam, in-
deprehenibilem æternitatis immensitatem
quis satis investigaverit ? Labor est ante
nos tam interminata tam incomprehen-
sa scrutari. Est non nemo qui dicat : Quid
mirum est, mortis æternæ reos semper
puniri, cum semper peccent, Deum divós-
que omnes scelestâ linguâ violando ? Vbi
assiduum peccatum, ibi & assidua peccati
pœna. Non malè. Sed hîc ulterius quæram:
Cur Deus adeò illis omnem ademit gra-
tiam, ut tres illas à se voculas in æternum
nunquam impetraturi sint : Miserere mei
Deus.

Deus. Hic, obsecro, hic examinemus aliquantulum infandam atrocitatem, infinitam abominationem peccati, quod etiam unicum sit, ipsum misericordiae fontem Deum ad iram provocat aeternam, nullis faculis sopiendam. Hæc nobis doctissimus aliquis Augustinus, facundissimus Chrysostomus aliquis, imò Paulus aliquis celestium arcanorum conscius exponat: dies noctesque ab ore viri pendentis audiemus attentissimi.

Verum hæc neque dici, neque scribi satis, imò nec satis cogitari possunt. Hæc credimus, utinam firmè. Christiana nos religio docet, infinitam esse peccati nequitiam, ob honorem infinitum, ob Majestatem Numinis immensam, quæ læditur: atque hinc justè infinitæ malitiæ decerni supplicium infinitum.

Hinc sanctissimi Reges & Cæsares sub extremam vitæ periodum monuerunt suos, ne unquam eò vellent insanire ac furere ut capitali crimine se obstringerent. Beato Ludovico Galliarum Regi hoc à teneris unguiculis altissimè impressum, malle mori quam noxam contrahere letalem. Quod Ludovicus Vivaldus in dissertatione de tribus liliis testatur his omnino verbis: Mater ejus devotissima Blancha, adolescenti cordialiter dicebat, quòd potius vellet eum mori, quàm Deum mortali peccato offendere. Hujus certè animi fuerunt serii omnes amici Christi, se potius in mare igneum quàm in delictum mortiferum præcipitare.

Erant qui Chrysostomum gravius calumniando

niando plurimum laudarent. Cum enim Eudoxia Augusta Arcadii conjux optimum Pontificem non levi odio insequeretur, missi sunt ex aula, aut aliquantulum Imperatrici cedendum, aut vertendum solum. Quibus adeò animoserespondit Chrysostomus, ut missi oratores redirent re infecta, dicerentque: Hujus sacerdotis unius animum sane non expugnamus: Neminem enim timet, nisi Deum & peccatum. Nihil est in Orbe tam truculentum ac formidabile, quod vel minimum timeamus, modo timeamus Deum & peccatum. Deum ut supremum dominum & patrem amantissimum, peccatum ut atrocissimum omnium tyrannum; Deum ut benefactorem summum, peccatum ut capitalissimum gentis humanæ hostem; Deum ut fontem omnis boni, peccatum ut Lernam malorum omnium, ut maximum & unicum Orbis malum. Hic geminum nobis suggerit documentum & Morbidus & Inglorius Salomon.

Primum offert Morbidus: *Vitam si amas, oderis vitia.* Salomon senex ante senium, ad septuaginta vel octoginta annos non attigit, vix ad sexagesimum pervenit. Humani corporis vires nimium quantum exhaurit Luxuria. Homines Venerei ante senectutem fiunt senes. Si continentius vixisset Salomon, ad annos centum facillimè pervixisset: Omnia valetudinis adjumenta ad nutum habuit, herbarum & rerum omnium quæ sanitati faciunt, scientissimus fuit. Accesserunt promissiones divinæ: Si ambulaveris in viis meis, & custodieris præcepta

mea & mandata mea, sicut ambulavit pater tuus, longos faciam dies tuos. (a) Non ambulavit, non custodivit; ita nec Deus longior em ei vitam concessit. Viri sanguinum & dolosi non dimidiabunt dies suos. (b) Hilarior hoc in plerisque omnes improbos dicunt autumat, qui maiorem partem non perveniunt ad naturalem ætatis metam. Nec dubium est quin multa millia quotidie moriantur quibus violenta Parca præscindit vitæ filum, ob genus vivendi intemperans & improbum. Quicumque igitur amatis vitam, vitia odisse memineritis. Dei vox est: Quicumque honorificaverit me, glorificabo eum.

Alterum instillat Salomon Inglorius. Qui autem contemnunt me, erunt ignobiles. (c) Salomon contempsit, factus ignobilissimus. Præcipitavit eum Dominus, nec pepercit. Salomon olim Palæstinæ gloria, nunc Orbis fabula. Quid nos viles mendiculi adversus cæli Regem insolescimus? Præcipitabit Dominus, nec parcat. Induamus ergo animum Chrysostomi, & in Orbe nihil timeamus, nisi Deum & peccatum. Anima quæ peccaverit, ipsa morietur. Multo satius teterrima quæque pati, quàm letalem noxam vel unicam contrahere. Præstat in vorticosum flumen, aut in foveam colubris plenam, aut in flaminantes rogos insilire, quàm à Deo per facinus mortiferum recedere. Præstat millies mori quàm Deum vel

semel

(a) 3. Reg. cap. 3. vers. 14.

(b) Psal. 54. vers. 27.

(c) 1. Reg. cap. 2. vers. 30.

semel gravius offendere. Ludus & jocus, est prima mortis momentum ad aeternitatem secundam.

CAPUT XV.

Salomon Mortuus.

Tigris animantium ferocissima, simul & cursu pernicissima, cum adulta est, non facile unquam capi potest, ipsi tamen catulus fertur posse subduci hoc astu. Eques ad fugiendum paratissimus, catulum absente matre surripit; & mox admissso equo quam potest celerrime fugit. Tigris mater plerunque non diu absens à prole, cum eam non reperit, pignoris sui pradam quam velocissime insequitur. Eques venator non ignorans pedestrem tigridis volatum pane cum ventis certare, ut savissimam animanti in via moram injiciat, rotundum grande speculum abjicit rapidissimi cursus sufflumen. Nam speculo tigris inspecto suum à se catulum videri putat, eumque ardentissime desiderat recipere. Interim eques fugam sibi consulit, dum pradam asserat in tutum. Hac venatoriâ fraude tigridis cursus sistitur, & matri tam stulte quam cupide amanti catulus eripitur.

Horæ diésque humanæ vitæ currunt volantque celerrime. Jobo teste: Homo natus de muliere, brevi vivens tempore, repletur multis miseriis; qui quasi flos egreditur, & conteritur, & fugit velut umbra. (a) Quid

Y

celerrime?

(a) Job. c. 14. vers. 2.

celerius? Addit Jobus: Dies mei velociore fuerunt cursore, fugerunt & non viderunt bonum. (a) Huic rapidissimo cursui nostro diversa Deus objicit. specula, spargitque per viam. Nitidum planè ac admirandum humanæ vitæ speculum fuit potentissimus rex Hebræorum Salomon. Et vult Deus ut tollamus hoc speculum atque inspiciamus. Frequentissimè in oculis sit Salomon moribundus & mortuus. Ut tantò altius & tenaciùs animo infixum illud hæreat: Vanitas Vanitatum, & omnia vanitas. Hæc dicit Dominus exercituum: Contemplamini & vocate lamentatrices ut veniant. (b) Hactenus Salomonem vivum spectavimus, nunc etiam mortuum & sepultum; hoc capite de ipsius morte ac sepulturâ locuturi.

(a) *Idem cap. 9. vers. 25.*

(b) *Hierem. cap. 9. vers. 17.*

§. I.

Tam Latina quàm Græca, Hebræa, & Chaldaea bibliorum interpretatio asserit Salomonem imperasse Hierosolymis in omnè Israël annis quadraginta. Nam anno aetatis decimo nono clavum imperii assumpsit, quadraginta annis tenuit, ita demum anno sexagesimo defunctus est. Fuit annus ab Orbe conditio ter millesimus quinquagesimus nonus. Supremo vitæ anno non multa Salomoni cogitatio subrepit de condendo sibi tumulo. Ita mortem ante mortem meditatus, sepulchrum in monte Sion ad patris sui monumentum sibi jussit extrui.

quo

quo loco regium deinceps fuit sepulchretum. Illud hîc sanè admirandum. Rex David Mausoleum hoc caput, Salomon finivit, & tamen omnium, qui secuti sunt, regum capax fuit, hac structuræ formâ: Hypogæum ingens rotundum è mero solidissimóque marmore fuit excisum, & in eo quatuor conditoria, Bethsabeæ reginæ & tribus Salomonis fratribus discretè sepeliendis. Ab hoc aliud sequebatur amplissimum hypogæum, cujus utrimque ambo semicirculi creatas octodecim sepulturas continebant. Ex hoc in hypogæum tertium ibatur similiter amplum sed quadrum. Hîc David è fronte, Salomon dextrâ, lævâ Roboamus est situs. Illud remere factum videri haud potest, quòd Salomon tot omnino sepulchra struxerit, quot à Davide patre reges sunt secuti ad Ezechiam regum ultimum. Nam sicut universè unus & viginti reges sibi ordine successerunt, ita unum & viginti sepulchra à Salomone ædificata fuerunt, non sine admirabili futurorum prænotione aut præsa-gitione. Hunc locum Aquilejæ Patriarcha Daniel ipsemet inspexit & diligentissimè dimensus est.

In hoc subterraneum palatium mors Salomonem compulit. Nam morbi & mœror ita hunc regem exercuerunt, ut morti ad eum patuerit accessus. Vix dubium quin moriturus Roboamum filium vocarit, eumque oratione gravi moverit, ut traditum sibi paternum regnum iustitiâ tueretur. Non leniter tamen cruciabatur & sollicitus erat

Salomon : Habiturus (ut ipse fatetur) hære-

dem quem ignoro, utrū sapiens an stultus futurus sit. (a) Nec vana fuit sollicitudo. Quod Siracides affirmans: Dereliquit post se, ait, de semine suo, gentis stultitiam, & imminutum à prudentiâ Roboam, qui avertit gentem consilio suo. (b) Fecit igitur Salomon, quod solent homines, & mortuus est. Sed non illo sui apud cives desiderio, nec eâ quā pater laude. De David patre, Regum chronicon testatur: Mortuus est in senectute bonâ, & plenus dierum, & divitiis, & gloria. (c) Salomon quidem mortuus est, sed non plenus dierum: nec enim ad annum septuagesimum ætate processit, qui facile potuisset ad octogesimum, aut etiam nonagesimum, ad centesimum vitam producere; bella non gessit quæ pater; in pace semper egit; calamitates non sustinuit quas pater, felicitatis majorem partem charissimus alumnus. Vitæ filium præcidit ipse sibi incontinentiâ. Non solum autem dierum, sed nec divitiarum plenus mortuus est, ingemiscente demum & ad inopiam usque laborante ætario. Sed nec gloriâ plenus obiit, in gloriæ vicem subeuntibus probris & incredibili dedecore. Dedit maculam in gloriâ suâ.

O quales quantæque mutationes! Adolescentiam egit ut Angelus, ævum adultum ut diabolus: religiosissima juvenus, propudiosam habuit canitiem; ætas prior sapiens & sancta, vitiosa fuit & fatua posterior. Nam sub extremum navigationis felicissimæ

(a) *Eccles. cap. 2.*

(b) *Eccli. cap. 47. v. 28.*

(c) *I. Par. c. 29. v. 28.*

ma cursum, ad blandos Sirenum scopulos impegit, & luctuosissimum fecit naufragium infelix. An verò à beatitudinis portu penitus aberrarit, sequenti capite quæremus. Naufragium profectò tale fuit, ut vix spes ulla remanserit evadendi ad salutem. Peccavit, quod & alii fecerunt, àn verò resipuerit cum aliis & egerit poenitentiam, incertum. Deliquit Moses in Ægyptio perimendo, Aaron in vitulo ad cultum erigendo; Peccavit Heli filiis malè educandis; David alienà conjuge temerandâ, marito trucidando, populo numerando; peccavit & Manassès, & quidem, quod ipsemet fatetur, super numerum arenæ maris, & unà secum innumeros in peccata traxit. Peccavit Theodosius Imperator & præcipitante irâ septem millia infantium iussit mactari: Peccavit & Mauritius Imperator, tenax æris, qui Christianos facili lytro redimere recusavit. Peccavit Theodosii conjux Eudocia Eutychianæ hæresis complexu. Peccavit Liberius Pontifex, qui Arrianis favit, & falso in Athanasium iudicio subscripsit. Peccavit & Marcellinus Pontifex qui Deorum simulacris thus obtulit. Erravit & beatus Cyrillus Alexandrinus, qui monachum seditiosum coluit ut sanctum. Erravit & beatus Cyprianus qui ab hæreticis lustratos denuo lucrari voluit. Peccarunt & errarunt infiniti alii. Peccata eorum grandia, lapsus graves, errores erant foedi, sed quos poenitentia certa expiavit. Peccavit Salomon: num eum seriò peccati poenituit? Sed non peccavit solum, sed pessimo

mo etiam exemplo publico toti regno, infinitis hominibus nocuit.

Æstimari non potest damnum, quod ejusmodi offensionibus inferitur. Nimiùm late serpunt & ipsum inficiunt Orbem regia hæc exempla. Sed lapsus tam horribilis nullus, nullum tam grande peccatum, nec ullum tam miserabile naufragium est, quod reparare non possit pœnitentia, modo sit matura. Peccamus centies, centies resurgamus: peccamus millies resurgamus millies, & quidem eadem quâ labimur horâ, lapsum restituamus pœnitentiâ. Hæc enim nec ad horæ partem differenda. Peccasti? mox malagmate aut sinceræ contritionis, aut amoris divini vulnus perfana: Dic animo: Deus propitius esto mihi peccatori. Aut; Misere mei Deus: Tuam legem Domine, imposterum integrè servabo. Quemadmodum enim campanæ rimas agenti nulla ferruminatio, plumbatura nulla mederi potest, furnus Campanicus potest: ita conscientia si ve cogitatis seu dictis, factisve laesa, veluti campana fracta & rimosa pessimum edit sonum: hanc sola juverit fornax pœnitentiæ. Ingemisce ac dole, pœniteat facti, & conscientiam juvisti. Tua te à Deo abduxit petulantia; tua te reducat pœnitentia. Vociferatur Oseas: Væ eis, quoniam recesserunt à me, (a) Væ multiplex in Salomonem proclamatum est: Væ Salomonis animo quem mœror deducet ad mortem: Væ Salomonis regno quod trigeminus incurfabit hostis: Væ Salomonis ærario, quod suspirabit in

bit in fundo : Væ Salomonis gloriæ , quæ
abibit in fumum : Væ Salomonis corpori
quod exugent varii dolores & morbi : Væ
Salomonis fini , nisi prius Salomon respi-
scat, quàm finiat : Væ, quantus quantus est,
Salomoni , quoniam recessit à Deo. Videte
ut Deus recedentem à se fatigaverit: Hic re-
mediorum nihil est nisi quod una & sola
suggerit pœnitentia. Hic verbis nihil agi-
tur nisi piacularibus illis : Miserere mei
Deus. Quicumque igitur à Deo recessistis
per culpam , redite ad eum per pœniten-
tiam.

Sed hîc caveamus sedulò : sua habet &
Mundus specula que projiciat in viâ ; ne
tolle , ne inspice. Hîc varia humana curio-
sitis ludibria decipiunt. Hîc vitæ longio-
ris amor cernitur, qui seræ pœnitentiæ pol-
licetur tempus ; hic humanus favor , res o-
mnium blandissima, oculos effascinat ; hîc nu-
merosæ facultates, & opulenti census annui
pelliciunt ; hic Cupidines, hîc variæ fallunt
voluptates. Hîc plurimi sanè se ipsos suavi-
ter inveniunt, uti tigris, quam speculum ita
deludit, ut perdat quod tenere se putat. Ca-
vete mentientis speculi pellecebras ; insidiæ
sunt & prastigiæ fallendis oculis locatæ.
Fallax gratia & vana est pulchritudo , fallax
opulentia & vana est claritudo , fallax po-
tentia, & vana est amplitudo, fallax & vana
est omnis celsitas & voluptas. Decepta ocu-
lorum credulitas nescio quid magni sibi
fingit & diurni, umbra est merissima.
Non est beata hæc vita, non est, ah fallimur,
non est : Vanitas vanitatum, & omnia vani-
tas.

tas. Pallida mors æquo pulsat pede pauperum tabernas regumque turres : Lilia sensibus miscentur; Cræsus & Codrus, Salomon & Lazarus eâdem hauriuntur specu. Omnem Salomonis luxum luctus succedens glutiit. Vanitas vanitatum & omnia vanitas.

CAPVT XVI.

Salomon Beatus an Damnatus?

PAufanias in Arcadicis narrat non procul Megalopoli in templo Heræ seu Cereris appensum parieti speculum sic esse factum, ut in eo statuæ Deorum cernerentur omnes, hominum nullæ. Salomonem humanæ vitæ speculum contemplati sumus hætenus, de quo pane contrarium sit asserendum. Siquidem Hebræus Rex iste, cùm annum ætatis ageret quinquagesimum quartum, eos præ se mores tulit, ut ferè nihil spiritale aut divinum sapuerit; omnia illius cupiditates & libidines olebant. Hinc Salomon Negotiosus,

Inconstans,
Prodigus,
Avarus,
Carnalis,
Luxuriosus,
Ingratus,
Superbus,
Imprudens,
Fatuus,
Idololatra & Magus,

Moerore

Moerore afflictus,
 Penuriâ pressus,
 Morbidus & Inglorius,
 Mortuus,

Beatus an Damnatus?

Nunc superest quaestio à Salomonis aeo inter eruditos agitari solita : Num verè dici possit *Salomon poenitens*. Si hoc ei competat elogii, libere dicemus : *Salomon Beatus*. Super eâ re Senatus eruditorum in triplicem abiit sententiam. Prima : Salomon peccatis immortalus & damnatus. Altera : Salomon resipiscens & beatus. Tertia : Lite & iudicio suspenso neutrum dicit. Quam verò nos sententiam sectabimur? Illud huic dissertationi praestruo : Hæc ab hominibus certo sciri non posse. Nunc illam triplicem sententiam animus est exponere. Addam, quid ego sentiam, non ut iudex, sed ut testis, qui alienam laudat sententiam.

§. I.

Protagoras de omni re in utramque partem ex æquo disputari posse affirmat. Multas etiamnum Ecclesia quaestiones agit, ut problemata; & adhuc sub iudice lis est, causis nondum integre disceptatis. Inter eas numeramus & istam, Num Salomon sub vitæ finem plenè resipuerit. Beatæ Mechtildi de beatitudine quorundam dubiæ, ac sollicitè interroganti, responsum ajunt caritus in hunc modum: Quid pietas mea, cum anima Samsonis egerit, volo esse

ignotum : Quid misericordia mea de animâ Salomonis constituerit , volo latere : Quid benignitas mea de anima Origenis decreverit , volo absconditum : Quid misericordia mea de Trajani animâ defnierit , volo ignorari. Non magni facimus hoc visum è duplici capite. Primum est : Samsonem inter beatos numerant divini libri : Dilucidè Paulus catalogum texens cælo receptorum : Deficiat me tempus , inquit , enarrantem de Gedeon , Barac , Samson , Iephthe , David , Samuel & prophetis , qui per fidem devicerunt regna , operati sunt iustitiam , adepti sunt repromissiones. (a) Res clara. Fabulam de Trajani anima refellit doctissimus Baronius , (b) ostenditque hunc Cæsarem fuisse hominem scelestum , sævum , in Christianos tyrannum , occultis libidinibus contaminatum ; potuisse tamen videri non pessimum ad Imperatores alios collatum. Ita illa visio auctoritatis est exiguæ. Sed sententias enumeramus.

Prima Salomonem flammis addicit semipiternis. Neque id sine rationibus adstruit. Earum prima est , nulla usquam mentio pœnitentiæ quam utique non subtrivissent sacræ paginæ , quæ flagitia Salomonis detexerunt. Altera , Idololatriam primus Hierosolymis admisit , regnumque totum infecit , idola non tantum non sustulit , sed impias gentium superstitiones confirmavit. Atqui non nescimus quâ graviter vitiorum

aucto-

(a) *Hebr. c. II. v. 32.*

(b) *Baron. toma 2. & 8. Annal.*

auctores soleant puniri. Qui primus sabbatum colligendis lignis temeravit, factum morte luit. (a) Tertio, amplissimas Dei promissiones, & gravissimas comminationes rex impius contempsit, ita se posterofque contumaci ausu præcipitavit. Quarto, ademit Deus omnem Salomoni sapientiam, nec dubium quin pariter omnem gratiam ademerit. Non erat cor ejus perfectum cum Domino: Quo loquendi modo sacrae paginae malam vitæ clausulam significant.

Altera sententiâ, in neutram nimirum partem vergit; nec cælo asserunt hunc regem, nec detrudunt Orco magni nominis auctores. Dubie loquuntur, cum Protagora, & quæstionem hanc in problema trahunt. Modesta & mitis censura.

Sententia tertia inter cælites refert Salomonem. Quid hîc faciam? quibuscum sentiam? Animi revera pendeo, cum è minima societate nostra pro quavis sententia duo primarii scriptores stent, quorum illi primam, isti alteram, hi tertiam propugnent: Anceps hæreo. Durum videtur, & aliquando supercilii est, discipulum à præceptoribus dissentire. Sed veritas & amicis & magistris omnibus anteferenda: Duo ergo primi, Robertus Bellarminus & Benedictus Pererius, è scriptis uterque notissimus, Salomonem ad inferos dejectum autumant. Alteri duo Sebastianus Barradius & Ioannes Maldonatus, è libris in lucem datis non minus noti, medios se gerendo in neu-

(a) Num. c. 15. v. 32.

neutram inclinant partem: nec enim receptum cælo pronuntiare audent, nec sepultum tartaro. Denique cum Areopagitis iudicibus dicunt: *Non liquere*. Tertii duo Ioannes Pineda & Iacobus Salianus, è suis voluminibus quæ scripserunt, æque noti, Salomonem in piorum sedes electum iudicant. Hic mihi non bivium duntaxat sed trivium offertur: quæ pedem inferam? Non diffiteor, ante annos sat multos cum primis senseram. Sed re melius expensa, ab illis seorsum sentio, & totus in opinionem tertiam discedo, censeoque Salomonem cælo donatum. Hæc non ut iudex sed ut testium infimus dico. Prioribus quatuor ut meis majoribus, jure plurimum defero, sed ab eorum opinione, cum veniâ, hic recedo. Potior omnium veritas, cui præ ceteris, conformior ultima videtur esse sententia. Nec ea rationibus destituta est.

Prima, sanctorum Patrum auctoritas; Duodecim è priscis illis Patribus numerantur, quorum omnium eo sententiæ decurrerunt, ut censuerint Salomonem cælo non exclusum. In illo duodecimviratu Hieronymus, Ambrosius, (a) Thomas Aquinas. Huic Theologiæ principi, partes utique non oscitanter examinanti, difficile est refragari. Ad priscos illos Patres accedunt septuaginta interpretes qui isto animo veniunt, illudque eis assentiuntur. Nec difficile, ratiocinationes adversæ partis solvere.

Deinde

(a) Ambrosius, ter sanctum nominat.

Deinde litteræ divinæ sapius mentionem injiciunt Salomonis noxas fatentis. Quàm illud submissè dictum : Stultissimus sum virorum, & sapientia hominum non est mecum. Non didici sapientiam, & non novi scientiam sanctorum. (a) Nunquid hoc non est conscientia labes ac vulnera patefacere? Regum fasti Salomonis obitum ita commendant : Dormivit Salomon cum patribus suis, & sepultus est in civitate patris sui. (b) Ambrosius existimat, Dormire cum patribus suis, apponi ad patres suos, ferè tantum de bonis regibus dici. Nam de Roboamo dicitur : Confirmaverunt Roboam filium Salomonis per tres annos, ambulaverunt enim in viis David & Salomonis, annis tantum tribus. (c)

Tertio, Salomonem à Deo non æternæ morti addictum, Dei promissiones amplissimæ testantur hunc in modum : Ego ero ei in patrem & ipse erit mihi in filium, qui si iniquè aliquid gesserit, arguam eum in virgâ virorum, & in plagis filiorum hominum : misericordiam autem meam non auferam ab eo, sicut abstuli à Saul, quem amovi à facie meâ. (d) Minatur Deus se Davidis filium, in solio successorem, si minùs frugi sit, virgâ virorum, & plagis filiorum hominum, non dæmonum à se corripiendum : perinde ut pater tenellum parvulum cadit, sed parcente manu. Ita Deus Salomonem non

(a) Prov. cap. 30. vers. 2. & 3.

(b) 3 Reg. cap. 11. vers. 43.

(c) 2 Par. cap. 11. vers. 17.

(d) 2 Reg. cap. 7. vers. 14. & 15.

non æterni supplicii flagris, sed brevioris pœnæ virgulis castigavit ad frugem.

Quartò, Salomon non solum Christi Domini typus & imago, sed etiam inter primarios fuit scriptores sacros, è quorum omnium numero quem ad inferos dicemus præcipitatum? Amanuenssem & scribam spiritûs sancti non immeritò locamus cælo.

Quintò, Extant testimonia pœnitentiæ à Salomone actæ. Quam uti credibile, cœpit agere anno imperii sui trigesimo nono, ætatis suæ quinquagesimo nono; duobus ultimis vitæ annis tres scripsit libellos, Proverbia, Cantica Canticorum, Ecclesiasten. In his publicam certè confessionem delictorum est legere: agnoscit lapsum, agit pœnitentiam, ambit veniam. Hinc illæ voces pompam & voluptatem detestantes: Vanitas vanitatum, & omnia vanitas. Potuit Salomon quod Severus Imperator, dicere: Omnia fui, omnia expertus sum, sed nihil expedit. Omnia inania, vana, ventosa, vacua; omnia nugæ, fumus, somnia. Credamus hæc obsecro, horum expertissimis.

Porro varios rex Salomon ad pœnitentiam habuit impulsus. Accerrimi conscientiæ stimuli monebant identidem & fodicabant. Quassatus Reipublicæ status, & adversariorum molimina in oculis erant. Diversa commovebat mutatio, gloriæ in ignominiam, sapientiæ in dementiam, opulentiæ in penuriam. Urgebant morbi corporis; nuntii mortis, imminens Dei iudicium,

cium, & formidabile tribunal. Monere non desinebant sacerdotes & prophetae, praesertim Ahias & Sadoc, qui eum in regem unxerat. Et quamvis non defuerint, ut in aulis sit, qui manibus pedibusque relictati monitoribus, hoc unum blandè suaserint, ne rex inutili se mœrore conficeret, ad revocandum pedem sat temporis superesse, praeproperæ poenitiæ pudorem nimium obsistere, validam consuetudinem subito tolli non posse, non expedire superfluas sibi curas ultro accersere, multa regibus licere quæ neganda sint plebi, cogitationibus tam mœstis mortem non esse accelerandam. Hæc adulantium erant lenocinia. Nihilominus, quod Hieronymus testatur, tandem in se reversus Salomon, & quasi de gravi somno evigilans, aspexit manus suas, & opera sua plena vanitate, plena sordibus. (a) Proinde, quod verosimillimum, omnes regni ordines convocavit, & publicas offensiones ac noxas publicâ damnavit detestatione; vitam inter voluptates malè consumptam deploravit, ostenditque quanta rerum omnium esset vanitas, quam fallax quæreretur felicitas in opibus, palatiis, hortis, copiosis familiis, voluptatibus exquisitissimis. Neque verò artibus, scientiis, sapientiæ, dignitatibus, famæ & gloriæ quidquam fidendum: Hæc enim omnia si desit timor Domini, esse vanissima. Itaque se idololatriæ omni & malæ voluptati renuntiare, & unam Dei misericordiam implorare: proinde qui se juvissent de-

(a) Hier. hom. 3. & 4. in Eccles.

deliquentem, juvent etiam dolentem & ingemiscentem. Epilogus concionis hic erat: Finem loquendi pariter omnes audiamus: Deum time, & mandata ejus observa. hoc est enim omnis homo. Et cuncta quæ fiunt, adducet Deus in judicium pro omni errato, siue bonum, siue malum sit. (a)

Ergo Salomon poenitentiam egit, & dignos edidit fructus poenitentiae, quam pro ævi more, & gentis ritu aggressus creditur cinere, sacco, lacrimis, jejunio. Narravit Hebræorum Antiquitates Salomonem Hierosolymis per vias tractum, & quinque virgarum fascibus armatum adiisse templum, & uno sibi retento, alios quatuor dedisse legis peritis, ut se iis caderent; qui respondisse feruntur, nefas esse in Christum Domini ultrices admoliri manus. Mitamus hæc. Nos cum priscis Patribus opinamur, Salomonem non timide nec parcè, aut languidè peccata vitæ præteritæ in se vindicasse. Sed ubi mentio, ajuat, poenitentia? Quæso vos, o boni, dicite; ubi Adami, Lothi, Samsonis, aliorum poenitentia narratur? Præter jam dicta, & illud Salomonis poenitentis argumentum est: Quod cum vidissem, posui in corde meo, & exemplo didici disciplinam. (b) Hæc in corde positio, non est qualiscunque cogitatio, sed emendationis & poenitentia. Afferunt hæc septuaginta interpretes: (c) Afferit Hieronymus: Novissimè egi poenitentiam, & respexi,

(a) *Eccl. cap. 12 vers. 13. & 14.*

(b) *Prov. cap. 24. vers. 32.*

(c) *ὕστερον ἐγὼ μετενόησα.*

spexi, ut eligerem disciplinam. Dixerat quidem Siracides : Maculatam Salomonis gloriam. Adjecit tamen : Deus autem non derelinquet misericordiam suam. (a)

Atque hæc de pœnitentiâ & beatitudine Salomonis sententia immensam Dei misericordiam magis commendat. Ecclesiæ preces sunt : Deus cui proprium est misereri semper & parcere. Suavis Dominus universis, & miserationes ejus super omnia opera ejus. (b) Sed & pœnitentiæ vis maxima hîc elucescit. Negant infestum posse fieri quod factum est : id tamen pœnitentia potest, quæ commissas noxas sic abolet, tanquam si commissæ non sint. Pœnitentia, modò non nimium sera, perditæ salutis reparatrix admiranda, plus quandoque reddit quàm perditum sit. Chrysostomo, Pœnitentia misericordiæ mater est. Certa nos erigit promissio : Cùm quæsieris Dominum Deum tuum, invenies eum, si tamen toto corde quæsieris eum, & totâ tribulatione animæ tuæ. (c) Pœnitentiam, piperis aut sinapis granum dixeris, cujus orbiculo exiguo tam multum ignis clauditur. Hic Ambrosii præceptionem Theodosio datam salubriter instillo : Secuti sumus Salomonem errantem, sequamur & pœnitentem. Pœnitentiæ indagamus fiduciam, quæ pariter potentissima est & incredibili pollet robore. Hoc uno fiducia scuto in omnes adversos casus rex David est usus : **pæne omnia Davidis sacra carmi-**

Z

na

(a) *Eccli. cap. 47. vers. 23.*

(b) *Psal. 144. vers. 9.*

(c) *Deuter. cap. 4.*

na Fiduciam loquuntur. Fiducia rex David adversus omnes hostes erectissimus : In te , inquit , Domine speravi , non confundar in aeternum. (a) Cui accinens Sircides : Scitote , ait , quia nullus speravit in Domino & confusus est. (b) Pœnitentiæ & Fiduciæ brachiis Deum ad nos trahimus & nostrum facimus. Fiducia seu spes robusta non confundit ; Pœnitentia feria nemini non cælum aperit.

(a) *Psal.* 79.

(b) *Eccli. c. 2. v. 11.*



INDICULUS

CAPITUM

IN

PARTEM PRIMAM

SALOMONIS.

CAPVT I. <i>Salomon Modestus.</i>	I
CAP. II. <i>Salomon Oeconomus.</i>	10
CAP. III. <i>Salomon Architectus.</i>	20
CAP. IV. <i>Salomon Industrius.</i>	30
CAP. V. <i>Salomon Dives.</i>	40
CAP. VI. <i>Salomon Ditissimus.</i>	47
CAP. VII. <i>Salomon Liberalis.</i>	57
CAP. VIII. <i>Salomon Hospitalis.</i>	69
CAP. IX. <i>Salomon Clemens.</i>	78
CAP. X. <i>Salomon Magnificus.</i>	86
CAP. XI. <i>Salomon Magnificentissimus.</i>	98
CAP. XII. <i>Salomon Iustus.</i>	106
CAP. XIII. <i>Salomon Iustissimus.</i>	120
CAP. XIV. <i>Salomon Sapiens.</i>	127
CAP. XV. <i>Salomon Sapientissimus.</i>	141
CAP. XVI. <i>Salomon Pius.</i>	153
CAP. XVII. <i>Salomon Pientissimus.</i>	160
CAP. XVIII. <i>Salomon Omniscius.</i>	171

INDICULUS CAPITUM IN PARTEM ALTERAM SALOMONIS.

CAPVT. I.	<i>Salomon Negotiosus.</i>	185
CAP. II.	<i>Salomon Inconstans.</i>	195
CAP. III.	<i>Salomon Prodigus.</i>	207
CAP. IV.	<i>Salomon Avarus.</i>	216
CAP. V.	<i>Salomon Carnalis.</i>	226
CAP. VI.	<i>Salomon Luxuriosus.</i>	238
CAP. VII.	<i>Salomon Ingratus.</i>	250
CAP. VIII.	<i>Salomon Superbus.</i>	258
CAP. IX.	<i>Salomon Imprudens.</i>	266
CAP. X.	<i>Salomon Fatuus.</i>	278
CAP. XI.	<i>Salomon Magus & Idololatra.</i>	289
CAP. XII.	<i>Salomon mærore Afflictus.</i>	298
CAP. XIII.	<i>Salomon Penuriâ pressus.</i>	308
CAP. XIV.	<i>Salomon Morbidus & Inglorius.</i>	319
CAP. XV.	<i>Salomon Mortuus.</i>	329
CAP. XVI.	<i>Salomon Beatus an Dam- natus.</i>	336
		SVM.

SUMMA PRIVILEGII REGIS CATHOLICI.

Philippus I V. Dei gratiâ Hispaniarum, Indiarum, &c. Rex Catholicus, Archidux Austriae, Dux Burgundiae, Brabantiae, &c. Potentissimus Belgarum Princeps, Diplomate suo Regio sanxit, ne quis *Salomonem Regum sapientissimum descriptum & morali doctrinâ illustratum à R. P. Hieremiâ Drexelio Societatis Jesu Sacerdote*, intra novennium præter *Viduae Ioannis Cnobari Typographi Antverpiensis p. m.* voluntatem, in Belgio ullo modo imprimat aut alibi terrarum impressum in has Inferioris Germaniae ditiones importet, venalemve exponat. Qui secus faxit, confiscatione librorum, & aliâ gravi poenâ mulcabitur, uti latius patet in litteris datis Bruxellæ 9. Decembris anno 1643.


Signat.


COOLS.

APPROBATIO.

Solomon Regum sapientissimus descriptus, & morali doctrinâ illustratus à R. P. Hieremiâ Drexelio dignus est ut lucem videat : est enim tanto sententiarum pondere ditatus, ut gloriæ Dei promovendæ ac animorum bono pietatique instruendæ multum deserviat : dignum itaque ut tanti magistri opus legatur. Quare ut posteritati tradatur, prælum iteratò videat. Actum Antverpiæ, die 25. Novembris 1643.

Gaspar Estrix S. T.
licent. Plebanus, ac
lib. Censor.





BC 845261

